





5.2.68



5-2-68


5. 2. 68

5. 2. 68

XXXI

6-10

10/11/10



D E

ECCLESIASTICÆ
HIERARCHIÆ
ORIGINIBUS
DISSERTATIO.





D E
ECCLESIASTICÆ
HIERARCHIÆ
ORIGINIBUS
DISSERTATIO

AUCTORE

D. BENEDICTO BACCHINIO

Monacho Benedictino-Casinenſi.

Admodum R. P.

P. D. ERASMO GATTOLÆ

S. Placidi extrâ Meſſanam Priori

D I C A T A.



MUTINÆ M.DCCIII.

Typis Antonii Capponi, Impreſſoris Episcopalis.
Superiorum Conſenſu.



V. C.

ADM. R. P. P. D. ERASMO GAT-
TOLÆ S. PLACIDI EXTRA
MESSANAM PRIORI


D. BENEDICTUS BACCHINIUS F.



UÆ in publicam lucem prodit
hæc mea qualiscumque Dissertatio, ut tuo no-
mini inscriberetur V. C., quam habuerim cau-
sam, paucis accipe. Vitæ idem genus, cui, au-
spice Deo, nomen dedimus, quodque unien-
dis regionum licet intervallo diffitis homini-
bus, admodum pollet, eò fortius utriusque no-
strum animos devicit olim, quò te volente, ul-
tròquè admittente, accessit

A 3


II-




Illud amicitiae sanctum, & venerabile nomen;
 datumque est mihi, quamvis à te, genere, vir-
 tute, & dignitate longissimè posito, intimiori
 tua consuetudine frui. Porro quot, quanta-
 que humanitatis, & amoris signa exhibuisti,
 & coràm, cùm (quod tibi acceptum in primis
 refero) sacrum istud Casinense Monasterium
 licuit invisere, & procùl instituto mutuo fre-
 quentique Epistolarum commercio, quo su-
 binde absentiae dolorem leniendum censuimus!
 Sanè nec dulces tui cùm redduntur, literas le-
 go, quin felicitis ejus plurium hebdomadarum
 moræ, quibus istic degi recorder, nec ejus me-
 mini, quin summo gaudio perfundar. Te au-
 ctore Monastici Benedictini Ordinis sacrum
 istud Caput, & venerabilem occidentalium
 Monachorum Metropolim vidi, quodque im-
 pensè desideraveram, Sanctissimi Patris Ly-
 psanis provolutus, sepulcrum sum osculatus.
 Te Duce ad intimum, celeberrimumque tota
 Evropa Casinense Archivum, & ad absolutis-
 simæ Manuscriptorum Codicum Bibliothecæ
 forulos admissus, plurium seculorum monu-
 menta, Sanctorum Patrum Opera, Principum,
 Procerum, Summorumque Pontificum
 Diplomata, à temporis, ac tinearum dente,
 servata, scrutari licuit. Versabamur diù no-

Etù-

Etūque, manu, mente, sermonibus, cartas istas avro longè, gemmisque pretiosiores, & inter ingentes earum acervos positi, otio illi indulgebamus, quo, à rerum omnium curis longè remoti, ea solida felicitate fruebamur, quæ sola in hac Mortalium conditione, veræ felicitatis nomen meretur. Te verò quali animi candore præditum, quanto bonarum literarum amore ferventem, quanta humanitate ergà earundem cultores utentem, expertus sum! Planè, & animos excitas, & opere excitatos juvas, & scriptis instruis, ut res Ecclesiastica pereruditos Viros in dies promoveatur. Quoquot intelligis Reipublicæ bono insudare officiis demereri, sincerè colis, amasque, & nil tibi jucundius, quàm Libros, literariaque prodeuntes merces undiquè conquistatas, comparare; idque totum (quod bonum omne complet, ac perficit) animi moderationi, veræque in Deum pietati comparandæ, dirigis. Qui igitur aliò divertere poteram Dissertationem, hanc dedicaturus? quid alterum à te quærere, cui eandem inscriberem? Novi te pro insita ergà me animi tui benevolentia, officium hoc cæqui, bonique facturum. Scilicèt juvat inter amicos munusculis agere, & beneficiorum collatorum magnitudini, candore potiùs,



quàm pretio respondere. Quanta tibi debeam minimè siin vel solvendo, vel explicando. Tu V. C. exiguo hocce, ac leviden-
si officio patere, & debitum, & solvendi
impotentiam me publica professione testari.
Sincerum animi mei cultum, dùm exhibeo,
ut, quod soles, me amare pergas velim,
sciasque immortale futurum studium, quo
te ex intimis sensibus veneror, sanctèque
in Deo, cui eisdem votis servimus, ample-
ctor. Vale.



Visa atque perfecta attestatione Reverendissimi Abbatis Monasterii Mutinensis, & P. D. Thomæ à Reate, quibus commissimus accuratè recognoscere Libellum, cui titulus est: DE HIERARCHIÆ ECCLESIASTICÆ ORIGINIBUS DISSERTATIO, elucubratum à P. D. Benedicto Bacchinio nostræ Congregationis Monacho, asserentium nihil invenisse, quod sit contrarium Fidei, aut non consonum bonis moribus, approbantiumque in lucem edi posse ad utilitatem Eruditorum; idcirco ut typis mandetur vigore præsentium quantum in nobis est præfato Auctori facultatem elargimur, si cæteris, quorum interest videbitur.


Datum in nostro Monasterio Montis Casini die 15. Mensis Jan. 1703.

Locus ✠ Sigilli.

D. Hyppolitus à Neapoli
Abbas; & Præfatus.


D. Laurentius à Florentia Cancellarius.

Ex




EX Commissione Reverendissimi Patris Inquisitionis Generalis Mutinæ diligentis oculo legi Librum elaboratæ eruditionis, cui titulus est: **DE HIERARCHIÆ ECCLESIASTICÆ ORIGINIBUS**, Auctore A. R. D. Benedicto Bacchinio, & cum in eo nihil invenerim, vel Fidei, vel bonis moribus repugnans, ideo ut typis mandari possit publicæ utilitati censeo. Datum ex Conventu S. Margaritæ Mutinæ die 31. Januarii 1703.

Fr. Lucas de Carpo S. Inquisitionis Consultor, & Provincialis Ordinis Min. Observantium.



IMPRIMATUR

Fr. Joseph Maria Berti Inquisitor Generalis Mutinæ.



VIDIT,

Nicolaus de Sanctis.

PRÆ-




PRÆFATIO

In qua scribendi occasio, & Scribentis
mens explicatur.



*Agnellum, qui circa dimidium Seculi
noni, de Ravennatis Ecclesiæ Ponti-
ficibus scribebat, cujusque Opus ma-
nuscriptum inter Codices Bibliothecæ
Serenissimi Ducis Mutinensis inveneram, Ob-
servationibus, & Dissertationibus illustrans, cum
ad Vitam Johannis Episcopi cognomento Angelop-
tis pervenissem, ea, quæ de præstito per Valentinia-
num Augustum eidem Johanni Privilegio, narran-
tur, in eam me conjecerunt necessitatem, ut argu-
mentum difficillimum, multisque magnorum Viro-
rum lucubrationibus vexatum, & ipse tractarem.
Dissentientibus enim votis circa Ravennatis me-
tropolitici Juris antiquitatem, cum momenta ra-
tionum perpenderem, & exquirerem, liber omnino
à partium studiis quid in ea re magis ad veritatem
accederet, à singularibus paulatim ad universalia
me transisse persensî, & cognovi vix fieri posse, ut Ra-
vennatis Metropolis originem invenirem, nisi de to-
ta Ecclesiæ Hierarchia, ejusquæ initiis certiora, vel*

ta



saltem probabiliora seligerem. Retrabebar equidem à perscrutandis argumenti latebris ab ea, qua teneor ergà insignes Scriptores, qui de eo egerunt, obsequii religione, & terrebar, cum periculum immineret, vel temeritatis notam incurrendi, si quod illi tradiderunt, ad trutinam revocarem, vel, inutili labore assumpto, nauseam efficiendi Lectoribus, qui jam propinata cæca credulitate recoquerem. Inter hæc tamèn, ut sumus omnes ad veritatem exquirendam natura comparati, obibere me nequivi ab ulteriori disquisitione rei, quam nec plenè, nec undequaque verè, usquè in banc diem explicatam suspicabar. Communis illa sententia est, qua ferunt Hierarchiam primùm ad normam Romani Imperii constitutam; at licèt omnium ferè eadem sit Thesis, qua etiam asserere non dubitatur Apostolos ipsos ad civilium Provinciarum formam Ecclesias fundasse, cum nihilominus ad specialia devenitur, rem involutè satis, inconstanter, & implicito sermonis genere confundunt, & in diversa abeunt, eruditissimi Auctores. Sunt enim qui ad Urbium potiùs celebritatem, & frequentiam, quàm ad Romanæ politię statum respexisse Apostolos dicunt. Sunt qui ubivis Ecclesiasticas Metropoles fuisse autumant ab initio, ubi celebres Urbes, vel Provinciarum veterum Metropoles laudantur apud profanos Auctores. Sunt qui nec ubique, nec semper id factum agnoscunt, sed ob incertas causas à statuta regula

gula Patres, Apostolosque exorbitasse fatentur. Sunt qui, cum semel asseruerint omnes civiles Metropoles, Ecclesiasticas etiam ab initio fuisse, urgentibus tamen in contrarium rationibus, Metropolitans quosdam nomine tenens tales fuisse scribunt, tunc maxime, cum de Provinciis Romano Episcopo subditis agunt intra Italiae totius fines. Cum autem plures Romanum Imperium vices sit passum à Tiberii ævo, usque ad Constantini ætatem, dum Imperii ipsius Systema exponendum censent, ad quod se conformaverint non modo Concilii Nicæni Patres, sed & Apostoli omnium primi (quod profecto mirum est, imò potius incredibile) Imperii statum proferunt, quale non nisi circa quarti Seculi initia obtinuisse certum est. In tanta ejusdem sententiæ ambiguitate vix solidi quidquam invenire ubi pedem figere liceret, nec fidere nostrorum temporum Scriptoris quamvis doctissimis poteram in his, quæ ut ut exquisito conjecturarum apparatu in Theatrum magno cum plausu comparuissent, nullo tamèn veterum Patrum solido testimonio fulciebatur. Etenim quid fieri potuisset, aiebam, ut sanctissimi doctissimique Romani Pontifices, qui Apostolicam traditionem probè callebant, urgentibus sæpè de Metropolitanorum, Exarchorum, Patriarcharumque juriis controversis, nunquam ut eas dirimerent, ad Imperii laterculum recurrerint, sed potius dissertè negaverint ex temporalis gloriæ mensu-



ra, Episcoporum prærogativas metiri oportere, si id suo exemplo fieri debere, Apostoli docuissent? Augusto novæ Romæ decore Byzantio, translataque Romani Imperii Sede, veteri Apostolorum traditione tueri se potuissent illius Urbis Episcopi, Alexandrinum, & Antiochenum Patriarchas è suis locis deturbantes, Romanoque Episcopo se coæquantes, si ex Apostolis fluxisset, quod Ecclesiarum Hierarchia ex Imperii typo penderet. At cum nil huiusmodi allegaverint nec Constantinopolitanæ Urbis Episcopi, nec ceteri Provinciarum Metropolitæ, qui vel jure, vel contra jus præesse voluere, consequitur ignotum prorsus per ea tempora, quod modò tanto consensu asseritur. Consequitur etiam corruptæ potiùs discipline effectum fuisse, cui pro viribus obstitere Romanæ Pontifices, quàm quòd ejus rei exemplum præbuerint Apostoli, quòd ad Romani Imperii normam Ecclesiarum prærogativæ conformarentur, ac eadem semper in Petro, Petrique Successoribus sententia sedit, quam Gelasius Episcopus ad Dardaniæ Episcopos dissertè in hæc verba explicavit; alia potestas est Regni Secularis, alia ecclesiasticarum distributio dignitatum; sic enim, quamvis parva Civitas prærogativam, præsentis Regni non minuit, sic Imperialis præsentia mensuram dispensationis religiosæ non mutat.

Ob hæc, quæ mihi primò rem cogitanti occurrebant,

bant, agnovi, vel ab incæptis desistendum, vel si assumptam Agnelliani laboris provinciam ornare volebam à communi, laudatissimaque opinione recedendum, vel tandem si ex prænarratis Scriptorum placitis alicui adbærere placuisset, invita Minerva, & contrà animi mei sensum scribendum esse. Postremum hocce libero, sinceroque homine prorsus indignum, prius baud laudabile, & fortassis inofficiosum, secundum invidia, & periculo expositum, cùm videretur, rem ità temperari posse cogitavi, si quæ ad argumentum pertinent ea methodo pertractarem, ut ex doctissimorum Uirorum lucubrationibus ea seligerem, quæ veritati consentaneæ viderentur, in reliquis ità scriberem, ac si nulus usque in hanc diem de Ecclesiasticæ Hierarchie originibus scripsisset, & mihi non ex Recentiorum placitis, sed ex Ueterum tantùm lectione rem cognoscendam proponerem. Quòd si quandoque fieri nequiret quin nonnulla Recentiorum asserta impugnarem, id præstarem suppresso Auctoris nomine, & quàm modestissimo scribendi stylo. Animo menteque in hunc modum comparatis operi manum admovi, & ex diligenti rei totius examine, hæc qualiscumque Dissertatio prodiit, quam publicæ crisi exponere non dubitavi, paratus communiori sententiæ acquiescere, cùm momenta rationum acquiescendum suadebunt, meque ab his, quæ ne acquiescam impediunt, expeditum sensero. Interim ne à præscri-

Scripta methodo recederem, & in hac ipsa Præfatione ab Auctorum nominibus recensendis, & loca ipsa allegando, ex quibus manifestò, quas in superioribus perstrinxi antilogiæ, & paracronismi apparent, libenter abstinui. Tu Lector, qua polles rerum, & Scriptorum huiusmodi notitia, id omne noris, & me tacente, vel nosse poteris. Cæterùm crediderim neminem fore, qui conatui huic meo succenseat, cùm de ea re quæstionem instituo, quæ nullo certo argumento fulcitur, quæroque, veritatis solius amore, Hierarchiæ Ecclesiasticæ veram originem, qui usque modo traditis non acquiesco.

En autem Dissertationis totius ordinem. Tribus hæc partibus constabit. In priori generalia argumenti tractabo, & perspecto Imperii Romani statu pro Apostolorum ævo omninò inepto, qui fundandis principibus Ecclesiis normæ loco esset, aliam rei originem exquiram, & Systematis ratione exposita, ostendere conabor, quibus ex causis tandem irrepsit, ut in Oriente frequentius in Occidente ægè, & seriùs Hierarchia Ecclesiarum ad recentiore Imperii formam componere tentatum sit. In secunda parte ad Italicarum Metropoleon origines descendam, quas non nisi quarto Seculo natas conficiam. Tandem in tertia, de Ravennatis Ecclesiæ metropolitano Jure, ejusque initiis ab Agnello asseritis, tractabo.

PARS



PARS PRIMA


*Generalia de Hierarchiæ Ecclesiasticæ
Originibus.*



Metropolitanum Jus ab Apostolorum temporibus initia traxisse, seu Apostolos primos Jus illud quod postmodum Metropolitanum dictum fuit, constituisse, certis aded argumentis probatum est, ut superfluum omninò sit plura addere in re, quæ nullam patitur difficultatem apud Catholicos Scriptores, & quam doctiores etiam Heterodoxi defendunt. Cardo præsentis Controversiæ est, quam Petrus, Apostolique Ecclesias fundantes, aliasque aliis præponentes, formam secuti sint, an videlicet Imperii Romani politiam aspexerint tamquam normam, an solius Urbium celebritatis causa, earum præ cæteris frequentiores elegerint, an potius illorum, qui ad Fidem convertebantur primò, ac principalitèr ra-


B

tionem



18 PARS PRIMA.

tionem habendam censuerint. Tria proinde necessariò diligentèr sunt pertractanda, quæ si prætereantur, uti in hanc diem neglecta fuisse, videtur, impossibile est veram horum rationem cognoscere. Primum est, qualis politicæ Secularis Romani Imperii status obtinuerit Apostolico Ævo, videlicet à Tiberii, ad Trajani tempora. Secundum, Respublica Judæorum quo loco steterit, qualque vices passa sit à Christi Domini morientis anno, usquè ad Hierosolymorum postremam destructionem Hadriano imperante patratam. Tertium, ordo propagatæ Baptismi gratiæ, & tempus fundatarum principum Ecclesiarum, collatum cum superioribus jam discussis. Ex quibus tandèm emerget rei veritas, facilèque procedi poterit ad posteriorem Ecclesiæ disciplinam necessariò primùm ex rerum natura immutatam, indè, ut ferunt hominum vices, non nihil anomaliis, & corruptioni obnoxiam. Ut itaque à priori de Imperii Romani statu quæstione incipiamus, sit



Ca-

Caput Primum.

De Imperii Romani formæ, quæ Apostolorum Ævo vigeat.

I. **P**Almare antè omnia discrimen observare operæ pretium est, quo recentior Orbis per Constantinum politica divisio, à veteri Romanæ Reipublicæ regendi ratione, quam secuti sunt priores Augusti, diùque perdurasse constat, distavit. Etenim cùm Magni Constantini ævo Diœcesis civilis ea dicta sit, quæ pluribus ex Provinciis componebatur, è converso priori illo tempore, Provincia in plures Diœceses distinguebatur. Recentiori Jure Provincia quælibet suum Prætorem habebat in Provinciæ Metropoli residentem; veteri verò, pluribus Diœcesibus, quæ Provinciam componebant, unus præerat. Diœceses singulæ, Conventus etiam dicebantur, eoque nomine intelligebantur Urbes quædam, Oppida, Municipia, quæ ad certum Diœcesis locum convenire solebant, ubi Provinciæ Præses suis temporibus jus publicum, privatumque dicebat. Diœcesibus, Conventibusque in

B 2

Pro-



20 PARS PRIMA.

Provinciis constitutis, factum est, ut latè Romanis rerum Dominis, cum devictæ Regionēs in Provinciam redactæ fuissent, ad Conventuum videlicet, & Diœcesium rationem compositis eorum judiciis, veteres Gentium, & Regnorum fines sint confusi, & clarissimarum Metropolûm gloria sit antiquata. Strabo de ea re nos monet lib. 13. *Pbrygiæ, inquit, & Lydiæ, & Cariæ, & Mysiæ loca ægrè distingui possunt, quod inter se cœnant. Ad eorum verò confusionem non parùm attulere Romani, qui non ex Gentibus ea dividerunt, sed alio modo Diœceses descripserunt, in quibus Fora agunt, & jus dicunt. Sic varia Fata Cibyriticæ Regionis in Asia narrat. Cibra adjectis tribus Civitatibus Bubone, Balbura, Oenoandro, Conventui huic nomen Tetrapolis est factum, cum singulæ Urbes singula suffragia haberent, Cibra verò duo, quippe quæ mitteret XXX. peditum, duo equitum millia. Tyrannis autem paruit usquē ad Murenā, qui Moagetem postremum sustulit, ac Balburam, & Bubonem Lyciæ attribuit. Nihilominus Cibyritica Diœcesis inter maximas Asiæ Diœceses habetur. Cibra tamen post Strabonis ætatem Conventus prærogativam amisit, licet Diœcesis Cibyriticæ nomen*

men

men perseveraverit, & ea Laodiceæ tributa fuit, ut infra ex Plinii auctoritate constabit.

II. Conventuum autem agendorum ratio exposcebat, ut Prætor ob id Provinciam, lustraret, & in singulis Conventibus jus diceret. In id Vias ab Augusto magnificè vel stratas, vel reparatas per Imperium notavit eximius vir Hieronymus Surita ad Itinerarium Antonini nomine vulgatum, nam *nec Italiam modò, sed & universas Romani Imperii Provincias eo decore atque ornamento idem Princeps affecit, ut Præsides, & qui pro Consulibus eo munere fungerentur faciliùs Provinciarum Urbes atquè Conventus obirent.* Licet enim aliquando certo in Conventu Præsides moratus sit, ubi cæterarum Dicecesium Legatis accersitis, omnium Forum simul, & semèl egerit, & id se quandòque fecisse Laodiceæ, scripserit Cicero ad Atticum; hoc tamèn rarò, & præter ordinem accidisse, ex veterum lectione constat. Cæsar quamvis ingentibus curis premeretur, & periculum ob moram immineret; *in Gallia, inquit Hirtius, citeriore jus dixit, ac paucos ibi dies moratus, cum celeriter omnes Conventus percurrisset, publicas controversias cognovisset, in Belgium se recepit.* Sic & ex Sueto-



nio cap. 30. *neque Senatu interveniente, & Adversariis negantibus ullam se de Republica facturos pactionem*; his licet urgentibus, antequàm ad Provinciæ limitem accederet, *transiit in citeriorem Galliam, Conventibusque peractis, Ravennæ substitit.* Idipsum ex Cicero in Verrem agnoscimus, *ubi nullum, ait, Oppidum in Sicilia fuit, ex his Oppidis, in quibus Prætores consistere, & Conventum agere solerent, quo in Oppido non Verri delecta ad libidinem Mulier esset.* Ex quibus habetur Regiones omnes, quæ in Provinciæ formam redactæ fuerant, Præsidique parebant, nulli certæ Metropoli attributas fuisse, quæ veluti Provinciæ totius caput esset, & Mater, illique jura præscriberet, sed diversa omninò ratione rem judicariam peractam.

III. Quæ, postquam Augustus rerum potitus est, in Provinciarum regimine sunt commutata, ex nullo meliùs dignosci possunt, quàm ex Dione, qui latè lib. 53. de hac re agit. Novimus autem Orbis Romani Provincias, quarum amplissimas Augustus sibi retinuit aliis Senatui relictis *sub ea specie, ut cum Senatus tutò bonis Imperii perfrueretur, ipse laboribus, & periculis objectus videretur, at sub eo prætextu eum verè inermem, imbellem-*
que

PARS PRIMA. 23

que efficiebat, & ad se solum arma, militesque transferebat. Provinciæ Senatui relictæ, fuerunt; *Africa, Numidia, Asia, & cum Epiro, Græcia, Dalmatia, Macedonia, Sicilia Creta, Africa Cyrenaica, Bythinia, cum Ponto finitima, Sardinia, atque Hispania Bætica.* Retinuit verò sibi Cæsar Hispaniæ quod reliquum erat, Galliam insuper omnem Narbonensem, Lugdunensem, Aquitanicam, & Celticam, Germanias utrasque, item Cœlesyriam, Phœniciam, Ciliciam, Cyprum, & Ægyptum. Adjicit Dio Augustum Galliam Narbonensem, & Cyprum Senatui Populoque postea temporis reliquisse, & pro illis Dalmatiam recepisse, similesque Provinciarum permutationes subsequutis temporibus factas. Indè ait se Provincias relato modo recensuisse, quia suis temporibus (scribebat autem Alexandro Severo imperante) earum quæque peculiarem Præfectum habebat, cum antea, (quod notandum est) binis, vel ternis singuli præficerentur; alias omisisse, quia Augusto regnante nondum, Romanæ ditioni accesserant, vel sociæ, adjunctæve, suis legibus utebantur, aut ex Romanorum concessione Regibus datis parebant. Cum aliæ postmodum accessere, non



Senatui, sed Cæsaribus tributæ sunt. De eadem re videndus est Strabolib. 17. in fine. Hæc ad Provinciarum distinctionem; quæ sequuntur ad earumdem regimen spectant. Utriusque fortis Provinciis Patritios præfecit, excepta Ægypto, quam equestri viro tradidit. Ut Senatui pace relicta, sibi Bella, & labores reservatos indicaret, cum in priori Reipublicæ forma Prætoris nomen Bello maximè conveniret, suarum Provinciarum Præsides Proprætores vocavit, cum verò Consulis appellatio Paci competeret, reliquos Proconsules dixit. Præterea Proprætoribus concessit, ut & expleto anno essent cum imperio. Senatoribus Africam, & Asiam, Prætoriis-Viris reliquas Provincias adscripsit, quibus interdixit, ne intra quintum annum à gesto in Urbe Magistratu Provinciam sortiri possent. Imperator autem *jubebat tot Viros, quot essent Provinciæ sortem inire.* Fuere præterea, qui à se delectos in istas Provincias Legatos miserunt, ac nonnullis per plures annos Imperium prorogaverunt, & aliquando loco Patritiorum Equites præfecerunt. Præfectis Senatorii, vel Patritii ordinis, qui potestatem mortis in Subditos habebant in Provincias euntibus, Legati

PARS PRIMA. 25

gati adjungebantur, Proprætori quidem, unus, Proconsuli autem tres ex ejusdem dignitatis Viris, Imperatori probatos. Hæc ex Dione laudato loco. Adjiciendum est ex Rufi Festi Breviario cognosci posse, quandonam, quibusque Augustis regnantibus novarum Provinciarum accessio sit facta, ex quibus in rem nostram notandæ sunt, quæ accessere Romano Imperio usque ad Trajanum, cujus ævo Apostolorum ætas finitur. Galatia itaque sub Augusto in speciem Provinciæ redacta est, & eam, primus Lollius Proprætor administravit. Sub Imperatore Claudio Cæsare in Provinciæ formam Cappadocia migravit. Idem Claudius Britannias subegit. Tiberius antea, ut ex Suetonio novimus Illyricum domuerat, & Provinciis restituerat. Pontus Polemoniacus Nerone imperante in Provinciam est redactus, sic & Alpes Cotticæ, Cottio Rege defuncto. Vespasianus Judæorum Regibus ferè omnibus extinctis, Judæam universam provincialem fecit, sicut, & Comagenem; præterea Lyciam, Rhodum, Samum, & Thraciam antea liberas. Daciam denique, Armeniam, & Mesopotamiam devicit Trajanus.

IV. Et



IV. Et hæc quidem ea sunt, quæ facilitè exhibere possunt Apostolorum ævo, quam servare Romani per Provincias Regiminis formam, & ex quibus tempus habere licet, quo Regiones antea vel libera, vel Regibus parentes, eidem policiæ typo subiectæ fuere. Illud certissimum est Conventuum rationem non nisi seriùs mutatam, cum Plinius in Historia, suorum temporum civilem formam secutus, Aliam per Conventus describat, de qua paulò post. Verùm, procedente tempore, & Augustorum potentia omnia ad libitum moderante, suadentibus etiam rerum vicibus, Conventuum prærogativa paulatim evanuit, cujus rei propterea rara apparent vestigia in Romanæ Historiæ Scriptoribus, Plinii ætatem subsequens. Id ex eo primùm factum reor, quòd, ut in superioribus visum est, Imperatores Proprætoribus suis, qui in Provincias mittebantur, concederent ut ultrà annum, & quantum sibi placuisset Imperium prorogarent; ex diuturniori siquidem mora Proprætoris in Provincia evenisse existimo, ut locus in quo diutius morabantur, præcipuam in Provincia prærogativam acquireret, & paulatim inter Provinciæ Dicoeses emi-

emi-

PARS PRIMA. 27

emineret ſtriſtoque, ut ajunt, ſenſu Metro-
polis nomine vocaretur; quod tamen nonniſi
ſeriùs factum eſt. Id etiam inde effectum
arbitror, quod Proprætoreſ armati Bellum
potiùs, quam Pacem præſerrent, quare
principem Provinciæ Urbem cuſtodirent,
& in ea tamquàm in circumpoſitæ Regio-
nis arce reſiderent. At & in Provinciis de
novo ſubactis, nullam Conventuum ratio-
nem habitam exiſtimo, quòd Imperatoris
eſſent, non Senatus; in hujus enim Provin-
ciis diutiùs veterum Reipublicæ formam,
ſervatam reſ ipſa ſuadet. Porrò annale Pro-
conſulum Imperium (ſi Tiberii ætatem ex-
cipias, qui diutiùs, quàm præcedentes, &
ſubſecuti Auguſti fecerint, Reſtoribus
Provinciarum Jus prorogavit) uſque ad Se-
veri ætatem perduraſſe probant, quæ Peſce-
nius Niger ex Spartiano ad Commodum,
ſcripſit; *tantæ auctoritatis Peſcenius fuit, ut
ad Marcum primùm, deinde ad Commodum
ſcriberet, cùm videret Provincias facili admi-
niſtrationum mutatione ſubverti: primùm ut
nulli ante quinquennium ſuccederetur Provin-
cie Præſidi, vel Legato, vel Proconſuli, quòd
priùs deponerent poteſtatem, quàm ſcirent ad-
miniſtrare.* Antoninus etiam Pius tradente

Ca-



Capitolino *ea constantia fuit, ut septenis, & novenis annis in Provinciis bonos Præsides detineret*. At Aristides, qui Marci Avrelii Antonini, & Commodi ævo floruit, in Oratione ad Civitates Asiaticas, *missos quotannis ex lege Prætores*, ait. Severo imperante quæ Commodò suggesta fuerant obtinuisse, idem Spartianus tradit, quare crediderim, ab eo tempore Conventuum Provincialium formam in defuetudinem abiisse paulatim, & tandem ad unam Urbem ubi Proconsul residere consueverat omne jus redactum, quæ Tacito regnante Curia diceretur. Sic de ejus electione literas scriptas tradit Vo-piscus *ad Curiam Carthaginiensem ad Curiam Trevirorum, &c.* Antoninus Philosophus Julio Capitolino narrante, *Provincias ex proconsularibus, consulares, aut ex consularibus Proconsulares, aut Prætorias pro Belli necessitate fecit*.

- V. Per ea igitur tempora, quibus christiana Fides per Apostolos propagari cæpit, non ob id Urbes plures, Metropoles dicebantur, quòd apud ipsas Provinciæ Proprætor, aut Proconsul resideret, cùm ex Imperii forma nulli certo loco Is alligaretur, sed tali honore fruebantur, vel quia antequàm à Romanis sub-

PARS PRIMA. 29

subjugarentur Regum sedes fuissent, vel quia ex Augustorum liberalitate id accepissent, ut circumpositarum Urbium primæ potius vocarentur, quàm revera essent; nec enim id nominis aliud præstabat, quàm inanem honoris umbram. Cæterùm obvia m. Metropolis significationem illam esse, quæ Urbem aliarum primam denotat, probat, quòd frequenter quas Latini Metropoles, Græci primas dixere, qua de re videatur eruditissimus Ezechiel Spanhemius Dissert. 9. de Præstantia, & Usu numismat. Ex his autem, quæ idem, eodem loco differit, apparet prærogativam hujusmodi pluribus ejusdem Provinciæ Urbibus tributam, imò quandòque unam plurium Provinciàrum etiam Metropolim dictam, ut Sardis in nummo Reginae Christianæ, & Gallorum Regis, quæ dicitur ΚΑΡΑΙΟ, ΑΓΙΑΟ, ΑΤΑΙΑΟ ΕΛΛΑΔΟΟ, Α. ΜΗΤΡΟΠΟΛΙΟ. *Sardis, Asia, Lydia, Græciæ prima Metropolis.* Ex tali Metropole in multiplicatione ortum fortasse est quòd *Metropolis* titulo, qui primam Urbem significat, adderetur, ut in allato nummo, *primæ* titulus alter, quòd Urbs eadem inter Metropoles, Metropolis, seu omnium prima dignosceretur. At novi
non



30 PARS PRIMA.

non modò laudati celeberrimi Viri, sed & aliorum Eruditorum aliam esse mentem, qui *Metropolim* significasse volunt Urbis locum præcipuum inter circumpositas Civitates, *primæ*, vero adjectum, primatum Ludorum, & Certaminum sacrorum, ob quem contentionibus certasse Asiæ civitates, ac precipuè Pergamum, Smyrnam, & Ephesum, ex Aristidis laudata Oratione constat. At si Asiæ Urbibus primatus hujusmodi debebatur per vices; indè brevi annorum curriculo evenerit oportet, ut omnes, & Metropoles, & primæ nomine tenùs fuerint. Certè ex tota Aristidis laudata oratione, constare arbitror, Urbes illas non modò ob ludos, & certamina, sed & ob rerum copiam, Ædium magnificentiam, & alia, de primatu contendisse, cæterùm æquali intèr se honore gavisas, quod paci conciliandæ causa, Orator suadere intendit. Et ut appareat nonnullas etiam Urbes Metropolis nomine vocatas, quæ minimè Provinciæ capita censebantur, præter allata juvat recolere in Alexandri Severi nummo Damascum Metropolim dici, cùm tamen certum sit Syriæ illi Damascum accessisse, cujus Metropolis Tyrus ab Hadriani temporibus, quare Tertul-

PARS PRIMA. 31

tullianus lib. adversus Judæos cap. 9. *Damascus Arabiæ olim deputabatur antequàm transcripta esset in Syrophœniciam ex distinctione Syriarum*; quod idem à Justino martyre dictum fuerat in Dialogo contrà Judæos. At & subsecutis Constantino temporibus Metropolis nomen tributum etiam Urbibus quibusdam novimus, quæ quidèmlicèt Provinciæ non essent capita, frequentia tamen, & oppulgentia exercebant, quare Metropoles dicuntur in Cod. Theod. l. i. r. de Medicis, & Professoribus, ubi videndus celeberrimus Gotsfridus, qui, quod ad Severi Alexandriærum pertinet, suggerit Modestini J. C. responsum l. *ἐὰν δύο σπ.* de excusat. Tut. distinguētis Civitates in *μεγίστας*, sive *μητρόπολεις τῶν ἐθνῶν*, & in *μείστας τὰς ἐχούσας δικῶν*, & in *ἐλάττω πόλεις*. Nec ommittendum tandem censeo nonnullas etiam Urbes proprio nomine Metropoles dictas, quod se à magna Deorum Matre conditas crederent. Tales Stephanus de Urbibus recenset, & alteram Plinius Ephesino Conventui tribuit.

VI. Præstat verò, postquàm summa veluti argumenti capita tetigimus, ad nonnulla specialius descendere, & quæ celeberrimæ in-
recen-



recentiori Imperii laterculo primis locis ponuntur, Provincias, eodem ordine considerationi subicere, ut videamus, quo politię ordine Apostolorum ævo, regerentur. Primo loco Asia proconsularis occurrit, quæ quoddam Proconsule semper sit recta & cognomen sortita est, & ad Senatum spectasse dignoscitur. Hanc Plinius lib. 5. cap. 29. & 30. Conventuum ratione habita describit, & Conventuum Urbes sequenti ordine enumerat, Laodicea, ubi Cybiriticus, Synnada, Apamea, Alabada, Sardis, Smyrna, Ephesus, Adramitte, Pergamum. Capite autem 27. monet in Asiā etiam jurisdictionem Lycaoniam venisse, in cujus Conventu ponit Phylomelienses, Tymbrianos, Leucolitas, Peltenos, & Hyrienses, recisa Tetrarchia, quā Galatiæ est contermina Civitatum quatuordecim *Urbe clarissima Iconio*. In decem itaque Conventus tota Provincia Asiæ Proconsularis Apostolorum ævo distinguebatur ex forma juris Provincialis Romani. Urbium verò, quæ Conventus prærogativa gaudebant, nulla aliis prior, sed omnes æquo honore censébantur; quod enim de primatu nonnullæ contenderint ex aliis capitibus processit, ob quæ maximè pari ju-

PARS PRIMA: 33

ri jure fruebantur, ac proindè iniquum erat contendere, cùm communi ratione ad omnes pertinerent, quod Oratione laudata urget Aristides. *Miror autem vos, inquit, cùm de Templis, ac certaminibus, quæ communia ducitis, non leviter soleatis gloriari, nunc de iisdem inter vos dissidere. Atque cùm de his rebus, quibus tanquàm communibus gaudetis, inter vos contenditis, de qua re tandèm consentietis? & paulò post ea enumerat, quæ cùm omnibus communia essent, efficiebant nihilominus, ut Asiæ Urbes de Primatu contenderent; verùm, ait, ubi omnes omnia ducunt communia, communem etiam illorum curam gerunt. Fam vos has appellationes velut argumentum contrà seditionem rebus impo- nentes, communes curias, communia templa, communes ludos, & maxima ferè quæque nominastis communia, & statim; at cùm ipsi scientes, nominantes, appellatione gaudentes, concordiae occasiones in seditionem vertitis, & nominibus faustis ad rerum perturbationem abutimini, &c. Mirùm porrò Asiæ celeberrimas Urbes à communibus prærogativis an- sam sumpsisse Primatum ambiendi, si earum aliqua ob id Metropolis, & omnium Prima fuisset, quòd in ea Proconsul reside-*

C

ret!




34 PARS PRIMA.

ret! At idem Orator ex unius Proconsulis Augustorum nomine, Provinciam curantis, persona, omnium Civitatum jus æquale arguerat, & omnium Primam, Romam tantum rerum Dominam dixerat Oratione eadem; cæterum quòd ad nostras res attinet, & constitutos bonis avibus ritus, quis tam puer, vel tam Senex delirus est, qui nesciat unam Urbem Primam, & Maximam toti imperare terrarum Orbi, unamque Familiam cuncta administrare? Prætores verò quotannis ad nos ex lege commeare, quibus omnia tum magna, tum parva secundum eorum arbitrium permisum sit gerere? Planè ex hujusmodi teste, evidentè conficitur, nec ob Proconsulis Sedem, nec ob alia, Curias videlicet, Tempia, Certamina, Asiaticarum Urbium ullam aliis prælatam, & faustuosa Metropolitum, Primarum, & similium appellationum nomina, quæ in nummis, ac in veterum Documentis occurrunt, re vera nullum suprà cæteras ejus, cui tribuuntur, Urbis Primatum importare. Nil itaque ad Ephesinam Urbem toti Asiæ præponendam conficitur ex Ulpiano l. 4. ff. de Officio Proconsulis, ubi D. Antonini decreto *ad desideria Asianorum*, edicitur Proconsuli necessitatem imposi-
tam

PARS PRIMA. 35

*tam per Mare Asiam applicare ἢ τῶν μετροπό-
λεων Ἐπίστον primam attingere ; nil ex Gallieni
nummo, in cujus avversa parte circà Rhe-
dam epigraphes ACIAC. ΕΦΕCΙΩΝ. sicut nec
ex alio, in quo circà Dianam venatricem,
ΕΦΕCΙΩΝ. ΠΡΩΤΩΝ. ACIAC. quod & in aliis
Saloninæ, & Gordiani. Si enim hæc ad ad-
struendum Ephesinum Primatum valerent,
quarè non eodem argumento, & Pergame-
norum, & Smyrneorum, Urbes Asiæ Pri-
mas arguere liceret, cùm & ipse in nummis,
eisdem fastuosis appellationibus decoren-
tur? Sed & Sardin non modò Asiæ, sed
Lydiæ etiam, ac Græciæ Metropolim in
superioribus dictam vidimus. Cur non po-
tius Asiæ toti Smyrna præponeretur, de
qua ad M. Avrelium Antoninum, & M.
Avrelium Commodum laudatus Aristi-
des hæc habet? *quod enim nunc submersum est
Templum, adeò fertur splendidum fuisse, ut con-
tentione quondam instituta Asia reliquis Gen-
tibus prælata sit, Asiæ Urbibus Smyrna tan-
tùm, ut reliqua quidem Asia septem duntaxat
calculos, Urbs autem sola quadringentos fer-
ret.**

VII. Asiæ proconsulari succedit in Imperii
Notitia, Oriens. At Veteribus Præses, qui



Regioni præerat, non Orientis Præfectus, sed Syriæ Prætor, sive Proprætor dicebatur, Isque ex Patritiis assumebatur, qui Imperatoris Provinciæ Jus diceret. Ex ipsis munus nominibus apparet quantum Præfecti Prætorio Orientis (qui unus ex quatuor Viris à Constantino Orbi toti regendo constitutus fuit) jurisdictio amplior esset, quàm antiqua Proprætoris Syriæ, quæ Christi morientis, & Apostolorum ævo viguit. Ex his, quæ vario fortunæ genere Syriæ acciderunt antè Christi Domini Ascensionem, sufficiat adnotasse Syro-Macedonum Regno illam paruisse, indè ex parte Tygranni Armeniæ Regi, postremò Romanis, per Pompejum subactò quid quid ab Ægypti finibus usquè ad Euphratem continetur. Josephus de Bello lib. i. cap. 5. *Hujus autem, Syriæ videlicet, & Judeæ, cunctorumque administratione ad Ægypti usque fines, & flumen Euphratem, cum duabus Legionibus, Scauro permissa, Romam ipse, Pompejus per Ciliciam properavit.* Commagene, quæ Superiori Syriæ adhebat, nonnisi Tiberio imperante per Germanicum inter Provincias primùm est transcripta. Strabo lib. 16. *Commagene parva regio est, & Urbem*

PARS PRIMA. 37

bera habet natura munitam Samosatam Regni Caput. Nunc provincia facta est. Verum Cajus, Dione teste lib. 59. Antiocho Antiochi filio Commagenem paternum Regnum, adjectis Ciliciæ maritimis, attribuit. Cum Cajus ipse, qui Antiocho Regnum dederat, Regnum eidem ademisset, Claudius rursus eundem in Regnum restituit, ex laudato Dione lib. 60. Demum Vespasiani imperantis anno quarto à Cefennio Pæto Syriæ Proprætore, sive re vera, seu propter inimicitias, ut Josephus ait Belli lib. 7. cap. 27. Antiochus idem accusatus, quod cum Rege Parthorum pacta habuisset, cum filiis expulsus, Romæ quamvis liberaliter habitus, privatus obiit, ac ita demum Vespasianus Trachæam Ciliciam inquit Suetonius cap. 8., ac Commagenem ditionis regiæ usque ad id tempus, in provinciæ formam redegit. Annus Vespasiani quartus à Kal. Julii Æræ vulgaris anni 72. incæptus fuit, quo demum currente, vel sequenti 73. Syriæ Proprætator Commagenem, & Trachæam Ciliciam administravit. Præter Commagenis Regnum, aliæ etiam Regionες ditionis regiæ intrà laudatos Syriæ fines fuere per ea Apostolorum tempora. Aretæ Damascenorum Regis, de

C 3

quo

38 PARS PRIMA.

quo Apost. 2. Corinth. cap. 11., vix aliundè notitiam habemus. Regem Arabum fuisse, cui Augustus Damascum restituit docet nos Emin. Noris de Epoch. Syromac. Diss. 2. cap. 2. §. 2. Id indicasse sufficiat, quod operæ pretium fuit, cum ad tempora prioris Ecclesiæ spectet; nunc ad Judæorum Reges est transeundum. Herode seniore defuncto, quamvis supremo testamento Archelao Regnum reliquisset, rem tamèn, ad contentionem per superstites Fratres deductam, ita diremit Augustus, ut Archelao, Ethnarchiæ nomine, mediam Regni partem daret, mediam in duas Tetrarchias divideret, quarum unam Philippo, alteram Agrippæ, tribuit. Salomæ etiam eorundem Sorori, Toparchia Jamniæ, Azoti, & Phaselidis, cum Regia apud Ascalonem cessit, quam illa moriens Juliæ Augusti Conjugi reliquit. Archelao in exilium pulso ejus Ethnarchia in provinciam migravit, quam Copponius Eques, Cæsaris Procurator administravit, indè sub Tiberio, Pilatus. Cajo autem imperante Agrippa Aristobuli filius, Philippi prædefuncti circa eadem tempora, quibus Christus ad Cœlos ascendit, Tetrarchiam primùm collato Regis

PARS PRIMA. 39

gis nomine obtinuit, indè, & Antipæ alteram; tandèm donatur Regno paterno universo Claudio imperante. Ejus Augusti anno Imperii quarto Agrippa extinctus est, postquam Jacobum gladio occidisset, & Petrum, ut Judæis placeret, trussisset in carcerem, quæ Lucæ Act. 12. narrantur. Agrippam juniorem reliquit, qui cùm admodum infans Regno ineptus videretur, Regnum Claudio jubente, provinciale est effectum, misso primùm Cestio Festo, indè Tiberio Alexandro, Procuratoribus. *Post hæc, inquit Josephus Antiqu. lib.20. cap.5. Claudius anno Imperii sui duodecimo Agrippam donavit Philippi Tetrarchia, & Batanea, adjuncta bis Trachonitide, cum Abila, quæ Tetrarchia Lisaniæ fuerat; Chalcidem verò ei abstulit, cùm jam Dynasta illius quadriennio fuisset; & cap. eodem in fine; Agrippæ quoque idem Princeps, Nero, partem Galilææ donavit, jubens Tyberiada, & Tarichæas parere ejus imperio, addita bis & Juliadæ trans Jordanem sita, agroque ejus habitato Vicis quatuordecim. Chalcidis etiam, & Emesæ Reges diutiùs in Syria regnasse constat ex laudato Josephi loco, ubi Cefennium Patum in Antiochum ducentem nar-*



ratur habuisse *auxilio Reges Chalcidis Aristobulum, Emesæque Sobenum*. At omnium ultimus Agrippa Rex Vitam, Regnumque produxit. Id ex eo novimus, quòd Iosephus ipse in Vita sua differens contrà Justum, Hierosolymitani Belli Scriptorem, ob id illi succenset, quia cum antè viginti annos Historiam scripsisset, eam tamen non edidit vivo *Vespasiano, ac Tito, quorum auspiciis id Bellum gestum est, & Agrippa superstite, cognatisque ejus*. Se autem ait Historiam suam, in Græcam certè linguam ab Hebraica translata, Imperatoribus tradidisse, cum adhuc recens id Bellum penè versaretur in hominum oculis. Rex autem Agrippa, inquit, septuaginta duas ad me dedit epistolas testimonium veritatis ferentes, quarum duas breviores subjicit. At anno vulgari 86. superstitem Agrippam probat nummus ejusdem, sculptus eodem anno sub Domitiani Consulatu XII., quem in hanc rem laudat Em. Noris Diss. 3. de Epoch. Syromac. videntur.

VIII. Regum hujusmodi, & Tetrarcharum Jurisdictio ea fuit, qua vix in nonnullis Provinciæ Proprætorem audiebant, in cæteris, & his maximè, quæ ad Vitæ, necisque arbitrium

PARS PRIMA.

41

trium pertinent ,absoluto jure fruebantur, Legibus suis utebantur, milites conscribebant,tributa exigebant, æs feriebant, fundebantque, ac signabant, sacra ipsa quodammodò curabant, quandoquidè Judæorum Reges, Genti illi Sacerdotia dedisse, ademisseque, Augustis id concedentibus, constat ex Josephi lectione. Proprætore verò subjiciebantur, vel ex voluntaria, quam vocant, jurisdictione, cùm videlicet Rex ipse Proprætorem Judicem assumebat, vel ex eo quòd Imperii Romani Jus, cui Regnum Reges ipsi acceptum referebant, in discrimen vocaretur. Prioris jurisdictionis, voluntariæ videlicet, specimen exhibet Joseph. Antiqu. lib. 17. cap. 7., ubi Herodes de Antipatro filio, qui sibi venenum parandum curaverat, cogniturus, Quintilium Varum Proprætorem fortè Hierosolymis degentem, secùm sedere jussit. Fortè, inquit Josephus, *per idem tempus Hierosolymis erat Quintilius Varus successor Saturnino missus in Syriam, tunc verò ab Herode in consilium de rebus agendis adhibitus, & paulò post; sequenti deindè luce præsidente Varo, ac Rege, adhibitisque in confessum utriusque amicis, acciti sunt etiam cognati Regis, & Salome, &c.* sed



42 PARS PRIMA.

sed & testes auditi, ac Reus ipse humi procumbens in Iudicio stetit. Ità re peracta, carceri Antipater mancipatus est, *omnibus ignorantibus quanam fuissent ejus cum Varo colloquia* (Is enim statim Antiochiam discesserat) *conjectura tamen erat cuncta Regem facere ex illius sententia*. Sed & ea in re Cæsaris voluntatem audivit, qui *Antipatrum Regis, & Patris arbitrio reliquit*. Hæc autem acta, quòd Herodes invitus de Antipatro tollendo cogitaret, quem Regni successorem designaverat, & quòd à se invidiam ejus facinoris avertere voluit, sicùt & olim Alexandrum, & Aristobulum ad Cæsarem Aquilejam usque ductos accusavit, testatus *se decedentem ex jure vel Patris violati, vel Regis per insidias appetiti ex æquo se cum eis apud talem arbitrum disceptare*; quibus consentanea in sui defensionem reposuit Alexander; *poteras enim vel pro regia, vel pro patria potestate in fontes animadvertere*; quæ quidem eidem Josepho narrantur Antiqu. lib. 16. cap. 8. Cæterùm hùc faciunt, ea, quæ Herodes ipse Antonio, Cleopatra urgente, sibi irato, in suæ regis auctoritatis defensionem protulit, eodem Josepho teste Antiqu. lib. 15. cap. 4. quare Antonius *negabat Cleopatra*

PARS PRIMA. 43

patræ, oportere Regem facti sui rationem reddere, alioquin ne Regem quidem futurum, sed dato illi semel honore, etiam liberam potestatem permittendam esse. At proinde Herodes, nec Proprætoris, aut Cæsaris voluntatem exquisiverat aliàs, ipse tot cognatorum cædibus invisus. Secundi autem generis Jurisdictio eo casu locum habuit, quo exterorum, vel intestina per Syriam Bella timerentur, tunc enim milite conscripto, Reges auxilio adesse tenebantur Legionibusque, quibus Proprætor imperabat, adjungi. At nec id omnino ex Syriæ Rectoris arbitrio pendebat, sed cum Augusto, & Senatu jubente, statutum fuerat bellum inferendum, vel repellendum esse, & de Regum auxiliis cogendis pro rei necessitate scribebatur. Hinc Reges, Tetrarchas, quin & ipsum Provinciæ Proprætorem, finitimosque Provinciarum Præsides monitos novimus, ut obsequi deberent in omnibus Corbuloni, cui proinde majus imperium tributum fuerat, quàm quod Proprætoribus esse soleret, urgente Vologesi bello, quo cum Pætus malè rem gesserat, ex Tacito Ann. lib. 15. cap. 25. Scribitur, ait, Tetrarchis, ac Regibus, Præfectisque, & Procuratoribus, & qui Prætorum




torum finitimas Provincias regebant, jussis Corbuloni obsequi, in tantum ferme modum aucta potestate, quam Populus Romanus Cneo Pompejo bellum piraticum gesturo dederat. Et hæc quidem Nerone imperante gesta sunt. Majus autem hujusmodi imperium ad certum tempus, & ad certa loca coarctabatur, nec dabatur nisi urgente necessitate, quare haud Proconsulare fuisse optimè probat Clarissimus Pagius Dissert. Hypat. part. p. cap. 3. contra Lipsium, Petavium, Spanhemium, qui collatum Germanico Proconsulare Imperium ex Dionis locis ei rei probandæ ineptis, evinci contendunt. His addendum est, quod si de Regis fide dubitaretur, & argumenta essent eisdem cum Romani Imperii hostibus amicitias fovere, nec eo casu, omnium certè, qui evenire possent difficillimo, Proprætor solita jurisdictione fultus, in hujusmodi Regem ullo modo agebat, antequàm ex Augusto quid factò opus esset intellexisset. Id ex Antiochi Commagenæ Regis historia intelligimus; Cessennius enim Pætus, cui cum Antiocho inimiciæ erant, literas ad Cæsarem misit, Antiochum dicens deficere ab Romanis cum Epi-phane filio decrevisse pactis habitis cum Rege
Par-

PARS PRIMA. 45

Partiborum; nec contrà Antiochum movit; nisi fide habita, & potestate sibi permiffa, ut ageret, quod expedire videretur. Ità Jofeph. libro, capiteque fuprà laudatis.

- IX. Cùm autèm frequens Procuratorum mentio in Syriæ Hiftoriis occurrat, observandum eft, quòd, quamvis, & in alias Provincias Procuratores mitterentur, hi tamen, qui Syriæ funt dati, antè cæteros jure ferè Propretorio, & Proconfulari æquali, in judiciis funt gaviffi, quo necisetiam, Vitæque habuerint potestatem. Procuratorum, quos Græci *τὸς ἐπιτρόπος*, vocant officium, Dio lib. 53. explicat, narratque, ex qua hominum, forte mitterentur; *Imperator etiàm Procuratores (sic enim vocantur ji, qui pablicos redditus colligunt, certasque impensas faciunt) in omnes Provincias suas, ac Populi Romani, ex Equitibus alios, alios ex Libertis, mittit.* Itaque ex fuis muneris natura Procuratoris Juf tantùm erat in fervitia, & pecunias familiares, & colligendos Cæfaris redditus, nec ad alia extendebatur, quin nec de re pecuniaria cognoscere, velui agere poterat; quare ex Dione, & Tacito, Procurator Afiz Lucilius Capito, quòd Jus Proconfulis ufurpaffet, & militibus adhibitis vim intuliffet debitoribus,



bus, Provincia accusante, & Tiberio *magna cum adseveratione testante, non se jus nisi in servitia, & pecunias familiares dedisse*, exilio est mulctatus; quanto itaque minus poterat ex prima sui origine Cæsaris Procurator, de lite non fiscali cognoscere? Trajanus in ea re, disciplinæ rigorem restituisse videtur, ex Plinii Panegyrico, ubi hæc Imperatoris laudi dicuntur; *dicitur Aëtio, atque etiam Procuratori tuo, in jus veni, sequere ad Tribunal. At jurisdictionem resumpsisse quod ad lites pecuniarias, probatur argum. l. 11. C. si advers. Fis. lib. 8. §. Transactiones. de Transactionibus, l. 1. C. de Jurisdictione om. Jud. D. Junio, & Q. Haterio Cols., anno videlicet Ære vulgaris LIII. Claudius Procuratoribus suis id juris tributum voluit, quod ipse haberet. Tacitus lib. 12. Hist. cap. 60. eodem, inquit, anno sæpius audita vox Principis, parem vim rerum habendam à Procuratoribus suis iudicatarum, ac si ipse statuisset; ac ne fortuito lapsus videretur, Senatus quoque consulto cautum, plenius quàm antea, & uberius. Postrema verba referri ad Jus Præfecti Augustalis Ægypti, quo exemplo auctoritas ad omnes Cæsaris Procuratores, Claudio jubente est extensa, Tacitus ipse ostendit in consequentibus.*

PARS PRIMA. 47

tibus. Antè Claudium porrò in Syria, Cæsaris Procuratores de causis pecuniariis, & ad Fiscum spectantibus, ac de cæteris etiam criminibus cognovisse, non modò ex profanis, sed & ex sacris literis agnoscimus, cùm Tiberio imperante per Procuratorem Pontium Pilatum Christum Dominum Servatorem nostrum Crucis supplicio damnatum, confiteamur. Eodem autem jure usos Petronium Cumanum, aliosque apud Josephum videre est. Id ab initio habuisse peculiari modo Procuratores Cæsaris in Syria, mihi videor videre, non omnes quidè, sed illi tantùm, qui præponebantur regionibus illis, quæ cùm antea regiæ ditionis fuissent, Imperatoris bonis, speciali modo accesserant, nec militares ut illæ, quæ à Legatis administrabantur, sed Cæsarei Fiscì propriæ, quibus loco Regis Imperator erat, & Imperatoris loco, Procurator. Hæ siquidè semel à Legati jure separatæ, visæ sunt illi haud subjiçendæ, cùm in Imperatoris arbitrio esset novos Reges dare, quod & pluries factum fuisse in superioribus adnotavimus. Neronis imperantis postremis annis, cùm Judaici belli necessitas urgeret, Procuratoris loco in Judæam, Legatus Proprator Vespas-

Vespasianus venit, quem minimè à Muciani Syriæ Legati auctoritate dependisse argumento sunt similitudines inter utrumque ortæ ob Provinciarum vicinitatem, de quibus Tacitus Hist. lib. 2. cap. 5. *ceterum hic Syria, Mucianus, ille, Vespasianus videlicet Judææ præpositus, vicinis Provinciarum administrationibus invidia discordes, exitu demùm Neronis, positis odiis, in medium consulvere, &c.* Tandem noto Procuratorum Juri præcessisse, Legati Proprætoris Syriæ auctoritatem, cum seditio gliscere cœpisset intrâ Provincie fines; sic Josepho narrante Antiqu. lib. 18. cap. 5. Vitellius Syriæ Præses Pilatum jussit *Romam proficisci responsurum apud Cæsarem ad objecta per Judæos crimina*, qui Samaritanos fraude Impostoris tumultuantes, armis fugavit, ac eorum plures occidit. Ità Cumano Procuratore, exorta Samaritanos inter, ac Judæos contentione, Umidium, Quadratum Syriæ Legatum, non modò pro tribunali sedisse constat ex eodem Josepho Antiquit. lib. 20. cap. 5., & pœnis reos multasse, sed & quòd *Ananiam summum Pontificem, & Ananum Ducem, vinctos Romam misit, ut apud Claudium Cæsarem facti sui rationem redderent; primiores etiam Samaritano-*

rum,

rum, atque Judæorum, simulque Cumanum Procuratorem, & Tribunum Celerem ire in Italiam jussit ad Imperatorem. Tacitus Ann. lib. 12. cap. 54. duplici Procuratore Judæam sive Galilæam, & Samariam rectas ait, concluditque quòd *arsisset bello Provincia, ni Quadratus Syriae Rector subvenisset*, undè non modò inter Provinciales, sed & inter Cæsaris Procuratores seditionem arsisse conjectari potest. Quæ quidèm argumentò esse possunt quali potestate in Judæa Procuratores, quibusque de causis ea uterentur Syriae Legati.

- X. Cùm usquè in præfens de Syria, & Proprætorii Juris ejusdem finibus actum sit, nunc de Antiochiæ prærogativis est differendum. Et ut ab eo decore, quem conciliabat Præfidis præsentia initium capiam, locus Josephi Antiquit. 17. cap. 7. observari meretur, ubi judicium de Antipatri capite, cujus paulò antè meminimus, narratur, quodque incidit circà natalem servatoris annum, habitumque est Herode Antipatri Patre, & Varo Syriae Legato pro Tribunali sedentibus. *Varus, ait, sequenti die Antiochiam profectus est, ubi plurimùm solebat degere, quòd illic esset Syrorum Regia.* Duo hic contineri

D

puto,



puto, ex forma videlicet Imperii haud Legato morem fuisse ut Antiochiæ potiùs, quàm alibi resideret; & Varum ibideim pro suo arbitrio moratum, quòd vetus Antiochiæ Syrorum Regia fuisset. Plura suadebant Antiochenum incolatum, nullum eorum, tamèn ex Romanæ politix forma peti potest, videlicet Urbis frequentia, Gentis luxus, deliciarum copia, situs amœnus, & cætera hujusmodi; at præter hæc Præsides illud voluisse reor, ut Genti Reges habere, solitæ, se quantum licebat accomodarent; notum enim apud Tacitum quod Claudius Civilis ad Batavos suos ait; *servire Syriam, Asiamque, & suetum Regibus Orientem.* Ea diuturniori Proprætorum mora, Antiochia, veterem, quam sub Regibus habuit prærogativam servavit diutiùs; verùm, si rem penitùs inspiciamus, id erat antiquæ gloriæ, & magni nominis umbra, cùm ob id nil Juris in alias Syriæ Civitates haberet, cùm nec Legatus Antiochiæ residere ex lege teneretur. Hadriani ævo in eam dignitatem evecta fuerat, ut civitatum plurimarum à Comagene usquè ad Judææ fines caput diceretur, & fortassis suprà Judææ etiam Urbes eminuerat antequàm Trajano imperante

te

PARS PRIMA. 51

te per Cornelium Palmam Arabia in provincia formam redacta, Judææque ipsi addita, unum ex utraque conflatum fuisset à Syriæ Provincia distinctum, quare Hadrianus ipse ex Spartiano; *Antiochenſes inter hæc ità odio habuit, ut Syriam à Phœnice ſeparare voluerit, ne tot Civitatum Metropolis Antiochia diceretur.* Suidas V. Paulus, Tyrum ab Hadriano Metropolim effectam ait. Id nominis quid importaverit in superioribus viſum eſt, ubi etiam adnotatum poſt Hadriani quoque tempora Damascum tamquam Metropolim laudatam in nummis. Hic autem illud item adnotari meretur, Tyrum non modò Syrophœnicis Metropolim, ſed & primam Syriæ Metropolim, laudatam in nummo apud Hoſtenium in notis ad Steph. in quo Caput Herculis, & in averſa parte Corona populea, cum epigraphe ΤΥΡΟΥ ΜΗΤΡΟΠΟΛΕΩΣ. Η. ΠΡΩΤΗ. ΣΤΡΙΑΣ. Alium etiam nummum proferit ille ex Muſeo Mediceo, in quo literas legit ΗΑΣ. Τ. ΙΕΡΑΣ. ΜΗΤΡΟΠΟΛΕΩΣ., & explicari poſſe ait ἡ πρώτη Συρίας Τύρου ἱερᾶς Μητροπόλεως. At Emin. Noris priorem nummum, cum ea inſcriptione non extare teſtatur, & altero allato Diſſ. 4. de Epochis Syromaced. li-

52 PARS PRIMA.

teras priores Ære Tyriorum indices exhibet ΗΛΣ, quæ annum indicant ab V. C. 865. & ab autonomia per Tyrios obtenta sub Alexandro Zebena novo Syriæ Rege anno V. C. 628. Annus cusi nummi, ex quo prioris multiplicandi, qui verè non extat, occasio irrepperit, ut monet doctissimus Cardinalis, signatur in Fastis, Consulatu Trajani Aug. VI. & T. Sexti Africani. Licet autem lectio ab Holstenio excogitata non subsistat, ex nummo tamen agnoscimus Tyrum Metropolis encomio laudatam etià antè Hadriani ætatem. Sed & id honoris habuisse etià Regum Syracidarum tempore ex nummis illis evincitur, florentibus iisdem Regibus, cusi, in quibus cum Aquila, & Clava, Palma insculpta visitur, *quod Palma erat Phœnicis, cujus Tyrus Metropolis, symbolum*, ut verbis ejusdem Clarissimi Viri utar. Nec facilè dignosci posse reor an ob id in hujusmodi antiquis monumentis Tyrus Metropolis laudetur, quia Tyrii suam Urbem aliarum in Phœnicia Matrem crederent, quas illa Colonias mittendo fundasset, an ob easdem causas, ob quas aliæ etiam Civitates Syriæ plures, Metropoles sunt dictæ, quæ tamen nullas à se missas

Co-

Colonias contendebant.

XL Juvat, postquam in id devenimus, ut & tempora post Apostolicum breviter attingeremus, nonnulla addere ad eandem rem spectantia. Hadrianus igitur Phœniciam non modò à Syria Antiochena separavit, sed & eam minuit, Phœniciæque fines ad Euphratem esse voluit, ac Provinciã Syrophœnicis nomine vocatam Legato suo regendam demandavit. Id & apud subsequutos Imperatores obtinuisse probat Inscriptio ex Sponii Miscell. Sect. 8. Eminentissimo Scriptori laudata.

IMPERATORES: CAESARES
L. SEPTIMIUS. SEVERVS. PIVS. PERTINAX;
AVG. ARABICVS. ADIABENICVS. PARTHICVS. MAXIMVS.
TRIBVNICA. POTEST. VI. IMP. XI. COS. II. PROCOS. P. P.
ET. M. AVREL. ANTONINVS. AVG. FILIVS. EIVS.
VIAS. ET. MILIARIA. PER. Q. VENIDIVM. RVFFVM;
LEG. AVG. PR. PR. PRAESIDEM. PROVINCIAB. SYRIAB
PHOENIC. RENOVAVERVNT.

Sed & idem observat in Dionis Excerptis apud Leunclavium pag. ipsi 988. Imperatorem Maërinum dignitatem Senatoriam, Mario Secundo detulisse, qui etiam eidem dicitur τῆς Φοινίκης ἀποστάνης. *Phœniciæ Praeses*. Id ipsum de Palestinæ Provincia, ejusdem doctissimi Cardinalis beneficio agnoscendi facultatem habemus, ex his, quæ ille colligit Diss. 5. nonnullos ejus Provinciæ



Præsides numerans, qui sub Trajano, & Hadriano Jus dixere, sed & recentius admodum vidit ex Eusebii libro de Martyribus sex annorum spatio tres Palestinæ Rectores præsedisse, Flavianum videlicet, Urbanum, ac Firmilianum. Descripserat autem Diss. 3. cap. 1. ex Gruteriano Thesavro pag. 1091. 5. infrascriptam Inscriptionem

Q. ATRIO CLONIO.
LEG. AUG. PR. PR.
PROVINCiarUM.
THRACIÆ. CAPPADOCIÆ.
SYRIÆ. MAJORIS.
HISPANIÆ. CITERIORIS.
CLAUDIUS. IUSTUS.
LEG. VII. GEMIN. P. F.
SEVERIANÆ. ALEXANDRINÆ.
PRÆSID. ABSTINENTISSIMO.

cui illustrandæ in rem nostram hæc addit; hoc epigramma positum est post Imperium Alexandri Severi, à quo Legio septima Severianæ Alexandrinæ cognomina tulit. Hinc autem colligimus id temporis Syriam superiorem uni Legato Propratori paruisse, cum alii ab eodem distincti Legati Phœniciam, ac Palestinam administrarent. Placuit ex tanti nominis Scriptore proficere, ut liquidò constaret per tria ferè priora Christianorum secula ex Præsidis Syriæ Jurisdictione, non potuisse Antiochiam cenferi caput, nisi Regionis

PARS PRIMA. 55

gionis non admodum magnæ, licet minimè liqueat an Antiochia adeò sola circumpositarum Urbium Metropolis dicta sit, ut ex cæteris nulla eodem encomio sit ornata, quandoquidè in Syrophœnicæ Provincia præter Tyrum, Damascus etiam Metropolis fuerit. Certè Laodicea ad Mare, Antiochiæ vicina, nec plusquam L X V. milliaribus distans, postquam semel Severo imperante Metropolis nomen obtinuit, quod contrà Pescenium steterit, illud retinuit, ut constat ex nummis Getæ apud Vaillantium cum adjuncto Septimiæ SEPT. COL LAOD. METPO. & in Elagabalo COL. LAODICEA. METROPOLEOS. & apud Occonem, ac Mediobarbum Philippi senioris ævo, in quorum tribus, literis græcis Imperatoris epigraphe scripta ΑΤΤΟΚ. Κ. Μ. ΙΟΥΛ. ΦΙΛΙΠΠΟΥ. ΚΕΒ. in aversa parte latinæ usurpantur COL. LAOD. METROPOLEOS. Δ. Ε. at in Phœnicia non modò Tyrum, & Damascus, sed & Sidonem, ac Emisam Metropoles laudatas videre est, hanc quidè in Elagabali nummis apud Vaill. uno cum epigraphe ΜΗΤΡΟ. Κ. ΕΜΙCΩΝ. altero cum elogio ΜΗΤΡΟ. ΚΟΛ. ΕΜΙCΩΝ. illam autè in eundem similiter in Elagaba-



56 PARS PRIMA.

gabalo COL. AVR. PIA. METRO. SIDON. cum aliis subfequentibus. Antiquior autem, quàm fortè crediderint clariffimi Viri, Syriæ divifio in quatuor Provincias, Syriam videlicet Comagenem, Syriam Antiochenam fivè superiorem, vel majorem, Syriam Phœnicem, ac Syriam Palestinam; quarum Comagenes omnium antiquiffimè fuo Reftori paruit. Licèt enim probabile cuipiam videri poffit non statim Reftorem proprium miffum, fed vivente Romæ Antiocho cum filiis, Propratori Syriæ interim paruiſſe, dùm ille aliquandiu ſpectaretur ſe in Regnum amiſſum reſtitutum iri, nunquàm tamèn Metropolis dignitatem amiſit Samofata. Hinc Plinio lib. 5. cap. 24. *Comagenes caput Samofata*, & Flaviæ nomen, cum prærogativis autonomiæ, & Aſyli, & ſacræ, habitum à Veſpaſiano, tam certum eſt, quàm quod certiffimum. Attributa autem hujusmodi apparent ex nummis Holſtenio relatis in notis ad Stephanum ex Gazis Mediceis, quos & illuſtrat prælaudatus celeberrimus Cardinalis Diſſ. 2. quosque apud eofdem videre eſt. Nonnulla hîc adjicienda eſſent de Cæſareæ Pæſtinæ Metropolitano decore, at ſatiùs exiſtimo

mo

mo mox afferenda reservare ad ea, quæ de
Judæorum statu Apostolico ævo vigente,
dicenda sunt.

XII. Porro Syriæ Præses licet antè Hadriani
Imperium Phœniciz, Cœlæ; & Antioche-
næ Syriæ jus diceret, id recentius ex rerum
Syriacarum mutatione habuit, & dùm Re-
ges, Tetrarchæque steterè, angustioribus
limitibus imperavit. Plinius lib. 5. capit. 23.
in Syria Cœlæ Tetrarchias recenset *Naxa-
ræorum* amne Marfia ab Apamia divisam,
Granucomatas duas, *Mamiscam*, ac prætereà
in regna descriptas barbaris nominibus XVII.
Regna etiam Chalcidis, ac Emisæ. Scribe-
bat autem Plinius antè VI. Vespasiani Con-
sulatum, qui incidit in Ære vulgaris annum
75. Antiochia porro prima videtur innui
ejus Syriæ, quæ proinde Antiochena dicta
est, quæque cap. 21. brevi periodo describi-
tur, nec in ea aliæ laudantur Urbes præter
Antiochiam ipsam *epidaphne cognominatam*
Oronte amne divisam, & *in promontorio, Se-
leuciam liberam Pieriam apellatam*. A Sy-
ria Antiochena capite præcedenti postre-
mis verbis, videtur Syriam illam etiam di-
stinguere, quæ ad oram Maris à Phœniciz
finibus usquè ad Orontem extendebatur,
in



in qua Laodicea ad Mare ; hæc enim habet;
binc rursus Syria, ubi videlicet Bargilus
 Mons incipit *desinente Phœnice*. *Oppida*
Carne, Balanea, Paltos, Gabale: *promonto-*
rium, in quo Laodicea libera, Diospolis, Hera-
clea, Charadrus, Posidium. Qui tamen Pro-
 prætoris Syriæ Jurisdictionem Apostolo-
 rum ævo non ejus amplitudinis, quàm as-
 fervere Viri clarissimi, video, ex uno in-
 aliud cogitatum pergens, Antiochenæque,
 Syriæ limites angustos videns Cilicia vide-
 licet, Comagenes Regno, & Oronte fluvio
 circumscriptos, cogor in eam sententiam
 descendere, ut credam id ex inducta Pro-
 vinciarum Romani Imperii forma fluxisse,
 cum primum Pompejus Syriam universam
 provincialem fecit. In varios itaque Con-
 ventus novam Romanorum Provinciam
 divisam credo, quorum unus Antiochiæ
 ipsi deputatus fuerit, qui Antiochenæ Sy-
 riæ nomine nuncupatus sit, quod circumpo-
 sitæ Urbes, & Oppida in eam convenirent.
 Variæ autem subindè politicæ mutationes,
 quas, Regibus, Tetrarchisque commissa,
 passa est Syria, licet effecerint, ut Conven-
 tum loca penè in eorum temporum Scri-
 ptoribus delitescant, nihilominus eos à prin-
 cipio

PARS PRIMA. 59

cipio institutos nonnulla sunt, quæ probent. Pompejus Hierosolyma capta, factaque stipendiaria, & Scauro relicto, qui cum duabus legionibus regioni imperaret, Romam abiit. Aliquantò autem post, uti Josephus Antiquitatum lib. 14. cap. 10. narrat, Gabinius Imperator Roma in Syriam venit, qui Alexandrum Aristobuli filium Regnum recuperare conantem devicit, & Judæam omnem penitus subegit, & in provinciæ formam redegit. Id ille de more fecit regionem in Conventus dividens ea forma, quam Josephus ipse describit. *Deinde, inquit, constitutis quinque juridicis Conventibus in totidem æquales partes totam provinciam distribuit; ita ut alii jura peterent Hierosolyma, alii Gadara, Amathuntem alii, quarti verò Hiericuntem, quinti Sephoram, quod est Galilææ oppidum, sicque liberati Dominis, sub Optimatum dominatione degebant.* Mirum Viros eruditione præstantes ex hoc Josephi loco, & ex altero de Bello lib. 1. cap. 6. docere à Gabinio Synedria Judæorum primò esse instituta, cum evidens omninò sit per eam Conventuum institutionem, formam Romanarum provinciarum inductam esse, quæ Regali potestate adempta, Optimatibus Conven-

tus



tus componentibus, rerum gerendarum. Jus præbebat, licet à Provinciæ Rectore dependens. Cùm autem Josephi argumentum non extenderetur nisi ad res Judaicas, nil de aliis Syriæ Conventibus à Pompejo; vel à Gabinio institutis, dixit, & rerum Romanorum Scriptores, cùm rem suis temporibus satis notam scirent, ut indicarent Conventus institutos, sufficere abundè crediderunt, si Regnum, Regione inue in provinciæ formam redactam scriberent; redigi enim in Provinciam, illis temporibus, cùm qui maximè de Romana libertate opprimenda cogitabant, illi servandæ se operam navare credi volebant, idem erat, ac Regioni subactæ Juris dicendi formam illam, inducere, qua cæteræ Senatus, Populique Romani Provinciæ regebantur. Observandum autem est Conventuum hujusmodi Urbes Metropoles etiam dictas fuisse, quòd de Gadara, ac Sephorim à Josepho loco citato recensitis, indubitatum est; etenim ille idem Bell. lib. 5. cap. 3. Gadaram vocat transamnanæ *regionis Metropolim munitissimam*, & in libro de Vita sua Justum Tiberiensem inducit in Populo seditionem excitantem eo adducto argumento, quòd Tiberia-

beriadī, Metropolis honor deberetur, dicentemque; *max Sephorim, ex quo Romanis parere cepit, reliquæ regioni præpositam.* Vides erudite Lector, quot ex capitibus, & quot Urbibus in Syria, Metropolis nomen tributum sit. At operæ prætium est rimari an Conventuum Provincialium signa in aliis Syriæ partibus extrâ Palestinam, & Decapoleos regionem, ex veterum lectione nancisci valeamus. Diodorus Siculus lib. 16. Phœnicis Conventum celeberrimum, laudat. *Celebris in Phœnicia Urbs est Tripolis consentaneam sibi appellationem habens tres enim in ipsa Urbes continentur stadii intervallo direptæ, una Aradiorum, altera Sidoniorum, tertia Tyrriorum, cognomentum habet. Maximam hæc inter omnes Phœnicia Civitates dignitatem obtinet; ut potè in qua Phœnicum Senatus convenire, deque rebus maximis consilia tractare solet.* Conventus etiam prærogativam ex conjectura mihi videor videre tributum Laodicæ ad Mare, etenim, Syriæ pars illa ad Meridiem vergens inter Phœnicia Urbes, ac Orontem fluvium sita, nullo modo ad Antiochenam Syriam spectasse ex Plinio vidimus. Quod Hirtius de Bello Alexandrino cap. 65. ait, Julium Cæsarem



farem post Pompeii obitum, dùm terrestri itinere progrediretur contrà Pharnacem, commoratum ferè in omnibus Civitatibus, quæ majore sunt dignitate, ità intelligo, ut credam pro more id Civitatibus tribuisse, quæ idè majore inter cæteras dignitate erant, quòd circumpositarum Conventibus dicatæ fuissent. At inter eas Laodiceam extitisse illud evincit, quòd noverim ex Dione lib. 47. Laodiceños apprimè Julio ejusque beneficiis obstrictos: Præterea æmulam Antiochiæ Laodiceam nemo est, qui nesciat. *Laodicea*, inquit Herodianus lib. 3. *Antiochenorum odio, Tyrus verò in Phœnice. Beritis infesta, nuntiata Nigri fuga sublati illius honorificis titulis, Severo prosperè acclamarunt.* Nec novum Laodicenorum odium in Antiochenes, vel ex partium studiis ortum, sed, ut Theodoretus Cyrrhi Episcopus lib. 5. cap. 19. ait, *Laodiceses ab antiquis jam temporibus adversus Antiochenos gravi invidia exarserant.* Odium hujusmodi diuturnioris temporis facilè concidisset si Laodiceæ Antiochia jura præscripsisset, seu ad hujus Conventum illa spectasset, quare Laodiceam, quippè inter circumpositas ab Antiocheno Conventu, sive, ut cum Plinio loquar,

quar, ab Antiochenâ Syria distinctas Civitates, celeberrima, ratione suadente, specialis Conventus Urbem existimo. Pondus hæc non modicum acciperent si verum esset, quod eruditus Vaillantius pluriès inculcat, coronam videlicet turritam in nummis, Urbem circumpositæ regionis primam significare, Laodiceam enim, de qua agimus tali corona ornari in nummis, constat etiam sub Trajano, multo videlicet tempore antequam Septimio Severo rerum potito, privilegiis Antiochiæ abrogatis, frueretur. At de Syriæ Provincia satis hucusquè tractatum est, nunc de Ægypti Prefectura agendum.

XIII. In Imperii Constantiniana divisione, Ægyptus tertio loco numeratur, videlicet post Asiam Proconsularem, & Orientalem Diæcesim. Ejus ratio petenda est ex veteri Imperii forma, etenim earum Provinciarum, quæ Asiæ totius celeberrimæ habebantur, quamvis Ægyptus ob annonæ, & situs rationem maximè, præ cæteris momenti haberetur, inspecta tamen Rectorum dignitate, aliis postponebatur. Dio lib. 51. Augustum narrat, qui ad alias sibi reservatas Provincias Patritios mittendos censuit Pro-
præ-



prætoria potestate insignes, Ægypto nulum ex Senatoribus præficere voluisse, quinimò cuique ex Patritiorum ordine interdixisse Ægypti ejusdem ingressum; cum enim, ait, ad animum revocasset, quantam in Urbibus, ac pagis populi aleret multitudinem, quàmque instabiles incolarum animi essent, & quomodo Italiam frumento aleret, opibusque polleteret, non modò ex Senatoribus neminem præfecit, sed ne morari quidem in ea passus est, nisi venia impetrata. Tacitus Ann. lib. 2. & Equites illustres exclusos dicit non modò à regimine, sed & ab ingressu in Ægyptum; Augustus inter alia dominationis arcana, vetitis nisi permissu ingredi Senatoribus, aut Equitibus illustribus Romanis, seposuit Ægyptum. Id ab Alexandri Macedonis exemplo acceptum credit Arrianus lib. 3. ille enim, inquit, in plures Præfectos Ægyptum distribuit, miratus & naturam regionis, & munimenta, neque tutum sibi existimans unius Imperio totam Ægyptum credi, & paulò post, & Romani mihi videntur ab Alexandro docti custodire Ægyptum, nec quemquam Senatorii ordinis ed mittere, sed aliquem ex Equestri. Ob easdem causas uti Suetonius testatur Julius Cæsar Dictator Regnum Ægypti victor, Cleo-
patre

PARS PRIMA. 65

patræ, fratrique ejus minori permisit, veritus provinciam facere, ne quandoque violentiorem Præsidem nacta, novarum rerum materia esset. Hinc patere crediderim Præfecti Augustalis (hoc enim nomine vocabatur) dignitatem in Augusti, & in Successorum civili regiminis forma, non modò sub Proconsulum, sed & sub Proprætorum dignitate fuisse, aliàs si cæteris hujusmodi, prærogativis, & officio præstasset, *dominationis arcanum*, quod ait Tacitus, haud fuisset, Senatores, & Equites illustres ab Ægypti regimine arcere.

XIV. Novi me hîc celeberrimi, & magni nominis Scriptoris sententiæ opponi, & eadem, qua illa via pergentem, in oppositum tamen toto, ut ajunt, cælo, terminum, tendere. Ille siquidè eisdem Dionis, & Taciti testimoniis probare intendit, Præfectum Augustalem cæteris Provinciarum, Præsidibus anteisse. At res ipsa clamat aliam omninò Augusto mentem fuisse, qui ut caveret, ne novis rebus moliendis Præsidis dignitas, & ea, qua ex Populi Romani jure Senatores gaudebant, auctoritas, ansam præberet, sibi Ægyptum seposuit, suo illuc nomine inferioris in Republica ordinis ho-

E minem



minem missurus, inter Procuratores potiùs Cæsaris recensendum, quorum aliqui Proconsulum, & Proprætorum loco, in Provincias minores sunt missi. Certum autem est apud Procuratores, qui in Provincias Augusti vice mittebantur, cum è Senatu non legerentur, actionem legis non fuisse, actio enim legis apud Magistratum tantum, & pro Magistratu erat, quare acta apud eum, qui non esset Senator, licet Præsidis locum teneret, avocari poterant, ut recognoscerentur, ad Principem, aut ad Senatum. Voluit quidè Augustus, ut Præfectus Augustalis Ægypti id suprâ cæteros Procuratores haberet, ut apud eundem lege agi posset; Tacitus Ann. lib. 12. &c. *Augustus apud Equestres, qui Ægypto præsiderent, lege agi, decretaque eorum proinde haberi jussit, ac si Magistratus Romani constituissent; ac ex his nullo modo consequitur Præfectum hujusmodi digniori loco positum, quàm essent Proconsules, ac Proprætores, qui Magistratus juribus, ex lege, non ex privilegio gaudebant. Illud tantum per id factum, ut Præfectus Augustalis post Proconsules, & Proprætores digniori loco haberetur inter Cæsaris Procuratores. Id ipsum Claudio impe-*
rante

PARS PRIMA. 67

rante cæteris omnibus concessum est, licet in eadem Provincia degerent ubi Proconsul, Proprætorve, licet Provincia ad Senatum Populumque spectaret, licet demùm Procuratores ex libertino genere assumpti essent, undè Taciti lacrymæ allato loco; *Claudius omne tradidit, de quo totiens seditione, aut armis certatum est, cùm Semproniiis rogationibus equester ordo in possessione judiciorum locaretur, aut rursus Servilii leges, Senatui judicia redderent.* Indè ne igitur factum est, ut Procuratores hujusmodi, etiam ex Libertinis assumpti, digniori loco essent, quàm Magistratus non credo. Cœquati ad summum Senatoribus, non ipsis præpositi; quare Præfectus Augustalis Ægypti pro Cæsare degens ex civili Imperii forma non dignior Proprætor Antiochiæ fuit, sed æqualis illi ad summum dignitatis, si tamen æquare dicendus est, qui quod alter ex lege habet, ipse ex privilegio exerceat. Porro Præfectum Ægypti, qui se Senatoribus componeret, Alexandrum, irrisorio scommate Juvenalis Alabarcham nominat Sat. 1. tamquàm Scripturarium exigendo vectigali de mercibus, quæ ex Arabia in Ægyptum deferrebantur, præpositum, qua etiam irrisoria



68 PARS PRIMA.

frasi Cicero ad Atticum M. Antonii in Ægypto moram sugillaverat, tamquàm Publicani; quod munus equestre fuisse in Provinciis, norunt Viri eruditi.

XV. Nunc de Ægyptiacæ Præfecturæ finibus agendum est. Ammianus lib. 23. suorum temporum more Ægyptum Diœcesim appellat, & Provinciarum nomine vocat regiones, quas veteres Diœceses appellavissent, quæque suo tempore Ægyptum solidam componebant. Plinius lib. 5. cap. 5. & ipse pro sui ævi ratione Ægyptum in varios nomos distinctam describit. Strabo id à Regibus fluxisse ostendit lib. 17. *Regio*, ait, *initio in Præfecturas divisa fuit, quas nomos vocant; Thebaica quidem in decem; quæ verò in Delta in totidem; intermedia autem in sexdecim: & (ut quidam volunt) tot erant hujusmodi Præfecturæ, quot aulas Labyrinthus habebat, quæ circiter triginta erant. Rursùm hæ Præfecturæ divise fuere, majore enim è parte in Toparchias divise fuerunt; Toparchie rursus in portiones alias, quarum minime arva erant.* Conferendi sunt Ammianus, & Plinius, ex quibus constabit quantum distaverit, vetus Ægypti politia, ab ea, quæ recentius per Constantinum inducta est. Ammianus

nus præterea ampliorem se scribente narrat Ægypti Dioecesim, quàm fuerit Veterum ævo ejusdem Ægypti Provincia. Tres inquit Provincias Ægyptus fertur habuisse temporibus priscis, Ægyptum ipsam, & Thebaidem, & Lybiam, quibus duas adjecit Posteritas, ab Ægypto, Augustamniam, & Pentapolim à Lybia sicca disparatam. Notitia dignitatum utriusque Imperii, & Libellus Provinciarum, Ammiano proinde recentiores, sextam adiiciunt Provinciam, Arcadiæ nomine nuncupatam. Ægyptus itaque quæ Apostolorum ævo Ægypto ipsa, Thebaide, & Lybia, 36. nomos complectebatur, angustior fuit, quàm post Constantini ætatem, & amplior postmodum, seu aliàs divisa, Arcadii, & Honorii ævo. Plinius loco citato Cyrenaicam sive Pentapolim, Africæ tribuit, sicut, & Lybiam Mareotim, quam Ægypto conterminam laudat. Eodem sensu Dionysius Periegetes Nilum ait separare Lybiam ab Asia.

Ὅς παρὰ τὴν Λιβύην ἀποτέμνεται Ἀσιδὺς αἰὲς
 Ἐς Λίβαν μὲν Λιβύην, ἐς δ' αὐτὰς Ἀσίαν γαίην.
 Qui certè & Libyam dirimit Asiaticam ab ora.
 In Libem quidem Libyam, in Ortum verò Asiaticam terram.

E 3

Præ-



Præterea Africam Cyrenaicam, quæ est ipsa Cyrene, sive Pentapolis, Augustus inter Senatus Provincias reliquit, Ægyptum verò sibi seposuit, ut ex Dione cognovimus supra. At de Ægypti finibus Plinio consentiunt alii veteres Geographi Solinus, Mela, cæterique, inter quos Strabo audiendus, qui lib. 17. enarrato, quòd Reges, & Cyrenaicam sub se habuerunt addit; *Romani, qui postea successerunt, provinciam Ægyptum prioribus finibus incluserunt.* Infra libro eodem Cyrenem Africæ deputat Catathmum usquè.

XVI. Porro speciale illud est (redeundum, est enim ad regiminis Ægyptiaci formam) & soli Ægypto tributum, ut quamvis in Provincie formam redacta esset, in plurimistamen eodem modo regeretur, quo sub Regibus olim. Regimen ipsum Strabo libro supra laudato omnium accuratè describit, quare omninò audiendus est, & locus, quamvis minimè brevis, integer describendus ex Xylandri versione aberudito Casaubono emendata; *Nunc, inquit, Provincia est, & tributa maxima pendit, ab hominibus modestis administrata ὑπὸ ταπεινῶν διὰ ἀνδρῶν διοικουμένων, qui in eam mittuntur. Qui mittitur Regis*

PARS PRIMA. 71

Regis loco est; ei subest Dicaodotes, idest juri dicendo Præfectus, qui judicia exercendi pleraque potestatem habet. Tùm alius ἰδιος λόγος, nimirum, qui peculiares rationes curat. Is in ea inquirat, quæ sub alterius potestate non sunt, sed seorsim ad Casarem recidunt. Hos comitantur Caesaris Liberti, & Administratores, quibus majora, & minora negotia committuntur. Sunt etiam tres militum cohortes, quarum una in Urbe, reliquæ in agro versantur: præter has novem cohortes Romanorum, tres in Urbe, tres in finibus Æthiopiæ præsidio circa Syenem collocatæ, & reliquæ tres in cætera regione. Sunt etiam tres Equitum turmae per loca opportuna, eodem modo dispositæ. Ex indigenis magistratibus in Urbe, κατὰ πόλιν (in scriptis κατὰ πόλιν per singulas urbes) est Exegetes, sive Interpres, qui purpuram gestat, & patrios honores habet, & ea curat, quæ Urbi sunt necessaria. Itèm commentariorum Scriba, & Judicum Præfectus; quartus est Prætor noëurnus. Hi Magistratus etiam tempore Regum erant, sed cùm Reges malè viverent, bonum vitio, & injustitia etiam bonus urbis status corrumpebatur, &c. & paulò infra; Romani multa pro viribus emendarunt, urbe, ut dictum est, composita κατὰ τὴν χώραν ἐπιστρατηγός,

E 4

τίνας,

τίνες, καὶ μονάρχας (legendum tamen mone-
 mur νομάρχας) καὶ ἐθνάρχας καλυμμένως ἀποδείξαντες
 πραγμάτων οὐ μεγάλων ἐπιστατεῖν ἡξιομένους; & *qui-*
busdam pro Imperatoribus (Ducibus) & Mo-
narchis (Nomarchas potius vertendum, si vè
nomorum Præfectos juxta correctionem.)
& Ethnarchis per regionem constitutis, quibus
tamen haud magna negotia mittebantur.
 Varia hic omnia à cæterarum Provinciarum
 regimine spectantur, ac diversa, quippè ex
 deletorum Regum politice retenta plera-
 que. Verùm illa retineri haud potuerunt,
 quòd & quàm maximè immutarentur, & di-
 versam omninò rationem induerent. Sicut
 enim Duces, Nomarchæ, Ethnarchæque,
 quod ait Strabo, per Provinciam dispositi
 minimè ea potestate utebantur, qua olim
 sub Regibus, sic & Præfectus Augustalis
 quamvis loco Regis esset (ut cum Strabo-
 ne Tacitus Hist. lib. 1. cap. 11. alique lo-
 quuntur) minimè regali potestate impera-
 bat. Quammaximè certè se à Regis digni-
 tate distare intelligebat, Flaccus ille, quem
 libro integro Philo infectatur, quemque
 in Agrippam Judæis à Cajo Regem datum,
 iritabant Ægyptii illis vocibus; *tua perni-*
cies erit hic advena. Majore, quàm tu splendore,
ac fa-

*ac fastu septus est, &c. nàm etiamsi Cajus
 permitteret, atque adeò cogeret, debuerat de-
 precari banc profectiorem ne sua felicitate of-
 ficeret Præsidi, suo splendore obscurando ejus
 gloriam. His ille auditis magis etiam turge-
 bat, quàm antea, &c. Porro idem Philo ibi-
 dem ostendit Nomarcharum, seu Præfecto-
 rum per Ægyptum Juri dicendo degen-
 tium, ac per consequens ejusdem Præfecti
 Augustalis, cujus illi vices gerebant, curas
 plerasque versatas fuisse circa tributorum,
 & vectigalium rationes, agens enim de im-
 probitate Lamponis, alterius videlicet ex
 Flacci accusatoribus, ait; non enim erat pos-
 sibile Provinciæ amplissimæ Præsides meminisse
 negotiorum omnium, affluentibus aliis super
 alias causis privatis atque publicis: præsertim
 cum non judiciis tantum præessent, sed etiam
 rationibus tributorum, & vectigalium, quibus
 major anni pars impendebatur. Hinc initio
 Libri laudans Flaccum, ab eo exorditur,
 quod ad tributa, & vectigalium rationes
 spectabat, ait autem, ita ut vix pernoscantur
 ab his, qui totam ætatem eis impenderunt. Hæc
 autem ejus generis fuisse quod dixi, osten-
 dunt, quæ subsequuntur; verum ista, quæ ad
 accipiendas, reddendasque rationes pertinent,
 vel ad*

vel ad dispensationem reddituum, tametsi necessaria, nullum specimen ostendunt animi digni, qui præsint aliis. Ex his omnibus ritè perpenſis agnoſcimus, quòd prima, potiorque cura Alexandrini Prefecti ea erat, qua Cæsaris Procurator demonstrabatur, quare aptè ejus regimen apud Græcos Scriptores verbo *ἐπιτρόπῳ* explicatur, ejusdem significationis, cujus nomen ipsum Procuratorum Cæsaris, quos Græcè *ἐπιτρόπῳ* dicunt, summaque verborum proprietate ex Eusebii Hist. lib. 8. capite 9. quibus Philoromus vocatur *καὶ κατ' Ἀλεξάνδρειαν βασιλικῆς διοικήσεως ἐγχειρισμῶς* doctissimus Valesius vertit, *qui Procuratoris summæ rei apud Alexandriam gerebat Magistratum.* At erant & plura hujusmodi, de quibus Præfectus Augustalis non cognoscebat, sed seorsim uti specialia ad Cæsarem spectantia *ἰδῖος λόγος*, de cujus officio Strabo in præallatis. Ut autem Procurator inter alios omnes Procuratores eminebat, sic Proconsulibus, & Proprætoribus dignitate inferior erat, quod ab initio dictum fuit, quare, & in recentiori laterculo, & Comiti Orientis subiiciebatur, & titulis eidem inferior erat, ut ex Codice Theodosiano aperte patet.

XVII. Magistratus Indigenarum in Nomis, & Urbibus Ægypti, quali sub Regibus auctoritate, licet in multis circumscripta, perseverasse usque ad Severi ætatem ex Spartiano intelligimus. At hujus verba ritè sunt perpendenda ubi de laudato Severo ait; *deinde Alexandrinis jus Bulevtarum dedit, qui sine publico consilio, ità ut sub Regibus antè vivebant, uno fudice contenti, quem Cæsar dedisset. Multa præterea Is jura mutavit.* Etenim illud primò ex his consequitur non modò Alexandrinis, sed & cæteris Ægypti nomis, jus Bulevtarum, sive Decurionum, quorum Collegium, Romanorum Senatui respondebat, concessum; secundò plura alia immutata, & ad terminos, ut ajunt, juris Provinciarum redacta; demùm non ità hæc esse intelligenda, ut credamus antè Severi ætatem nullum omninò Indigenarum consilium adhibitum, nec ullum apud eosdem tùm Alexandriæ, tùm in cæteris Ægypti Urbibus, Magistratum, fuisse; oppositum enim ex Strabonis testimonio apparet suprà relato, & Philo ex eo capite Flaccum laudat, quòd in iis, quæ majoris momenti essent, Urbis Optimates audiret; *graviores inquit, causas judicabat cum Opti-*

Optimatibus. Id etiam & in Præfecturis actum ostendit vera Strabonis lectio, ubi Magistratus Indigenarum fuisse ait *κατὰ πόλιν*, quod verti debet; *in singulis Civitatibus.* Illud à Severo actum est, quòd cum Ægyptus Magistratus etiam Indigenarum ex Augusti institutione habuisset, qui in ple-
risque veterem Regum morem retinebant, Is ad Romanam in Provinciis formam illos reformavit. At Indigenarum Magistratus singularum Urbium sicuti singulis Præfectis subiiciebantur, & Præfecti omnes, Præfecto Augustali; inter se tamen æquali jure fruebantur, ac proinde nullo modo cæteri, Alexandrinis Magistratibus parebant. Hinc Alexandria decus omne ex jure fluens suprà reliquam Ægyptum, habuit ex Præfecti Augustalis Jurisdictione, quæ loco regalis erat, nullum autem ex suis magistratibus Indigenarum. Illud autem his addendum, quòd cùm Augusto imperante plura à Provinciarum jure aliena in Ægypto ex veteri Regum regimine retenta sint, paulatim tamen etiam antè Severum nonnulla ad Romanorum ingenium sint introducta. Inter cætera notabile est Jus monetæ cudendæ; notum enim est Ur-
bibus

bibus quovis nominè Romano Imperio subiectis, officinas Monetariorum ex Augustorum indulgentia concessas, qua de re testes habemus plures nummos, quorum insigniores videre est in hanc rem apud eruditissimum Spanhemium de Præst. & Usu Numism., Diss. 6. Doctissimus in Re nummaria Vaillantius post Historiam Ptolomæorum adiicit appendicem, quam appellat *Ægyptum numismaticam*, in eaque recenset XXIX. Urbium Ægyptiarum numismata, quarum ferè omnes Præfecturarum fuere capita, seu Metropoles, uti ex Strabone, Ptolomæo, Plinio, aliisque probat ipse Clariss. Scriptor. Omnium primum Numisma Alexandriæ est sculptum, & literæ in eo signatæ L. A. indicant Othonis annum Imperii primum. Reliquarum XIX. referunt in averfa parte cum Urbis nomine literas L. IA. anno undecimo, & in altera parte nomen Hadriani ATT. KAI. TI. AIA. AAPIA. NOC. Una est Coptitarum Trajani, cum literis L. IT. anno tertio decimo; quinque Antonini Pii cum signis L. IH. anno decimo octavo; una demùm M. Avrelii M. ATPHAI. OC. KAICAP. absque literis annorum indicibus. Existimant Viri in his versatissimi priorum



rum nummorum numerales literas Hadriani adventum in Ægyptum significare, & illum per hæc nuntiata probari, quibus est, qui addat Urbes illas ideò Hadriani honori nummos scalpisse, quòd de Provincia benemeritus fuerit, quare & dicitur *RESTITUTOR* Africæ. Postremum hocce non inficior, at quòd dicatur Hadrianus *Restitutor Africæ* ad rem Ægyptiacæ Provincie non facit, quæ per ea tempora non Africæ, sed Asiæ deputabatur. Quòd autem per hosce nummos Hadriani in Ægyptum adventus significetur, qui anno illius Augusti undecimo acciderit, difficultate non caret, quamvis aliàs ille eo anno in Ægypto degere potuerit, quandoquidè id non significant literæ numerales in aliis nummis M. Antonini Pii, qui certè anno Imperii sui decimo octavo in Ægypto non fuit, etenim Julio Capitolino narrante in suis propriis fundis vixit variè, ac pro temporibus: nec ulla expeditiones obiit, nisi quòd ad agros suos profectus est ad Campaniam, dicens gravem esse Provincialibus comitatum Principis etiam nimis parci; & tamen ingenti auctoritate apud omnes gentes fuit, cum in Urbe propterea sederet, ut undiquè nuntios medius, ut po-

ut potè citius posset accipere: Sed nec Trajanum anno Imperii sui tertio decimo, quo ex Syria in Parthos processit in Ægyptum venisse ex ejus Actis verisimile videtur, nec ex allato nummo probare tutum est, cum, regula, ex Antonini Pii relatis, fallax sit visa. Unus inter Hadriani nummos excipitur, ex quo Imperatoris in Ægyptum adventus probatur, non tamen ex literis numeralibus in eo, ut in cæteris sculptis L. I A., sed ex Imperatoris equitantis figura ad sinistram versi, uti adstruendæ ejusdem rei, benè allegantur ejusdem Augusti nummi Romæ signati, inscriptique *Adventui Augusti Alexandria*, malè verò qui *Restitutori Africa* inscribuntur, ut suprà notatum est. Cum autem numerale notæ in tot Hadriani nummis signatæ, quæque ad eundem annum spectant, minimè tempus significant, quo ille in Ægyptum venit, reliquum est, ut ad privilegium aliquod, anno ejus Augusti undecimo Urbibus illis impertitum, referri debeant, & eodem modo explicandus sit Coptitarum nummus Trajani anno tertio decimo sculptus, & intelligendi quinque reliqui anno Antonini Pii decimo octavo. Quidni Jus cudendæ monetæ illis Civita-



vitatibus annis singulorum Augustorum in nummis signatis, concessum intelligamus? certè nondum earum Urbium nummi Trajano antiquiores Antiquariis innotuere, & in M. AvrelII Menelaitarum altero, nullæ numerales literæ signantur, quòd id decoris habuerint antea Menelaitæ. At ut ut aliud quodpiam beneficium eodem tempore pluribus, ac ferè omnibus Ægypti Urbibus, quæ Præfecturarum capita erant ab illis Imperatoribus præstitum sit, beneficium illud tale fuit, quo à veterum Regum politica forma recesserunt, acceperuntque quod commune aliis Imperii Romani Provinciis fuerat, ac per id à forma per Augustum primò introducta recessum est. Verùm, suprà omnes antea cto Augustos privilegia, quibus Romana quodammodò fieret Ægyptus, illi contulit Severus, ut ex Spartiano vidimus, ad quod referri debet quòd *Coëranus primus ex Ægyptiis hominibus cooptatus in ordinem Senatorium factus est Consul, ut Pompejus nullo antè gesto Magistratu uti Dio Xiphilini testatur.* Nec omitti debet, videri post Severum admissos & Patrios, qui Præfecti Augustales in Provincia essent, & certè id factum sub Alexandro pro-

PARS PRIMA. 81

probat Dio, qui se & Consularem, & Ægypto Præpositum narrat.

XVIII. Ex his, quæ usquè modò de tribus Romani Imperii Provinciis principibus, earumque politico regimine disseruimus, facile conjici potest, qualis & in cæteris Jurisforma viguerit, eo maximè tempore, quo per Apostolos Ecclesiæ sunt constitutæ; nec enim vacat, aut operæ pretium est de singulis sermonem habere, cum in tribus Provinciis illis, de quibus actum est, nobiliores Orientalis Ecclesiæ Cathedras primo illo Apostolorum ævo fundatas noscamus, & de cæteris rursùs opportuna dicendi occasio futura sit. Nunc demùm de celebritate Urbium breviter est agendum pro hujus argumenti ratione, & de earundem frequentia, felicitate, ac cæteris hujusmodi, quæ probè distinguenda sunt à Præsidum, Rectorumque dignitate, & civili regendarum Provinciarum typo. Ità Alexandria, quæ in civili forma Epheso, Antiochiæque postponebatur, illis tamen præstabat, ob pomœrii amplitudinem, ob civium frequentiam, ob annonæ abundantiam, ac ob reddituum ex mercibus, vectigalibusque, magnitudinem. At Ægyptus quantum Ro-

F manæ

manæ amplitudini necessaria esset, undè Alexandriæ decus nascebatur, narrante Josepho de Bello lib. 5. cap. 11. dignosci potest. Ad hæc potiùs, quàm ad Præfecti Augustalis prærogativam, quod voluerunt celeberrimi Scriptores, aspiciebat Nero, cùm de sibi imminente casu sollicitus, tradente Svetonio, cogitabat *Partbosne, an Galbam supplex peteret, an atratus prodiret in publicum, proque rostris quanta maxima posset miseratione veniam præteritorum precaretur; ac ni flexisset animos, vel Ægypti Præfecturam concedi sibi oraret.* Libentè enim elegisset ex Patritiorum etiam Ordine deleri, contentus equestri Magistratu, dummodò, & vitæ suæ consulere, & in felicissima Orientis Urbe morari posset. At Dio Xiphilini turpiora etiam illum agitasse ait; *deliberavit interficere Senatores, incensaque Urbe navigare Alexandriam, etsi enim, inquit, amitteremus Imperium, tamen nos alet in illa regione ars nostra, & sustinebit.* Ars videlicèt Choraulis, & Cytharedi. Hùc referri itaque debent Augusti cautelæ, quibus à potentiorum dominatu timens, Alexandrinam Præfecturam Equitibus reservavit, cùm si omnium cæterarum in Imperio ditiozem, ac felicior

rem

PARS PRIMA. 83

rem Urbem, ac Ægypti Provinciam Patritio Viro commississet, timendum fuisset, ne Imperio periret *illustris*, ut eam Aristides vocat, ubi de Romæ laudibus disserit, & *magna illa Alexandri in Ægypto Urbs Imperii ornamentum, velut Mulieris divitis monile, vel inavris*. Ex frequentiæ, & felicitatis capite igitur Alexandria cæteris in Imperio Urbibus, Roma excepta, præfulsit, post Alexandriam verò, Antiochia. Eo sensu intelligendus est Josephus de Bello lib. 3. cap. 1. ubi hanc Urbem laudat quòd *magnitudine simul, aliaque felicitate sine dubio tertium inter omnes, quæ in Romano Orbe sunt, locum obtineret*. Princeps proindè, & prima Orientis Alexandria potiùs, quàm Antiochia, quamvis tales honorum titulos huic potiùs, quàm illi datos in Edicto Julii Cæsaris à Johanne Malela Antiocheno relato, sciamus, qui passim, & apud subsecuta tempora obtinueret. At in hujusmodi titulis, frequentioribus Urbibus tribuendis, liberales, imò prodigos Veteres fuisse, ex Urbium earundem comparatione, facile est dignoscere, quare & cum Urbs quædam cæteris præponitur, satis sit intelligere absolutam, non verò comparatam ejusdem Urbis felicitatem. Ne-

34 PARS PRIMA.

gari tamen nequit ob frequentiam, & ob ea, quæ suprà numeravimus, Alexandriam cæteris præfulsisse, & post eam secundo loco Antiochiam. Cæterarum in Imperio Urbium ex his capitibus celebritatem, nec lubet, nec vacat hic exquirere; illud tantummodò adijiendum est, quòd sicuti ex diversarum Provinciarum Urbibus invicem comparatis, una alteri præfulsit ob populi frequentiam, cæterisque, ità in eadem Provincia una vel plures ex eisdem capitibus præfulsere, cum nihilominus in forma juris Romani Provinciarum, una alteri minimè dominaretur, quod Aristides Romæ laudes prosecutus magnæ felicitati adscripsit. Urbes enim, quæ antea de Primatu inter alias contendebant, & ob id incredibilibus ærumnis, seditionum, & bellorum causa consumeantur, Romanis parentes æquo jure, ad summam felicitatem, spectata præteritorum temporum miseria, assurrexere; dum jam loco contentionis de Imperio, atque Principatu, propter quæ solebant priora bella geri, aliæ instar aquæ tacitè fluentis jucundissimè conquiescunt, aliæ verò nec si unquam imperarunt sciunt, aut meminervnt. Ità Aristides.

Ca-

Caput Secundum.

*De Judaicæ Gentis statu, & vicibus
Apostolorum ævo.*

- I. **A**rgumentum Viris doctissimis sæpius actum, rursus agere haud intendo, nec vastam Judaicarum rerum sylvam ingredi mens est; quondòquidem nec mearum virium, nec assumptæ Provinciæ necessarium est, tanta vel ingenti hiatu promittere, vel periculoso conatu experiri. Ea in primis memorata velim, quæ cum civili Romani Imperii forma, de qua superiori capite, comparata, lucem non modicam, quæque aliundè ferè haberi nequit, asferre posse videntur ad origines Metropolitico-Ecclesiasticas revelandas. Hæc autem ad duo capita redigi possunt, videlicèt ad Judæorum incolatum, quatenùs dignoscatur, quibus, & quot in locis, quaque hominum frequentia, incolerent Judæi; & ad eorundem civilem politiam, quibus videlicèt in locis, & quousquè suis Legibus uterentur, seu Gentium civitatis participes essent. Hæc autem licèt principaliter pro Apostolorum

temporibus examinanda sint, fieri nequit quin ab altiori origine repetantur; nec enim postrema benè percipi possunt, si solitariè, & veluti à reliquo Corpore recisa considerationi, quamvis seriatim, subiiciantur. Nonnulla itaque exquisita quodam fieri poterit brevitate explicabuntur ex intimis Judaicarum rerum adytis, quæ aliàs si omitterentur ideam eorum, quæ necessariò præmitti debent inutilem haberemus, nec rei, quam quærimus illustrandæ aptam. Ità singularia delibanda sunt de Regiminis Judaici natura, de Regum potestate, de Syndrionum jure, & de cæteris hujusmodi, quæ licèt doctissimis magnorum Virorum lucubrationibus illustrata, mihi tamen pro modulo consideranda sunt, salva pro more, quam me servaturum promisi, ergà quoscumque, quibus fortasse me adversari contigerit, reverentia.

- II. Ut igitur à primo propositorum capite initium capiam, mirari subit incredibilem Judaicæ gentis frequentiam, quæ undiquè diffusa non modò Orientis celeberrimas Provincias, sed & nonnullas Europæ Urbes impleverit, cujus quidè testem habemus eorum temporum, quibus Christianum

nomen audiri cæpit, præclarum, Philonem
 videlicet. Is in Libello contrà Flaccum,
 conscripto narrat ea, quæ in Judæos sub Caji
 imperantis initiis, ipso injurias promovente
 Præfecto, acciderunt. Recenset autem
 permissam ab eodem Statuarum Cæsaris in
 Judæorum Proseuchis dedicationem, quod
 eò periculosius admissum dicit, quò cum
 ille probè sciret passim per Romanam di-
 tionem habitare Judæos, eosque Religio-
 nis suæ apprimè tenaces esse, sciebat etiam
 fieri minimè posse quin ægrè Gens illa fer-
 ret injuriam Numini illatam, undè tot in
 locis seditio timenda, ex qua non Judæis
 modò, sed & Romanorum rebus pericu-
 lum crearetur: *quò plus potuit, eò magis sedi-
 tionem accendebat, & quantum in se fuit Or-
 bem replevit bellis civilibus.* Ait autem
 non minus quàm decies centena millia habi-
 tasse Alexandriam, totamque regionem,
 quanta patet à Catabathmo Libyæ, usque
 ad terminos Æthiopiæ, indè ait; nec enim
 obscurum erat, quòd fama occupatarum Pro-
 seucharum apud Alexandriam exorta, spar-
 genda esset per omnes Ægypti Præfecturas, in-
 dè propaganda ad Gentes orientales: paritèr-
 que ab ora maritima, & Mareotide, quod est

initium Libyæ, usque in Occidentem, & nationes tractus illius. Judæos enim una region non capit propter hominum multitudinem; quamobrem plurimas, ac fortunatissimas Urbes in Europæ, Asiæque Provinciis, ac insulis incolunt. Hæc Philo expressè de Ægyptum incolentibus Judæis, ex occasione autem de cæteris generalitèr, alibi degentibus. De iis autèm, Judæorumque per Orbem incolatu denuò agit in Legatione ad Cajum, occasione imminētis periculi ne Templum, Cæsaris Statua profanaretur. De Petronio enim fluctuante scribens, cogitasse eum ait, quàm populosa esset hæc Natio, non ut aliæ comprehensa unius regionis spatio, sed totum penè Orbem incolens. Diffusa enim per Continentis Provincias omnes, atque Insulas, adeò ut non multò pauciores sit Indigenis. Agrippa autem Rex in epistola ad Cajum ea occasione data clariùs loca Judæis habitata recenseret in hunc modum. Pro sancta verò Civitate Patria mea hæc asferre liceat, eam esse Metropolim non unius regionis Judææ, sed & multarum, propter Colonias inde olim deductas, vel propiùs in finitimam Ægyptum, Phœnicem, Syriam tum cæteram, tum eam, quæ Cœle cognominatur, vel longiùs in Pamphyliam, Ciliciam
cate-

cæterasque Asiæ partes, usquè Bythiniam, & Pontis sinus intimos. Pari modo in Europæ Thessaliam, Bæotiam, Macedoniam, Ætoliam, Atticam, Argos, Corinthiūque, Peloponesi, partes præcipuas. Nec tantum Continentis Provinciæ plenæ sunt Colonis Judaicis, sed & Insularum celeberrimæ Eubœa, Cyprus, Creta, ne quid dicam de Transæuphratensibus; excepta enim parva parte Babylonis, & aliarum Præfecturarum, omnes Urbes, quæ bonum agrum habent, à Judæis incoluntur. At in Mesopotamia, Babilone, totaque regione suo tempore Parthorum dominationi subdita, Josephus mirabilem Judæorum multitudinem habitasse scribit lib. 1. cap. 5. Etenim cum Xerxes Darii filius Judæis post diuturnam captivitatem, libertatem, & Hierosolymam, postliminio veluti, regrediendi potestatem concessisset, quamvis ea indulgentia usi sint plurimi, qui cum Esdra reverti voluerunt, alii tamen, & quidem majori numero avitas, provitasque sedes, ut loquitur Philo laudatus, relinquere noluerunt; quapropter, inquit Josephus duæ tantum tribus per Asiam, & Europam sub Romano degunt Imperio, decem autem tribus nunc quoquè ultrà Euphratem, sunt, infinita hominum

num millia, quæ vix est numero comprehendere.

Hæc tamen, ut quod est dicam, præ priori Apostolorum ævo sunt moderanda ex his, quæ idem Antiquitatum Judaicarum Scriptor tradit Babylone, & in circumposita Parthorum regione accidisse Claudii Imperantis initio, lib. 18. cap. postremo; quandoquidem ex Anilæi facinoribus, & ex insito Parthis, Græcis, Syrisque in Judæos odio factum est, ut Babylone *suprà quinquaginta Judæorum millia occisi sint, nec ullus evaserit, nisi si quem amici, aut vicini servavit misericordia: qui autem evaserunt, secessere Ctesiphontem.* Cæterum, subdit Josephus, *Babyloniorum, ac Seleucensium terror omnes ejus tractus Judæos pervagatus est: quando quidquiderat Syrorum in illis regionibus, cum Seleucensibus conspiravit in eorum perniciem. Quod factum est, ut plerique in Neerdam, & Nisibim se receperint.* Excisæ itaque admodum trans Euphratem Imperii Romani limen, res Judæorum, quæ eodem statu perseverasse cum Josephus hæc scriberet, facillè intelligitur, quod infra suo loco meminisse operæ pretium erit.

III. Intrà Romanorum fines nullibi frequentius habitasse Judæos, quàm Alexandriæ, non

non modò allatus Philonis locus, sed & ejus rei testis Strabo lib. 17. alique profanæ Historiæ Scriptores: Strabonis verba Josephus ipse Antiqu. lib. 14. cap. 12. transcripsit, ex quibus sufficiat in rem præsentem ea seligere, quæ ad Judæos Alexandriæ magno numero degentes pertinent. *Per Ægyptum, inquit, etiam Coloniae sunt ejus Gentis, absquè eo quòd Alexandrinæ Urbis magna pars eis assignata est.* Philo autem in libello supra laudato, ait Alexandriam in quinque regiones divisam denominatas à prioribus literis, quarum duæ Judaicæ dicebantur, quia in his plurimè Judæi habitabant, licèt & in aliis non pauci sparsim domicilia haberent, quare Incolarum Alexandrinorum dimidium serè Judæorum erat. Post Alexandriam Antiochia fuit ubi frequentiores habitaverunt Judæi. Josephus de Bello lib. 7. cap. 21. in rem præsentem audiendus est; *Judæorum gens multum quidem totius Orbis Indigenis asseminata est; plurimum autem Syris vicinitate permixta; præcipuè apud Antiochiam versatur propter magnitudinem Civitatis. Maxime verò his liberam domicilii facultatem Reges, qui post Antiochum fuere, præbuerunt; namque Antiochus quidem, qui Epipha-*

phanes dictus est, vastatis Hierosolymis, templum spoliavit; qui verò post eum regnum assecuti sunt, quidquid aeneum in donariis fuit, hoc Judæis apud Antiochiam degentibus reddidere in eorum Synagoga dedicatum, concesseruntque, ut pari cum Græcis jure civitatis uterentur. Allecti itaque, & locorum vicinitate, & Antiochiæ frequentia, ac privilegiorum concessionibus, in eam Urbem plurimi concessere Judæi, paulatim tamen & prout temporum, & Syracidarum vices tulere; nec enim nisi plurimos post annos ab Antiochi Epiphanis morte Judæorum res in Syria eo loco fuere, ut ad Antiochenam civitatem admissi, ibidem stabile, tutumque domicilium obtinerent; quandoquidem antè expugnatam Hierosolymorum arcem per Simonem, qui ex Machabæorum Libris abstulit jugum gentium, circa annum, 142. antè Christi Servatoris Natalem, Judæi Reges Syriæ, ut plurimum, infestos habuere. Inde verò usque ad Pompeji tempora viribus, ac opinione creverunt, & proinde, cum nil sibi timerent à Regibus assiduis bellis attritis, mirum quantum circumquaque creverint, quaque frequentia Antiochiam habitaverint. Nec Romani obstitere, quò minus

nus liberè degerent, & multiplicarentur, imò privilegiis auctos multifariè adjuverunt, ac maximè ubi proprii Reges sunt dati. Herodis tempore, quo loco Antiochiæ res Judæorum essent, ex his arguere licet, quæ Rex ille munificentia causa Antiochenis contulit. Etenim plateam mediâ Urbem secantem porticibus ex utroque latere ornavit, & viam subdivalem lapide polito stravit, annuos etiam redditus attribuit, ut ludi Olympii majori pompa fierent, undè perpetuus Agonotheta est declaratus ex Josepho Antiqu. lib. 16. cap. 9. Consequens autem fit, ut Antiocheni, qui se tantis beneficiis affectos patiebantur, pari gratiani mi virtute responderent, Judæorum Gentes demerentes, cujus Regem etiam nove- rant Augusto præ omnibus, si Agrippam excipias, dilectum. Ex his facile est conjicere quanta frequentia Antiochiæ Judæi essent Apostolorum tempore, ea videlicet, quam, nec Hierosolyma per Titum penè deleta, Antiochenorum odium potuit minuere, ut infra rursus suo loco indicabitur.

IV. Plures etiam Asiæ Urbes, sicut & conterminas Europæ Provincias, Achajam videlicet, Macedoniam, Thraciamque, nec non

in

in ipsa Italia, præter Puteolos, Romam. Orbis totius caput, frequentes habitasse Judæos, constat non modò ex Josepho, Philone, Gentiliumque Scriptoribus, sed & ex sacrorum Librorum lectione, Actis-que Apostolorum quammaximè. Ephesi in primis, quæ Asiæ proconsularis erat celebris Urbs, & Conventus, sedes Judæos fixisse, ibique magno numero degisse suadetur. Etenim primò consentaneum rationi est, illuc maximè confluisse, ubi Urbis amplissimæ decor, quæque Strabonis ætate Emporium erat, eorum, quæ sunt intrà Taurum Montem, maximum, ut tradit lib. 14. ; deinde ejus rei certa argumenta habemus ex sacro Actuum Apostolorum Libro, Paulique prædicatione, qua de re suo loco agendum erit. Hic illud dissimulari non potest, Paulum per triennium Ephesi prædicasse, quod ipse Ephesios allocutus, dixit Act. cap. 20. ac maximas ærumnas tolerasse, quæ illi *acciderunt ex insidiis Judæorum*. Et de Judæis quidèm Ephesi commorantibus intelligenda esse ea, quæ 1. Cor. cap. ultimo idem Apostolus habet, nullus dubito; ait autem se Ephesi moram protracturum usque ad Pentecostem, quòd ibidèm sibi

ostium

PARS PRIMA. 95

ostium apertum esset magnum, & adversarii multi. At ex eo etiam conjicere licet Judæorum multitudinem Ephesi morantem, quodd cum in Scævæ filios, homo à dæmone pessimo obsessus, irruisset, ob id Act. 19. terribi dicuntur Judæi, atque Gentiles quam maximè, quare cum multi credentes venissent *confitentes, & annuntiantes actus suos; multi ex eis qui fuerant curiosa sectati contulerunt Libros, & combusserunt coràm omnibus, & computatis pretiis illorum, invenerunt pecuniam denariorum quingentorum millium.* Quamvis enim fatear Libros combustos haud omnes à Judæis allatos, sed & à Gentilibus, manifestum tamen est Credentes Judæos indicari eo nomine, eos videlicet, qui ex Circumcisione crediderant, quique curiosa ad demonum expulsionem, filiorum Scevæ, & Judæorum more sectati fuerant, qua de re Baronius ad annum 57. n. 1. Ex Librorum itaque ea occasione combustorum pretio satis grandi, facile argui potest, quàm multi Judæorum Ephesi tunc morarentur, ex quibus plurimi in Christum crediderant.

- V. Quod reliquum ad explicandam Judaicæ gentis per Orbem diffusionem, & ejusdem certis

certis in Imperii Romani Urbibus frequentiore incolarum, superfluum videri potest, & nimis longè petatum. Sufficiat itaque ex usque modò discussis agnoscere, Asiam omnem, Evropæ Provincias ab Illyrico, Macedonia, Thraciaque ad Orientem vergentes, Africæ verò finitimam Cyrenem, innumerabiles Judæorum myriades habuisse; cæteras Occidentis regiones vel nullos, vel raros aluisse si Romam, Puteolosque excipias. Et Puteolis quidè ob id degisse eorum nonnullos crediderim, quòd illuc Alexandrinarum navium appulsus sæpius fieret, Frumenti in Italiam, & vectigalium Cæsareorum Romam advehendorum causa, quare Alexandrinæ Synagogæ appendix veluti, & Colonia, Puteolana. Romæ verò Judæos minimè parvam Urbis partem trans Tyberim tenuisse Philo tradit, quorum multitudinem conjicere est ex Tacito Annal. lib.2. ubi scribit, Tyberio jubente Junio Silano, & Norbano Flacco Cofs., quatuor millia Judæorum libertini generis in insulam Sardiniam amandatos sub specie coercendorum latrociniorum, re ipsa tamen, ut ob aeris gravitatem interirent. Hæc autem ob Sejani sycophantias acci-

PARS PRIMA. 97

accidisse, quo proindè perempto Judæi Romam rediisse, ex Philone elicitur, laudato de Legatione ad Cajum Libello. Indè tamen fieri potuit, ut Sardinia etiam Judæos imposterùm haberet incolas, diùque aleret. At pro eo, quod spectat ad Judæos Romæ degentes omittendum non est, post Herodis magni mortem, quinquaginta Judæorum Legatis Romam missis, adjunxisse se *ex Judæis Urbis Romæ plusquam octies mille*, ex Josepho lib. 17. cap. 12. Alibi in Occidente Judæos habitasse ex Veterum lectione elici vix potest. Sunt qui credant Paulum ob id in Hispanias proficisci cogitasse, quòd ibi Judæi degerent, qua de re Cornelius à Lapide in Epist. ad Rom. cap. 24. Sed & Chrysostomus in Matth. hom. 76. eum in Hispanias profectum ait *illic Judæos quoquè invisurus*. Hæc mirum in modum confirmarentur si fides adhiberi posset Græcorum Menologio, & Metaphrasti Serm. de Apostolis, ac à Surio allatis ad diem 29. Junii, aliisque hujusmodi. Porro Judæorum nonnullos in Hispaniis degisse primis Ecclesiæ Christianæ temporibus, conjecturæ loco esse posset, quòd sciamus quarto ineunte seculo ingentem illorum multitudinem ad Christum.

G

con-

conversam in Minoricensi Insula ex literis de ea re scriptis à Severo ejusdem Insulæ Episcopo, legendis apud Baronium ad annum. 418. nec enim fieri potest, quin à multo tempore ibidem, & in finitimis Continentis regionibus habitaverint, qui plures numero quandònam illuc appulerint & Severo scribente ignorabatur. At post Hierosolymorum vastitatem Judæos & in Occidentem frequentes venisse ex Rutilii Itinerario patet, cujus sunt illa:

*Atque utinàm. nunquàm Judea subacta
fuisset*

Pompeji bellis, Imperioque Titi.

Latius excisæ pestis contagia serpunt,

Victoresque suos Natio victa premit.

Verùm sunt Viri sanè eruditi, qui sentiunt, his Christianos Judæorum nomine peti; qua de re illi. Veruntamen dubitari nequit post διαποράν ultimam & per Occidentem Judæos habitasse, qui quarto seculo degebant certò in Italiæ Præfectura, in Apulia, & Calabria, in Gallia Belgica, & Agrippinæ, prout ex variis Imperatorum ejus ævi Edictis in Codice Theodosiano collectis adnotavit Jacobus Gothofredus in Paratit. Tit. 8. lib. 16. Minutius in Dialogo Octa-
vii

PARS PRIMA. 99

vii nomine inscripto rerum Judaicarum. Scriptores laudat suo tempore recentiores Flavium Iosephum, & Antonium Julianum. Nicolaus Antonius Eruditiss. Auctor Bibliothecæ veteris Hispanæ, quam summo rei literariæ bono, post ejusdem obitum, suis sumptibus edendam curavit Optimus, ac Doctissimus quondam Cardinalis de Aguirre, ex conjectura credit Julianum à Minucio memoratum eundem esse cum ejusdem nominis Rhetore Hispano, de quo Agellius Noct. Attic. lib. 1. cap. 4. Poterit quis fortassis ex conjectura similiter eundem Religione Judæum credere, cum à Minucio, Flavio Iosepho, Judæo certè, licet Civitate Romana donato, adjungatur. Ut quid enim postrema Judæorum fata Hadriano imperante, ut conjicit Nicolaus, interneçione deletorum, sicuti Flavius priora sub Tito, homo Hispanus sibi narranda, scriptoque Posteris commendanda assumpsisset, nisi aliquo modo ejus Gentis excidium ad se spectasset? Hæc tamen si quis emunctioris naris respuat, non ægrè feram.

VI. Modò cum ad Civile Judæorum Regimen sit transeundum, illud omnium primò observandum est, meritò reprobandum,

G 2

quòd

quòd nonnulli rerum politicarum Scriptores agunt, qui de Hebræorum Republica tractant ità, ut minimè videantur illam à Gentilium Rebuspublicis secernere, cùm reverà altiori regimine steterit, quàm cæteræ, quippè quæ usquè ad novæ Christianæ Legis exortum, Deum ipsum Auctorem, & suæ politiæ Nomothetem agnoverit, quamvis diversis rerum, & temporum vicibus acta. Quod ab initio Deus ipse promiserat, qui ex universo Orbe Populum sibi selegerat, qui sibi esset *in Regnum Sacerdotale* Exod. cap. 19. id semper perseverasse dubitari nequit, usquè dùm Judæorum Gens idèò deserui meruit, quòd Deum ipsa impiè abjecisset. Verùm æquè certum est plura etiam procedente tempore, formæ à Numine institutæ *Regali* videlicèt *Sacerdotio* accessisse, quæ non Divinam, sed humanam præsetulere Majestatem; alia quidem ex ipsius Dei indulto; alia verò, vel ex Gentis illius ad Ethnicorum politiam propensione, vel ex inducta postremis temporibus superstitione, ob quam Synagoga in varias Sectas divisa, multa sibi in Lege videre somniavit prorsus vel falsa, vel incerta. Eorum, quæ ex Dei indulto à Gentium moribus

ribus in Synagogæ regimen inducta fuere,
 principem locum habet Regum institutio,
 quorum primus Saul extitit. Præviderat
 enim Sapientissimum, & Clementissimum
 Numen, futurum, ut Populus ille idem,
 quem immediatè tot beneficiis auxerat,
 Gentium fastu olim caperetur, quæ Reges
 humana majestàte præditos habent; ac pro-
 inde, ut in aliis, ejusdem infirmitati morem
 gerens, certis legibus, quibus Divinæ Ma-
 jestatis Jus salvum foret, circumscriptam,
 Regis Gentium more adfiscendi, faculta-
 tem concessit Deut. 17. *Cùm ingressus fueris*
terram, &c., & dixeris constituam super me
Regem sicut habent omnes per circuitum natio-
nes, &c. Quod itaque rerum politicarum ce-
 leberrimis licèt aliàs Scriptoribus fidentiùs
 asseritur, verum non est; antè Saulis videli-
 cèt unctionem regale regimen proprium,
 verumque Hebræos tantùm habuisse, qua-
 tenùs Deus ipse Rex Populi erat, vel, quæ
 aliorum sententia est, non Monarchica, sed
 Aristocratica, seu Democratica, vel ex
 utraque mixta forma viguisse; quandòqui-
 dem ex Deo ipso agnoscimus *Regale* ex-
 cellentissimo modo *Sacerdotium* institu-
 tum, quod semper duraret, & verè regiam

potestatem, sacram tamen, & à Sacerdotio fluentem, cum jure Majestatis divinæ conjunctam, nulli alteri Populo communem, consecratam. Ob eam Moyses Rex fuit, qualis Deut. cap. 33. laudatur; *legem præcepit nobis Moyses hæreditatem Synagoga Jacob.* וַיִּהְיֶה בִישׁוּרֹן מֶלֶךְ, & fuit in Jesurum Rex. Item Rex verè dicitur non modò apud Judæorum Magistros Mainonidem, Abenezram, ac in Scemoth Rabba, Pefcktha Zattertha, & alibi, sed & à Philone de Vita Moysis lib. 2. & 3. qui eundem & Regem, & Sacerdotem, & Prophetam, & Legislatorem laudat; ab Auctore etiam Constitutionum Apostolicarum lib. 2. cap. 29. plurimisque Patribus, interquos Gregorius Nazianzenus audiendus est, à quo Moyses dicitur ἀρχὴν ἀρχόντων. Sed & eundem ritè vocat *Sacerdotum Sacerdotem*, ipse Gregorius; Rex enim, ac similis Sacerdos idem Moyses, ex quo per solennem ordinationem Aaronicum Sacerdotium Deo jubente, sicut, & Synedrii jus omne profluxit, ità ut in uno Moyse totius Hebræorum politiæ imago expresse- rit Deus, quam faciliè agnoscere possent Posterì, quamvis prò temporum, & rerum vicibus, variis regiminis formis Gentibus

PARS PRIMA. 103

tibus communibus, futurum esset ut videretur induta. Etenim quod sub XIII. prioribus Pontificibus ex Aaronis stirpe, ut narrat Josephus Antiqu. lib. 20. cap. 8., *primò penès Optimates administratio fuit Reipublicæ, post ad Monarchas, postremò ad Reges transiit*; quod à Josedeci Filio summum Sacerdotium gerente, ad Antiochi Eupatoris tempora, Pontifices statum Reipublicæ popularem rexerint: quod sub Assamonæorum Familia iidem diutiùs, & Pontifices, & Reges fuerint; quod tandem Regibus denuò à Romanis datis, & Romanis ipsis paruerint, sicut & antea Deo puniente rebellem sibi Populum, Alienigenis servierant; id omne corticem potiùs extimam, expressit, quàm ipsam Judaici regiminis substantiam, qua in tanta rerum varietate substitit semper *Regale illud Sacerdotium*, ob quod Hebræorum Respublica à cæteris omnibus secernebatur, jusque suum *Regale-Sacrum* semper quò ad rei substantiam, habuit, quamvis quò ad exterius ejusdem exercitium, variè se gesserit, ac quandòque ab ejus opere abstinere magna ex parte debuerit. Nec Josephus ipse dissentit, qui lib. 2. contrà Apionem instituta compara-

G 4

tione

tione inter Hebræorum Rempublicam, & Respublicas Gentium, concludit; *igitur infinitæ quidem particulatim gentium, atque legum apud cunctos homines differentia sunt. Aliæ siquidem Monarchis, alii verò potestatem popularem Reipublicæ commiserunt; noster verò Legislator nihil horum intendens, veluti si quis hoc dicendo mensuram transcendat verbi, Divinam Rempublicam declaravit. Quod proinde in humanis, seu Gentilium Rebus publicis formæ loco extitisset, accidens fuit merum in Hebræorum Divina Republica; nec eo mutato, mutationem passa est, cum forma ejus propria in Regali Sacerdotio consistens eadem semper fuerit, undè si, re benè perpenſa, sano modo intelligatur, & de Hebraici Populi Civitate verificatur Aristotelis effatum lib. 3. Politic. cap. 2. Civitas dicitur eadem specie donèc remanet eadem forma Reipublicæ; substantia videlicet, & regiminis veluti nucleus, licet folia, cortex, sive accidentia mutantur.*

VII. Quæ quidem ut dilucidius explicentur redeundum est disputatione ad Regum ex Gentium moribus, regiminis Hebraici formæ accessionem. Quod enim per Regis, qualem Gentes habebant, institutionem

PARS PRIMA. 105

nem, inducendum, petiere Populi Seniores, id fuit, quod Deus ipse, ut à petitis absterrentur, exponendum petentibus, injunxit, & *Juris regii nomine* vocavit. Nunc ergo vocem eorum audi. Veruntamen contestare eos, & prædic eis *Jus Regis*, qui regnaturus est super eos. Dixit itaque Samuel omnia verba Domini ad populum, qui petierat à se Regem, & ait; Hoc erit *Jus Regis*, qui imperaturus est vobis: facietque sibi equites, & præcursores quadrigarum suarum, &c. Difficillimus explicatu visus est hic locus Doctissimis Viris, qui propterea in diversa abiit. *Jus Regis* dictum nonnulli contendunt, quatenus quæ laudato loco narrantur, quandoque Regi liceat exequi, ob publicum bonum, sic Nicolaus de Lyra. At id reprobatur ab aliis, ex eo, quod plura ex ibidem recensitis publici boni pretextu salvari nequeunt, uti auferre à legitimis Dominis agros, vineas, oliveta, & servis dare, subditos liberos in servitutem redigere, & cætera hujusmodi. Alii *Juris* vocabulum improprie usurpatum, & eo nomine potiùs explicatum, quod Reges Gentium in Subditos contra fas, jusque admittere solebant, ut populus à petendo Rege hujusmodi absterretur,

retur, & in hac sententia est Abulensis ad hunc locum, & videtur fuisse Joh. Gerson. Tract. ne Principes, &c. Consider. 8., nec non D. Thomas 1. 2. quæst. 115. art. 1. ad 5. Sed reponunt qui aliàs sentiunt, id non magis in Gentium Regibus, quàm in quolibet etiam de Populo verificari potuisse, qui factiosus, & potens fuisset, nec quid singulare Regum proprium denotasset. Sunt proinde, qui existimant ibi non de nuda, ea, quæ ibi narrantur efficiendi facultate, seu potestate facti, quam quilibet Potens habet, sed de potestate injusta ex legis permissione subsistente, juris nomine, agi, quæ non excluderetur quidem peccatum, sed ea utens eximeretur à pœna legali; quare contendunt de hujusmodi jure Regum proprio conscriptam tunc nutu Dei Hebræis Regem petentibus, Legem, ac de ea loqui Regum Historiam lib. p. cap. 10. *locutus est autem Samuel ad Populum Legem Regni, & scripsit in Libro, & reposuit coràm Domino.* Hæc latè defendit doctus Scriptor contrà Monarchomacos lib. 2. Ut in hac sententiarum varietate dicam quod sentio, primæ acquiescere nequeo; boni enim publici prætextus nimis amplificatur, & boni etiam publi-

publici ratio destruitur, cum singulorum, periculum in his, quæ naturæ, & Gentium jure nostra sunt, in omnium periculum, & Civitatis everfionem redundet. Secundæ etiam, quæ obijciuntur validum admodum momentum habent, & eam minimè, laudatus Scriptor, D. Thomæ sententiam esse, satis ostendit. Tertia quamvis aliquo modo admitti possit, in pluribus tamen deficit. Illud enim certum est ex obvia sacri Textus lectione Jus Regis, de quo Deus monitum Populum voluit, vim suam non accepisse ex Lege illa, quam Samuel scripsit in Libro, & reposuit coram Domino, sed aliundè, cum non Jus novum illud esset, quod per eam legem inciperet, sed vetus, quippe quod obtinuerat apud Gentes, ex quorum moribus, tanquam extraneum, & jam subsistens adsciscébatur. Recolendum hic est, quod verissimè ex Aristotelis Polit. Libris docemur, differre admodum inter se spectato fine Regem, Dominum, Tyrannum; Rex enim primariò Reipublicæ commodum intendit; Dominus primariò proprium, deindè Populi; Tyrannus proprium tantum, non Populi; quare *διοπορεία* ex parte Tyrannidi, & ex parte Regno accedit,

cedit, ac media inter optimum, & pessimum regiminis genus sinit. Ubi tamen ex populi voluntaria subiectione obtinuerat, ut Reges in Subditos tanquàm in Servos dominarentur, Regium dominium despoticum etiam jurè fuit, cùm Gentes illæ à natura viderentur comparatæ ad servitutem, quo sensu Aristoteli 3. Politic. 10. *Barbaros magis, quàm Græcos, & Asiaticos, quàm Europæos* secundum naturam, Regibus despoticis obedisse, innuitur. Ex his probè, ut quidem reor, intelligitur de quo jure locutus sit Deus, & Deo jubente, Samuel; de eo scilicèt, quo circumpositis Gentibus dominabantur Reges non regale tantum, sed regale-despoticum, liberis hominibus, & regio officio incompetens, quodque sicubi legitimè obtinebat, non ex Divina Lege, sed ex Subditorum voluntate fluebat. Mirum itaque quantum à vera Regni Idea ipsis Gentilibus Philosophis perspecta, aberrant Doctissimi Christianæ professionis Scriptores, qui ex eo loco Jus illud comminiscuntur ex divino fluens, licèt peccati non exclusivum, à pœna tamen legali Regem eximens à solo Deo puniendum. Ut paucis autem sensum allati textus exponam,

ajo,

ajo, non novum jus iis, qui inter Hebræos regnaturi erant à Deo constitutum, sed nec in Rempubicam Hebræorum Deo ratum habente translatum Jus despoticum in Subditos, quo ex Populi consensu utebantur circumpositi Gentium Reges, verùm tantùm enarrata incommoda ex jure illo fluxisse, quod captus externo fastus splendore, petebat Populus.

VIII. Osee Prophetæ itaque quod dicitur; *projecit Israel bonum, inimicus persequetur eum, ipsi regnaverunt, sed non ex me*, referendum est ad Reges illos, qui cum despotico arbitrio dominati sunt Judæis, jugum, quod petierant serviliter ferentibus, quò violatum est jus Majestatis Divinæ, in quo forma Judaicæ Reipublicæ sistingebat; quare huc referenda sunt, quæ Deus Samueli post Populi petitionem, quid facto opus erat exquirenti, respondit; *non te abiecerunt, sed me, ne regnem super eos*; idest Jus illud speciale, quo utor in eos; violaverunt. Nullo autem modo ex Dei voluntate fluxisse, quod ex Gentium jure, Despotarum more quandoque Hebræorum Reges fecere, ostendit Oseas, quare sapienter in eum locum Hieronymus; *ergò Saul non ex voluntate Dei, qui*

- qui Regibus adscitis in aras, & focos jus despoticum dederit, *sed ex populi errore, Rex factus est.* Videtur autem Prophetæ sensus is esse, ut indicet Regum malorum despoticum regimen in pœnam *proiecti boni* Israël præstitutum à Numine; quo sensu Magnus Gregorius in primum Regum expol. lib. 4. cap. ultim. scripsit, intelligi posse jus illud Regni, quod Samuel scripsit in Libro, & reposuit coràm Domino; *Dùm ergò Regni lex scribitur perpetuæ memoriæ pœna traditur, quæ audaces puniantur: quæ quia per Dei justitiam lata fuerat coràm Domino reponi perhibetur.* In hac tamen explicatione Sanctus Doctor se non acquiescere ostendit, & proindè adiicit; *sed fortasse jus illud aliud fuit, quam lex ista, quæ scribitur; quod si verum est hanc Samuel coràm Rege ad populum loquitur, ut Rex sciat à Populo quid exquirat; sciat Populus quid exhibere suis Regibus debeat.* Josephus Antiqu. lib. 6. cap. 5. in Libroposito, scripta fuisse ait mala illa, quæ ex Regibus hujusmodi adscitis, Samuel Dei Oraculo edoctus, futura prædixerat. Hæc verò loca dùm Scriptor doctissimus urget, ut probet jus Regis conscriptum, quo Regibus potestas sit tributa impunè Subditos tam-

PARS PRIMA. III

tamquàm servos opprimendi, quid aliud agit, quàm Reges iræ Dei Ministros, Lictores, Carnificesque constituere? Porro ex allatis vel nil ad ejus mentem conficitur, cum Gregorius ideò tantùm dubitando asserat Legem Dei potuisse dici id, quod in pœnam delicti admissi imponebatur, quia à Deo justè puniente ex tunc irrogabatur quidquid adversi ex Regum dominatu eventurum erat, quo sensu jus Regni, jus Dei potiùs, quàm Regis, qui merus divinæ vindictæ executor futurus erat; vel eodem regio jurè usa fuisse dicenda sunt muscarum, & ranarum agmina, quæ Deo imperante in Ægyptios immissa pœnæ causa sacræ literæ narrant, seu, ne ab Israëlitarum populo divertamus, Serpentes in populi necem in deserto immissi, locustæque, bruci, rubigo, cæteraque hujusmodi Populo Majestatis Divinæ teo puniendo, & corrigendo excitata. Eodem jure (siquidem jus dici meretur) Assirii, Medi, Persæque usi sunt, cum Populum, Regesque rebelles Deo puniente in captivitatem abductos servire coëgerunt, quoque postmodum sub Græcorum, & Romanorum jugo fatiscentes Judæi, precariò vivere, suoque jure uti vix

vix potuere, quod tamen quo ad formæ substantiam immutabile perstitit, donèc Sacerdotale Regnum, Messiaæ opera, ad nobilioris Dei cultum, & non modò Judæorum, sed & Gentilium felicitati procurandæ ordinatum, juxtà Prophetarum oracula, eventum est.

IX. Sacerdotalis autem Regni Hebræorum proprii formæ, & ratio in eo stetit, quòd omnia tamquàm ad finem referrentur ad Dei cultum; quatenùs ipsa Populi temporalis felicitas ob id intenderetur, ut per eam Populus ad futuram per Messiam comparandam, ex sui natura institueretur. Itaque: quidquid in Lege Moysis præscriptum, licèt plura terrenis potiùs, quam divinis procurandis statuta primo intuitu videantur; ad Dei nihilominus immediatum cultum, & futurorum repromissionem obtinendam ordinatum est. Jus Majestatis Divinæ totum in Lege resedit, quare, qui ejusdem executionem ex officio procurabant, non lege soluti, ut cæterarum Nationum Principes, sed ejusdem famuli erant, ex eo ipso quòd Legis ipsius, ac Majestatis Divinæ vindices agebant. Hi licèt diverso modo, *super Moysis* (qui Dei proindè famulus

mulus dicitur Epist. ad Hebr. 3.) *Cathedram*, cujus nomine *Legem* intelligi sentit Hieronymus in cap. Matth. 23. *sedentes*, ex Lege judicia agebant, Legi parentes. Verum ex Legisejusdem præscripto super hujusmodi *Cathedram* sederunt, Pontifex Maximus, Synedrium majus, Judices in Populo; Reges autem ex Dei concessione, quatenus non despotici, sed *Legem* ipsam servantes, quam ideo apud se descriptam habere tenebantur ex Deuter. præcepto cap. 17. Cum verò potestas illa Magistratuum eorum, Legis præscripto alligata esset, Prophetarum munus, sive oracula vel viva voce tradita, vel sacris literis consignata nunquam non fuere in Hebræorum Republica, quatenus ex eorum responsis Numinis voluntas indubiis intelligeretur, præmia, ac poenæ rebellibus etiam in prædictis muneribus constitutis, & super Moysis *Cathedram* sedentibus infligendæ prædicarentur, ac deum, quod præcipue à Numine intendebatur, explicaretur quomodo ea omnia, quæ contingebant ad futurorum reprimissionem ordinarentur. Ex hocce Hebrææ politicæ Systemate apparere puto, primo de ejusdem formæ fuisse cultum Dei ad futurum Mes-

fiam ordinatum Pontificis, Synedrii, & Prophetarum officio procuratum, cætera horum consilio relicta, ex Legis tamen præscripto disponenda. 2. Reges quæ tales concessos, non imperatos, quæ verò Despotæ, pænæ loco admissos, qui tamen, cùm contrà Legis præscriptum agerent, & ipsi puniendi erant. 3. Eodem loco fuisse Medos, Persas, Græcos, Romanos, quos pænæ rebellis populo infligendæ causa, Deus ipse iratus vindictæ Ministros excitavit. 4. Hebraicam Rempublicam suppliciis hujusmodi licet attritam, durasse tamen quoad sui formam in Divinæ Majestatis Jure fundatam, quamvis in ejusdem formæ exercitio impediretur. Postremum hoc consequens firmatur ex eo, quod *Sceptrum* illud, & *Dux* ille, de quibus in celeberrima Jacobi filios benedicens prophetia, nequeunt intelligi durasse semper usque ad Messias adventum, nisi Sceptri nomine veniant Lex seu Cathedra Moyfis superiori modo explicata, summumque illud Majestatis Divinæ jus, non Regibus, qui nec semper, nec ex Legis præscripto fuere, sed Pontificibus, Synedrioque commissum, & *Ducis* vocabulo Prophetæ, qui Videntes dicebantur, quod Dei voluntatem

PARS PRIMA. 115

tatem explicarent, viamque inter figurarum tenebras indicarent. Ea explicato modo intelligi debere docemur ipso Redemptore nostro Christo Domino Jacobi vaticinium impletum ostendente Johannis Baptiste tempore, dicenteque; *Legem, & Prophetas usque ad Johannem prædictum, perdurasse.* At Judæis ipsis eo sensu intellecta facile agnoscipotest ex Justinicontra Tryphonem Dialogo; ibi enim cum S. Martyr Jacobi laudatum vaticinium retulisset, se quidem ait scire, Judæos adeo minime impudentes esse, ut negent Reges inter Hebræos defuisse ubi ad Alcalonitæ stirpem, ad Alienigenam videlicet, ac Semiudæum Regnum, non Dei immediato numi, sed Romanorum, venit; nihilominus tamen, inquit, *dicitis in genere vestro fuisse sacrorum Antistitem, adeo ut etiam tunc vobis licuerit juxta Legem Moysis offerre oblationes, & cetera reliqua, & alia legalia custodire; tunc autem Prophetas successionis suæ usque ad Johannem extitisse: quemadmodum tunc quoque, cum Babylonem adductus est populus vester, Terra vastata, & sacris vasis sublati, non desit esse ex vobis Propheta, qui Dominus, & Dux, & Princeps Populi vestri fuerit.* Horum au-

tem rationem adiciebant, quòd non Rex, sed Propheta Dux populi fuisset; quia Reges à Prophetis ungerentur, ac ex Dei electione constituerentur, ità enim intelliguntur sequentia; *Spiritus enim, qui in Prophetis vigeat Reges vobis unxit, & constituit.* Hinc facillè intelligere est, cur Joseph. Antiqu. lib. 4. cap. ult. in causis appellationum ad Synedrium magnum de Tribunalibus minorum Urbium locutus, ibi univèrit Pontificem Prophetam, & Synedrium hæc scribens; συναδότης ὁ πῖ ἀρχιερεὺς, καὶ ὁ ἀρχιερεὺς, καὶ ἡ γερουσία, καὶ τὸ δόκιον ἀποφαίνοντες convenientes Pontifex, & Propheta, & Senatus, id quod sibi visum fuerit decernant; quamvis Seldenus de Synedr. lib. 2. cap. 16. Talmudicorum fidei plus tribuens, quàm Josepho, cui allegata respondent, se non intelligere dicat, cur Pontifici, Synedrioque, Prophetam adjunxerit.

- X. Huc faciunt ea, quæ Doctissimis Viris probantur, adstruentia, Reges apud Judæos non modò de civilibus, sed, & de crimine, causam apud Synedrium dixisse. Josephi celebre illud est, quod Antiqu. lib. 4. cap. 8. Regis Legem Deut. cap. 17. latam exponens, ait à Mose Populo dictum de Rege;

It

storix oblitus, quærit ut afferantur exempla
 Regis ex arbitrio Synedrii pendentis vel
 ex Bibliis, vel ex Josepho. *Judæi*, inquit,
istam πολιτείαν animo tantum conceperant, nul-
li Principes eo jure regnarunt. Vide quæ in
Sacris Bibliis habentur, quæ apud Josephum
vernaculum rerum Judaicarum Scriptorem
leguntur, dabo pignus in omnes fortunas meas,
si vel verbo jus istud asseratur. At non ne à
Josephi Historia sumptum, quod de Hircano
doctissimus ipse Scriptor narraverat?
 Non ne ex eodem transcripta, laudata ver-
 ba de Rege Pontifici, Synedrioque subje-
 cto? Exempla ex Bibliis nancisci poterat
 Vir doctissimus, rara quidem cum Regum
 plerique *de facto*, ut loqui amamus, non *de*
jure, seu de jure Despotarum, jure divino
 in Judæorum Republica illicito, agerent,
 sed quæ tamen haberi possunt, si animo à
 partium studiis libero rquirantur. Unum
 quod pro multis sufficiat, suggerit Hugo
 Grotius magni nominis Scriptor de Jur. Bell.
 ac Pac. cap. 3. §. 20. de Hieremia Propheta,
quem, cum Procures ad mortem deposcerent, re-
spondit Rex, Sedechias videlicet, ecce in pote-
state vestra est, nam contra vos Rex nihil po-
test, in hoc negotiorum genere sicut. Quare
 ejus-

PARS PRIMA. 119

eiusdem Grotii sententia; *qui alia quavis de causa apud Syhedrium reus factus erat, eum Rex iudicio eximere non poterat, idè Hircanus iudicium de Herode, cùm impedire non posset, arte elusit.* Auctoritatem itaque Regis dependentem non modò ex Judæorum animo, sed & exemplis à Bibliis, & à Iosephi Historia petitis, firmatur, quod Vir laudatus petierat.

- XI. Verùm Hieremiæ allatum exemplum ex eiusdem Prophetia cap. 38. Systema etiam alterius docti Scriptoris evertit, quo in Defensione Regia contendit, Iosephi de Lege Regia assertum obtinuisse tantùm eorum, Regum temporibus, qui ab Aristobulo Jonathæ filio, usque ad Herodem Magnum regnare, at secùs ab initio fuisse; & *de his, ait, planè Regibus verum est quod dixit Iosephus lib. 4. Antiquitatum... quod de Regibus qui paulò antè Iosephi tempora imperarunt fortasse dici debet, ab Aristobuli regno, non de primis illis, qui antè Captivitatem fuere.* Quod autem dubitandi particula effert, absolute asserverat in præcedentibus; sub illo, Aristobulo silicèt, & sequentibus Regibus usquè ad Herodem Magnum, quo regnante natus est Christus, plurimùm potuit Syhedrium; nec

finè ejus consensu, & consilio quidquam Regi majoris, quod esset momenti, agere licuit. Qui autem fieri potuit, ut, quod Is, aliique passim obtrudere intendunt, contrà veterem morem Rex *ἡγεμὼν ὃ μὲν δὶχά τῃ Ἀρχιερεῖς, καὶ ὁ δὲ ἡγεμὼν ἡγεμὼν* tùm, cùm idem & Pontifex, & Rex fuit, & collato uni utroque summo jure, hic nihilominus, minori auctoritate polleret, quàm veteres illi antè captivitatem Reges quidèm, sed non Pontifices? Quomodò intelligetur quòd idem & Rex, & Pontifex *nil agat præter Pontificis sententiam?* Novi equidèm non modò ejus Viri, sed plurium doctissimorum Scriptorum idem assertum esse; at oppositum veritati niti mihi videtur, idque asserendi mihi necessitas incumbit, nisi non quà eundum, se quà itur, ire pergam. Libro p. Machabæorum cap. 14. Simoni Pontifici Maximo, & Ethnarchæ constituto narratur ea potestas, summumque Imperium collatum, quo majus, salva Reipublicæ forma, conferri nequibat, quodque nec veteribus antè captivitatem Regibus collatum novimus, nec postmodùm augeri potuit in Aristobulo, qui juri Simoni tradito, nil adjecit, præter Regis nomen, ac diadema. Verba sacri

PARS PRIMA. 121

facri Libri adjicienda, ut de ejus rei veritate diudicent æqui Lectores, agnoscantque, nunquàm Reges, qui Captivitatem præcellere pari auctoritate donatos; & complacuit omni populo statuere Simonem, & facere secundum verba ista; & suscepit Simeon, & placuit ei, ut summo Sacerdotio fungeretur, & esset Dux, & Princeps gentis Judæorum, & Sacerdotum, & præesset omnibus. Quam autem potestate omnibus præesset explicant præcedentia, ut, scilicet, sit super eos Dux, & ut cura esset illi pro Sanctis, & ut constitueret Præpositos super opera eorum, & super regionem, & super arma, & super præsidia; & cura sit illi de sanctis, & ut audiat ab omnibus, & scribantur in Nomine ejus omnes conscriptiones in regionem, & ut operiatur purpura, & auro, & ne liceat ulli ex populo & ex Sacerdotibus irritum facere aliquid horum, & contradicere his, quæ ab eo dicuntur, aut convocare Convantum in regione, sine ipso, & vestiri purpura, & uti fibula aurea. Qui autem fecerit extrâ hæc, aut irritum fecerit aliquid horum, reus erit. Verùm potestatis hujusmodi vis ea fuit, quæ Simonem, subsecutosque Reges in plerisque à Synedrii, in omnibus à Pontificum potestate subducebat; cùm enim

enim sine ipsis Conventus convocari nequirent, nec hi Pontificis sacro oraculo, quod Prophetæ loco tunc erat, indigerent, & sibi Sacerdotes alii, & Legis Doctores subderentur, habebant scilicet, quod nullo unquam tempore Reges habuerant; confluxerant enim ex Synedrii, Populique voluntate in eundem hominem Pontificia, Regalis, & oraculorum prophetiarum explicandi Potestas. Regum hujusmodi potestati augendæ occasionem suffecere, postremis illis collabentis Judaicæ Reipublicæ temporibus, Sæctæ inter Synedrii Collegas gliscentes Saducæorum, & Phariseorum, quorum primis ditiores, secundis promiscua multitudo, adhærebant. Hircanus Simonis filius Phariseorum favore sibi conciliato, Patris in se derivatam, tamquam ex asse, pontificiam, & regiam potestatem, mirum in modum auxit; at firmato semel in rebus gerendis arbitrio, à Phariseis ad Saducæos defecit adeo, ut eorundem traditiones abrogaverit. Alexander Jannæus Patris consilio minimè usus, & Phariseorum odio populi seditione vexatus, bello Judæos ad obsequendum coëgit, quorum ad octingentos armis devictos, crucibus suffigi jussit. Moriens

PARS PRIMA. 123

riens aliud agendum, & ut omninò Phari-
 sæorum favorem captaret, Uxori mandavit.
 Id cùm illa fecisset, consecuta est, ut, quod
 nunquàm in Republica factum fuerat, Mu-
 lier tamquàm legitima Judæorum Regina
 dominaretur ea potestate, ut in præsentì
 gravissimoque Populi totius discrimine, Sy-
 nedri ipsi unà cum Pontifice negaverint si-
 bi licere de remedio parando decernere,
 absquè ejusdem arbitrio. Agebatur autem
 de Aristobuli alterius ex filiis ausis compe-
 scendis, quibus Matre in vitæ periculo ob-
 morbum constituta, Regnum vi, & armis
 sibi parare curabat, ac eodem Hyrcanum
 fratrem, cui primo loco natò deberi videba-
 tur, privare, qua de re Joseph. Antiqu. lib.
 13. cap. ultim. Serius, quàm par fuisset au-
 ctam nimis Regum suorum potentiam do-
 luere Synedrii Patres, qui Hyrcano, &
 Aristobulo prædictis de Regno disceptan-
 tibus apud Pompejum, licèt in partes stu-
 diis scissi, aiebant tamèn *se nolle esse sub Re-*
gibus, quòd Patrium institutum babeant, ut
sui Deipareant Sacerdotibus; hos autem duos
esse quidèm è Sacerdotum genere, sed velle Prin-
cipatum Gentis in aliam formam traducere, ut
eam in servitutem redigant. Joseph. l. 14. cap. 5.

XII.

XII. At serò nimis malo semel admissò medicina parabatur, quandòquidem factum est, ut Judæi in ditionem Romanam venerint; quamvis enim Pompejus id tantum visus sit velle, quòd Gens illa contracta ditione intra veteres fines, tributo esset obnoxia, re tamen verà Gabinii opera Judæa omnis Provinciarum more in varios Conventus est discerpta, Hyrcano Hierosolimam deducto *curaturo templum, & suum Sacerdotium.* Rebus Romanis varias vices passis, Syhedrium, & Hyrcanus in speciem tantum visi sunt suo Jure uti, verum rerum omnium arbitrium penès Antipatrum resedit; factum est enim, *ut baud secus, quàm si Rex esset à tota Gente coleretur, & in tali haberetur honore, qualis non dedecet Dominum,* ut Joseph. lib. 14. cap. 17. ipsius enim Herodis filii benè gestis Romanorum gratia, quidquid libertatis, quidquid decoris Judæis restitutum est, id omne illis acceptum referri debebat. Ità Pontifice, & Optimatibus in ordinem veluti redactis, Jus eorundem primò elusum, deindè palàm spretum est, cùm Herodes nondum Rex, *præsetulit, quòd non esset compariturus, si denuò citaretur ad Judices,* imò Exercitu parato, movit in Syhedrium, unà, & in

& in Regem, qui & Pontifex erat, nec à cæ-
 ptis destitit, nisi Patris, Fratrisque precibus
 placatus, spèque futuræ suæ magnitudinis
 allectus. At Herode à Romanis Rege Ju-
 dæis dato, quanta is admiserit contrà jus fas-
 que, undè in deteriùs semper Judaica disci-
 plina abiit; quomodò Synedrii Patres ex-
 cepto Samea occiderit, qua potestate Pon-
 tifices pro libito creaverit, removerit, inter-
 fecerit, intelligi potest ex prælaudato Joso-
 pho lib. 13. variis capitibus, præcipuè 2. &
 11. Quæquidè cùm in hunc modum even-
 erint, confici posse credo contrario prorsus
 ordine rem processisse, ac doctissimi
 Scriptores tradidere, Reges videlicet pos-
 tremos Judæorum, collata primùm eidem
 Simoni Assamonæo amplissima potestate
 Pontificis, ac Ethnarchæ, in plurimis à Syne-
 drii foro exemptos, undè Posterì Dominatu
 potiti sint, Numine in pœnam admittorum
 criminum hujusmodi vim illatam ratam ha-
 bente; Veteres autem, qui captivitatem præ-
 cessere, quorum nullus Pontifex fuit, vel
 tanta potestate donatus, à Pontifice, Syne-
 drioque judicatos, Legi, Sceptro videlicet,
 Prophetisque, tamquàm Duci, paruisse.
 Hac verò temporum, & rerum distinctio-
 ne

126 PARS PRIMA.

ne adhibita facile iis, qui ad Rabinicæ doctrinæ criterium omnia examinanda volunt, conciliabuntur Magistrorum, ut vocant, sententiæ, quæ primo intuitu contrariæ videbantur; quod scilicet qui asserunt Regem Synedrii iudicio subditum, id de Regibus, qui Captivitatem præcessere, intelligant, tum videlicet in Judæorum Republica imperantibus, cum nullus ex Regibus Pontifex, & cum Prophetæ improbissimos quosque de Legis majestate admonerent; qui verò Regem non judicari dicunt, id de Captivitate eidem subsecutis, recentioribusque usque ad Christianæ Legis initia. Placet etiam illorum sententia, qui eos sensu Reges non judicatos asseverant, quæ non jus, sed factum potius describatur, quatenus significetur statutum ne Reges quidam judicarentur, ex eo quod improbi adeo essent, ut correctio eorundem minimè speranda, sed potius scandala timenda essent. Ità illud Misnæ tit. Sanhedrim cap. 2. & alibi *מלך לא ידון* Rex non judicat, nec ipse judicatur. In hunc modum explicat Maimonides halach. Melacim cap. 3. *Reges Familie Davidicæ, & judicabant, & judicabantur, etiam testimonium adversus ipsos præbere licuit.*

PARS PRIMA. 127

licit. At verò de Regibus Israel decrevere Sapientes eos nec judicare, nec judicari, nec testimonium præbere, nec in ipsos præberi testimonium, quoniam corda eorum superba fuere, nec aliud inde maneret præter scandalum, atque abolitionem institutorum Legis. Ità & Rabbi Joseph in Gem. Babilon. ad tit. Sanhedrin; quod de Regibus recentioribus etiam intellectum, adeò, ut captum Regem non judicari sub Alexandro Jannæo, ex quadam Historiola in eadem Gemara, narretur, de quibus videri potest Seldenus de Synedriis lib.2. cap.14. & lib.3. cap.9.

- XIII. Satis, ut reor, ex usquè modo deductis constare puto de his, quæ in Judæorum Republica tum ad formæ substantiam semper spectarunt, tum accessione ex Dei indulgentia admissa sunt, ac etiam de his, quæ Deo potius puniente, quàm ratum habente à Gentium moribus, & dominatu accersita, Judaico populo, supplicii causa, sunt irrogata, primùm quidem captivitatis tempore in servitutem abducto, postmodùm Syro-macedonum regimini subdito, inde suorum *διοπορεία*, ac tandem Romanorum viribus attrito. At si quæretur in tali rerum systemate, an Judæi, cum vel captivi apud
- Me-

Medos, Persasque degebant, vel Syracidarum imperio parebant, vel Romanorum jugo premebantur, vel demùm Regum suorum non regio, sed despotico, ac impotenti dominatu affligebantur, ab intrinseca sui regiminis forma excidissent, itaut nec *Regale* illud *Sacerdotium*, nec *jus* illud *divinæ Majestatis* extaret ampliùs, & si quid in multiplici eo rerum discrimine pro Principum beneplacito vel forense, vel judicarium agebant, id totum seù exeorundem Principum jure flueret, vel ex ipsorum Judæorum *fœderata*, ut vocant, *disciplina*; facilis ex suprâ disputatis est horum omnium resolutio. Planè enim consequitur nunquàm non fuisse in Judæorum Gente *jus Majestatis divinæ*, licèt ad tempus in actus minimè deduci posset, & cùm magis, minusve idem *jus* exercebatur, pœnæ à Numine irrogatæ, rigore aliquo ex parte remisso, id factum fuisse ex juris ipsius natura, minimè verò acceptum referri potuisse Principibus id permittentibus, qui meri in hac parte Numinis, pœnæque Ministri erant, nec vim traxisse exeorundem Judæorum voluntate, qui ex *fœderata disciplina* convenissent. Duo enim mihi sunt prorsus certa, unum sci-

sci-

scilicet, quod jus illud, quo Judæorum Res publica stetit à Deo immediate fluxit, Deo ipsi immediate colendo institutum; alterum quod Jus hujusmodi *Scriptis*, ac *Duce*, ac *Lege* videlicet, ac *Prophetis* constans, tolli non poterat; seu potius perfici, & in nobilitatem formam renovari, nisi Messia veteres figuras implente, & novam Legem, quam veteris adumbraverat, condente. His vero non obstantibus adnotandum æque est, ex Principum jure habitum illud omne, quod minime ex Judaicæ Reipublicæ forma haberi poterat, quatenus totum à foederibus cum Gentilibus pactis, & ab eorum concessis, & respectivè acceptatis privilegiis, pendebat; ut cum Judæi jure Macedonum à Alexandria ab Alexandro, Amiocheno à Seleuco, Chiritatis, Latino, vel Italico à Romanis donati sunt; neque enim id ex Legge fieri poterat. Quare sicut quædam admittenda sunt ad Civium commoda, utque legitime fruebantur, ita onera eorundem ferre, & tenebantur, & Principibus obedire, ac tributa persolvere, omniaque communia peragere, quæ ceteri Cives, salva sua Reipublicæ substantia, ac illæso diuina Majestatis jure. Hinc Justinus distinctione inchoa-

tit

I

tur

tur divinum illud Servatoris nostri respon-
sum Herodianis Phariseorum nomine in-
terrogantibus datum, liceret tributum solui
Cæsari, an non *reddenda esse videlicet Cæsa-*
ris Cæsari, & quæ sunt Dei Deo; quatenus
in eo rerum Judaicarum statu servato Jure
divino Judaico, quo adhuc stabat *Regnum*
illud *Sacerdotale* mox perficiendum, quam-
vis in actum minus deduci posset, redderen-
tur Cæsari ea, quæ se reddituros Judæi. pro-
miserant, vel ex fœdere civilis societatis, quo
in Romana ditione degebant, vel ex civi-
um Romanorum jure, pactisque ultrò, citrò-
que sancitis. Media proinde hoc modo via
inhiandendum reor inter veterem Ju-
daeorum sectam, illorum scilicet, qui Ro-
manorum Imperio se subducere conaban-
tur, & recentiorum quorundam Politico-
rum sententiam, qua non modò in Judaica
Reipublica Jus omne sacrum à temporali
Regum potestate dependisse prætendunt,
sed & id decernunt de temporali, & Ponti-
ficio, forensi, quod omne ab Ethnicorum
Principatus, tum in Captivitate, tum Græcis,
& Romanis rerum dominis, jure fluxisse de-
scendunt. Quod autem ad prius veritatis ex-
tremum pertinet, de Judaica illa secta scri-

PARS PRIMA. 131

bit Hieronymus in cap. 3. Ep. ad Titum ad illa verba; admone illos Principibus, ac Potestariis subditos esse; obedire ad omne opus bonum. Quod quidem præceptum, ait, & hic, & ibi (ad Romanos videlicet cap. 13.) propterea prædictum, quia Juda Galilæi per illud tempus dogma adhuc usquebat; & habebat plurimos sectatores, cuius & in Actis Apostolorum fit mentio; Scriptura referente: ante hos enim dies surrexit Theodas illicus quondam se esse magnum, cui apppositi sunt Viri quasi tria milia: & post hunc surrexit in illicus census Judas Galilæus; qui inter cetera hoc quasi probabile proferebat ex lege: nullum debere Dominum nisi solum Deum vocari, & eos, qui ad templum Decimas deferrent; Cesari tributa non redilere. Que hæresis intantum creverat, ut etiam Phariseorum, & multam partem populi conturbaret, ita ut ad Dominum quoque nostrum referretur hæc quaestio; licet Cesari dari tributum, an non? Bene autem admone mursectam illam, seu hæresim, ut illam vocat Hieronymus, Christo adhuc inter homines degente viguisse; etenim Josepho teste de Bello lib. 2. cap. 7. constat illam invectionem Simonis cuiusdam Galilæi opera, cum Archelai Tetrarchia in Provinciarum formam.

redacta, Coponius in eam Procurator est missus. Simon autem *defectionis arguebatur, quia Indigenas increparet, si tributum Romanis pendere paterentur, Dominosque post Deos, ferre mortales.* Contrà alterius extremi Assertores pugnant, quæ fortiter, iuste, propitioque exitu egere Assamonæi Mattathiæ Filii, cum in Antiochum, patriam Judæorum Legem evertere aggressum, strenuè insurrexerunt, ac tandem suæ Genti, excutiendi Exterorum dominatus, & regnandi viam paraverunt. Quandoquidem, si quo antè id temporis utebantur Judæi in sua Republica Jus, à Jure Syracidarum dependisset, nullo justitiæ colore in Antiochum movere potuissent, nec ulla præscriptione legitime Assamonæi regnassent. Cum itaque ageretur de Jure Majestatis divinæ tuendo, licuit vires exerere, contrà Antiochum, illumque ab his etiam, quæ sinè Numinis injuria in Judæorum Rempublicam poterat, deturbare. Secus autem fuisset, si Judæi permitti suis Legibus uti, servatoque Reipublicæ jure divino, seditionis ansam quasivissent renuentes reddere, quæ Antiocho Magno Antiochi illius impiï Patri, tamquam ex fœdere debita red-

reddiderant, & quæ Seleuco regnante servanda cognoverant Ptolemæo Ægypti Regi, cui Antiochus prior Cleopatram filiam desponderat, concessis dotis nomine Cœlesyria, unâ cùm Phœnice, Judæaque, & Samaria. Et hac quidem cùm distinctione, accipienda sunt, ne in veterem Judæorum sectam impingamus, quæ eximius Scriptor Guil. Barclajus lib. 5. contra Monarchomachos cap. 19. (vereor ne suæ sententiæ omninò cohærens) tradit Boucherio respondens. *Quamvis, ait, Judei frequentèr, ob sua, Principumque suorum scelera in vicinorum Populorum ditionem, & servitutem Dei permissu fuerint redacti, tamen nemo extraneus ante Messie adventum legitimus in eos imperium ulla temporis præscriptione potuit acquirere, aut jure suo impedire, quominus, ubi vires illis, & voluntates suppeterent, se se in libertatem sivè Religionis, sivè Reipublicæ causa vindicarent; non est igitur cur illustria illa Machabæorum facta in præsentis negotii disceptationem transducas.*

XIV. Hæc omnia cùm benè perspecta haberent illi, qui inter Judæos de Reipublicæ suæ excellentia sanius sentiebant, nil antiquius habuere, quàm quod fieri potuisset

Juris exercitium servare, etiam in Captivitatibus gementes, etiam exterorum Principum potestatibus subiecti; nec ab eo jure mordicis tuendo destitire, etiam cum nulum revera habebant, tunc videlicet, cum veteribus figuris impletis, Sceptrum de Juda ablatum fuerat, & Dux de femore ejus, hæcque ad novam Christi Ecclesiam translata. De antiquissimis Populi in Captivitate Principibus, sive Achmalotarchis plura in rem præsentem scribere hic non lubet paulò infra exponenda. Illud usque modò tractatis adjecisse sufficiat, quòd licet, ex Darii Histaspis filii amicitia Zorobabel Populi Dux declaratus fuerit, ut Josepho narratur Antiqu. lib. 1. cap. 4., licet Xerxes Darii filius Esdræ dederit, *juxta concessam divinitus sapientiam, constitueret Judices, qui per Syriam, ac Phœnicem jura redderent, cum potestate etiam multa imponenda, capitisque dammandi criminosos*, ut idem lib. eodem cap. 5. & Esdræ lib. 1. cap. 17. id certe Judæorum nullus, Regi acceptum se referre debere credidit, sed potius Dei beneficio existimavit redditum quod injustè ablatum fuerat, quandòquidem id omne sibi deberi ex Lege noverat. Idem statuendum est

PARS PRIMA: 135

est de his, quæ postmodum Syriæ, & Ægypti Reges, quæque Julius Cæsar, Antonius, Augustusque, vel Senatus, Populusque Romanus concessere ad Legis exercitium spectantia, licet secus dicendum sit de Civitate Romana donata, aliisque hujusmodi privilegiis circa adiaphora. Sic Pontifices ab Ethnicis Principibus constituti, Reges non Dei nutu electi, sed à Romanis dati, antè Judaici populi consensum, nullo legitimo jure fruebantur in his, quæ ad sacræ Reipublicæ formam pertinebant, licet aliàs Gens Judæorum vel tamquàm fœderata, vel uti Ditionis Romanæ pars, ea reddere teneretur, quæ divinam suæ Reipublicæ Majestatem non lædebant.

XV. Quæ usquè modò in superioribus tractata sunt, Juri Judaico explicando præmitti debebant, ne factò ipsi exponendo, quod nunc agendum remanet, mihi incumbenti, quaestiones de jure eodem incidentes, Historiæ lineam abrumpendi, necessitatem sæpiùs crearent; facile enim ex disputatis agnosceret quisque, quid Legis causa cum stetit, vel Legis prætextu postquàm cessaverat, quid contrà, quidve præter Legem admiserint, passique sint Judæi à Christi Ecclesiam suam

fundantis tempore, ad postremam Hierosolymorum everſionem. Urbs illa quandiũ ſtetit Judæorum omnium, qui non modò intrà Terræ fines, ſed & in cæteris Orientis partibus uſquequàque juxtà jam dicta degabant, Metropolis una fuit. Eam Plinius ipſe Hiſt. natur. lib. 5. cap. 14. laudat; *Hierosolyma longè clariffima Urbium Orientis, non Judeæ modo.* Philo lib. in Flaccum idem expreſſè tradit. *Judeos, inquit, una regio non capie propter hominum multitudinem, quàm obrem plurimas, ac fortunatiſſimas Urbes in Europæ, Aſiæque Provinciis, ac Inſulis incolunt, pro Metropoli habentes ſanctam civitatem, in qua Templum altiffimo Deo ſacratum eſt.* Idem & Agrippa Rex ad Cajum ſcripſit loco, quem ſuprà retulimus §. hujus capituli 2. Ea in Urbe Pontificis, ac Synedrii magni majeſtas, tanquàm Reipublicæ totius (non modò quàm Judæam, ſed & quàm latè Orientis, Europæque regiones occupabat) centrum, & unitatis apex eminebat, undè fluebat omnis illa poteſtas, qua & minora Synedria, & cujuſque Synagogæ Patres ſacra, & humana moderabantur pro rerum, locorum, & temporum ratione. In hujus rei ſignum, ne apud privatos quidem fo-

PARS PRIMA. 137

eos inquit Philo lib. 2. de Monarchia, *licet rem divinam facere, sed vel ab extremis terris ad hoc templum proficisci jubentur sacrificaturi; & pecuniarum vis magna quot annis illuc afferebatur, cum Judæorum quisque ab anno ætatis vigesimo, juxta Legis præscriptum, & pro fortunarum modo, primitias solvere teneretur; quare, inquit Philo laudatus, cum Gens illa esset populosissima procùl dubio hæ primitiæ maximam rerum copiam suppeditabant.* Explicat autem quo ordine primitiæ hujusmodi colligerentur, subdens; *quo circa penè oppidatim sunt sacra eraria, ubi mos est deponi primitias; quam sacram pecuniam certis temporibus Legati ad Templum perferunt, delecti ex cujusque Civitatis Optimatibus.* Licet autem prætendi possit nullam jurisdictionis speciem prætulisse frequentem Judæorum concursum ad Metropolim ex diffitis Orientis, Evropæque partibus, quippe qui merum Numinis cultum importasse videatur; id enim verò dici nequit de primitiarum hujusmodi erogatione, quæ fieri non poterat absque eo quod Imperii Romani Provincialibus magno damno esset, ac proinde in juris Romani diminutionem cederet, cum grandis illa auri vis in-

fin-

138 PARS PRIMA.

singulos annos à qualibet Provincia Judæis habitata, asportata, Judæorum Pontifici, & Sacerdotibus ex parte inserviret, ejusque quod reliquum erat intrà unius Templi cimelia nullo Romanæ ditionis usui futurum reconderetur. Id inter jura reponendum, quibus Respublica Judæorum usa est etiam cùm Romanis paruit, quo videlicet omnes ubique degentes Judæi tributo veluti, Hierusalem tanquàm unitatis centrum, agnoscebant, probant Provinciarum Magistratum iræ, & conatus, quibus sæpius curatum est, ne pecuniæ hujusmodi asportarentur, & Judæorum constantia conatibus hujusmodi contranitentium; eorundem etiam secta, quæ, perperàm licet, credebat tamen à jure primitiarum exigendarum, elidi tributi civilis exigendi Jus Romanum; ac denique Augustorum constans praxis (cui Cæsar ipse, & Antonius præluserant, duravitque etiam post Templi, & Urbis everfionem usque ad Sæculi quinti Christiani dimidium, cùm non Templo, sed Judæorum Patriarchæ Primitiæ soluebantur) edictis pecuniæ Judaicæ erogandi, asportandique facultatem, concedendi, adimendiquo. Scilicet extant apud Josephum, &

Phi-

Philonem ejus rei argumenta præclara pro illis Judæorum temporibus, quibus Metropolis, & Templum stetit. At nullum valdiuseo, quod Josephus ipse de Bello lib. 7. cap. 13. exhibet, ubi Titum inducit incenso Templo peremptoria illa Oratione ad Judæos in hæc Verba loquentem; *Itaque vos contra Romanos, ipsorum excitavit humanitas, qui primum vobis, & Terram dedimus possidendam, & gentiles imposuimus Reges, deinde Leges servavimus patrias, & vivere vos non solum discretos, sed cum aliis etiam, vestra voluntate, concessimus; quodque maximum est, tributum capere Dei nomine, ac donaria colligere permisimus, eaque offerentes neque monuimus, neque prohibuimus, ut hostes nobis efficere mini ditiores, nostraque pecunia vos contra nos instrueretis. In Codice utroque adsunt Leges ad Avri, ut vocabatur, Coronarii solutionem spectantes, quod cum primum primitiarum nomine Templo, ex Legis præscripto offerretur, Patriarchæ postmodum cessit ab Orientis, & Occidentis Synagogis solvendum; nec enim omnino desuisse, nisi fortasse per aliquot annos à Hierosolymorum per Titum facta everfione, arbitror oblationes, cum de Judæorum Patriarcha mentio*

tio habeatur in Hadriani Epistola Vopifco
relata, quamvis eodem Iosepho teste Li-
bro prædicto cap. 26. *Vespasianus stipen-
dium ubicumque degerent Judæis indixerit, bi-
nasque drachmas singulis annis deferre in
Capitolium jussit, ita, ut antebac Hierosoly-
morum Templo pendeabant.* Id certè in rece-
pti Juris monumentum. At si in re clarissi-
ma plura quis exigat adstruentia Synedrii
jus, & Pontificis potissimum fuisse exigendi
à singulis Judæorum ubivis degerent primi-
tias, decimasque; præclaram ejus rei proba-
tionem nanciscetur ex Manassis à suis trans-
fugæ actis, qui Templum Garizimiticum,
constructurus ubi Pontifex maximus cum
suo pseudosynedrio judicaret, ut plures ad
suam sectam adduceret, nil se exacturum,
promisit contentum spontaneis donariis;
qua de re Salomon Ben Wîrga in Shêbêt Je-
huda; *misit inquit præconium in regiones cir-
cumvicinas, quicumque ad Templum suum ve-
nirent nequè primitias, nequè decimas eos da-
turos, sed tantum spontanea donaria: nequè
Deagrata esse, quæ cogerentur, sed tantum spon-
tanea, undè pauperum animos sibi conciliavit.*
Oppositum ergò Pontifex Maximus, Syne-
driumque Hierosolymitanum sentiebat, si-
bi vi-

PARS PRIMA. 141

bi videlicet ex Legis divinæ præscripto jus esse primitias, decimasque ab unoquoque Judæorum, ubi vis moraretur, exigendi.

XVI. Cum autem adeo certum sit, compertumque ex Magistrorum scriptis, ut nil certius compertiusque, alterum argumentum unitatis Judaicæ, & ejusdem verticis in Templo Hierosolymorum residentis, potestas videlicet judicialis omnimoda Syne-
drii LXXI. viralis in שמעון הורית, pleniorque, quàm, quæ minoribus quibuslibet Syne-
driis competeret; antequàm de ea re agam, expedit pro assumptæ provinciæ argumento explicare quid sentiam circa quæstionem illam, quam satis perplexam reddidere doctorum Virorum in diversa abeuntium vota; an videlicet Christi Domini nostri morientis tempore, proximèque subsecuto, usque ad Urbis, Templique excidium Syne-
drio illi magno Jus Vitæ, Necisque fuerit, nec ne. Ex Talmudicorum pleno consensu constare videtur *quadraginta annis antè excidium Templi secundi, cessasse capitalia judicia ex Israel.* Galatini de Arcanis lib. 4. cap. 6. aliorumque, calculis adhibitis, ea sententia est, quod falsum judicium in Christum prolatum, Syne-
drium à loco suo, ubi criminalia judi-

judicia exerceri poterant, translatum, jure suo excidisse. At chronologicam rationem inficiatur Seldenus de Synedriis lib. 2. cap. 15. n. 8. contenditque ex eo non subsistere, quòd *quadragesimus ante Urbis excidium annus Judicium D. N. Jesu Christi triennio, aut biennio juxta calculum videlicet vulgarem antevertit*. Verùm minimè antevertit, sed uno saltem anno posterior est, si veterum Patrum sententiæ adhæreamus, qui Christi Domini Mortem duorum Geminum Consulatu, anno videlicet æræ vulgaris vigesimo nono, consignabant. Seldeni præterea ea mens est, ut à prima illa Synedrii migratione usque ad Templi excisi tempus, sentiat non fuisse eidem ademptum Jus circa capitalia Judicia, sed exercitium potius Juris ejusdem liberè migando ab Liskat intermissum, eo quòd tutò, vel cum effectu ob rerum, & temporum vices haberi minimè posset, quinimò dicendum esse ex Tosiphtha ad tit. Cethuboth. cap. 3. & Aboda Zara cap. 1. eos, Synedros videlicet, *quoties decernerent tempus opportunum esse, rediisse in Conclave illud, ibique judicasse*, idque factum non dubitatur in Christi Domini judicio ad Gem. Babylon. tit. Sanhedrin cap. 4.

Quo-

Quoties decernerent tempus, esse opportunum, rediisse dicuntur in Liskat bagazieh; quemadmodum ob causam Jesu, & quæ similia sunt. Trahi tamèn non videtur posse ad exercitium hujusmodi impeditum, quod Judæorum Proceres Pilato dixere; nobis non licet interficere quemquam. Nec enim credibile est permittentibus Romanis Synedrio criminalia judicia, ea occasione Procuratori vel ignaviam, vel injustitiam exprobrare voluisse, qua criminibus impunitas fieret, quem conatibus suis consentientem quærebant. Josephus Scaliger Talmudicam, & Rabinicam illam judiciorum cessationem tamquam fabulosam explodit, & contendit omne circa criminalia Jus à Judæis ablatum cum, Archelao in exilium pulso, Judæa in Provinciæ formam redacta est; at ægrè admitti potest quod ille vult in Animad. ad Eusebium; verba videlicet Pilati ad Judæorum Primates; accipite eum vos, & secundum Legem vestram judicate eum, insultabundè & εἰρωνεύων dicta; quandoquidem nec tempori, nec rei, nec aliis à Pilato actis, qui libenter à judicio ferendo se exemisset, congruit sensus insultabundus, & ironicus verborum hujusmodi. Scaligerum tamen plu-

res magni nominis Viri secuti sunt, ac inter
 ceteros Petrus Daniel Huetius in Notis, &
 Observ. ad Originem. Placet sententia, Sy-
 nedrium de criminalibus judicasse usque
 ad Templi excidium, quam novissime post
 Erastum, Seldenum, Wagenseilum; alio-
 que, defendit doctus Scriptor Antonius
 Bynæus; De morte Jesu Christi lib. 3. at
 placet adhibita duplici distinctione. Qua-
 tendis scilicet sensu à Seldeno explicato in-
 telligantur Judæorum Magistri summa
 concordia Synedri migrationes à loco suo
 narrantes, quarum prior anno quadragesi-
 mo antè excidium Templi acciderit, & ideò
 cessasse criminalia judicia, non quòd abla-
 ta fuerint à Romanis, coactive Judæi à
 Templi loco migrare, sed quòd liberè mi-
 grare ipsi voluerint, ad libitum etiam illuc
 pro rerum opportunitate reversuri; & ulte-
 rius, quatenus Jus hujusmodi credatur non
 omnium criminum cognoscendorum fuisse,
 sed eorum tantummodò, quæ ex Legis Ju-
 daicæ intrinseca forma violata, procedebant,
 reservatis Augusti Procuratori, quæ imme-
 diatè Majestatem, Jusque Romanum læ-
 debant. Duplex hujusmodi Jus clarè con-
 stat ex Evangeliorum historia; etenim ad
 Ju-

PARS PRIMA. 145

Judæorum Tribunal reus Mortis pronuntia-
tur Christus, quòd se filium Dei dixerit, blas-
phemix enim crimen ad Synedrium specta-
bat; apud Pilatum verò tamquàm Crucis
reus agitur, quòd prohibuerit tributum dari
Cæsari, & seditione in populo tentata, Re-
gem se fieri curaverit, quòd à Pilato, tan-
quàm Cæsaris Procuratore cognoscendum
erat. Cùm itaque Pilatus Judæis dixit; *ac-
cipite eum vos, & secundum Legem vestram
judicate eum*; Jus blasphemix plectendi Sy-
nedrio asseruit; ubi verò Synedri reposue-
runt; *nobis non licet interficere quemquam*,
fassi sunt nullum sibi Jus competere de cri-
minibus Augusti Majestatem lædentibus,
cognoscendi. Cùm autem à Pilato Chri-
stus Augustæ, & Romanæ Majestatis læ-
sæ reus est pronuntiatus, supplicio Crucis
addictus est, qui si de blasphemia à Syne-
drio judicatus fuisset, non Crucis supplicio,
sed lapidibus damnatus, contrà quod præ-
dixerat, obiisset; idèd Johannes à Judæis Pi-
lato dictum, *non licet nobis interficere quem-
quam*, referri debere ad Crucis supplicium
ostendens, immèdiatè subjunxit; *ut sermo Je-
su impleretur, quem dixerat, significans, qua
morte esset moriturus*, quod Edmundo Me-

K

ryllio

146 PARS PRIMA.

ryllio adnotatum in Nor. Philol. in Pafs. Christi. Ob horum Jurium distinctionem, in Apostolorum Actis facilè est videre, ad Synedrii cognitionem deducta, quæ Legem, Numen, Templum violatum præferre prætendebantur; seditiones verò, & alia Status, ut vocant, rationem tangentia, ad Præsidem relata. Paulus etiam, qui apud Tribunal ne cæderetur, Lege Portia, aliisque Romanis; apud Synedrium, ne os sibi percuteretur Anania jubente, Lege Judæorum se tuebatur, ac ipse idem, qui tanquam Romanus Civis à Romanis cælus non est; *qi inquit, Synedrio decernente, quadragenas p'agas una minus accepit, ut Judæus.*

XVII. Judicium de Christi Domini necesse quod totum Hierosolymis à Pontio Pilato Tiberii Procuratore peractum est, satis argumento est, si cæteris ad Jus Judaicum spectantibus addatur, nullam Templo stante in Judæa Civitatem fuisse, quæ potiori inter cæteras loco haberetur, Hierosolyma. De Cæsarea Palæstinæ proindè agendi hic locus est, & videndum quibus gradibus, & quo tempore Metropolis decus adepta sit. Notum autem est ab Herode Rege in Augusti honorem conditam, summoque sumptu

PARS PRIMA. 147

ptu dedicatam, cū anteā ibidem loci Vicus esset, quem Plinius Appolloniæ nomine vocat, Josepho autem Stratonis *Πύργος* dicitur. Circa initium Neroniani Imperii Felicis Judææ Præsidis postremis annis captum primū à Gentilibus Cæsareæ incolis Judæos à Jure illo deturbare, quo usquē ad id temporis nemine contradicente, Cæsarea veluti Judaica Colonia habitata fuerat, contententibus Gentilibus Syris se nullo modo ad Judæos pertinere. *Alter autem tumultus*, inquit Joseph de Bello lib. 2. cap. 12. *ortus est circa Cæsaream, inter Judæos scilicet, qui ibi permixti habitabant, & Syros, seditione commota. Hi siquidē postulabant, ut eorum esset Civitas, Judæum ejus fuisse Conditorē dicentes, erat autem Rex Herodes. Æmuli verò Conditorē quidē confitebantur Judæum, ipsam verò Civitatem fuisse Gentilium vendicabant, nequē enim illic Statuas, & Fana potuisse constitui, si ad Judæos eam Conditor pertinere voluisset. Cū res armis, seditioneque ageretur, Felix minaci Edicto præcepit Contumaces quosque urbe discedere; inde manente seditione nobiles utriusque partis electos, Legatos misit ad Neronem de Jure disceptaturos. Felici, Festus successor datus*

K 2

est,

est, cui demortuo circà vulgaris Ære Christianæ annuum LX. Albinus sufficitur, & huic Gessius Florus, quo Præsidente erumpentibus jam tum Judaici Belli initiis, Lis illa apud Neronem dirempta est, & *Cæsarienses Gentiles victores exitere, decretumque istud contestantes literas attulerunt;* eodem Josepho teste cap. 13. Paulò igitur antè quàm Vespasianus in Judæam Legatus Proprætor Belli Judaici gerendi causa veniret, Cæsarea Gentilis ad Judæos minimè originis ratione spectare, est declarata, & Vespasiano ibidem tanquàm in Belli arce degente, eo honore aucta est, ob quem Hierosolyma Judæorum Metropoli propèdiem à Romanis delenda, ipsa inter circumpositas Urbes emineret. Quid nò hùc sit referendus Neronis Nummus, in cujus aversa parte legitur ΚΑΙΣΑΡΙΑ, Η. ΠΡΟΣ. ΣΕΒΑΣΤΩΝ. M. L. 1A., de cujus lectione acerrimè disputatum est inter Viros eruditos? Idem fortassis dicendum de similibus ad postremos Neronis annos spectantibus, videndisquæ apud Harduinum in Herodiadum Nummis. Obtentæ contrà Judæos causæ monumentum fuit Numisma, in quo Cæsarea *ab Augustis* vel magna, vel Metropolis dicitur, ne de-

ne decora hujusmodi ab Herode, Judæisve fluxisse crederentur. Verum ne nota M. Metropolim significare credam, quæ subjiciuntur cogunt. Vespasianus post Neronis interitum Imperium adeptus, Templo, Urbeque per Titum excisis, Cæsaream Coloniam fecit, qua de re Paulus J. C. lib. i. de Censibus; *Divus Vespasianus Cæsarienses Colonos fecit non adjecto; ut & Furis italicis essent, sed tributum hic remisit capitis; sed Divus Titus etiam solum immune factum interpretatus est.* In Titi proinde Nummis Coloniarum, & Flaviarum, & Liberarum titulos primo habet, ut in eorum altero, in cujus aversa parte Mulier turrata visitur, cum epigraphe

COL. CÆSAREÆ. LIB. ΦΑΑ. In Domitiani Nummis autem *Primæ* titulo aucta visitur, eoque insignis apparet, & in subsecutorum Augustorum monetis, Trajani, Hadriani, Antonini Pii, Marci Avrelii, L. Veri, Commodi, Caracallæ, Macrini, Diadumeniani, & Elagabali, nec enim titulus hujusmodi detorquendus est ad primam Legionem, apud Cæsaream degentem, ut scitè eruditus Vaillantius ostendit. Sub Alexandro Severo tandem, Coloniarum, Flaviarum, Liberarum, Primæque titulis, Metropolis postremus

adjectus est; in ejus enim Imperatoris Nummis hi omnes leguntur in hunc modum, similemve descripti C. P. F. A. FEL. CÆS. METR. *Colonia, Prima, Flavia, Augusta, Felix, Cæsarea Metropolis*. Ex hac rerum narratione patet Tacitum ex suorum temporum statu Cæsaream Palæstinæ Caput idest *Primam* dixisse Hist. lib. 2. 79. *discessere*, inquit, *Mutianus Antiochiam, Vespasianus Cæsaream, illa Syria, hæc Judææ caput*. eodem lib. 5. 8. *Hierosolyma Gentis caput* eodem titulo appellatur.

XVIII. At de Cæsareæ prærogativis satis ad rem præsentem. Quæ ad Synedrii magni Primatum spectant dicenda sunt, indè videlicet tanquàm à summo capite, potestatem omnem per Ordinationem derivatam, in quoslibet inferioris ordinis Proceres, & Magistratus, qui, non modò intrà Palæstinæ fines, sed & in cæteris locis tùm Romani Juris, tùm Barbarorum ditionis contentiosa jurisdictione, uti intèr suos poterant. Etenim minora Synedria videlicet XXIII. & III. viralia conflabantur ex singulis, qui ordinati essent à tribus, quorum unus saltèm simili antea ordinatione creatus fuerat, ac sic tandem ea auctoritate donabantur, quæ

PARS PRIMA. 151

quæ primùm à magno Synedrio per continuatam successionem effluxerat, quinimò circa Templi secundi excidium invaluit, ut nullus ordinari posset ritè, absque auctoritate Principis Synedrii magni. Id etiam semper obtinuit, ut nullus ad criminalia judicia exercenda aptus esset, nisi intrà Terræ fines ordinatus fuisset; quare celebris memoria superest R. Jehudæ Ben Baba antonomasticè *Ordinatoris* dicti, qui, cum Edicto Hadriani, ut creditur, Judæi à Terræ ingressu prohiberentur, ne judiciaria potestas, & ordinandi facultas in Republica deficeret, suo capitis periculo ausus est Terram ingredi, ubi *substitit*, ut legitur in Gemara Babyl. ad tit. Sanhedrim cap. 1. *inter duos montes magnos, & inter duas urbes magnas, & inter duo sabbati itinera, inter Osam, & Sepharaim, & ibi quinque Presbyteros ordinabat.* Indè ibidem dictum quòd si *Isminimè fuisset, defuissent planè criminalia judicia.* Sicuti autem dubitari nequit viginti trium Virorum Synedria de criminalibus etiam capitalibus cognovisse & extrà terram, ac proindè ex legitime ordinatis constasse, sic & cum Triumviralia Synedria legitima erant, idem juris habuisse circa criminalia

faltèm, ac propterea Viris eadem Ordinatione illustribus constasse. Hæc proinde confundenda non sunt cum Triumvirorum confessibus, ubi Judex ritè ordinatus assumebat judicandi causa binos utcumque ei rei non ineptos, vel cum illis fortuitis, qui quandòque arbitrandi, seù compromittendi causa à partibus voluntariè eligebantur. Novi equidem hæc controversi apud doctissimos harum rerum Scriptores, at quòd Synedria etiàm triumviralia extrà Terram de criminalibus cognoscendi potestatem habuerint, dùm intrà Terram id juris exercitum est, traditur dissertis verbis à Maimonide tit. Sanhedrim cap. 5. §. 8. *Judicia mulctaria, ut de rapina, pignore, restitutione dupli, quadrupli, de eo qui Virginem sivè vi comprimeret, sivè illecebris pelliceret, & similia, non judicabant Triumviri alii, quàm publicè constituti, qui essent etiam ritè ordinati in Terra Israelis.* Itaque quod habet eodem tit. cap. 14. §. 14. *tempore, inquit, quo judicia capitalia exercebantur intrà Terram Israël, exercebantur capitalia extrà Terram, modò Synedrium ritè ordinaretur intra terram.... quoniam usus legitimus erat Synedriorum tam extrà, quàm intrà Terram;* ad Synedria vigintiumviralia per:

PARS PRIMA. 153

pertinet. Quò autem Synedrorum in Trium-
viralibus Ordinationem innuat, & potesta-
tem eorundem cognoscendi de criminali-
bus, Synedria hujusmodi legitima dicit; *li-
cèt בית דין שלמה perfectum seu legitimum fuerit,
quoties nihilominus plures fuerint, laudabilius
erat.* Non ob hæc tamen abnuerim præter
Ordinatos intrà Terram ad rem universam
judiciariam tùm civilem, tùm criminalem
fuisse, & alios, vel ad sola criminalia, vel ad
sola civilia, vel ad legalia tantùm dirimen-
da, vel aliàs circumscripta potestate initia-
tos, qui prò temporum, locorum, rerumve
exigentia ordinabantur vel intrà, vel extrà
Terram, ubi criminalis potestas tradi ne-
quibat; ajo tamen hosce ineptos fuisse, qui
Synedriis legitimis adscriberentur, & cùm
rem quamlibet componebant, vel juxtà tra-
ditam facultatem plures simul de quavis re
cognoscebant, ajo, inquam, Tribunal eo-
rum, cujus potestatem explicat idem Mai-
monides tit. supra citato cap. 5. §. 8. nonnisi
per quamdam cum legitimis Synedriis si-
militudinem potuisse Vocari בית דין. Hinc si
Maimonidis doctrina sibi constat, Synedria
legitima, quæ videlicèt omne Jus criminale,
vel capitale etiam habuerint, nullibi fuere
ter-

terrarum ab eo tempore, quo intrà Terram capitalia eadem Judicia cessaverunt, nec eo nomine digni fuerunt, vel sunt quilibet Judæorum Confessus, licèt aliàs, vel modò ex Principum indulgentia, in quorum ditionibus degunt, cognoverint, vel cognoscant adhuc de legalibus non modò, sed & de pecuniariis quibusdam. Patet etiam cùm Synedrium LXXI. Virorum in Templo stetit, sensisse Judæos Jus suum ex eo primariò derivatum, ubiquè Terrarum in minoribus Synedriis obtinuisse, quamvis fortassè de facto, omninò, vel ex parte impediretur, nec ab Ethnicorum Principum Jure acceptum; quod cùm negant doctissimi Viri, à Magistrorum sensu, velint nolint, longissimè recedunt.

XIX. Quod autem ad Synedriorum constituendorum rationem pertinet, illud præ cæteris notandum, intrà Terram Synedria sedisse in omnibus Civitatibus vel vigintitriumvitalia, vel triumvitalia pro Incolarum videlicèt numero. Etenim ad vigintitriumvirale constituendum requirebantur centum viginti Judæorum capita, ad triumvirale verò tot, quot sufficerent decem illis rebus præstandis, seu administrandis, quæ
neces-

· necessariò requirebantur ut licitè degeret
 Discipulus Sapientis, de quibus in Misna
 tit. Maccoth. cap. 1. Extrà Terram verò
 ubi Judæi sub Gentilium potestate agebant,
 non in singulis Urbibus, sed in singulis tan-
 tùm Provinciis Synedria sive vigintitrium-
 viralia, sive triumvitalia judicabant. Pri-
 mum de Synedriis in unaquaque Terræ Ci-
 vitate constituendis ex Deuter. cap. 16. de-
 sumebatur; *וְשִׁפְטֵי* *Judices* *וְשִׁפְטֵי* & *Magi-*
stros constitues in omnibus portis tuis, quas Do-
minus Deus dederit tibi per singulas tribus
tuas, ut judicent populum justo judicio; ubi gre-
 cæ versiones habent *ἐν πάσαις ταῖς πόλεσι οὕτως ἐν*
omnibus Civitatibus tuis. Secundum ex al-
 lato Deuteronomii loco collato cum altero
 Num. cap. 35. loquente de Judæis tam ex-
 trà, quàm intrà Terram degentibus; *hæc*
sempiterna erunt, & legitima in cunctis habi-
tationibus vestris; ad quem locum Misna tit.
 & cap. citatis; *Synedriorum usus tam intrà,*
quàm extrà Terram. Gemara autem Babilon.
Hoc indè natum est quòd Rabbini nostri
tradiderint illud; hæc sint vobis in præceptum
judicii per generationes vestras, docere nos
quantùm ad Synedria, eorum usum esse debere,
tam extrà, quàm intrà Terram; quod si ita ac-
cipien-

ciendum, quid illud; in Portis tuis? In Portis tuis constitues Domus judiciorum in omni provincia, Tractu, seu Pago, & in qualibet urbe; extrà verò Terram constitues in Provincia, seu Tractu quolibet פְּדֵי פָּדָה, ubi necesse non est, ut in qualibet Urbe eos constitues. Horum sensus est, idè ubi agitur de Terræ Judaici Juris Synedriis, dici, in omnibus Portis tuis, id autem minimè haberi ubi de Judæis sermo est alibi degentibus, quibus tamen & Judiciis uti conceditur, quia Legislatoris mens fuerit, in Terra Judaici Juris constituenda, fore Synedria in omnibus Civitatibus, at in terris alienæ Ditionis, constituenda tantùm in ea cujusvis Provinciæ parte, ubi opportunius videretur. Ex hac autem Synedriorum constituendorum regula fiebat, ut sicuti Synedrium majus in Sancta Civitate, & in Templo confidens, licèt omnibus ubi-vis locorum constitutis, majus præesset, illaque huic Jus suum ab origine, Ordinatio- nis causa, acceptum referrent, speciali tamèn modo Synedriorum Terræ caput esset; itàut extrà Terram Synedria toti Provinciæ, seu Tractui, in quo constituta judicabant, capita veluti præficerent, ipsisque subjicerentur in criminalibus omnes Judæi
in Pro-

PARS PRIMA. 157

in Pro vinciis singulis degentes, & civilium, legaliumque caufarum sivè Triumviri, sivè singulares Judices ad sua munera ordinari possent, & in eis exercendis, si quid difficilius incideret, vel Collitigantibus placeret, modo mox explicando, ad Provinciæ Syne-
drium recurrerent. Ob speciale illud Jus quo Syndrium LXXI. virale Terræ Syne-
driis præerat, totus Terræ Sanctæ Tractus licèt in plures Tribus distinctus, una tamen Provincia, ex pluribus Provinciis compo-
sita reputabatur, quare Buxtorfii in Lexico Talmudico ea est regula; *apud Rabbinos quando סקדו & סדינה sibi opponuntur, tunc per סקדו intelligi Sanctuarium Hierosolymitanum cum tota Urbe, sivè כולה & per סדינה in-
telligi שאר העיר שכל ארץ ישראל relique Urbes quæ sunt in tota Terra Israël. Quò addu-
cuntur ex Maimonide in tit. de initio anni cap. 4. priora illius capituli; die feriata novi anni, qui inciderit in sabbatum בסקדו in San-
ctuario, & Urbe clangebant buccina, sed non בסדינה in Medina, seu Provincia, & Maimoni-
des ipse; dudum ostendimus aliquoties סקדו vo-
cari etiam Hierosolymam totam, & סדינה reli-
quas Urbes Terræ Israëlitiæ. Ea autem in re,
quamvis Seldenus contrà Buxtorfium con-
ten-*

tendat de Synedr. lib. 3. cap. 11. n. 3. ex Obadiaz Bartenori, aliorumque Rabbinorum sensu per מִקְדָּשׁ non Hierosolymam, sed Sanctuarium tantum intelligi, & verba illa אל במדבר significare, *nec in Hierosolymis, nec in reliquis Terræ Sanctæ Provinciis*; adhuc tamen apparet vel Urbem, vel Templum Hierosolymitanum, reliquis Terræ Urbibus comparatum ea comparatione, qua Templum ipsum, ut caput Terræ universæ, nec fortè ipsa Hierosolymitana Urbe excepta, uti Provinciæ confertur. Et certè ex eo probabile fit Hierosolymam à Sanctuario distingui, Provinciæque adscribi, quòd bina XXIII. viralia Synedria Urbis essent, quæ licèt intèr cætera Terræ eminerent, Synedrio tamen LXXI. virali minora essent; etenim buccinarum clangor in uno potius, quàm in altero Terræ loco fiebat ob Synedrii magni prærogativam, ut apparet ex Misna; nam postquam *Domus Sanctuarii excisa est, constituit Rabban Joachan Ben-Ze-cai, ut clangerent quolibet in loco, modò in eo esset Synedrium*, idest Synedrium magnum, ut explicat Seldenus laudatus, loco citato, quandòquidem migravit exciso Templo ad diversa loca, qua de re vide eundem Seldenum

PARS PRIMA. 159

num lib.2. Intèr ea enim, quæ privativè ad minora Synedria etiam Hierosolymitana, Juris Synedrii Magni erant ubicunquè in Terra confisteret, erat Neomeniarum indictio, & sanctificatio. Porro aliundè etiam specialis Synedrii Magni suprà Terræ Synedria, tamquàm suprà Provinciam, excellentia constat. Etenim exempli causa, privativè ad omnia alia Synedria à solo Synedrio Magno judicabatur *Apostasia Urbis*; & illud Jus nonnisi ad Urbes Judaicas extendebatur, imò in ipsa Terra eximebantur Civitates limitaneæ, seù in confinio Terræ ipsius, ut in Misna ad tit. Baba Kama cap.7. Ità & Tribus totius judicium, ad Synedrium magnum spectans, extrà Terram locum habere nequibat. In his autem præcipuum illud est, quod spectat ad ordinem, quo ex inferioribus ad superiora, ac tandem ad Synedrium majus, causas difficiliiores delatas tradunt Magistri; de ea siquidè re cùm agunt, de Synedriis tantùm intrà Terræ Fines constitutis, minimè verò de Provinciarum Synedriis tractare manifestum est. Locus Gemaræ Hierosolymitanæ afferre placet, ex quo quænam Rabbionum in hac materia sententia fuerit, facile elici

elici potest. Ibi igitur ad tit. Sanhedrim, cap. 8. hæc habentur. *Synedria vigintitrium-vitalia Sedes habuere in qualibet Urbe Terræ Israëlitiæ. Si quisquam ex eis (ex Judæis videlicet) difficilioris Juris avari questione implicaretur, consulendum erat Synedrium Urbis suæ. Hoc si traditione rem acceperat sententiam ei pronuntiabat; sin verò tùm ipse, tùm Princeps eorum de eadem re consulebant Synedrium, quod Urbi suæ vicinius erat. Id si traditione rem acceperat sententiam eis pronuntiabat; sin verò, tùm is, & eorum Princeps eodem modo adibant Synedrium ad Montem positum. Quod si traditione rem acceperat, sententiam eis pronuntiabat; sin verò, adibant itidè tùm ipse, tùm Princeps etiam eorum Synedrium ad antemurale. Id autem Synedrium, si traditione rem acceperat, sententiam pronuntiabat; sin verò, tàm bi, quàm illi conjunctim introibant Synedrium Magnum בלשכת הגזית, quoniàm illinc Lex egreditur, & transfunditur in universum Israël, &c. Ità & Gemara Babyl. ad eundem tit. cap. 10. idem in Ayn Israël tom. 2. idem etiam in Misna, & apud Magistrorum Commentaria, si demas ad viciniorem in Provincia, Terra videlicet Juris Israëlitiçi, recursum; quod*

PARS PRIMA 161

quod quidè cohærentius videtur traditis lib.2. Paralip. cap. 19. & Josepho Antiqu. lib. 9. cap. 1. Specialiori etiam hujusmodi juri Synedrîi Magni intrâ Terram, seu ejus nobiliori loco adstruendo faciunt, quæ Magistri servata tradunt cùm licuit in translatione Sapientum à minoribus intrâ Terram, Synedrîis ad majus in Templo residens, mediis Synedrîis duobus ad Montem, & ad Antemurale, de quibus allegata à Seldeno de Synedr. lib.2. cap.6. n.3.

XX. Et Synedria quidè in singulis Provinciis constituta, si quid difficilius incidisset, absque medio ad Synedrium majus retulisse, ut sua auctoritate decerneret, verosimilimum videtur, cùm pleraque longius à Terra, & à Templo ægrè possent dimetiri quodnam in Terra viciniùs Synedrium esset, & cùm Synedris ipsa constituentibus difficillimum, nimisque grave esset toties longo itinere dimenso Hierosolymam pergere, reor id peractum vel Epistolis, vel instituta eam in rem Legatione. Accedit quòd Synedrium magnum Hierosolymitanum, ex recentioribus placitis, Judæos extrâ Terram degentes, si abeundi causa, non fuerat vis potentior, uti Captivitas, Fa-

L mes,

mes, &c. quodammodò ut Terræ contemp-
tores despiciebat, quare hi sui in Judiciis
juris paulatim evaserant, qui libenter non
audiebantur, licet & dydragma solverent,
& ad solennia venirent, ubi in suis Synagogis
seorsim orabant, ex quibus in Actis recen-
sentur Cyrenenses, Libertini, & quidam à
Cilicia, & Asia. Quidquid tamèn de rebus
hujusmodi sit, illud constare puto, quòd
cùm in quolibet Tractu extrà Terram,
unum tantùm Synedrium constituere sole-
rent Judæi, illud toti Tractui, sive Provin-
ciæ Jus dicebat, in qua nullum aliud, XXIII.
virale, & triumvitalia legitima si in Provin-
cia eadem sedebant, Judices singulares, Sa-
pientes, ordinativè quomodolibet sive intrà,
sive extrà Terram, absoluta circumscripta-
ve ordinatione in eadem Provincia degen-
tes, Synedrium illud Provinciæ ejusdem.
XXIII. unicum tanquàm majorum cau-
sarum Tribunal legitimum agnovisse. Ità
puto neminem inficiari posse, capitalia tra-
ctus totius ad solum XXIII. virale spectasse,
criminalia non capitalia ad Triumvitalia
legitima si in eodem tractu essent, reliqua,
sive Civilia, sive Legalia sacra ad cæteros
Judices, vel quomodolibet initiatos, eo or-
dine

PARS PRIMA. 163

dine tamèn, ut cuncta difficillioris indaginis ad Provinciæ Synedrium unicum deducerentur. At nec fortassis triumviralia, quamvis legitima, & ex legitime ordinatis Viris constantia, locum habuere in Provincia ubi unicum illud XXIII. virale totius Provinciæ Judæis præsidebat, seu si quæ habebantur, non erant, pro Rabbinorum sensu, ex Legis præscripto, seu præcepto constituta, licet pro libito constitui possent. Id ex Gemaræ loco supra allato constat, ubi præceptum esse dici videtur, quòd sicut in qualibet Terræ Urbe, sic extrà Terram in qualibet Provincia Synedrium constitueretur; *constituet in Provincia, seu Tractu quolibet*; nec puto diversam esse Maimonidis mentem tit. Sanhedrim cap. 1. prout ex manuscriptis legit Seldenus l. 2. cap. 5. *obligamur nos constituere Domus judicii פלך ופלך ובכל עיר ועיר in qualibet Provincia, & qualibet Urbe. Sed hoc ex obligatione præstandum tantum est in Terra Israelitica juxta, id quod dicitur, constitues in Portis tuis, quas tibi dederit Dominus Deus tuus, haud verò extrà Terram [פלך interpretatur Glossa ad Gem. per הפרכים ex Græco ἡπαρχία, ut Seldenus ipse testatur, licet hic vertat, pagus]* Maimonides itaque

negat præceptum pro locis incolatus Judaici, quod præceptum erat pro locis Juris Judaici, videlicet quod Synedria constituerentur non modò in qualibet Eparchia, sive Provincia, sed & in qualibet Urbe; at minimè negat præceptum esse, ut in qualibet Provincia extrà Terram Synedrium constitueretur, quod præceptum Gemara allegata tradit; quare conficitur potuisse quidè plura in eadem Provincia Judaici incolatus Synedria haberi, at id minimè præceptum, præceptum tamen, ut in qualibet Eparchia unum Synedrium haberetur. Et hoc quidem ex Magistrorum mente.

XXI. Porro observari meretur, quod licet spectata Synedriorum hujusmodi auctoritate, forma extrinseci Regiminis, stant, maximè Templo, aristocratica visa sit, nihilominus in ipsa Aristocratia, & Monarchiæ caracter emicuit. Credat qui velit Rabbinorum assertis Principem Synedrii Magni mirum in modum extollentibus, quem intèr LXXI. præcipuum innuunt, qui Mosis locum teneret, & oralium traditionum participem, quemque proindè paraphrasis Chaldaica ad Cantic. Cantic. cap. 7. 2. umbilicum dicit, undè Respublica omnis

nis

PARS PRIMA. 165

nis, sicut fœtus in Utero Matris, enutritur, ac septuaginta Sapientum tanquàm a rea rotunda, circumseptum narrat. Illud potiùs mihi probatur, quod Hugoni Grotio in Matth. cap. 5. 22. 9. cùm aliàs videlicèt de Dei judicio non constitit, *recurrendum omninò fuisse ad Senatum, in quo fermè eminebat Pontifex maximus*. Ità (quod ad Apostolica tempora pertinet) Ananus Pontifex ex Josepho lib. 20. cap. 8. Jacobum Justum Hierosolymorum Episcopum Synedrio in suam sententiam coacto, intentatoque blasphemix crimine, occidendum jussit, nec intercessit Synedrii Princeps, quem ea tempestate fuisse, vel Joachanem Ben-Zachai, vel Gamalielelem credit Seldenus de Syn. lib. 2. cap. 16., qui dùm Ananum dicit Principis sedem invalisse, & sinè teste fidem non meretur, & sibi paulò post contradicit asserenti, per ea tempora Syriæ Præsides tanquàm Synedrii magni Principes se gessisse. Sicuti autem in Synedrio LXXI. virali Pontificis maximi auctoritas eminebat; sic & in Provinciarum Synedrio Monarchicum caracterem emicuisse in Principibus eorundem arbitror, quos pro temporum, & rerum vicibus sub diversis nominibus idem

decus fovisse credo. Extat in Codice Theodosiano lib. 16. tit. 8. de Jud. Cœl. & Samaritanis Lex postrema, quæ sic habet; *Judeorum Primates, qui in utriusque Palæstinæ Synedriis nominantur, vel in aliis Provinciis degunt, quacumque post excessum Patriarcharum pensionis nomine susceperunt, cogantur exsolvere.* Theodosii, & Valentiniani ea est Florentio, & Dionys. Cols. anno videlicet 429. Doctissimus Gothofredus ad eam Legem hæc habet; *ex hac Lege admodum singulari colligo, quod & postea quoque notasse deprebendi Petitum 2. var. 10. pag. 158. 159. Blondellum de Primatu pag. 532. Patriarchas Judeorum nullos amplius hac tempestate fuisse, electosque deinde Primates.* Ea in re Patriarchas quidem video ex hac Lege circa quarti seculi initia desuisse, at nullus ex eadem agnosco tunc primum Primates Synedriorum eligi cœpisse; nec certè ullum in Lege verbum comperio, ex quo id evinci possit. Illud tantum conficitur, Patriarchæ dignitate sublata, Primates Synedriorum tum in duabus Palæstinis, tum in aliis Provinciis existentium, Avri Coronarii exigendi Jus sibi arrogasse, & cum desierunt Judæi sub uno Patriarcha regi, Synedriorum

rum Primates singulos, Juris Patriarchici partem usurpasse. Primates autem hujusmodi minimè diversos agnosco à Didascalis, quibus Majoribus, idest Senioribus, seu Synedris præpositis, inscribitur Lex 23. ejusdem tituli, ea ratione, quòd per eam Legem ipsiusmet ferè speciei facultas conceditur, ac Primatibus servetur l. 8. quæque cùm quodammodò criminalia attingat, ad Synedriorum Jus pertinuit. Etenim l. 8. cautum, ne Judicum Christianorum auctoritate, *reclamantibus Primatibus*, Judæi apòsynagogi in sectam reciperentur; & l. 23. concessum, ut confugientes ad Christianam Religionem Judæi simulata professione *proptèr evitacionem criminum*, & *prò diversis necessitatibus* ad Judaicam sectam revocari queant. Quæ quidè judicalem quamdam auctoritatem Synedrii propriam importare videntur. Et Didascali quidè nomen idem Græcis sonare, quod Judæis Rabban, quo, sicuti Principes Synedrii Magni, vocatos scimus, sic nullus dubito Synedriorum Provincialium Principes itè decoratos. Primates itaque, & Didascali iidem fuere, qui Rabbani, seu Synedriorum Principes Judæis dicebantur, quique ex veteri disciplina præminebant

168 PARS PRIMA.

in Provinciarum Synedriis. De horum autem Primatum jure, censuisse Patriarchas docemur eadem l.8. ubi dicuntur *Virorum clarissimorum, & illustrium Patriarcharum arbitrio.... habere suam de Religione sententiam*. Sive enim Patriarchas intelligamus singulis Provinciis præsedisse, quod vult Petitus 2. var. 10. dummodò hos à Primatibus distinguamus, sive Patriarcham unicum totius Judaicæ sectæ Præsidem hic agnoscamus, qui veteris Pontificis Maximi loco erat, distinguendum à minutis Patriarchis illis, sive Pisinis Archisynagogis minoribus, constabit utique Prælatos Synedriorum, Provincialium, Patriarcharum nutu, & arbitrio institutos. Cùm autem id ex veteri disciplina manasse credendum omnia suadeant, reliquum est, ut (quod aliundè obscurum) ex recentiori disciplina dignoscamus, Synedriorum potestatem, & Rabbanorum in illis, seu Principum institutionem, & Jura ex Pontificis maximi, Apostolorum ævo dùm Templum stetit, & Patriarchæ post Templi excidium, ordinatione dependisse. De Archisynagogis porro, & Pisinis Presbyterisque illud monuisse sufficiat, hos, cæterosque hujusmodi à Synedris distinguen-

PARS PRIMA. 169

guendos, sicuti Synagogæ à Synedriis distinguabantur; quare licet unum in qualibet Provincia Synedrium erat, plures tamen in eadem Provincia Archisynagogi, sicut plures Synagogæ, Proseuchæque fuere. Illud tandem advertendum usque ad Honorii, ac Theodosii Augustorum tempora, Judæis forensia judicia retenta, quibus non modò inter Judæum, & Judæum, sed & inter Judæum, & Christianum de civili negotio cognoscebant. Idque certè obtinuisse in Patriarchæ foro ostendit l. 22. Codicis Theodosiani eod. tit. & auctum in Synedriis, inquirere videtur Tribonianus in alterius Cod. l. si qua 15. de Judæis; ac Samuel Petitus lib. 2. var. Lect. c. 10. ex l. 5. Cod. Just. sensit, ubi inter ipsos Judæos esset contentio à Judæorum Primatibus eam dirimi potuisse, quamvis hæc Eruditissimo Gothofredo minime placeant.

XXII. Præter Synedria Provincialia extrà Terram constituta, in quibus Rabban, seu Princeps, qui subsecutis temporibus, & Didascalus, & Primas dictus est, eminebat, aliud eximium munus in quibusdam Provinciis incolatus Judaici emicuisse, in quo illustrius Monarchicus character radiabat, certis

certis documentis ad Apostolorum ætatem pertinentibus; erudimur. Celebre munus ejus fuit, qui Alexandriæ, & Ægypti Judæis præerat, ac Ethnarchæ titulo decorabatur. Eundem Alabarcham vocitatum clamant scribentes de rebus Ecclesiasticis, Ægyptiacis. At qui literas humaniores, ut vocant, colunt aliud intelligunt ad illud Satyrici Sat. 1. vers. 130.

inter quos ausus habere
Nescio quis titulos Ægyptius, atque Ala-
barchas.

Et ipse hujus Dissert. cap. 1. nu. 14. Cujacii, & Pulmanni, aliorumque sententiam secutus Alabarcham, Scripturarium Vectigaliorum intellexi ab ἀλαβα, quod Hesichio est atramentum, quo scribimus; μέλαν ὃ γράφομεν. Sunt tamen, qui Arabarcham legunt, quasi Crispinum quendam sugillet Juvenalis Arabum vernarum ex Canopo venientium, eundem caput, ac principem vocans. At Alabarcham scribendum esse Græci Scriptores probant Josephus, & Eusebius, qui constantè ἀλαβάρχην, & munus ipsum ἀλαβαρχείαν scribunt. Videatur Cujacius Observat. lib. 8. cap. 37. De munere hujusmodi, quale videlicet fuerit, scribunt Turneb. l. 27. cap.

PARS PRIMA: 171

cap. 25. Brod. 4. Miscell. 2. alique plures. Porro Alabarchiæ officium, Publicani munus fuisse vectigali exigendo præfecti, quod super animalium transductione impositum fuerat per Ægyptum, & Augustamnicam. Valentiniani, Gratiani, & Theodosii ævo, elicit ex eorundem Lege sibi laudata Alciasus Taciti Hist. lib. 1. illustrans, qui tamèn Arabarcham legit. Ipse omnibus perpenfis crediderim Alabarchiam Ægyptiacam, nullo modo confundendam cum Ethnarchæ Judæorum Alexandrini munere; Alabarcha enim Publicani nomen fuit, & quidèm infimi ordinis in Romanorum politia, quod habere Romani Equites nollent, quamvis aliàs Publicani in Provinciis Equites essent, nec ob id despectui haberentur. Alabarchæ autèm munus assumitur deridendi causa altioris ordinis hominem, ut agit Juvenalis, qui vel Præfectum Augustalem Tiberium Alexandrum, de quo Tacitus loco laudato, & Ann. lib. 15. vel Josephum ipsum statua à Vespesiano decoratum, ut voluisse D. Hieronymum tradit Alciasus. Verùm Tiberius Alexander Præfectus Ægypti ritè distinguendus est à Tiberio Alexandro ejus Patre Judæo, & Alabar-

barcha prædivite, Philonis fratre, à quorum Religione ad Gentiles transfugiens secesserat, uti Iosephus tradit Antiq. lib. 20. cap. 3. ac ob id clarissimis Equitum Romanorum muneribus exercendis aptus evalerat. Eruditissimus Valesius ad Hist. Euseb. hb. 2. cap. 5. locum Philonis ex Libello in Flaccum refert, & ex eo apparere ait *Alabarcham* nihil aliud fuisse, quàm Ἐθναρχῶν, seu ὑπάρχῶν *Judæorum*, qui *Alexandria*, & per totam *Ægyptum* degebant. At licet ex Philone appareat Ethnarcham, Genarcham vocari, nullis tamen machinis obtinebitur, ut Philonis verba ostendant *Judæorum Ethnarcham*, *Alabarchæ* nomine nuncupatum. Locus autem Philonis est, qui sequitur; ἡ δὲ ἀμείβας χρησίας, ἣν ὁ σῶπρ, καὶ ἐυαργέτης Σεβαστὸς ἐπιμελησόμενος τῷ Ἰουδαίων εἶλετο, μετὰ τὴν τῷ ὑπάρχῳ τιθεμένην τῶν πρὸς Μάγρον Μάξιμον ἐντολῶν, μέλλουσα πάλιν ἀπ' Ἀγύπτου, καὶ τῷ χώρῳ ἐπιτεργνέειν; qui verti sic posse autumo; nam ex nostro *Senatu*, quem servator, & beneficus *Augustus* constituit, ut rebus *Judaicis* præset, post mortem *Genarchæ*, per literas *Magno Maximo Ægypti Præsidi* designato datas, &c. Ut autem à nominibus ad res ipsa transeamus, ex hoc Philonis textu, *Judæi Alexandriæ*, quo loco apud Augustum

PARS PRIMA. 173

gustum fuerint, videre, est quibus concessum sit Senatum habere, quod non nisi Severo indulgente Alexandrinis datum, qui cū anteā sine consilio fuissent, *jus bulentiarum*, ut suprà ex Spartiano adnotatum est, obtinuerunt. Sed nec Jus Civitatis Ægyptios habuisse, cū Judæi Alexandrini haberent, Ap-
 pioni opponit Joseph lib. 2. *Ægyptiis nequē Regum quisquam videtur jus Civitatis fuisse largitus, nequē nunc quilibet Imperatorum; nos autem Alexander quidem introduxit, Reges autem auxere, Romani verò semper custodire dignati sunt.* Illud autem Civitatis Alexandrinæ Jus Judæis concessum Cæsar Dictator inscriptione æreæ columnæ testatum voluit, ut Joseph ipse memorat Antiqu. lib. 14. cap. 17. Observari autem operæ pretium est Senatum, quod *γενοσίαις* vocat Philo, Syne-
 drium ipsum toti Ægypto præfectum fuisse, at ampliori numero, quàm cæterarum Provinciarum Synedria XXIII. viralia; etenim narratur ex eo *ὅκτω, καὶ τριάκοντα* Synedros Flacco jubente comprehensos, traductosque per medium Forum loris, ligatos, & in Theatro convitiis expositos. Ejus rei originem usquē ab Oniæ Pontificis ejusdem nominis filii ævo deducere ausim, qui ex
 malè

male percepto Esaïæ loco à Ptolomeo Philometore, & Cleopatra impetravit, ut sibi liceret Templum ad instar Hierosolymitani ædificare, *fretus maximè inquit Josephus Antiqu. lib. 13. cap. 6. Prophetæ Esajæ vaticinio, qui antè DC. ampliùs annos prænuntiabat fore omninò, ut Templum aliquando Deo Maximo ædificaretur in Ægypto, idque hominis Judæi opera; Quidni enim voluerit, & in ipso Templo Synedrîi LXXI. viralis majestatem collocare? Constituisse enim Augustus dicitur, non quòd tunc in Ægypto cæperit esse Synedrîum, sed quia tunc primum illo annuente, cooptatisque, qui legitimè per Synedrîum magnum in Hierosolymitano Templo consiltens ordinati fuerant, translatum sit ex Hierosolymitana Præfectura ad Alexandrinam Urbem, vel quòd Synedrîum legitimum Alexandriæ constitutum cæperit, Augusto ratu hî id habente, liberius suo jure uti, adjectis XXIII. honoris causa, qui fortassis ex Echnarchæ præmortui ordinatione in Ægypto aderant. Porro quonam Jure in Ægypto Synedrîum consisteret ex Strabone Gentili Scriptore à Josepho relato Antiqu. lib. 14. cap. 12. intelligere est; cujus sunt ea, per Ægyptum sanè etiam*

etiam Coloniae sunt ejus Gentis absque eo quod Alexandrina Urbis magna pars eis assignata est. Habet etiam proprium Magistratum, qui suae Gentis res administraret, & controversias ex Jure dirimat, & contractus, atque pacta rata habeat, non aliter, quam fit in absoluta Republica. Quae quidem ad Augusti tempora referenda esse nemo in dubium vertet.

XXIII. At Ethnarcharum Jura eadem arbitrator fuisse, quae Æchmalotarcharum, seu eorum, qui in Rabbitorum scriptis plurimis celebrantur, & Babylone Captivitatis tempore esse cum cepissent, diutius perseveraverunt. Qui eo jure ceteris praeerat מלך המלכות Princeps captivitatis dicebatur, & id nominis retentum etiam, cum non ut captivi, sed ut liberi, Judaei inter Parthos degere voluerunt. Itaque ob id ab initio, Captivitatis Principem institutum reor, quod cum nullum Hierosolymis Synedrium exaret, unde omnis potestas fluebat, ut cum judicia permitterentur, breviori via posset Legis indemnitati prospici, Uni ad id electo id potestatis traderetur. Restituto autem Synedrio Hierosolymitano in suum locum, licet omnis apud illud auctoritas velut postliminio rediisset, relictum tamen Æchmalotarchae Babylonico facultas, cujus

176 PARS PRIMA.

jus ad ejus exemplum Ethnarchæ postmodum Alexandriæ, alibi que fortasse degentes, participes fuere, qua ab ipsis ordinati ubique judicia exercere possent, qui verò à Synedrio magno in Æchmalotarchæ, seu Ethnarchæ ditione nonnisi eisdem Principibus permittentibus, potestatem traditam exercerent. Hæc ex Maimonide elici posse arbitror Hilc. Sanhedrim cap. 4. §. 14. ubi hæc habentur. *Judex omnis Judiciis non impar, cui dederit Princeps Captivitatis facultatem judicandi, facultatem habebat judicandi, in omni Mundo, etià si Litigantes fuerint inviti, adedque tùm intrà Terram, tùm extrà, licet non uti judiciis criminalibus; & omnis Judex Judiciis non impar, cui dederit Synedrium intrà Terram facultatem judiciariam, habebat ille judicandi facultatem in omni Terra Israëlita, & in Civitatibus limitaneis, etiam invitis litigantibus, at verò extrà Terram facultas ejusmodi ei concessa haud tanta erat ut inde posset litigantes ibi coercere; Et licet haberet facultatem qualemcumque judicandi criminalia extrà Terram, nihilominus ibi judicia ejusmodi exercere in invitos nequibat. Nam litigantes in Jus deductos coercendi, & sic in eos judicandi facultatem non habuit, usque dùm*
eam

PARS PRIMA. 177

eam impetraverat à Principe Captivitatis.
 Locum hunc urget Cuneus lib. p. cap. 9. de
 Rep. Hebr. & rectissime, contrà Maimo-
 nidem ipsum, qui popularia suorum placita
 secutus asserere non dubitavit, excisis Hie-
 rosolymis ad solos Babylonios Judæos, &
 Sceptrum Judæ, & Ducem femoris ejus
 translatum, quare hæc nullus dubito quin
 dicta sint de Principe Babylonice Captivi-
 tatis, nec videtur prætereà ex ejus mente ad
 Ægyptiacum Ethnarcham referri posse;
 etenim eodem tract. cap. 5. nullo modo, ne-
 què quidè ob majorem vim illatam (quod
 cæteros Judæorum extrà Terram incolen-
 tes à culpa liberabat) in Ægypto Judæos
 habitare potuisse ait; quare omnibus ritè
 perpenfis agnosco ex Rabbinorum sensu,
 solos Babylonis incolas, ac eorum Æchma-
 lotarcham, licèt extrà Terram degentes,
 cùm ejus rei ab initio Captivitas universorum
 in causa fuisset, tamquàm unus popu-
 lus, cum intrà Terræ fines degentibus repu-
 tatos. Omnium autèm qui alibi degebant
 Alexandrini, ac Ægyptii graviùs peccas-
 se crediti, quòd non solùm finè majoris vis
 impellentis necessitate, quod & alijs culpæ
 imputabatur, sed ob id, quòd in regionem
 M illam

illam migrassent, ubi (quæ Maimonidis ratio) *facta Gentis, deteriora, quàm aliorum Gentium erant.* Hinc quod Ordinatis ab Æchmalotarcha intrà Terram ex Jure competitisse traditur, minimè concessum consequitur Ordinatis per Ethnarcham Alexandrinum, qui proindè intrà Ethnarchiæ finestantùm eo jure gavisi fuerint. Ulteriùs qui ordinati fuerant à Synedrio Hierosolymitano dubitari nequit quòd, & in Ægypto admissi sint; at credo ab Ethnarcha impetratam exercendæ potestatis suæ facultatem. Scio in Rabbiorum scriptis Æchmalotarchas eo loco poni, ut excellentiori dignitate serè fulsisse dicantur, ac ipsi Terræ Principes. Sic illi laudantur, uti ex Davide paterno genere descendentes, hi verò veluti è materno, qua de re vide Scaligerum ad Euseb. Chron. ubi vetus proverbium affert ראש גלות שבבל עדיף מנשיא דאור *Princeps Captivitatis in Babylonia excellentior præ Principibus Terræ.* At hæc recentiorum commenta sunt, ut Sceptrum in Babylone durasse defendant, quandòquidem aliundè Principes Synedrii Magni, ex quibus Hiles, de quo in veteri proverbio apud Scaligerum laudatum, ea dignitate præditi dicun-

PARS PRIMA. 179

cuntur, ut omnis inde etiam Synedrii Sapientia, & majestas fluxerit, ut in superiobus est dictum. At videatur Morinus Esercit. 4. lib. 2. Cæterum verissimum est, quæ Cunnæ ipse tradit lib. 2. cap. 23. Judæorum, Rempublicam Ægyptiacam nobilissimam, florentissimamque fuisse, sed & eosdem religiosissimè & Legem, & Templum Hierosolymitanum coluisse, quò singulis Annis ad solennia festa migrabant, & donaria illuc in usum Templi, & Sacrorum offerebant *magna, ac penè immensa*, ut ejusdem Cunnæ verbis utar.

XXIV. Nec certè ex Romanorum sententia illustris in tota Imperii Romani ditione habitavisse Judæos, ipso de quo agimus tempore, Claudii Imperatoris Edicta ostendunt, primùm enim, ac principaliter ille Ethnarchæ Alexandrini eligendi Jus Alexandrinis Judæis concessit, & cætera, quæ in Edicto leguntur, inde ad instar eorum cæteris etiam alibi degentibus eadem privilegia concessit. Id ex ipso Edictorum tenore apparet Josepho relatis Antiqu. lib. 19. cap. 4. cujus secundum illa habet; *petentibus à me Agrippa, & Herode Regibus mihi amicissimis, ut permitterem Judæis in Imperio no-*

180 PARS PRIMA.

stro degentibus uti suo Jure, quemadmodum antea sicut & Alexandriam habitantibus concessimus, libenter precibus eorum annuimus. Pluribus id ipsum adstruere esset facillimum ex Philone potissimum, & Josepho; at ea obvia sunt, & notissima. Præstat unum hic denuò repetere quod suprà hujus cap. n.2. innui; per ea videlicet tempora Judæorum Babylone degentium res omnino prostratas, afflictasque, quæque proinde cum Reipublicæ Judaicæ apud Alexandriam degentis felicitate haud conferri possent. Id notabile quidem est non modò pro argumenti ratione, sed etiam ad confutandum Rabbiorum commentum, quo, ut suprà dictum est, asserere non verentur remansisse Babylone Judæ Sceptrum, & cum defecerat Hierosolymis. At Babylonis nomine Josepho, Philone, aliisque eorum temporum, ejusque sortis scriptoribus, intelligi, non veterem illam celeberrimam Urbem, quæ ea tempestate penè deserta remanebat, neque Seleuciam Macedonum Regno florente ædificatam, & prioris nomen, & celebritatem assecutam, sed regionis circumpositæ Tractum, inter Tygrim, & Euphratem, observare est. Eo sensu Artabanus Partho-

rum

PARS PRIMA. 181

rum Rex Asinzo, quem Provinciæ totius Satrapam, sive Ethnarcham constituit, Josepho tradente ait; *commendo autem tibi Terram Babyloniam, &c.* & de Asinzo dicitur quod nec contentus honoribus *Babylonicorum à Partborum quoque observabatur Ducibus, qui invicinas Provincias mittebantur cum imperio.* Sic Neerda, quæ *Urbs Babylonie* dicitur eidem, & Nisibis frequentissimis Judæis habitabantur, undè post Anilæi cædem acti Babyloniorum odio, migrarunt Seleucia, deindè cùm Syrorum, & Græcorum insidiis petiti, quinquaginta millia virorum, internecione peremptorum amississent, qui reliqui fuere primùm Ctesiphontem, inde rursus Neerdam, & Nisibim repetiere. Hæc acta post Alexandrinis Judæis, Cajo imperante, illatas ærumnas, & post scriptum Philonis Librum de Legatione ad Cajum elicitur ex eodem Philone, qui & Babylonis nomine non Urbem, sed Provinciam intelligit, ubi Agrippam Regem Cajo supplicem Libellum pro suorum indemnitate scribentem refert; *excepta enim parva parte Babylonis, & aliarum Præfecturarum, omnes Urbes, quæ bonum agrum habent, à Judæis incoluntur.* Videant itaque an non ni-

miùm suis cogitatis indulserint doctissimi Viri, qui à veterum Patrum sensu discedentes, voluere Babylonis nomine non Romam, sed Parthicam Urbem intelligi, ubi Petrus Epistolam suam scripserit, & ubi principem sedem per ea tempora Judæos habuisse comminiscuntur. Planè quæ ex certis documentis observata sunt efficiunt Petro principes Ecclesias fundante nullibi illustriùs, feliciùsque habitasse Judæos, quàm Alexandria, & Æchmalotarcharum Parthicorum, sive Babyloniorum majestate, penè deleta, Ethnarchæ Alexandrini Jus, Claudio imperante, restitutum.

XXV. Porro quamvis, & ubique alibi in Romani Imperii ditione, & Provinciis ad instar Alexandrini possent ex Claudii Edicto alios sibi Ethnarchas constituere Judæi, & fortè constitutos, credere par sit, nullibi tamen id factum clariùs agnoscimus, quàm ex Josepho, Antiochiæ. Is Ethnarcham, Antiochenum disertè laudat de Bello lib. 7. cap. 21. ubi narrantur, quas ipso jam Judaico Bello gliscente, Antiocheni Judæi passi sunt, ærumnæ ob unius impietatem, & in suos perfidiam. *Quo tempore, inquit, Bellum fuerat conclamatum, & recens in Syriam Vespasianus*

fianus delatus est navigio; Judæorum odium apud omnes pullulabat. Tunc unus eorum Antiochus quidam plurimum Patris causa honorabilis (erat enim Princeps apud Antiochiam Judæorum) cum Antiochenſium Populus concionaretur in Theatro, progressus in medium Patrem suum, & cæteros deferebat, insimulans eos, quod una nocte totam Civitatem incendere statuisſent. Præter hæc nullibi, si Ægyptum excipias, illustrius degisse Judæos, majoribusque privilegiis gavisos, quàm Antiochiæ, Gentilium odia ipsa ostenderent, cum cætera, quæ Josephus idem in hanc rem allegat, deessent, quorum quidem hæc referenda sunt, quæ sequuntur. Lib. Antiqu. 12. cap. 3. narrat Seleucum Nicanorem Judæis, tum in aliis Asiæ Civitatibus à se conditis, tum maximè Antiochiæ habitantibus Jus Civitatis dedisse. Inter cætera autem Privilegia antiquitus collata illud fuisse, quo fruebantur, & cum scriberet Josephus, quod videlicet Judæis externo oleo uti nolentibus, certa pecunia pro eo à Gymnasiarchis pendebatur. Id moris, ait idem, cum Antiochenſis Populus proximo bello abrogare vellet, non permisit Mutianus, qui tum Syriæ provinciæ præerat; deinde imperante Vespasiano, & Tito

ejus Filio, Alexandrini, & Antiochenses rogantes adimi Judæis Jus Civium, impetrare id non potuerunt. De Bello autem lib. 7. cap.

24. Antiochenſium conatus explicat, quibus Titum, & poſt exciſam Hieroſolymam adventantem, & mox diſceſſurum in Theatro uſerunt; priuſ quidẽ, ut Judæos Antiochia expellendos concederet, deindẽ cum id negaretur, ut ſaltẽm æneſ tabulas eximi juberet, quibus inciſa erant privilegia Judæis conceſſa. *Sed ne id quidem, inquit, Titus annuit, verũ in eodem ſtetu reliſis omnibus, quæ habebant apud Antiochiam Judæi, ad Ægyptum indẽ diſceſſit.* Eximio itaque loco Judæos Antiochiæ fuiſſe conſequitur, præclaraque eorundem privilegia fuiſſe, ob quæ adeo Antiochenorum animi urebantur; & hæc omnia in eodem ſtatu perfeveraſſe uſquẽ ad poſtremam cladem Genti Hadriano imperante illatam.

XXVI. Quod ſpectat ad Judæorum Privilegia alibi per Imperii Romani Provincias degentium, quamvis nullus dubitem ibi illuſtriũs habitaſſe ubi frequentiores, certiora tamẽ ejus rei argumenta non ſuppetunt. Illud ea in re adnotari meretur, quamvis multorum ſententia ſit, Aſiæ, & contermi-

næ

PARS PRIMA. 185

næ Evropæ, ac Insularum adiacentium Judæos incolas ex Ægypto potissimum migrasse, si Cyprum, & nonnullas ejus Maris Insulis excipias, id omnino verum non esse; etenim, cum Syriæ Reges latè dominabantur, potissimum ex Palestina, ac Judæa, nec non ex Babylone, & Mesopotamia in Asiam translati sunt. Intèr hujusmodi Coloniarum Judaicarum migrationes laudari meretur illa, quæ Antiocho Magno jubente facta est, de qua Josephus Antiqu. lib. 12. cap. 3. ubi ejus Regis Literæ in eam rem, Zeuxidi Satrapæ, & Exercitus Duci datæ referuntur, quibus cum quosdam in Phrygia, Lidiaquæ res novas moliri audisset, imperat ex Judæis, qui Babyloniam, & Mesopotamiam incolebant, duo millia Familiarum cum tota suppellectili eò traducenda, locis opportunis per præsidia disponenda, data *libertate vivendi propriis Legibus*, & immunitate in decennium, aliisque concessis. Antiochiæ proindè, Asiæque Judæos, quippe ex fratrum suorum Babylone degentium, prognatos, propagatosque, & ob id Captivitatis privilegiis participes ab origine, apud Judæos Terræ incolas fratrum loco habitos arbitror; secus ac Ægyptii, Ale-

xan-

xandrinique, & quidam Ciliciæ, Asiæque litoralis conterminæ, quos Judæi Terræ suæ contemptores in sibi invisam regionem migrasse crebebant, vel indè aliò. Ejus rei præclarum argumentum exhibent Literæ à Dolabella Hircano Pontifice rogante scriptæ Ephesiorum Magistratibus, ob quam rem obtinendam Hircanus ipse Alexandrum Theodori filium Legatum miserat, quibus Asiæ Judæi à militia immunes fiunt, patriis Legibus uti, & sacrum Dydragma mittere permittuntur. Fratrum itaque loco non transfugarum habiti Asiæ plerique Judæi, ob quorum incolumitatem totius Gentis Pontifex, ac Ethnarcha apud Romanos legatione, & precibus egit. Illos verò Judæorum Babylone degentium juribus gavisos pro temporum, & locorum ratione admodum verisimile est, collatis, quæ in superioribus sunt allegata, licet clariora hujus rei argumenta non habeamus.



Ca-

Caput Tertium.

*Ordo propagatæ per Baptismum gratiæ, & tempus fundatarum principum Ecclesiarum col-
latum cum Superioribus jam discussis.*

I. **E**X impeditis tandè locis ad quæstio-
nis Arcem accedimus. At difficilio-
ra ferè enodata fateatur necesse est, qui ani-
mo à studiis libero pertractata legerit, quan-
dò quidem, cùm nonnisi ex conjecturis lis
dirimi, valeat facillimè, quæ repudiandæ,
quæque admittendæ sint in tanta licèt re-
rum antiquitate, discernet, qui ad ea, tan-
quàm ad veritatis criterium causæ momen-
ta expenderit. At nec fortassis omnia, quæ
explicatis addenda remanent meris conje-
cturis nituntur, sed aliqua, & ea maximè,
quæ rei propiùs probandæ accedunt, aliquid
non conjecturale, & certitudinis nonnihil
habent. Verùm de his ad Populum, ad Do-
ctos videlicèt, sincerofque rerum Æstima-
tores, provoco. Interim ex præcedentibus
satis constare puto meæ sententiæ summam
esse; *Petrum in primis, aliosque etiam Apo-
stolos in fundandis principibus Ecclesiis mini-
mè*

mè ad formam Romani Imperii respexisse, sed potius Judeorum politiæ se accomodasse, habitatatione eorundem frequentia, ac prerogativarum, prò diversitate temporum, locorum, & Gentilium etiam, cum ad Baptismi gratiam admissi sunt. Porro quamvis in hujusmodi argumentis pertractandis solenne sit à facilibus incipere, & facilius existimetur aliena destruere, quàm sua adstruere, alia tamèn mihi incedendum via existimo, & cum satis per ea, quæ de Provinciarum Romanarum Statu, tum, cum Apostoli Ecclesias fundabant, ostensa sunt, intelligi possit ineptam omninò formam earundem fuisse, cui se Petrus, Apostolique conformaverint; satius duco difficiliori parti explicandæ incumbere, adstruereque Systema, quod mihi præ communiori sententia probatur. Id tamèn dum agam non poterit fieri, quin suis aptè locis, & opposita refellantur, & dicta indicentur potius, quàm recudantur, congrua congruis referendo. Interim præmittendum hic est me minimè intendere novam, usquequaque sententiam invehere. Novitatis, sive laudem, sive invidiam à meis conatibus abesse jubeo. Novi, & quosque nosse aveo, aliis, nec infimi subsellii Scriptoribus

ribus placuisse, primam Ecclesiæ faciem judaizasse quodammodò, & id ipsum evenisse, cum primi Episcopi sunt constituti. At id indicatum potiùs, quàm ex professò explicatum est, & si qui non nihil expressiùs de argumento scripsere, cum in multis abierint à veritate (quod in causa fuisse puto cur Catholicorum Doctissimi, aliundè Metropoliticas Ecclesiarum origines derivandas censuerint) locum reliquerunt accuratiùs idem pertractandi, ut veritas, quæ fuliginibus obducta usquè in hanc diem displicuit, cordatis, piisque Viris sincera placere incipiat. At rem ipsam tandèm aggrediamur.

- II. Ut suus Disputationi ordo constet, propagatæ fidei Christianæ antiquissima tempora in tres periodos sunt distinguenda. Prima Periodus eorum annorum est, quibus Apostoli solis Judæis verbum annuntiaverunt. Secunda tempus complectitur, quo quamvis Gentiles admissi fuissent ad Baptismum, in ea tamèn Orbis parte Evangelii gratia est diffusa, ubi frequentes Judæi habitabant. Tertia tandèm ejus est temporis, quo novum gratiæ lumen in illis Provinciis propagatum est, ubi omnes Gentiles, Judæorum verò perpauci degebant. Cùm in pri-

190 PARS PRIMA.

prima periodo Judæorum tantùm ratio sit habita, & nil de Gentilium conversione curatum; prima omnium Ecclesiarum statim constituta est Hierosolymitana, ubi, & Apostolorum Collegium, Petro primas gerente, usquedùm admissis Gentilibus res alia methodo sunt ordinatæ, perduravit, tanquàm novum, novæ Reipublicæ Syne-
drium, in quod vetus Jurisdictio, Regale-
que Sacerdotium in meliorem formam Mes-
siæ opè evectum, translatum fuerat. Ità, &
in aliis Terræ Urbibus ubi Synedria Judæi-
ca habebantur, cùm Credentium numerus
auctus est, Ecclesiæ aliæ sunt constitutæ. In
secunda autem admissis Gentilibus ad Ba-
ptismum, licet cognitum sit non esse Deum
acceptorem personarum, & in Gentes etiam
diffundi debere gratiam; primò tamèn, ac
principalitèr ea Loca Apostolicis laboribus
sunt illustrata, ubi Judæi degebant, & ibi
Gentiles admissi, sicuti antea à Judæis Pro-
felyti admittebantur. Cùm autem extrà
Terram Judæis Synedria essent, quæ singu-
lis Tractibus, sive Provinciis præessent, ità,
& Ecclesiæ fundatæ sunt ibidem, quæ eo-
dem modo eminent. At cùm nonnullæ
Urbes Judæos haberent, & frequentiores,
& il-

PARS PRIMA. 191

& illustrius suis Legibus utentes, hæ inter cæteras electæ sunt, quæ quadam singulari honoris prærogativa fulgerent, quasque proinde Petrus sui Juris speciali quodam, divinoque modo participes voluit. In altera Orbis parte, ubi rarus Judæus Incola, nulla præter Romanam prima Sedes est constituta, quia Romæ tantum Judaici regiminis forma habebatur, ubi frequentes Judæi habitabant, quorum etiam primò ratio habita est, quare quæcumque tertia illa Apostolici ævi periodo fundatæ sunt Ecclesiæ, omnes unam Romanam Sedem Metropolim cognovere, totaque illa Orbis Romani pars, quamvis alterà longè major, tanquam una Romanæ Ecclesiæ Provincia reputata est. Ex ejus autem partis accessione ubi plerique, & ferè omnes Gentiles erant, quò, & alii alterius non modò Gentiles, sed & Judæi in unum veluti Corpus coalescerent, necessitas emerfit Romæ potiùs, quàm alibi Petri sedem constituendi. Etenim, cum Christus Lapis ille angularis fecisset utrâque unum, duos populos in unam Ecclesiam adunando, Petrus qui Petra etiam, cui inædificandam Ecclesiam Christus prædixerat, sedem omnium principem non.

Hic-

Hierosolymis, quæ Judæorum tantum Metropolis, non Alexandriæ, vel Antiochiæ, ubi præ Gentilibus Judæorum ratio haberi debebat, sed Romæ constitui debuit, tantum in unitatis centro, ubi, & Judæi frequentes, & Gentilium omnis superstitio convenerat. Porro hæc pluribus illustranda, & in bono lumine ponenda cum sint, à priori Apostolicorum temporum periodo initium capio.

III. Mirum est, quanto consensu Chronologi, & rerum Ecclesiasticarum recentes Scriptores ab antiquissimi Auctoris Apollonii traditione recesserint, qui Eusebio teste Hist. lib. 5. cap. 18. *ajebat tanquam ex traditione Servatorem præcepisse suis Apostolis ἐν δώδεκα ἔτεσι μὴ χωριδῆναι τὸ Ἱερουσαλὴμ, ne intra duodecim annos Hierosolymis excederent*. Plura autem sunt, ex quibus dissensus Auctorum ab Apollonii traditione efficitur. Primum, quod Christi Domini mortem anno vulgaris æræ 29. quæ veterum Patrum sententia fuit, consignare nolunt, postponuntque quatuor, vel quinque annis. Verum vetus sententia doctissimis Chronologis rursus placere capit, quos proinde hæc difficultas minimè urget. Secundò, quod Antio-

PARS PRIMA. 193

Antiochenæ Ecclesiæ initia communi omnium consensu ponantur antè admissos ad Baptismum Gentiles, & fundata credatur Tiberio adhuc imperante, vel paulò post. Tertio, quòd intrà duodecimum à Christi Ascensione Annum Petrus, & Johannes narentur missi ab Hierusalem in Samariam, ut illis, qui ex Circumcisione baptizati fuerant manus imponerent. Quarto quòd Paulus ad Galat. 2. narret se cum primò Hierosolymam ascendit videre Petrum, aliorum Apostolorum vidisse neminem præter Jacobum fratrem Domini. Henrichenius in Apparatu ad Chronologiam, Pontificiam Exercit. 3. admittens veterum sententiam de Christo duobus Geminis Cos. crucifixo, remotoque ob id priori obice, Appollonii traditionem admittit; at, ut ab aliis se expediat, Hierosolymorum nomine non modò Judæam, ac Palæstinam, sed Syriam universam intelligit, quò Antiochenæ Ecclesiæ initia citò consignet, anno videlicet vulgari 33. Sed & annorum duodecim spatium Apollonio traditum, ad undecim annos contrahit, numerans duodecimum, anno currente 40. Vidit hoc C. V. Daniel Papebrochius in Conatu Chronico-histori-

N

co

co. Differt. 2. de Sedibus Antiochena, & Romana n. 2. qui cùm Christi Ascensionem anno vulgari 34. connectat, nec Henschenio consentiat, Hierusalem nomine Syriam universam intelligenti, Apollonii traditionem admittit, quatenùs, vel Apollonius ipse, vel Eusebius erraverit, qui prò anno secundo, duodecimum scripserit, urgetque argumentum ex Pauli primo Hierosolymam adventu desumptum. Mihi aliàs quàm soleat Apollonii traditio intelligenda videtur, & admittenda, nec enim video, cur majorem fidem mereatur Eusebius, (qui tamèn Apollonii traditionem refert, non refellit) quàm Apollonius priori Apostolorum ætati multò Eusebio proximior. *χωριθῆναι δὲ Ἱερουσαλὴμ* quod *Hierosolymis excedere, discedere, abire* interpretantur viri docti, mihi est *ab Hierusalem segregari separari, sejungi*; & integram sententiam verto; *ajebat tanquàm ex traditione Servatorem præcepisse suis Apostolis, ne intrà duodecim annos à Hierosolymis segregarentur, separarentur, sejungerentur. Separari autèm, Segregari, sejungi* idem esse intelligo, ac alteram Ecclesiam fundare, quæ à Hierosolymitana minimè penderet; quatenùs intrà duodecim annos,

PARS PRIMA. 195

annos, & Apostolorum Collegium, cui Petrus præerat, tanquàm novæ Legis Syne-
drium majus Hierosolymis tantùm sederet,
totique Judæorum credentium cætui Jus di-
ceret, ac unus Hierusalem Episcopus, cæ-
teris præsideret, si quæ Ecclesiæ intrà Ter-
ræ fines, minoraque Synedria, quæ postmo-
dum Presbyteria vocata sunt, constitui oport-
eret. Constituere autem principem alter-
am Ecclesiam, ubi Apostolorum, quispiam
federet, fieri non poterat, quoniam, & alibi Apo-
stolici Collegii Jurisdictio plenissimè exer-
ceretur, & quoniam sola desineret esse Hieroso-
lymitana Ecclesia, quæ cæteris præesset,
quod *segregari, sejungi, separarique* à Hie-
rusalem erat, ubi pro Judæorum more Ju-
risdictionis plenitudo, & apex. Id itaque,
Apollonio tradente, fieri Apostolis prohi-
bitum antè duodecim ab Ascensione annos,
ac illud ipsum Clementi Alexandrino Stro-
mat. lib.6. significatur, ubi hæc habentur;
si quis ergò velit ex Israel duci pœnitentia, &
proptèr nomen meum credere in Deum, remit-
tentur ei peccata. Post duodecim annos egredi-
mini in Mundum, ne quis dicat non audivimus.
Hoc sensu Apollonii traditione intellecta,
& Christi morte duobus Geminis Cos.

co. Dissert. 2. de Sedibus Antiochena, & Romana n.2. qui cùm Christi Ascensionem anno vulgari 34. connectat, nec Henschenio consentiat, Hierusalem nomine Syriam universam intelligenti, Apollonii traditionem admittit, quatenùs, vel Apollonius ipse, vel Eusebius erraverit, qui prò anno secundo, duodecimum scripserit, urgetque argumentum ex Pauli primo Hierosolymam adventu desumptum: Mihi aliàs quàm soleat Apollonii traditio intelligenda videtur, & admittenda, nec enim video, cur majorem fidem mereatur Eusebius, (qui tamèn Apollonii traditionem refert, non refellit) quàm Apollonius priori Apostolorum ætati multò Eusebio proximior. *χωριθῆναι τὴν Ἱερουσαλὴμ* quod *Hierosolymis excedere, discedere, abire* interpretantur viri docti, mihi est *ab Hierusalem segregari separari, sejungi*; & integram sententiam verto; *ajebat tanquàm ex traditione Servatorem præcepisse suis Apostolis, ne intrà duodecim annos à Hierosolymis segregarentur, separarentur, sejungerentur. Separari autèm, Segregari, sejungi* idem esse intelligo, ac alteram Ecclesiam fundare, quæ à Hierosolymitana minime penderet; quatenùs intrà duodecim annos,

PARS PRIMA. 195

annos, & Apostolorum Collegium, cui Petrus præerat, tanquàm novæ Legis Syndrium majus Hierosolymis tantùm federet, totique Judæorum credentium cætui Jus diceret, ac unus Hierusalem Episcopus, cæteris præsideret, si quæ Ecclesiæ intrà Terræ fines, minoraque Syndria, quæ postmodum Presbyteria vocata sunt, constitui oporteret. Constituere autem principem alteram Ecclesiam, ubi Apostolorum, quispiam federet, fieri non poterat, quin, & alibi Apostolici Collegii Jurisdictio plenissimè exerceretur, & quin sola desineret esse Hierosolymitana Ecclesia, quæ cæteris præesset, quod *segregari, sejungi, separari*que à Hierusalem erat, ubi prò Judæorum more Jurisdictionis plenitudo, & apex. Id itaque, Apollonio tradente, fieri Apostolis prohibitum antè duodecim ab Ascensione annos, ac illud ipsum Clementi Alexandrino Stomat. lib.6. significatur, ubi hæc habentur; *si quis ergò velit ex Israel duci pœnitentia, & propter nomen meum credere in Deum, remittentur ei peccata. Post duodecim annos egredimini in Mundum, ne quis dicat non audivimus.* Hoc sensu Apollonii traditione intellecta, & Christi morte duobus Geminis Cos.

consignata, minimè obstat quòd Petrus, & Johannes à Hierosolymis missi sint in Samariam; quìn sententiam confirmat, indè enim missi ubi Apostolici Synedrii Sedes, illuc, peractis, quæ còmmuni Statuto decreta fuerant, rediere; nec quòd Paulus primò Hierosolymam veniens præter Petrum, & Jacobum neminem Apostolorum viderit, cùm potuerint Apostoli Hierosolyma abesse, nec tamèn, modo explicato à Hierusalem separari. Præterquam quòd Paulus loco allegato ait, se neminem Apostolorum de Christi doctrina allocutum, quam Gentilibus suo tempore disseminandam, à Christo immediatè didicisset, minimè autèm, Apostolos absuisse dicit. At ex Apollonii traditione hoc modo intellecta sequitur contrà communem omnium sensum, Antiochenæ Ecclesiæ initia ad duodecimum, ab Ascensione annum differenda. Planè sequitur; verùm minimè ob id traditio antiquissima est reicienda, cùm aliundè differendi rationes urgeant hìc adjiciendæ.

- IV. Fundatam à Petro Apostolorum Principe Antiochenam Ecclesiam, ubi septem, annis Episcopus federit, communis Ecclesiæ sensus est, ac tùm Veterum (Catalogi tamèn

tamen nonnulli in annorum quibus sedet numero, dissentiunt) tùm Recentiorum assertio; at quo anno primum fundata sit, incertum planè, ac controversum. In eo tamen consentire visi sunt omnes, si Panvinum excipias, de cujus sententia Baronius ad annum 39. ut Cathedræ Antiochenæ initia antè primum Claudii imperantis annum constituerint. Etenim cùm creditum sit Petrum Romanam Cathedram viginti quinque annis tenuisse, vel post Romanæ initia fundatam Antiochenam asserendum, quod unus Panvinus dixit, vel ab anno secundo Claudii, quo primum Petrum Romanam venisse Eusebius tradiderat, retrogrediendum erat, ut septem Antiochenæ Sedis anni invenirentur. At angustia undiquè in hoc Chronologiæ Systemate. Etenim, cùm Petrum, & Paulum Romæ passos anno Neronis duodecimo, vulgari videlicet 65. probent, quæ allegantur ex Epiphanio hæc. 26. cap. 6. Tacito lib. 16. Ann. Suetonioque in Nerone 29. collatis cum Pauli Orosii lib. 7. cap. 5. aliisque, Heschenio antè Tom. p. Aprilis, Papebrochio in Conatu, & in Respons. ad Exhib. Err. ad art. 2. §. 1. Scellestrat. Antiqu. illustr. pag. 30. Pagio in Criticis

ticis ad ann. vulg. 67. retrogrediendo per annos 25. invenitur non annus secundus Claudii, qui 42. vulg. sed 40. postremus Caji. Nec nisi prima Februarii anni 41. Claudius imperare cæpit, atquæ ideò si fundatam, ut vetus fert traditio Romanam Cathedram velimus Januario mense, anno saltèm quadragesimo currente, Romam Petrus venerit necesse est, ac ideò septem Antiochenæ Sedis anni ipso anno vulgari 33. incipiunt, quo iidem etiam ipsi Auctores Christum, crucifixum vel asserunt, vel in sequentem transferunt; quæ quidèm admitti nequeunt. Rursùs cùm Valesio ad Euseb. Histor. lib. 2. cap. 6. & Pagio suprà laudato, sicuti, & Panuino observatum sit ex Actuum Apostolorum Historia, Petrum minimè Syria excessisse antè Agrippæ mortem, quæ omnium consensu accidit anno quarto Claudii, 44. vulgari, postquàm Petrum ipsum ille in vincula coniecisset; efficitur nonnisi post annum eundem Petrum Romam proficisci potuisse. Hinc tandèm Chronologorum consensu ab Eusebio dissentiri cæptum, ac agnitum, seriùs, quàm ille tradiderat, Romanam Cathedram fundatam, & viginti quinque annorum spatium Petri Pon-

PARS PRIMA: 199

Pontificatui tributum, intrà breviores fines redigendum. Antiochenæ itaque Cathedralæ initia antiquiora Claudii imperantis initiis statuendi necessitas cessavit, arbitriumque relictum deliberandi, an (quod sanè verosimilius videtur) fundaverit Petrus Ecclesiam illam post admissos ad Christi Baptismum Gentiles. Quod tamèn mirere, Doctissimi Viri, qui Lactantii Libellum de Mortibus Persecutorum sequuntur, & asserunt Petrum nonnisi anno Neronis primo, æræ vulgaris 54. Romam venisse nondùm tamèn de transferendis ad Claudii tempora Antiochenæ Sedis initiis cogitarunt. Mihi certè absquè teste, & rationibus, minimè probatur, Petrum Antiochiæ sedere desiisse, nisi cùm sibi Romam eundem censuit, ut ibi Romanam Cathedralam fundaret; quare admittere nequeo, quòd cùm, exempli gratia, desierit Antiochiæ sedere anno vulgari 45. (quæ sententia omnium seriùs Cathedralæ illius initia statuit) usquè ad annum Neronis primum, æræ vulgaris 54. Romanum iter distulerit, nulla relictæ Antiochenæ Sedis causa probabili allegata. Hinc consequitur, nec Petri in Urbem adyentum ad primum Nero-

nis annum differri posse, nec Antiochenæ Sedis initia antè duodecesimum ab Ascensione annum retrahenda. Prioris mæx assertionis forte etiam mihi argumentum exhibet Pauli Epistola ad Romanos, quæ procul dubio antè Neronem ipso Claudio imperante conscripta est. In ea siquidè Apostolus florentem jam Romanam Ecclesiam pluribus ostendit. Ejus cap. i. sunt illa; *primum quidè gratias ago Deo meo per Jesum Christum pro omnibus vobis; quia fides vestra annuntiatur in universo Mundo; & ea capitis postremi; vestra enim obedientia in omni loco divulgata est*; quibus plura addere in re perspectissima non vacat. Itaque ad primum Neronis annum Petri adventus Romam, differri nequit, aliàs nec Petrus, nec Paulus Ecclesiæ Romanæ Auctores, sed alii. Lactantii ergò verba, vel de primò Petri adventu non loquuntur, vel Paulo contradicunt, ideoque fidem non merentur. Secundum de initio Antiochenæ Sedis Claudii imperantis prioribus annis alligando, ex ipsa Actuum Apostolorum Historia aperte, ut mihi quidè videtur, constat. Id attentè explicandum.

V. Solenne est Lucæ ejus Canonici libri Auctori,

tori, Ecclesiæ nomen Urbi, locoque cui-
piam minimè tribuere, nisi postquam plu-
res ibidem numero satis frequenti Conver-
si, & Cathedra constituta, quò ritè, verè-
que Ecclesia fundata dici potest. Id quam-
vis nulli in hanc diem observatum sciam, ex
diligenti tamèn Libri totius lectione, facile
cuique est animadvertere, & operæ pretium
adnotasse fuit, quandòquidem inde prima-
rum Ecclesiarum initia aliundè ignota, vel
dubia, chronologicè ordinandi, via satis tu-
ta aperitur. Verè id observatum adstruent,
quæ pro argumenti ratione hic alleganda
veniunt. Cœtus Antiochenorum Creden-
tium capit. 11. narratur primùm Gentilibus
ad fidem conversis auctus Cypriorum, &
Cyrenæorum prædicatione; quare multo
novorum Fidelium ex Gentilitate numero
accedente, ejus rei *pervenit sermo ad aures*
Ecclesiæ, quæ erat Hierosolymis, & miserunt
Barnabam usquè ad Antiochiam. Cùm au-
tem *apposita* ex Barnabæ prædicatione fuisset,
multa turba Domino, profectus est ille
Tarsum, ut quæreret Paulum, quem cùm inven-
isset, perduxit Antiochiam. Vides Lector us-
què ad hæc tempora, omnia Antiochiæ fa-
cta nutu Hierosolymitanæ Ecclesiæ; non-
dum

dùm proinde Lucas Ecclesiæ nomen Antiochenorum fidelium cœtui tribuit, nondùm etenim suo Episcopo regebantur. Id tamèn mox factum indicat Ecclesiæ vocabulo utens, nec est imposterùm quidquam in toto Actuum Apostolicorum Libro, quòd Hierosolymitanæ Ecclesiæ in Antiochenam Jus indicare valeat; tunc enim cessavit, cùm ibi Ecclesia est constituta. Id cùm effectum est, Discipuli primùm cognominati sunt Christiani, cæptumque insigni eo nomine Judæos credentes à non credentibus discernere, & Apostolorum Collegium à Hierosolymitana Ecclesia segregari cæpit, quod fieri debere non nisi post duodecimab Ascensione annos, tradente Apollonio, Christus præceperat. Id totum mihi significatur per illa Lucæ, quæ sequuntur verba, *Et annuum totum conversati sunt ibi in Ecclesia, & docuerunt turbam multam, ita ut cognominarentur primùm Antiochie Discipuli Christiani.* Hæc autem quandònam facta sint duabus chronologicis faculis demonstrat Lucas subjiciens statim, *in multis quoque diebus, eisdem diebus per Agabum Prophetam Antiochie prædictam famem magnam futuram in universo Orbe Terrarum, quæ facta*

Et

PARS PRIMA. 203

Ita est sub Claudio; & capitis sequentis initio
κατ' ἐκείνον τὸν καιρὸν, eodem tempore ab Hero-
de occisum Jacobum fratrem Johannis gla-
dio, Petrum autem carceri traditum; qui
cum Angeli ope liberatus fuisset, ἐπορεύθη
εἰς ἕτερον τόπον, abiit in alium locum, Herodem
 autem paulò post Cæsareæ mortuum: De-
 cessit Herodes, nemine contradicente, an-
 no Claudii imperantis quarto, vulgari qua-
 dragesimo quarto; quare ex eo quòd Petrus
 paulò antè hujus mortem è carcere libera-
 tus *in alium locum abierit,* argui videretur,
 Petrum nonnisi anno 43., vel 44. Antio-
 chenam Cathedralam fundasse. At Agabi
 Prophetia de futura fame in universo orbe
 Terrarum rem attentius considerandam es-
 se monet. Penè toto imperantis Claudii
 tempore fames Orbem Romanum afflixit,
 ut ex Veterum lectione, & numismatibus
 C. V. Pagius notavit ad annum Christi qua-
 dragesimum secundum. Licèt Petavius
 lib. 11. de Doctr. temp. cap. 12. sentiat di-
 versam famem, de qua Agabus ab ea, de
 qua Josephus, & Usserius eandem existi-
 met. anno Claudii quarto continuatam us-
 què ad ejusdem annum sextum, cum Hele-
 na Adiabenorum Regina Judæis opitulata
 est;

est; convenire tamèn videntur in eo, quòd Agabus prædixerit famem anni ejus Imperatoris quarti, quæ Petavio diversa dicitur à fame anni sexti, Usserio eadem. Verùm Baronius famem, de qua Agabus eam esse ait, de qua Dio lib.60. anno Claudii secundo consignatam, quam præcedenti anno prædixerit Agabus. Fames ingens sanè, & ob quam potuerit sequentium annorum ejusdem continuatio prævideri; quare publicæ Italiæ egestati, ut faciliè in posterùm succurreretur, cæptus Ostiensis Portus extrui; *opus agrè post undecim annos, quamvis continuis triginta hominum millibus sinè intermissione operantibus, finiendum*, ut Suetonius in Claudio cap.20. Magno itaque Annalium Ecclesiasticorum Patri mihi adhærendum puto, & famem primò Orbem affligentem agnosco, post colligendarum segetum tempestatem, & inclinatum annum Christi vulgarem, quadragesimum secundum, qui Baronio est quadragesimus quartus, quo à Kalendis Februarii annus secundus Claudii cæperat; Agabum autèm, vel anno præcedenti, vel iplis quadragesimi secundi initiis famem prædixisse. Ut autèm id credam eo argumento adducor, quod Agabus divinitus de

re

re mox futura edoctus, si famem anni quarti Claudii, & sequentium prædixisset anno tertio, vel secundo fame ipsa jam tùm Orbem affligente, rem prænuntiaffet ipsis Gentilibus, rationibus à natura petitis, prævisam. Nec tamèn famis initium retrahi potest ad primum ejusdem Claudii annum, ut sensit Pagius, quæ cæpta sævierit quàm maximè anno secundo; sola enim Nummi ex Mediobarbi Occone desumpti ratio, famem hujusmodi non probat; potuit enim Claudius publicam annonæ abundantiam, procurare, licèt fames nondùm adesset, nec futura prævideretur, Senatu ex qualibet causa novo Imperatori adulandi materiam quærente; ac in ea re proindè Dioni potiùs, quàm numismatibus credendum est.

- VI. Statuendum itaque eodem ferè tempore, & quod ait Lucas, *ἐν ταῖς ταῖς ἡμέραις*, Agabum prædixisse famem paucos post menses futuram, & Cœtum Antiochenorum Credentium, Petro in primis, ac Paulo, Barnabæque laborantibus, Christiano nomine vocari cæpisse, constitutis Ecclesiæ Typo Presbyterio videlicèt, & Petri Cathedra. Quo factò Hierosolymam Petrus abiens ab Agrippa Judæis morem gerente, qui Jacobum
- Ja-

206 PARS PRIMA.

Johannis fratrem gladio occiderat, in carcerem detrufus est, statim ab Angelo liberandus; quæ quidem anno fequenti Claudii tertio evenerint. Ità Februario ad finem vergente, cæpto jam Claudii imperantis ab ipsius Februarii Kalendis, anno secundo, annoque à Christi Passione duodecimo cadente, Cathedra Antiochena, Petro sedente, constituta est, & quòd inciperent Credentes in Christum suo veluti Systemate in Judaica politia regi, novum nomen assumere, Christianique vocati sunt. Et eodem quidè tempore, & Antiochenam Cathedralam à Petro fundatam, & Christianum nomen exortum, & Conventum Apostolorum celeberrimum Ecclesiam videlicet, in qua primùm extrà Terram Synèdrii Apostolici Jus omne emicuit, quod antea Hierosolymis tantùm fuerat, visum, tanto consensu Patres cognovere, ut de Antiochenæ Sedis Privilegiis nunquàm loquantur, quin hæc ipsa in eorum argumentum allegent. Sanè ità mihi intelligitur celebris Innocentii locus ex epist. 18. cap. 1. ad Alexandrum Antiochenum, quem cum non intelligerent Doctissimi aliàs Viri, ità traduxere, ut vel Synodum Apostolorum, quæ nunquàm habi-

habita est, laudarent, vel Innocentium lapsum dicerent, qui quod Hierosolymis factum fuerat, Antiochiæ adscripsisset. Clara & vera omnia, si ritè intelligantur, *adver-*
timus, inquit, Pontifex, *non tam pro Civita-*
tis magnificentia (ad quam nullo modo respexisse Apostolos decernit) *hoc eidem at-*
tributum (Primatus videlicèt suprà Diœcesim) *quàm quòd prima Apostoli Sedes esse mon-*
fretur, ubi, & nomen accepit Religio Christiana,
& quæ Conventum Apostolorum apud se fieri celeberrimum meruit. Passim autèm ex Petri Sede, ac ex nominis Christiani natali adstruunt Antiochenæ Ecclesiæ prærogativam, quòd utriusque eodem tempore initium fuerit, antiqui Patres. Ità Gelasius in Concilio Romano; *est ergò prima Petri Apostoli Sedes.... Tertia verò Sedes apud Antio-*
chiam ejusdem B. Apostoli Petri habetur bono-
rabilis, eo quòd illic priusquàm Romam venisset habitavit, & illic primùm nomen Christianorum novellæ Genti exortum est. Chrysostomus Antiochenus ipse tom.p. homil.42. Petrum ob id Antiochiæ sedisse tradit, quòd ibi Christianum nomen exortum sit; *hæc est una*, inquit, *nostræ Civitatis prærogativa dignitatis, quòd Principem Apostolorum ab ini-*
tio

*tio Doctorem acceperit. Æquum enim erat, ut ea, quæ nomine Christianorum antè univèrsū Orbem terrarum ornata fuerat, primum Apostolorum Pastorem acciperet. Idem homil. 7. in Matth. vos autem, si quidē aliquod de bonore certamen oriatur, omni ambitione contenditis, ut vèl univèrso præsideatis Orbi, illo scilicèt vobis privilegio blandientes, quòd hæc prima Civitas Fidelibus Christianorum nomen imposuit; & homil. 3. ad Populum, Antioch. sicut Petrus, ait, intèr Apostolos primus Christum prædicavit, sic intèr Civitates hæc prima tanquàm coronam quamdam admirabilem Christianorum tulit appellationem. At nil clarius, dissertiusque afferri potest, quàm ipsum Ignatii martyris testimonium, qui & Antiochenæ Ecclesiæ Episcopus, & Apostolis synchronus, rei testis est omni exceptione major, ac in Epistola ad Magne-
sianos hæc habet; Si nus itaque digni cogno-
mento quod accepimus, qui enim alio nomine ap-
pellatur præter hoc, hic non est Dei, nec accepit
prophetiam loquentem de nobis; & vocabitur
tibi nomen novum, quod os Domini nominavit,
& erit Populus Sanctus; Antiochiæ enim pri-
mum Discipuli appellati sunt Christiani, cum
Petrus, & Paulus Ecclesiam fundarent. Qui-
bus*

PARS PRIMA. 109

bus licet superfluum sit alia addere, juvat tamen observare quemdam locum in Chronico Paschali, vel ab Auctore vetera inepte confarcinante confusum, vel ab alio quopiam interpolatum, ex quo tamèn satis constare potest, quàm recentiora traditis ab Eusebio, Antiocheni existimarent, & sequioribus Seculis suæ Ecclesiæ initia; constat enim inter eruditos Chronicon illud, Antiochenum potiùs, quàm Alexandrinum vocari debere. Itaque sub Collegio illo Consulum, quo Claudius primò Consul processit, quodque uno anno antevertit verum Claudii Consulatum, quem Imperator renunciatus iniit anno vulgari quadragésimo, hæc habentur. *Petrus Apostolus his Coss. primus Ecclesiæ Antiochenæ fundamenta jecit.* At Leliano, & Plautio Coss. anno videlicet vulgari 36. hæc scripta; *quarto post Domini in Cælos assumptionem anno Petrus Apostolus Hierosolymis Antiochiam magnam profectus Verbum Dei docuit, & Episcopatus ordinatione suscepta à Judeis, qui Christiani effecti erant persuasus illic semet in Thronum immisit, nequè quemquam ex Gentilibus, qui fidem receperant, aut excepit, aut amplexus est, sed illis ità dimissis inde exivit.* Verùm qui

O

simul

simul vera esse possunt, ut Petrus Antiochiæ Leliano, & Plautio Cofs. *Episcopatus ordinatione suscepta semet in Thronum immiserit*, & deindè Claudio primùm Cofs. *Ecclesiæ Antiochenæ fundamenta jecerit*? Dicam quod est; assuta sunt, quæ primo loco de Petri Episcopatu Antiocheno scribuntur. Extat in Thelavro temporum Scaligeriano, post Eusebii Chronicon Epitome Chronicorum ab Adam ad Eraclii tempora, quæ ipsum Chronicon paschale est, sinè adscititiis assumentis. Ibi Leliano, & Plautio Cofs. hæc tantùm habentur *τετάρτῳ ἔτει ἢ εἰς ὑπαυῆς ἀναλήψεως τοῦ Κυρίου, Πέτρος Ἀπόστολος ἀπὸ Ἱεροσολύμων ἐν Ἀντιοχείᾳ τὰ μεγάλα ἔργα τοῦ Θεοῦ ἐδίδασκεν*. Cætera non leguntur, nec legi possunt, cùm ad Claudii Consulatum transferantur Antiochenæ Sedis initia. At aliàs quamvis seriùs, quàm fieri soleat hæc ponantur, & in hac parte propiùs ad veritatem accedatur, nulla tamèn in cæteris temporum ratio servata. Crediderim primùm, quòd vetera Antiochenæ Ecclesiæ monumenta haberent, Cathedram ibi Petrum constituisse, Claudii imperantis initiis, negligentèr, & absquè majori indagine à Chronici Auctore primo ejusdem Consulatus colligata ejus Ec-

Ec-

PARS PRIMA. 211

Ecclesiæ primordia, Collegiis Consulum
perperam collocatis. At exigua admodum
lux ex sequioris Ætatis Scriptoribus hujus-
modi; quare nil moror, vel Suidam, vel Jo-
hannem Malelam, qui licet ad initia Clau-
dii nomen Christianorum exortum dicant,
id tamen Evodio sedente post Petrum, fa-
ctum dicunt, qui vel post id temporis sedit,
vel Vicarius assumptus est à Petro, ut Ro-
mæ factum doctissimi Viri sentiunt, potuit-
que ex Synagoga manare, in qua summo
Pontifici Vicarium affuisse constat; ut ex
Maimonide notavit Cunæus de Rep. Hebr.
lib. 2. cap. 6.

VII. Statuta autem Antiochenæ Sedis epo-
cha quantum quidem operæ pretium esse,
videbatur, ut Apollonii traditio ab opposi-
tis vindicaretur; nunc ad formam, quam
secuti fuere Apostoli prima illa Periodo
Ecclesias fundantes, regrediendum est. Ce-
lebris est Grotii in Act. 6. & alibi ac aliorum
sententia; *totum regimen Ecclesiarum Chri-
sti, conformatum fuisse ad Synagogarum E-
xemplar*; at ea in re ad Veterum sensum ex
plurimis, quæ adnotanda forent, nonnulla
saltem propius argumentum tangentia de-
libanda sunt. Capite præcedenti plura de

Judæorum Republica in medium protulsi, ex quibus illud in præsentiarum repetendum est, quòd tota Judaici Regiminis forma, ob quam distinguebatur ab omnibus, singulisque cæterarum Gentium Regiminibus in eo stetit, quòd omnia ordinabantur ad Dei cultum; quare Jus omne à Majestate non humana, sed divina pendeat, & ipso Deo decernente, *Regale Sacerdotium* vocabatur. Lex autem universa tribus constabat, videlicet moralibus, cæremonialibus, & judiciariis, quæ Deut. cap. 6. dicuntur *præcepta, cæremonia atque judicia*. Nunc audiendus Juris Judaici peritissimus Paulus Apostolus Epist. ad Hebr. cap. 7. ubi in eo totus est, ut suis Contribulibus probet sub Aaronico Tribus Levi Sacerdotio, Legem compleri non potuisse, quòd Sacerdos alter exurgere deberet æternus secundum Ordinem Melchisedech, qui quod Lex vetus præmonstraverat, & sublimiori, & divina, methodo compleret, perficeretque. *Translato autem Sacerdotio*, subinfert Apostolus, *necessè est, ut & Legis translatio fiat*. Inde Epiphan. Heres. 29. *Sacerdos, itaque est Jesus Christus in æternum secundum ordinem Melchisedech, similique Rex juxta ordinem ex super*

supernis, ut transferat Sacerdotium simul cum Lege, ex semine verò David propter Mariam sedens in Throno in aeternum, & Regni ejus non erit finis; oportebat enim ipsum nunc transferre ordinem, tum Sacerdotii, tum Regni; Ita & 1. Petri 2. Ecclesia Regale Sacerdotium, ut vetus Synagoga, vocatur: quare idem Epiphanius; manet enim Thronus ipsius, & Regni ejus non erit finis, & sedet super Thronum David, ita ut Regnum David una cum Pontificatu transfulerit, & largitus sit servis suis hoc est Pontificibus Catholicae Ecclesiae. Hinc consequatur oportet, quod veteris Reipublicae substantia per metathesim, de qua Apostolus, à carnalibus, & sensibilibus, ad justificationem immediatè, quae antea immediatè intendebatur, translata, Regale Sacerdotium, & Jus Majestatis divinae completum emerferit, cujus Lex εὐαγγέλιον τῆς βασιλείας vocatur Matth. cap. 4. & alibi. Jus itaque Majestatis divinae, quod ratione finis idem cum Jure veteris Sacerdotii, quamvis multò nobilius ob immediatum finis praedicti respectum, ipso Christo summo Pontifice, Propheta, Legislatore, & Rege vetera implente, & ad superiorem ordinem promovente. statim à Passione viguit, & post

illius Ascensionem, Petro in primis, inde Apostolis cessit, quibus Episcopi succedere. Ità vera vis Majestatis in Apostolicum Synedrium, summumquæ novæ Legis Pontificem, à veteri Pontifice, Synedrioque translata duabus facultatibus compræhendebatur, Legislatoria videlicet, & Judicialia, quam non modò Catholici agnoscant, sed & nonnulli non Catholicorum Doctiores (licet hi quod Apostolico muneri concedunt, perperam Regali novæ Legis Sacerdotio, ipso negato, adimant) inter quos vide Philippum Jacobum Hartmannum; *De rebus gestis Christ. cap. 3.* qui hæc ex Spanhemii Dissert. de Apostol. & Apostolis contra Hobbii Systema, transcribit, & mihi transcribenda; *Character novus τὸ ἀληθινὸν ἢ Ἀποστολὴς exponitur potestas quedam Judicialis, & Legislatoria in spirituali Ecclesiæ regimine, ac salva civili potestate à Christo iisdem concessa; unde sessio illa metaphorica super duodecim Thronis, & ligandi præceptis, interdictis, pœnis, solvendique ab istorum obligatione, harumque vinculo summa sub Christo, ac singularis potestas: & sequuntur utriusque potestatis argumenta ex sacro volumine petita. At Legislatoria potestas reformandis*

PARS PRIMA. 215

dis veteris Legis præceptis, seu ad suum immediatè finem reducendis, Moralibus retinendis, abrogandisque cæremonialibus; Judicialia, judiciariis exercendis prò novæ Legis natura, & exigentia data fuerat. Ità Lex vetus adimpleta est per novam Christi Legem, prout scitissimè explicat D. Thomas p. 2. quæst. 107. art. 2. hîc audiendus. *Lex nova, inquit, comparatur ad veterem, sicut perfectum ad imperfectum. Omne autem perfectum adimplet id, quod imperfecto deest, & secundum hoc Lex nova adimplet veterem Legem in quantum supplet illud, quod veteri deerat.* Insignem autem differentiam ex Patrum scitis agnoscit Angelicus Doctor inter cæremonialia, & judicialia præcepta; quòd cæremonialia ex sui natura figuræ rationem immediatè habebant, judicialia licèt, & ipsa in figura contingerent, id tamèn mediatè tantùm habebant, quare post impletas figuras cæremonialibus ampliùs locum esse nequiret, quatenùs implicitam futuri protestationem importabant; at judiciariis utendi adhuc potestas esse possit, cum faciliùs figuræ ratione spolientur. Videatur ille quæst. 103. art. 4. & quæst. 104. art. 15. Cùm hæc itaque ejus naturæ fuerint, ex

Apostolorum praxi circa cæremonialia de praxi circa judicialia constare faciliè poterit; consequitur enim quod, si cæremonialibus uti voluerunt, multò magis, & judicialibus usi sint. At illud etiam considerandum, quòd quamvis Judæis credentibus, ad Apostolorum præscriptum liceret veteribus insistere, dummodò ea ad salutem minimè necessaria faterentur, id tamèn Gentilibus nequaquàm licuit, sed nec Gentilibus licuisse, nec Judæis ad fidem conversis, Gentilitatis superstitiosa vel retinere, vel adsciscere, quandòquidem intrinsecè mala. Ea de causa Judæi antè Gentilium admissionem ad Baptismum, ab eorum moribus, & commercio juxtà Legis Dogmata, & infitum animis odium abhorruere, & post admissos, ægrè eorundem societati assensere, & ut assentirentur multùm laboratum est ab Apostolis.

VIII. Porro ex his omnibus primæ Apostolorum periodi facies probè spectatur. Nulla Gentilium ratione habita id unum quæsitum est, ut Synagoga veterum Prophetarum promissis potiretur, & novo Messie *Regali Sacerdotio subjiceretur*. Servatus Hierosolymis, & Templo suus honor, retenta quæ Sacris

PARS PRIMA 217

cris Legis tabulis nitebantur, vel laudabilis traditionis auctoritati, ac omnia congruè ità disposita, ut idem Judæorum Populus nullis Alienigenarum admittis perseveraret. Ità vetera minimè antiquata sunt, sed translata à carnalibus, & imperfectis ad spiritualia, & perfectà, itaut judiciaria, quæ antea immediatè terrenum regimen, mediatè spirituale, nova metathesi immediatè spirituale, mediatè temporalia, tanquàm objectum, aspicerent. Eo sensu *Regnum Christi*, ut Christus ipse prò Tribunali respondens dixerat Pilato, *minimè* ut antea, *de hoc Mundo fuit*; videlicèt, non quòd nulla visibili in Ecclesia Jurisdictio esset, sed quia omnis visibilis Jurisdictio in Ecclesia tanquàm ad finem, ad spirituale regimen referri debebat, quippè non ex confœderata disciplina, ut ajunt, sed ex Jure Majestatis divinæ, cui vetus Judæorum Respublica, Regno illo, quod *de hoc Mundo fuerat*, præluserat, effluebat. Prima itaque illa Apostolicorum temporum Periodo, re-tenta in plurimis judiciariæ potestatis methodus, mutatus finis & objectum, & cum nil fini officeret, ut ubi temporalia civilia, sive criminalia intrà terram procurabantur pœnis, præmiis, edictis, ibi eisdem mediis spi-

218 PARS PRIMA.

spiritualia procurarentur, id ex Christi summi Pontificis, ac Regis præscripto, auctoritate in Petrum, & in Apostolos transmissa, effectum est. Intèr cætera autèm prima illa periodo observanda illud fuerat, *ne in viam Gentium* abirent Apostoli, quare nullo modo primas Ecclesias fundantes Gentilium Typo civili poterant se conformare, Gentilibus enim communicare profanum, vetitumque existimavit, ut Judæorum quisque, Petrus, omnium, qui crediderant Princeps, ac Summus Pontifex, qui proindè, cum tandèm in extasi illa celeberrima, Gentiles admittendos cognovisset, Centurionem, & cæteros alloquens dixit Act. cap 10: *vos scitis quomodo abominatum sit Viro Judæo conjungi, aut accedere ad Alienigenam.* Incredibile itaque est quod asserunt, qui antè prædicatam Gentilibus Christi Legem, Antiochenam Ecclesiam fundatam dicunt à Petro ad civilem Gentilium politiam se conformante, qui ibi potiùs, quàm alibi sedere voluerit, quia Antiochiæ Orientis, seu Syriæ Legatus Propratore resideret; etenim cum Judæorum tantùm ratio tunc habita sit, & cum Gentilium moribus conformari nefas sit creditum, & incongruum, & abominatum id agen-

agentes admisissent Apostoli. Intrà Judaicæ itaque Politicæ fines perflitèrè tùm maximè, cùm soli Judæi quæsitì sunt, sed nec extrà Terræ fines ob Domini præceptum Ecclesias constituerunt, licèt aliàs ob dispersos fratres potuissent cuilibet Tractui unum quod cæteris præesset Synedrium, seu Præsbyterium præficere. Hierosolymis, ubi vetus Synedrium majus, prima omnium Jacobo Episcopo Ecclesia radiat in Actibus Apostolicis, quæ jam fundata laudatur, ubi Stephani cædes narratur cap. 8. *facta autem est in illa die persecutio magna in Ecclesia, quæ erat Hierosolymis.* Indè Judæorum credentium numero crescente, cùm in omnibus Portis intrà Terram, ubi certus Israëlitarum cœtus adesset Synedria constitui deberent, id factum tandèm agnoscimus ex eisdem, Actib. cap. 9. ubi Judææ, Galileæ, & Samaritæ totius Ecclesiæ laudantur, *αὶ μὲν οὐὶ ἐκκλησίαι κατ' ὅλης τῆς Ἰουδαίας, καὶ Γαλιλαίας, καὶ Σαμαρίας εἶχον εὐρίνῃ;* Ecclesiæ autèm per omnem Judæam, Galileam, & Samariam pacem habebant. Præter hæc Ecclesias intrà Terræ fines constitutas, nullam indicat Lucas antè Centurionis Baptismum fundatam, quare Metropolitani Juris origo antiquissima à Judaicæ Politicæ

tiæ Systemate accersenda, non à Gentilium civili Typo. Sicùt enim in Judæorum Republica ab Hierosolymis, omnis in totius Terræ minora Synedria in qualibet Urbe constituta Jurisdicctio derivabatur, undè facultas ex Ordinatione ad docendi, & judicandi potestatem, & in Legis dubiis controversiarum judicium, à magno Synedrio fluebat; ità, & hæc omnia translata sunt in novum Judæorum credentium cœtum, & constitutæ in omni Judæa, & Galilæa, & Samaria Ecclesiæ, ab Hierosolymitana, & Ordinatione, & doctrina, & judiciis dependentes. Ordinatus est Hierosolymorum primus Episcopus Jacobus Justi cognomento celebris, qui Presbyterii sui Princeps, Judæorum credentium intrà Terræ fines degentium sollicitudinem habiturus erat. Hujusmodi ordinatio facta est à Petro duobus Apostolici Synedrii Collegis assumptis Jacobo, & Johanne, servata videlicet Judaica ordinationum forma, de qua superiori capite. Ejus rei Testem habemus Clementem Alexandrinum apud Eusebium Hist. lib. 2. cap. 1. cujus sunt ea ad primam tantùm Apostolici ævi periodum applicabilia, cùm primus honoris gradus Hierosolymitanus fuit. Πέτρος ὁ ἀρχιεπίσκοπος, καὶ Ἰάκωβος

ἱεροσολιμίτης

PARS PRIMA. 221

Ἰάκωβον μετὰ τὴν ἀνάλυσιν τοῦ Σωτῆρος, ὡς ἂν, καὶ ὑπὸ τοῦ Κυρίου θεωρητικῶς μὴ ἐπαδικάζετο δόξης, ἀλλ' Ἰάκωβον τὸν δίκαιον Ἐπισκοπον Ἱεροσολύμων ἔλεγε; *Petrum autem, inquit, ajunt & Jacobum, & Johannem post Ascensionem Servatoris, quamvis à Domino praelatos, non ideò de primo honore contendisse; sed Jacobum cognomine Justum Hierosolymorum Episcopum constituisse.* Ex quo Clementis loco sua accepit Auctor Epistolæ Anacleto suppositæ. Nec dubitandum, idem servatum fuisse in Judæa, Galilææ, & Samariæ Episcopis ordinandis; quandòquidem ab Apostolicis ad subsequenta tempora propagatum est, ut à tribus Episcopis, Episcopus consecraretur, qua de re extat Canon inter illos, qui Apostolici nuncupantur. Nec id alia auctoritate fieri potuit, quàm Hierosolymitani Senatus, qui & tempore, & divina ordinatione cæteris Terræ præcessit. At, & alterum Juris Metropolitici Hierosolymis residentis argumentum ex judiciis, decretisque habitis ea priori Periodo durante, Actuum Apostolicorum Liber suppeditat. Controversia inter Græcos Profelytos justitiæ credentes, & Judæos convertos exorta de Ministerio Viduarum dirempta est Hierosolymis

con-

222 PARS PRIMA.

constitutis Diaconis promotoque mensarum ministerio ad aliud eximius Sacræ Synaxis. Cùm Philippi prædicatione Samaria verbum recepisset, Hierosolymitano Presbyterio decernente, Petrus, & Johannes missi sunt, qui super Baptizatos imponerent manus. Demùm cùm Centurio Cesareæ Baptismo primus ex Gentibus ablutus fuisset, Petrus Hierosolymam ascendit, ubi de ea re disceptatum est, & Petro ipso pluribus Synedrium edocente in re gravissima tandèm conclusum est; *ergò & Gentibus pœnitentiam dedit Deus ad vitam*; & quod supra notatum est, *cum ad aures Ecclesiæ, quæ erat Hierosolymis* pervenisset Antiochiæ Gentilibus Evangelium prædicatum, missus est Barnabas, qui Paulum Tarso evocatum illuc perduxit.

IX. Admissis autèm in primis apud Antiochiam Gentilibus, *appositaque multa turba Domino*, cùm antea creditum fuisset solos Israëlitas Baptismi gratia initiandos, Hierosolymitanæ, quæ Judæorum Terræ præerat Ecclesiæ, altera adiici debere est agnitum, qua speciali Jure Judæis quidèm extrà Terram degentibus, sed & Gentilibus conversis prospiceretur. Horum autem Cœtus, qui

PARS PRIMA. 223

qui Judæorum, ut antea, & ut in Terra, dici usquequaque verè, nequibat, novo nomine Christianorum dictus est. Quamvis autem Antiochiæ collocato altero Syne-
drio, ipso Petro Pontifice, ac Principe sedente, quod nullo modo ab Hierosolymitano penderet, recessum sit à veteri Judæorum more, retenta tamèn cætera, non tanquàm necessaria salutis, sed tanquàm tunc vel non mortifera, vel adiaphora; quare crediderim servata ex Judaicæ Legis, & probarum traditionum præscripto, quæ servari solebant in Profelytorum iustitiæ admissi-
onibus apud Judæos, cùm de Legalium iugo tollendo nondùm Lex lata fuisset, cùmque Judæorum conversioni prospiciendum foret; etenim quod de Paulo Timotheum circumcidente scripsit Augustinus lib. de Mendacio cap. 5. multò magis credendum est de Apostolis omnibus Judaica observantibus, & postquàm Gentiles in Ecclesiam admiserunt; id videlicet eos fecisse, *ut ostenderent Cognatis suis ad eos lucrificandos, non hoc se didicisse in disciplina christiana, ut illa Sacramenta, quæ veteris Legis erant, abominarentur.* Sicùt & post Hierosolymitanum Concilium, in quo definitum est, Gentibus

Le-

224 PARS PRIMA.

Legis jugum non esse imponendum, Apostoli tamèn, cùm Judæi essent adhuc Legalia observare; *ut demonstrarent Judæis non idèò Gentes non ea suscipere, quia mala sunt perniciosè à Patribus observata, sed quia jam saluti non necessaria.* Ea in re itaque pro secunda Ævi Apostolici periodo observandum est, primùm admissos ità fuisse Gentiles, tanquàm si in Judaïsmum adsciscerentur, postmodùm id etiàm diù perseverasse, eo tamèn adhibito temperamento, ut ex Ecclesiæ judicio minimè legalium observatione premerentur, si excipias abstinentiam à sanguine, & suffocato, quod impositum, ut obeuntis Synagogæ honori consuleretur, quatenùs ex Gentilibus Christiani effecti intelligerent non mala esse, sed tantùm non necessaria saluti, quæ à Judæis ad fidem conversis observabantur. Porro his, qui ex Circuncisione credebant, non modò Apostolica ætate durante, sed & usque ad Justin Martyris, imò, & Origenis tempora, licuit Legalia observare. In Dialogo contrà Triphonem, interroganti de ea re Judæo, Justinus respondet, esse quidèò contrariæ sententiæ Assertores, qui dicerent mortifera legalia Judæo, qui Christo nomen dedisset, hos

PARS PRIMA. 225

hos tamen non collaudo, inquit, Justinus; sed si ipsi propter animi imbecillitatem etiam quaecumque nunc possunt, ex Mosis constitutionibus, quæ ob duritiam cordis populi sancita esse intelligimus, undè cùm concepta in hunc Christum spe, atquè perpetuis, naturaque comparatis justitiæ & religionis veræ actionibus servare, & cum Christianis, Fidelibusque vivere voluerint, ut modò illis non suadeant paritèr cum eis circumcidi, sabbata agere, aliaque quaecumque tandem sunt ejuscemodi exequi; eos recipiendos, & ad communionem rerum omnium, ut fratres, eorundemque viscerum homines, admittendos esse censuerim. Origines lib. 2. contrà Celsum; Judei, qui in Jesum crediderunt non desciverunt à patriis legibus, vivunt enim juxta eas. Gentiles autem in Christum credentes per plura secula Græci potissimum, à sanguine, & suffocato abstinuerunt, quæ de re plura congescit doctissimè Baronius ad annum 51. n. 17. & sequentibus. At, ut ad Apostolicam ætatem revertar, illud assero, secunda illa Periodo Judæis quodammodo Gentiles per fidei Christianæ confessionem accessisse, primòque, ac principalitèr Israëlitas, secundariò Gentiles quæritos, licèt accedentibus Gentilibus Hierosolymita-

P

tana

tana Ecclesia defierit esse unica cæterarum Metropolis, & aliæ extrà Terram Judaico-Gentiles sint constitutæ. Cùm itaque ob Gentilium Judæis credentibus accessionem, extrà Judæam, Galilæam, ac Samariam, novæ Ecclesiæ ab Hierosolymitana, quæ solis Judæis præerat, independentes, fundatæ sint; quòd citiùs, seriùsvè, hæc vel, illa sit constituta ob id evenit, quòd citiùs, seriùsvè hic, vel alibi Gentiles Judæis accesserint; cùm autem nihilominùs principalitèr Judæorum ratio haberetur, quòd Alexandriæ potiùs, & Antiochiæ, quàm alibi Metropolitico Jus radiaverit, ex Judaica forma fluxit, quia videlicèt Alexandriæ primùm, deindè Antiochiæ illustriùs, quàm uspiàm alibi degebant Judæi, quod in superioribus ostensum est.

- X. Vexat etenim communis Sententiæ Assertores biceps difficultas, cur videlicèt Alexandrina Ecclesia, licèt Petrum Episcopum non habuerit, sicut Antiochena, illa tamèn illustrior sit habita, & cur Petrus antè Alexandrinam, Antiochenam ipse fundare voluerit, quamvis ab Alexandrina secundam. A priori utcùmque se expediunt, formam civilem, quam sequi voluerit Petrus in causa allegantes, quod ex disputatis suo loco mi-

minimè subsistere facile agnosceret quisque. Alterius solutio ipsis intentata. Mihi omnia suo ordine fluunt. Antiochiæ primùm Gentiles Judæis accessere, quàm Alexandriæ, idè Antiochiæ prius nova Ecclesia, quàm Alexandriæ fundata est. Petrus autèm ipse sedit, quòd tunc primùm cæpit à Hierosolymitana, quæ Judæorum tantùm, altera Ecclesia, quæ Judæorum, & Gentilium, radiare, & paries uterque in lapide angulari, & Petra coalescere. Indè, & in cæteris Orbis Provinciis Judaici incolatus Ecclesiæ fundatæ sunt, cum ibi Judæis credentibus ubique post *διασποράς* cum D. Stephani Martyrio narratam, dispersis, Gentiles accessere. Cum autèm nullibi illustrius Judæi Sedes haberent, quàm Alexandriæ, idè Alexandrina Ecclesia cæteris prælata. Ubiquè etiam pro Judæorum more extrà Terram, cum in quolibet Tractu unum Synedrium Jus diceret, ità & ibidem una cæteris ejusdem Tractus Ecclesiis præfulsit. Nec secùs id fieri potuit rerum, & temporum spectata ratione. Scilicèt animadverti oportet, quo loco Cajo imperante Judaicæ res essent, quod facile ex Iosepho, & Philone agnoscimus. Vix Hierosolymis, ac intrà Terram ad Legis præscriptum

228 PARS PRIMA.

vivere permiffi Judæi; egrè Cœtuum; & Synagogarum extrà Terram religio; Alexandria in primis Senatores ludibrio habiti, nec Ethnarcha Gentis haberi concessum. Eodem loco res Christianorum fuerunt, cùm hi, & Judæorum nomine venirent. Quis itaque credat antè Claudii imperantis initia, extrà Terræ Judaicæ fines Ecclesias constitutas, vel cùm Claudio imperante constitutæ sunt, alia forma constitutas, quàm, quæ Ethnarchas, Synedria, Synagogas constituere permiffum est Judæis? Mirabili itaque Numinis providentia factum est, ut cùm Gentiles Christo nomen dedere, ac proinde novæ Ecclesiæ extrà Terram ubi & Judæi, ac Gentiles in unum convenirent, fundari oportuit, Claudius Cajo succedens, amplissimis Edictis Alexandria, & alibi Judæorum privilegia facta tecta servanda ediceret, ac Ethnarcharum, Synedriorumque restituendorum facultatem concederet, quò ubicumque in Imperii Provinciis Judæi degabant Ecclesiæ fundari possent, quæ minime impedirentur constitui, quòd existimarentur ex Judaica disciplina coalescere. Similia adeò omnia Judæorum, & Christianorum fuisse sensit Hieronymus in Ep. ad Gal.

PARS PRIMA. 229

Gal. 6. ut *quicumque circumcissus erat, licet in Christum crederet, quasi Judæus habebatur à Gentibus*; quare qui Gentiles conversos depravare curabant, ea via Gentilium odia declinari posse suadebant, si circunciderentur. Omnia itaque Christianis concessa, qui Judæi credebantur, vel nati, vel ex Gentilismo profelyti, juxta Augustorum Edicta, suis Legibus utentes. Si quid itaque in hac re video, nulla ab Apostolis Ecclesia fundata est extrà Judææ fines antè Claudii Edicta, quæ ejus Imperii anno primo data satis constat; nullibi fundata est Claudio imperante Ecclesia, quoniam ibidem frequentes Judæi degerint; nec nisi ubi, vel Ethnarchæ vel Tractuum Synedria habebantur, undè Metropolitanum Jus fluxit primi Episcopi, & Presbyteria sunt constituta, servata Judaica forma, ut id ex Claudii Edicto fieri videretur, nec Judæorum non credentium, nec Gentilium non converforum odio, & conatibus impediri valeret. De Claudii Edictis Judæis, & Christianis communibus, & de Christianis sub Judæorum nomine à Gentilibus acceptis, vide quæ congerit Seldenus de Synedr. lib. 1. cap. 8.

XI. Quamvis verò conjecturis, & ipse agam,

ausum tamèn asserere, ad adstruendam Metropolitanì Juris antiquitatem, quod ex ipsa Apostolica institutione manaverit omnia in præsentì Systemate adeò ex certis consequi, ut assensum etiam ab invito extorquere valeant. Præter allata autèm illud non conjecturale, sed certum videtur, quòd Hierosolymitana Ecclesia usquè ad postremum Urbis excidium eo ab Alexandrina, Antiochena, cæterisque charactere, discernebatur, quòd ex solis Judæis credentibus conflata; quare Episcopos tantùm habuit, qui ex Circumcisione crediderant, & primos quidèm ex ipsis Christi Domini Consanguineis, qui simul ex David Regali semine propagati censebantur. Eusebius Hist. lib. 4. cap. 5. Episcopos priores quindecim origine Hebræos dicit, *quippe tunc temporis universa Hierosolymorum Ecclesia conflata erat ex Hebræis fidelibus, qui jam inde ab Apostolorum ætate ad illam usquè obsidionem permanserant, qua Judæi iterùm à Romanis deficientes maximis præliis domiti, atquè expugnati sunt.* Egesippus autèm apud Eusebium lib. 3. cap. 32. de Christi Domini Consanguineis; *adsunt*, inquit, *illi, & ἀποστῆναι πάντες ἑκ ἀληθείας, ὡς μαρτυρεῖ, & ἀπὸ θύης τῷ Κυρίῳ, ὅς προσ-
sident*

PARS PRIMA. 231

sident universæ Ecclesiæ, testes, & cognati Christi. Vim inferat Lectioni, qui *universæ Ecclesiæ* nomine intelligere renuat Ecclesias, quas plures à Petro in Judæa, Galilæa, Samariaque fundatas, ex Actuum Apostolicorum lectione suprâ adnotavimus, quasque dissertè laudat Paulus p. ad Thessal. cap. 2. illis; *vos enim imitatores facti estis, Fratres, Ecclesiarum Dei, quæ sunt in Judæa.* Sed & à cognita veritate recedet, qui Cæsaream per ea tempora Palæstinæ, Ecclesiasticam Metropolim velit ex forma civili, quæ ex forma civili Metropolis minimè fuit usquè ad Alexandri Severi tempora, ut capite præcedenti visum est, & Hierosolymitam toti Judææ præfuisse neget, ubi omnes Christiani ex Circumcisione credentes, Episcopique electi non modò Judæi, sed usquedùm potuit ex Christi Domini Cognatis, quod maxime notatum Egesippo apud Eusebium, lib. 4. cap. 22., ubi de Symeonis post fratrem Domini Jacobum, electione, quem *cum ceteris uno consensu secundum Antistitem* renunciatum dicit, *ed quòd Cognatus Domini esset.* His urgentibus Doctissimus Tomassinus part. 1. lib. 1. cap. 12. Vet. & Nov. Ecc. Discip. à communi sententia recedit, & antiquissi-

232 PARS PRIMA.

nam Metropolitici Juris originem à Judai-
 ca Hierosolymorum Metropoli deducen-
 dam satis innuit, ubi ait, *simillimum veri esse*
judaizantis illius Ecclesiæ Episcopos primos
quindecim circumpositis Ecclesiis omnibus im-
peritasse; at excisa Hierosolyma, Æliæ Episco-
pum sub Cæsarensi fuisse Metropolita. Po-
 strenum, quòd ait Doctissimus Auctor, in-
 certum omninò; Eusebius etenim ipse Cæ-
 sareæ Episcopus, qui diligentissimè Hiero-
 solymorum, & Æliæ Episcopos recenset
 etiam qui quindecim prioribus succedere,
 nullum Cæsareensem laudat antè Theophi-
 lum, qui Commodi anno decimo floruit.
 Agnoscit id autem clarissimus Vir, sed &
 illud fatetur, quòd licèt Eusebius ipse lib. 5.
 cap. 23. Palæstinæ Synodo in Paschatis Con-
 troversia celebratæ præsedisse dicat *Theophi-*
lum Cæsareæ Palestine, & Narcissum Hiero-
solymorum Episcopum, & in ordinatione Ori-
 genis lib. 6. cap. 8. Cæsarensis Episcopi no-
 men Hierosolymitano præponatur; in
 Concilio tamèn Antiocheno adversùs Pau-
 lum Samosatenum, Hierosolymitanus præ-
 ponitur; sic enim habet Eusebius; *Hyme-*
neus, qui Ecclesiam Hierosolymitanam rege-
bat, & Theotecnus, qui Casariensem illi finiti-

mam

nam administrabat. Quare incertum omnino est quonam tempore Cæsarea Ecclesiastica Metropolis haberi cæperit, quæ si talis esse cæpisset cum Hierosolyma everfa sub Hadriano fuit, Metropolis Ecclesiastica fuisset, antequàm Metropolis civilis ex Augustorum privilegio renunciata esset, quæ per ea tempora *Prima* tantùm titulo fruebatur. Missò nunc tamèn posteriori Cæsareæ privilegio, illud non conjecturale, sed ex Veterum allatis Testimoniis certum, emergit; *Jacobum ei Ecclesiæ præfuisse, quæ prima in Christum credens ex Judæis fuerat congregata*, quod ait Hieronymus in Ep. ad Gal. cap. i. Et antiquissima idè omnium, Hierosolymitana Metropolis, quæ cum solis Judæis præfuerit, ex sola Judaica forma profluxisse potuit, non ex civili Romani Imperii Typo. Admissis verò Gentilibus, cum hi Hierosolymitanæ, in qua Judæi tantùm credentes erant uniri nequirent, quod alterum ex Judaica forma fieri poterat, singulis in Tractibus, ubi Judæi plures, Ecclesiæ cæterarum ejusdem Tractus veluti Matres sunt constitutæ, ubi Judæorum in primis habita ratione, Gentiles conversi ad Christum transeuntes, ad Judæorum partes tran-

transire sunt visi. Porro secunda illa *Ævi* Apostolici Periodo, usque ad Hierosolymitanam Synodum, cum Judæorum credentium sententia fuerit Gentiles conversos Legalium jugo teneri, à qua ægrè, nec sine schismate, oborta Cherinthianorum Hæresi, recessere; dubitari nequit, retenta in nova Ecclesia, quæ retineri poterant absque veritatis Christianæ præjudicio, Gentilibus ipsis observanda, uti civilem Judaicam formam retineri potuisse nullus jure inficias ibit, cum quod Gentilibus non licere tandem est agnitum, Apostoli ipsi sibi, & Judæis credentibus licuisse, etiam in cæremonialibus facto multiplici ostenderint antè, & post Hierosolymitanæ Synodi definitionem.

XII. Sanè in ea Orbis parte ubi frequentissimi Judæi degebant, Judæorum quàm maximè rationem habitam adeò certum est, ut nil certiùs sit in tota Canonikorum Librorum Historia. Servatus constantissimè mos annunciandi Evangelium Judæis primùm, indè Gentibus, non modò Petro, qui speciali quodam nomine Apostolus Circumcisionis dicebatur, sed & Coapostolo ejusdem Paulo, vocato, *ut ferret nomen Cbristi inter*

PARS PRIMA. 235

inter Gentes. Is Syriæ, Ciliciæ, Licaoniæ, Afiz, Græciæ, Macedoniæ Urbes peragrans, omnium primos Judæos quærit, quos instruat, nec nisi illis refragantibus, ad Gentes convertitur. Urbes illas ubi Christum prædicet deligit, in quibus frequentiores Judæi, quorum primò Synagogas intrat, de adimpleta repromissione monet, conversisque Presbyteros præficit. Juvat paululùm in his immorari. Post Antiochenæ Ecclesiæ primordia indicata, & Herodis mortem narratam, Act. cap. 13. Paulus, & Barnabas dicuntur in opus, ad quod assumpti erant segregati, & per jejunium, orationem, ac manuum impositionem ordinati. Missi itaque à Spiritu Sancto venire Seleuciam, indè navigaverunt Cyprum. Insulæ illi, quæ Provincia à Cilicia, & Syria separata fuerit, Sergium Paulum non Prætorem, sed Proconsulem Jus dixisse, nemo jure in dubium vertet; etenim cap. p. adnotatum est ex Dione usquè ab Augusti Ævo, Cyprum, quam ille sibi retinuerat Senatui redditam; quare, quæ Strabone lib. 14. scribente Prætoria fuerat, postmodum Proconsularis est facta. Ejus rei præter Dionem, testem habemus Claudii Nummum apud Valerianum

tium

tium, in cujus averſa parte legere eſt ΕΠΙ.
 ΚΟΜΤΝΙΟΥ. ΠΡΟΚΛΟΥ. ΑΝΘΥ. *ſub Cominio*
Proclo Proconſule, & in ambitu ΚΥΠΡΙΩΝ.
Cypriorum. Ex quindecim Cypri Urbibus
 Plinio lib. 5. cap. 31. laudatis, ullam Metro-
 polis nomine illuſtrem per ea, de quibus agi-
 mus, tempora, invenire difficillimum puto.
 Inſulam Paphiæ Veneri ſacram novimus,
 quod in cauſa eſſe puto, cur Plinius quindecim
 Urbes recensens Paphum primo loco
 laudet, eamque propterea inſigni inter cæte-
 ras dignitate habitam puto. Salaminam,
 quæ poſteriori ævo Metropolis evaſit, Pli-
 nius ipſe ſexto loco numerat. Sergius Pau-
 lus Cypri Proconſul à D. Paulo convenitur
 non Salaminæ, ſed Paphi. Hæc argumento
 eſſent Paphum potiùs, quàm Salaminam.
 Cypri Metropolim civilem, ſi communis
 ſententiæ hypothefibus aſſentirer; verùm
 incerta omnia. Certum illud, ac indubita-
 tum eſt principes in ea Inſula Sedes Salami-
 næ Judæos habuiſſe, & Paulum primùm Sa-
 laminam veniſſe, ac prædicafſe *Verbum Dei*
in Synagogis, indè perambulafſe *univerſam*,
Inſulam, uſquè *in Paphum*; etenim hæc Lu-
 cæ Act. 13. narrantur. Ac Salaminæ qui-
 dèm Judæos habitafſe frequentes ex eo con-
 ſtat,

stat, quòd Eusebius in Chronico Canone, ad postremum Trajani annum narrat, & cum Eusebio alii; *Salaminam Cypri, interfectis in ea Gentilibus, à Judæis subversam.* Qui igitur certi sumus Paulum Verbum Dei prædicantem ab ea Cypri Urbe cæpisse, ubi plures Judæorum Synagogæ erant, incerti autem, an in forma civili Romanorum, tunc temporis ullà Insulæ Metropolis foret, certioribus utique insistemus, si Paulum dicamus ibi principem Insulæ Ecclesiam constituisse, ubi frequentius, & illustrius Judæos habitare, suisque legibus uti, reperit, quàm si eundem civilem Gentilium formam secutum asseramus. At si, quod celeberrimus Vir voluit, ad Ciliciæ Proconsulem Cypri Insula spectasset, hæc Ciliciæ Metropoli civili subjecta fuisset; itaque si Apostoli in principibus Ecclesiis constituendis Romanam formam secuti essent, Salaminæ Metropolis, ex primæva institutione, Tarso, tanquàm Exarchæ sedi, paruisset, quod nec ille, nec ullus dabit. Sed nec ab Antiocheno, ut volunt, Syriæ Pro prætore, Cypri Proconsulem dependisse, quisquam probabit, cum Cyprus Senatus Provincia, Syria autem Augusti fuerit. Mi-
rum

rum autem id argumenti minimè allatum in Ephesina Synodo à Zenone Episcopo, ut *αὐτοκράτορ* declararetur, sed & tunc, & postmodum cum S. Barnabæ Corpus inventum est, id deductum, quòd ordinatio nullius Episcopi in Insula à quoquam extrà Insulam facta fuisset, & quòd eadem Salaminensis Apostolica esset Ecclesia. At quid agent doctissimi Viri, qui cum statuunt Ecclesias ad normam civilis politiæ ab Apostolis constitutas, ajunt tamèn ab initio, & Cyprium Metropolitam, & Asiæ Exarchos Antiocheno Episcopo subiectos; cum certum sit, & Asiam, & Cyprium Senatus, Antiochiam verò seu Syriam Augusti fuisse, ac proindè nullo modo illas ab hoc dependisse. Videatur tamèn Morinus Exercit. lib. 1. Exercit. 4. & sequ. At Pauli, & Barnabæ iter *κατὰ πόδα* sequamur. Papho discedentes maritimo itinere in Pamphiliam transmisere Antiochiam indè Pisidiæ intrarunt, & ingressi, inquit Lucas, *synagogam die Sabbatorum, sederunt*, & Paulus ab Archisynagogo invitatus, *manu silentium indicens, sermonem habuit*, quem si legas, videas Apostolum totum in id incumbere, ut adstruat, Verbum vitæ Judæorum causa in-

pri.

primis missum. Contranitentibus autem, eorum plurimis, tum *constantè Paulus, & Barnabas dixerunt; vobis oportebat primum loqui Verbum Dei; sed quoniam repellitis illud, & indignos vos judicatis æternæ vitæ, eccè convertimur ad Gentes.* Quo factò conversis Gentilium plurimis *disseminabatur Verbum per universam Regionem.* Ejecti autem de Pisidarum finibus, *excusso pulvere pedum in eos, venerunt Iconium.* Factum est autem in Iconio, *ut simul introirent Synagogam Judæorum, & loquerentur, ita ut crederet Judæorum, & Græcorum copiosa multitudo.* Indè turbarum causa fugientes *venerunt ad Civitatem Lycaonia, Lystram, & Derben, & universam in circuitu regionem.* Lystris, Judæorum Antiochenorum, & Iconiensium odio lapidatus est Paulus (quod Synedrii in eo Tractu existentis indicium exhibet) qui postea die cum Barnaba Derben venit, cumque ambo *evangelizassent Civitati illi, & docuissent multos, reversi sunt Lystram, & Iconium, & Antiochiam Pisidiæ; & cum constituissent discipulis per singulas Ecclesias Presbyteros, tandem Antiochiam Syriæ regressi sunt, unde fuerant traditi Gratiae Dei in opus quod compleverant.* Et hæc quidem antè exortam

Hæ-

Hæresim de Circumcisionis, & Legalium necessitate, & antè Hierosolymitanam de ea re Synodum, facta sunt.

XIII. Sunt autèm, quæ ex universa harum rerum serie certa mihi deducuntur, & primò Paulum Christi Verbum in Cyprio, Pisidia, Lycaonia disseminantem, & apud Judæos, & apud Gentiles, Judæum se gesisse, quatenus utrique agnoscerent, gratiam, quam prædicabat Synagogæ in primis promissam, cui Gentiles ipsi infererentur, ut ejusdem gratiæ participes fieri possent. Secundò ad Judæorum credentium numerum Ecclesias constitutas, ut cùm à Tractuum singulorum Synedriis per Christi Baptismum segregabantur, Christiana Synedria, quæ Presbyteria sunt dicta, haberent, & in quolibet Presbyterio, Principem, quem tamèn generali nomine Presbyterum, quomodò, & Judæorum non credentium Synedri vocabantur, & postmodùm Episcopum dixerent; Ignatius ad Trallenses, vult, ut Presbyteros *revereantur* ὡς σύνεδριον θεῶ & ad Magnesianos ait, *in concordia Dei studete omnia operari præsidente Episcopo loco Dei*; ὑπὲρ ἀποσβυτῆρων εἰς τόπον συνεδρίου τῶν Ἀποστόλων. Tertiò Ecclesias, & κατ' Ἐκκλησίας constitutos usque

PARS PRIMA. 241

quæ ad id temporis Episcopos, ab Antiochena Ecclesia, ac Petro in ea sedente speciali Pauli, Barnabæque Ordinatione fluxisse. Docemur enim utrumque ob eam, rem ordinatum, missumque, utrumque etiam illuc undè discesserant *cùm venisset, & congregasset Ecclesiam, retulisse quanta fecisset Deus cum illis, & quid aperuisset Gentilibus ostium Fidei*. Quærant itaque, qui volunt ex civili Romanorum forma antiquissimas Metropolùm Origines; me juvat illas ex ipso Scripturæ sacræ fonte apertè narratas intelligere, & qui Hierosolymitanam earum Ecclesiarum Matrem vidi, quæ ex solis Judæis credentibus constabant; video nunc Antiochenam extrà Terræ fines earum Matrem, quæ admissis ad felicitatem Judæis repromissam, Gentilibus, Petro ibidem Judæorum, & Gentilium Episcopo sedente, per successivam ordinationem à Paulo, & Barnaba in Cypro, in Pisidia, Lycaoniaque, constitutis κατ' Ἐκκλησίας Presbyteris, fundatæ sunt. Ejus autem rei rationem nullo modo Petrus potuit à Provinciarum Typo accipere, nam sicuti Cyprus, ut supra ostensum est, ità Pisidia, ac Lycaonia ad Syriæ Proprætorem minimè pertinuerunt,

Q

quan-

242 PARS PRIMA.

quandòquidem ex Plinio Hist. lib. 5. cap. 27. novimus Pisidiæ Oppida, Lycaoniæ Conventui attributa, & Lycaoniam ex parte inter Asiaticos Conventus recensitam. Reliquum itaque est, ut sicuti in plurimis, etiam, quæ olim mortifera futura erant, Apostoli, ut Judæi, judicæ conversati sunt, sic & id fecerint in constituendis principibus Ecclesiis, & quod hîc agimus, Antiochiam Petrus cæteris ejus Tractus prætulerit, quia ibi illustrius suis legibus, ac privilegiis utebantur Judæi, si Alexandriam excipias.

XIV. Quamvis autem nil in tota sacrorum Librorum lectione habeatur, ex quo fundatæ Alexandrinæ Sedis notitia hauriri possit; ex antiquissima tamèn Patrum, & Scriptorum traditione de ea re constat, sicut & de singulari eo honore, quo ab initio Alexandrina Ecclesia emicuit inter omnes, quas Judaico-Gentiles appellare placet. Porro facilis ex Palæstina in Ægyptum Judæorum transitus, Judæorum in Ægypto degentium incredibilis multitudo, summa eorundem ergà Templum Hierosolymitanum religio, sicuti dubitandi non relinquit locum, plurimos ex Ægyptiis, Judæis ab initio, Feti

fit occasione Hierosolymis ubi Synagogæ Libycorum, & Cyrenensium, degentibus, Christo nomen dedisse; ita & penè certum fit post *διαστροφή* Stephani necem subsecutam, eorundem plures, aliosque etiam Credentes in Ægyptum, & Cyrenem transinigrasse, & Christi Verbum statim ab initio disseminasse non modò Contribulibus, sed & Gentilibus. Cur enim, quod per Cyrenæos, qui primùm Gentibus Antiochiæ evangelizaverunt Verbum, alibi factum, ex Actibus Apostolorum novimus, non credamus, & in Ægypto peractum? Fateor ob insitum ergà Judæos Ægyptiorum Gentilium odium, ægrè horum animos, & seriùs, Fidei Christianæ veritate expugnatos; at nec ob id adduci possum ut credam, initia Alexandrinæ Ecclesiæ transferenda post Romanæ exordia, Petrique Romam adventum, quandòquidem hæc seriùs, quàm Eusebius tradiderat evenisse, certis argumentis compertum est. Clementem Alexandrinum refert Is Hist. lib. 2. cap. 5. narrantem, Marcum Romanis petentibus, Evangelium scripsisse, quem Petrus probaverit; inde cap. 6. adjungit, *cæterum hunc*, Marcum, *in Ægyptum profectum, Evangelium, quod il-*

*le conscripserat primum illic predicasse perhibent, & in ipsa Urbe Alexandria Ecclesias constituisse; quæ quidem Hieronymo de Scrip. Eccles. in Marco transcripta ferè leguntur. At lib. 5. cap. 8. Irenæum refert, qui lib. 3. cap. 1. narrat Marcum *μὲτὰ τῶν τέττων* (Petri videlicet, ac Pauli) *ἑξόδον*, quæ à Petro prædicata fuerant, perscripta tradidisse. Post Petrine, & Pauli exitum Marcus Alexandrinam Ecclesiam fundaverit? Obstat omnium seculorum traditio, qua docemur Petro vivente, ac mittente, Marcum Alexandrinam Ecclesiam constituisse. Itaque scripserit Marcus Evangelium Romæ, vel ipso Petro vivente, scriptumque probante, quod ait Clemens, vel post Petri exitum, quod Irenæus narrat; nec ex Clemente, neque ex Irenæo consequitur, quod ait Eusebius, Marcum post conscriptum Evangelium, Alexandrinam Ecclesiam fundasse; idque Is ex ea hypothese dixit, quod Petrus anno Claudii secundo Romam venerit. Cæterum Eusebius ipse in Chronico Canone ad Claudii tertium Consulatum hæc habet; *Marcus Evangelista Ægyptiis, & Alexandrinis evangelizare Christi Verbum venit: Epitome Chronicorum, sicut, & Chroni-*
con*

con Paschale eodem anno primùm Antiochenam, deindè Alexandrinam Ecclesiam fundatam dicit; *eodem anno Marcus Evangelista Ægyptiis, & Alexandrinis evangelizare Christi Verbum venit, & Ecclesiæ apud ipsam Alexandriam fundatæ, primus Episcopus sedit Annis XXII.* Quæ referenda puto ad annum Claudii sextum, & multo tempore Evangelii scriptionem præcesisse, si velimus annum Sedis Marci XXII. tenere; quandoquidem anno vulgari 68. Evangelistam Martyrio affectum, quo dies ejusdem mortis præcedens Dominica 29. Pharmuti, seu 24. Aprilis fuit, ex Actis constare asserunt doctiores Chronologi, quibus reliquenda arbitror, quæ hic ad exactiorem Chronologiæ rationem spectant. Illud tantum verosimillimum ajo, Petro Antiochiæ sedente, cum Alexandriæ Judæis, qui magno numero in Christum crediderant, tandem nonnulli Gentiles accessissent, celeberrimam omnium, quæ ex Judæis, & ex Gentilibus conversis constabant, Ecclesiam fundandi necessitatem emerxisse, Senatum videlicet, ac Ethnarcham Christianorum constituendi, quod Antiocheno illustris federet, sicuti Judæorum non credentium

Ethnarcha Alexandrinus inter omnes Judæos quomodolibet ubivis extrà Terram illustres præcedebat, ac ex Claudii Edicto eminebat. Nec enim per ea tempora Æmalotarcha Babyloniusextabat, ut alibi ex Josepho ostensum est, & huic tempori minimè congruunt, quæ de Principe illo Captivitatis buccis inflatis crepant Magistri; quæ de re videndus Morinus, qui fictitia usquequaque contendit in Libro Juchasin de Principe illo narrata, lib. 4. Exercit. 4. cap. 2. n. 6. & seqq.

XV. Porro priorem Ægypti Ecclesiam præ omnibus extrà Terræ fines fundatis, judaizasse, una est Veterum omnium narratio. Trita sunt, quæ ex Eusebio Hieronymus habet in libro de Scriptoribus Eccles. in Marco; *Pbilo*, inquit, *dissertissimus Judæorum, videns Alexandria primam Ecclesiam adhuc Judaizantem, quasi in laudem Gentis suæ Librum super eorum conversatione scripsit. Nolum hic ego celebrem illam de Essenorum Christianismo quæstionem, quam hinc inde à Viris doctissimis tractatam scimus, rursus agere. Illud ajo, esse, quæ suadeant probabilioribus satis niti, qui affirmant, asseruntque Essenis Christianam professionem,*

nem, at adhuc, ut ferebant rudiora initia, Judaicis moribus, & quibusdam Græcæ Philosophiæ placitis permixtam. Ex primis Alexandrinæ Ecclesiæ Discipulis, Apollo ille fuit, de quo in Actib. Lucas cap. 18. In eo autem mihi videor videre Ecclesiæ illius antiquissimæ characterem, quæ ferveret quidem in Christi fide, at Judaicis adeo inhæreret, ut & in Baptismi Christiani veritate falleretur. Apollo ille his laudatur; *Hic erat edoctus viam Domini, & fervens Spiritu loquebatur, & docebat diligenter ea, quæ sunt Jesu, sciens tantum Baptisma Johannis.* Marcum Petri nomine Ecclesiam illam fundantem nullus dubito hæc emendasse, præstitisseque, quod fecere Priscilla, & Aquila, qui Apollum *assumpserunt, & diligentius exposuerunt ei viam Domini*; quare sicut ille Judæus Alexandrinus natione, edoctus, *contulit multum his, qui crediderant, vehementer enim Judæos revincebat publice ostendens per Scripturas, esse Christum Jesum*; ita, & Marco Doctore Alexandrina Ecclesia à Judaicis erroribus expurgata, inter omnes Orientales celeberrima in Christi fide radiavit. Verum rationi, & cæteris Apostolica Historiæ rebus consentaneum est

248 PARS PRIMA.

credere, Ecclesiæ illi relicta ea omnia judaicorum morum, quæ citrà Christianæ Fidei præjudicium relinqui poterant. Retinendæ etenim in Christi fide Ecclesiæ majori ex parte Judæis constanti, & Credientium numero ex Circuncisis per Ægyptum, & Cyrenaicam augendo, id in primis conferre poterat. Et Alexandrinam quidè Ecclesiam magna ex parte à Marco ex Judæis potiùs, quàm Ægyptiis esse collectam fatetur Baronius ad annum 64; tùm, quòd constet Ægyptios Judæis maximè infensos, tùm quòd Ægyptii suarum superstitionum essent tenacissimi; observatque Ecclesiam illam potuisse frequentissimam fuisse, etiàm si ex solis Judæis collecta extitisset, quod tamèn fuisse optimè negat, cùm nulla extrà Terram Ecclesia fundata sit, quin Judæis Gentiles accefferint, id enim quòd fundaretur in causa fuit. Quis itaque, & frequentia, & Senatu, & Ethnarcha inter omnes dispersos extrà Terram Judæos, Ægyptii eminebant, frequentia, Presbyterio, Episcopoque, cæteris eminuisse est consentaneum; & sicuti Ethnarcha Ægypto toti non modò, sed & Lybiæ, & Cyrenaicæ regioni solus præerat, sic & Episcopus Alexandrinus

nus

PARS PRIMA. 249

nus universis præset. Ac inde sanè evidens est fluxisse quòd Alexandrinæ Ecclesiæ Pentapolis, & Lybia Mareotis subesset, quæ aliàs, ut suo loco demonstratum est, in civili forma non Ægypti, sed Africæ Provincia fuit Senatui relicta, undè Metropolis ejus insignis jurisdictio ab initio amplitudinem suam non à Gentilium Typo, se ab Ethnarchæ Judaici Jure, modum accepit. Ea in re mirari satis nequeo Virum cæteroquin doctissimum de argumento scribentem, Ægyptum universam Africæ adscripsisse in amplissima ea significatione, quam Geographorum esse asserit, quare Petrum, qui Evropæ Romam, Asiæ Antiochiam; Africæ Alexandriam insignem Ecclesiam deputasse contendit, quamvis, ut explicet *cur sex Africanæ Provinciæ à Patriarchatu Alexandrino avulsæ, Romano tributæ sint*, conjecturas deinde diligentius exquirat. Quid modò Geographi cogitent Petrus Alexandrinam fundans Ecclesiam minimè aspexit. Si suorum temporum Geographicum Systema, Strabonis, Ptolæmei, Plinii, Dionysii aspexisset, Ægyptum Asiæ, Cyrenem, Lybiamque Mareotim Africæ deputasset, ut civilis Romanarum Provinciarum for-

ma

ma ferebat. Ità si ad Provinciarum earumdem ordinem Ecclesiarum prærogativas conformare voluisset, sicut Proprætore, Præfecto præstabant, ità Antiochiam Alexandriæ prætulisset. Alexandria autem Antiochiæ prætulit, quòd Judæorum Ethnarcha Ægyptius, Antiocheno illustriùs dominaretur, Pentapolim verò, quæ Africæ Provincia erat Alexandrino Episcopo subjiendam censuit, quòd, & Alexandrino Ethnarchæ, Cyrenaici Judæi subjicerentur, & ex Ethnarchæ Judaici, qui unus omnium Judæorum in circumpositis Ægypti, Lybiæ Mareotis, & Pentapolis Provinciis degabant Principis forma, derivatum putò, quòd ab initio speciali quodam Jure præ cæteris Alexandrinus Episcopus omnium curam haberet, de quo Epiphanius hæc. 68. *Hic enim mos obtinet, ut Alexandria Episcopus, totius Ægypti, ac Thebaidis, Mareotæque, ac Lybiæ, Ammoniacæque, & Mareotidis, ac Pentapolis Ecclesiasticam habet administrationem.* Nec improbabile puto per plures annos etià post Apostolorum decessum id speciale Ægyptum habuisse, ut nullus in universa Ægypto, cæterisque Provinciis Alexandrino Episcopo subiectis Episcopus esset,

PARS PRIMA. 251

esset, sicut, unus Alexandrinus omnium in
iisdem Provinciis Ethnarcha fuerat. Et
propterea non usquequaque reicienda pu-
to, quæ narrantur in Chronico Alexandri-
no, ubi affirmat Eutichius, *ab Anania, quem
constituit Marcus Evangelista Patriarcham
Alexandria, usque ad tempora Demetrii un-
decimi ibidem Patriarchæ, nullum in Ægypti
Provinciis fuisse Episcopum, nec ante eum Pa-
triarchas creasse Episcopos.*

XVI. Principum Judaico-Gentilium Eccle-
siarum, Alexandrinæ videlicet, & Antio-
chenæ, Origines satis, ut puto, ad Judaicam
formam accessisse ex Petri institutione, ob
ea, quæ usque modo deducta sunt, apparet.
Cæteras in Provinciis Judaici incolatus si-
mili methodo ad Synedriorum Provincia-
lium formam constitutas, ob easdem ratio-
nes existimandas, consequens fit; etenim,
ubique, & Judæorum Credentium præ Gen-
tilibus rationem habitam video, & Aposto-
los quò ad licuit, etiam post Decreta Hie-
rosolymitani Concilii, Judaica servasse, &
eadem servandi Judæis facultatem minimè
ademisse. Paulus Timotheum filium Mu-
lieris Judææ fidelis, licet Patre Gentili na-
tum cicuncidit, *propter Judæos, qui erant in
illis*

*illis locis, & caput totondit in Cenchris, & fa-
 cto calvitio oblationem obtulit in Hierusalem,
 & nudipedalia exercuit, quæ utiquè manife-
 stissimè de Cæremoniis Judæorum sunt, ut
 Hieronymi verbis utar in Epist. ad Gal.
 cap. 2. Ipse Gentium Apostolus ea de se ad
 Corinthios ait 1. cap. 9. factus sum Judæis
 tanquàm Judæus, ut Judæos lucrarer. Ser-
 vatus ubique in ipsa Hierosolymorum Sy-
 nodo Molaycæ Legi suus decor, quamvis
 Gentiles ab ejus jugo eximerentur; id enim
 Jacobus significavit Act. cap. 15. per ea;
 proptèr quod ego judico non inquietari eos qui
 ex Gentibus convertuntur ad Deum, &c. Moy-
 ses enim à temporibus antiquis habet in singulis
 Civitatibus, qui eum prædicent in Synagogis,
 ubi per omne sabbatum legitur. Epistolæ om-
 nes in novi Testamenti Canonem relatæ,
 Gentilibus quidè etiam, sed in primis Ju-
 dæis datæ sunt. Illæ, quæ Petrum, vel Jaco-
 bum Auctorem habent, Judæis inscribun-
 tur, quos ut fratres agnoscunt, dùm Judaico
 more exprimunt scribes se, non ex vo-
 luntate transfugis, sed majore vi urgente,
 extrà Terram dispersis, id officii præstare;
 Petrus Apostolus Jesu Christi electis Advenis
 dispersionis, Ponti, Galatiæ, Cappadociæ,
 Asiæ,*

Asia, & Bythinia; Jacobus Dei, & Domini Nostri Jesu Christi servus duodecim Tribubus, quæ sunt in dispersione salutem. Nec enim otiosè dispersionis in his meminere Apostolorum eximii, sed ut Judæis Ponti, Galatiæ, Cappadociæ, Asiæ, & Bythinia Jus fratrum competere indicarent, quo legitime, & extrâ Terram pro more privilegiis gauderent, ac intèr cætera id haberent, ut in quolibet Tractu, ubi frequentiori numero degerent, Presbyterio, & Episcopo gauderent. Præter Provincias in laudatis Epistolarum inscriptionibus numeratas, & earundem Ecclesias, post Hierosolymorum Synodum fundatas, novimus (Paulo in primis minimè, ut antea, tanquam Antiochenæ Sedis Ministro, sed ut Præputii Apostolo; id enim statutum Hierosolymis narrat ipse Epist. ad Galatas cap. 2.) in Macedonia, Philippis, Thessalonica, & Berœæ, de quibus in Act. cap. 16. & 17. similiter Athenis, & Corinthi in Ellade, & Achaja, de quibus cap. sequ. Cum autem Lucas Paulum primò Judæis evangelizantem in Synagogis exhibeat; illud in primis in Corinthiorum conversione notare operæ pretium est, quòd ad Gallionem Achajæ Proconsulem.
con-

254 PARS PRIMA.

concurrentibus in Paulum Judæis, Gallio ipse respondit; *si quidem esset iniquum aliquid, aut facinus pessimum, d' viri Judæi, rectè vos sustinerem; si verò quæstiones de verbo, & nominibus Legis vestræ, vos ipsi videritis: Judex eorum nolo esse.* De Legis itaque quæstionibus, & de cultu, à Lege, ut existimabant, aberrante, cognoscendi, Corinthi Judæis facultas erat, quod ipsum Synedrîi Provincialis apertissimum indicium est, in cujus potestatis executionem *apprehendentes Judæi Sosthenem Principem Synagogæ percutiebant eum antè Tribunal, & nihil eorum Gallioni cura erat.* Idcirco & ibi Synedrîum, universæ Achajæ Christianum constitutum, apparet ex Pauli Epistolis ad Corinthios ut p. cap. 5. *non ne de iis, quæ intus sunt vos judicatis?* & cap. sequenti de iis, qui, ut quidem puto, apud Judæorum non credentium Synedrîum, judicari malebant; *audet aliquis vestrum habens negotium adversus alterum judicari apud iniquos iudicari, & non apud Sanctos?* cum his, quæ sequuntur. Nec tamen Corinthiæi tantum Synedrîi Judaici inditia ex Sacro Codice habemus, sed & aliorum; etenim ex duobus suppliciorum, quæ reis infligi solebant, generibus,

PARS PRIMA. 255

bus, lapidum unum, virgarum alterum, prius Judæorum fuit, alterum, & Romanorum, sed non Civi Romano infligendum. Paulus itaque, qui 2. Cor. cap. 11. hæc de se ait, *à Judæis quinquies quadragenas una minus accepi; tẽr virgis cæsus sum, semel lapidatus sum*, quique ne à Romanis Magistratibus cæderetur, Civis Romani privilegio, & exceptione non semel se tueri potuit; satis ostendit, ea se ex Judaicorum in Provinciis Synedriorum sententia, uti Judæum passum, & Synedria ipsa extitisse indicat. At hæc in Asia potissimum evenisse aliundè constat, etenim Aët. cap. 14. Paulus in Lycaonia Antiochenis, & Iconiensibus Judæis id urgentibus lapidatus narratur. Ubi nam autem à Judæis quinquies quadragenas acceperit una minus, licet incertum videatur, ex tempore tamen, quo ea scripta est Epistola (de qua re videatur Baronius ad annum 55.) facile agnosci potest, & certum fit in Asiæ Synedrio extrà Terræ fines constituto id decretum. Plura indicat Paulus ipse Ephesi se passum *ob insidias Judæorum* Ephesiorum, Presbyteros Mileti alloquens Aët. cap. 20. Diutius etiã eundem Ephesi moratum docemur postquam, quos

quos Apollo Johannis Baptismate initiaverat, ipse baptizavit in nomine Domini Jesu; etenim introgressus Synagogam cum fiducia loquebatur per tres menses; inde cum quidam indurarentur discedens ab eis, segregavit discipulos, quotidie disputans in schola Tyranniciusdam. Quod quidem factum est per biennium, ita ut omnes, qui habitabant in Asia audirent Verbum Domini Judæi, atque Gentiles. Verissimè itaque Baronius loco laudato ex his omnibus arguit plura Ephesi, ob Judæorum odium, Paulo illata, quæ Lucas silentio obvolvitur, quæque tamen indicare nequeunt Paulum Bestiis objectum, ut ex Apocryphis, Nicephorus putavit, quandoquidem cum Tertulliano, & Chrysostomo de Judæis intelligenda censet, quæ Paulus ipse 1. Cor. cap. 15. ait; *si secundum hominem ad Bestias pugnavi Ephesi* &c. At pugna hujusmodi indicio Paulum Synedrio respondentem intelligo, & ex ejus decreto flagellis cæsum; quod aptè accidisse *ἐν ταῖς ἐπισβλαῖς* Judæorum, Judæis videlicet *ἐκ βελῆς*, & consilio habito insidias struentibus.

XVII. Cæterum, quæ in Asia Proconsulari civilis politia, quid Metropoles, Primæque, capite hujus Dissertationis priori satis ostendit.

PARS PRIMA: 257

ostensum est, ut constet minimè potuisse ad Metropolitum formam, primarum sedium initia conformari; & consequatur, ex eo solum factum, ut alicubi Ecclesiæ fundarentur circumpositarum Matres, & Capita, quòd Apostoli ex Judæis Christiani, suorum in primis rationem habendam existimaverint, & ubi eosdem frequentius habitare compererunt, circumpositisque Traditionibus Judaicæ Legis usu prospicientes, ibi Juris Apostolici Sedes figerent, quod Posterì Metropolitanum dixere. In forma Romanarum Provinciarum, quæ Apostolorum ævo obtinebat, Asiæ Proconsularis Dioceses novem numerat Plinius, & decimam, Iconio laudato, adjicit. Primis tamèn Apocalipseos capitibus, quinque duntaxat Urbes laudantur ubi Episcopi sint constituti ex illis, quæ Conventuum civilium capita Plinio narrantur; duæ Thyatira, ac Philadelphia in forma civili ad Sardianum Conventum spectavere; Synnadenensis, Apameensis, Alabadenensis, & Adramitteni Conventus nulla ratio habita est. Iconium cum cæteris Lycaoniæ, Pisidiæque primis Ecclesiis, Antiochenæ potiùs Sedi ab initio subiectum videri, in superioribus adnotavi. Lao-

R

dicea,

dicea, Colossæ, Hierapolis unum veluti ejusdem Ecclesiæ Corpus indicantur à Paulo postremis Epist. ad Colossenses verbis; Epaphram enim laudat, *quod*, inquit, *habet multum laborem pro vobis, & pro iis, qui sunt Laodiceæ, & qui Hierapoli*; adiicit statim, *& cum lecta fuerit apud vos Epistola hæc, facite, ut in Laodicensium Ecclesia legatur, & ea, quæ Laodicensium est, ut vobis legatur*; in quibus Colossensium Ecclesia Laodicens præponi quodammodò videtur. At ex Plinio Laodicea celeberrimum Cybiriticum Conventum habuit, Colossæ ignobiles. Frequentes tamèn ibidèm Judæos habitasse, Paulus in laudata Epistola apertè indicat ea scribens; *nemo ergò vos judicet in cibo, aut in parte diei festi, aut Sabbatorum*; nec ob id tamèn Laodicens scripta existimanda est, quæ ad Ephesios, licèt eo nomine citetur à Tertulliano adversùs Marcionem lib. 5. cap. 11., & ab Epiphanio hæ. 42. quondò quidèm ex ipso Epistolæ contextu Ephesius scripta apparet, & eisdem inscribitur; *Omni-bus Sanctis, qui sunt Ephesti, & Fidelibus in Christo Jesu*. Cæterùm si reliqua deessent, quantum ab initio Asiæ Ecclesiæ Judaicæ disciplinæ adh æferint, satis ostenderent acer-rimæ

rimæ de Paschate controversiæ ipsi Poly-
 carpi Smyrnensis Episcopi, qui Apostolo-
 rum Discipulus fuit, temporibus exortæ;
 undè conijcere liceat eò magis in fundandis
 principibus Ecclesiis Judæorum potissi-
 mum rationem habuisse Apostolos, quòd
 id ad figuras, & cæremonialia, quæ cessas-
 sent referri minimè possent, uti referendum
 erat, quòd Pascha, ipsa quartadecima cele-
 braretur. Ex his, aliisque hujusmodi ad
 Asiæ Ecclesias potissimum spectantibus,
 agnitum Doctissimis Viris Apostolos ad
 Judaicæ formæ exemplar Ecclesias fundas-
 se. Illud non probandum, quòd ab Syna-
 gogarum Præsidium auctoritate, Episcopo-
 rum Jura metiuntur. *Quidam ità distinguunt,*
 inquit Jacobus Gothofredus ad leg. 2. de
 Jud. Cœl., & Sam. Codic. Theodos. *Archisy-
 nagogos Principes fuisse Synagogarum omnium
 totius Provinciæ haud aliter, atque Archiepi-
 scopi totius Provinciæ Principes, & Exarchæ,
 nam Judaicam Ecclesiam imitata est Chri-
 stiana.* At verum consequens ex falso præ-
 misso elicitur; Archysynagogi etenim Pro-
 vinciarum omninò ignoti, sicut & Patriar-
 chæ Provinciarum. Samuel ipse Petitus,
 qui hoc assererat, sententiam alibi retra-

260 PARS PRIMA.

Stat in variis Observat. ubi de recentiori Judaica disciplina agit. Judiciale illud, quod Presbyterius, & Episcopo ex Apostolorum institutione traditum est, in Ecclesiam, cum verò Jure Majestatis divinæ à Judaica Republica translatum, non in Archisynagogis antea, sed in Synedriis, & in Synedriorum Principibus refederat. Hinc malè ex plurimis in eadem Urbe Archisynagogis, plures ibidem ab initio constituti Episcopi asseruntur; & si quid ei rei in speciem adstruendæ ex novi Testamenti Libris afferatur, advertendum esse dudum monuit Chrysostomus in Epist. ad Philipp. nomina Episcopi, & Presbyteri, sed & Diaconi, Episcopis, Presbyteris, & Diaconibus fuisse communia, & promiscuè usurpata, licet promiscua non essent officia.

XVIII. At de Judaico-Gentilium Ecclesiarum initiis, quas secunda fermè Apostolici Ævi periodo Apostoli fundaverunt, satis usque modò actum est. Nunc ad alteram Orbis partem, cujus tertia ejusdem ætatis periodo ratio tandem potissimum habita, est, transeundum. Scilicet fieri oportebat quod Christus Passionis suæ imminente tempore Patrem rogaverat Joh. 17. Rogave-

rat

PARS PRIMA. 161

rat autem primum, ut quos elegerat, Apostoli videlicet, unum essent; *Pater Sancte serva eos in nomine tuo, quos dedisti mihi, ut sint unum, sicut, & Nos*; inde, ut quicumque credituri erant Judæi scilicet, ac Gentiles unum essent, rogavit; *non pro eis autem rogo tantum, sed, & pro eis, qui credituri sunt per verbum eorum in me, ut omnes unum sint, sicut tu Pater in me, & ego in te, ut & ipsi in nobis unum sint, ut credat Mundus, quia tu me misisti.* Summus omnium Pontifex Christus, in quo, translato *Sacerdotio, & Regno*, omnia unum sunt, cui videlicet Pater *potestatem dederat omnis Carnis*, quique ad Legem non solvendam, sed adimplendam venerat, unitatem Ecclesiæ, quam Judæi servaverant constituto Hierosolymis ejusdem centro, prout superiori capite ostensum est, servandam non modò voluit in Apostolorum Collegio, cujus Caput Petrum constituit, sed & in nova Ecclesia, quæ idem unitatis Centrum visibile in Petro haberet, quem Christus ipse, in quò omnes unum sunt, petram constituerat, super quam Ecclesiam fundaret, non ut antea, ex solis Judæis, sed ex Judæis, & ex Gentilibus congregandam; quod quidem Deo possibile, quamvis hominibus

262 PARS PRIMA.

utì Celso apud Orig. lib. 8. videretur *impossibile; ut Europæ, Asiæ, Africaque Gentes tam Græcè, quàm Barbaræ in unum aliquando consentirent.* At cùm Romani Orbis pars altera Gentilibus tantùm habitata tandèm annectenda esset parti illi, quæ Judæos incolas, suisque Legibus viventes habebat, Hierusalem inepta evasit, in qua unitatis centrum perseveraret; quippè quæ Judæorum tantùm, & post Christi mortem dùm stetit, Metropolis fuit. Altera itaque Orbis utriusque eligi debuit Urbs, quæ celebritatis, situs, & Incolarum ratione apta esset, utrique parieti in Christo connectendo. Nec alia porro, Romana aptior. Ea medio ferè in utriusque Orbis in Christo uniendi confinio sita, ea superstitionis Gentilitiæ Centrum, ea Una partis alterius Judæis frequentibus habitata. Itaque Romæ tantùm Petrus omnium Christianorum, tùm ex Circumcisione, tùm ex Præputio credentium Caput sedere debuit Episcopus, & Romæ itèm tantùm speciali eo Jure, quod primò Metropolitico, indè Patriarchali, dixerunt, præsidere. Primùm quidèm, quia Romæ omnia habebantur, ob quæ, & Gentilium, & Judæorum saluti prospiceretur;

Secun-

PARS PRIMA. 263

Secundùm quia Metropoliticum ex Judaismo fluens ex ea Urbe accipi debebat, ubi frequentes Judæi; cùm alibi, vel rarus, vel nullus eorum degeret. Ob hæc Apostolorum, & Ecclesiæ Princeps uterque Circumcisionis prior, Præputii alter, fundandæ illi Ecclesiæ assymbolam contulere, in qua præclariùs, quàm alibi Lapis ille angularis faceret utraque unum, & Synagoga cum Gentibus in unum Ovile associaretur. Petrus tamen, quod quamvis Gentilium, Judæorum, specialius nihilominus Apostolus esset, Hierarchici characteris solus initium extitit, tum pro tota Ecclesia, tum pro ejusdem parte illa, in qua ex Gentilibus serè congreganda, Roma Judæis frequentius habitata, inter omnes præferenda ab initio enituit. Quare licet ambo, & Coapostoli, & Coëpiscopi Romæ fuerint, utriusque tamèn verticis jura à Petro tantùm in successores Romanos Pontifices sunt transmissa. *Ad Dei etenim cultum*, quod agebat Magnus Gregorius Homil. 22. in Evang. prior est Synagoga, quàm Ecclesia Gentium, & Gentium Apostolo, Judæorum Apostolus [†] *αποστολος* ratione, præcedebat. Ut autèm de Jure eo, quo à nascentis Ecclesiæ primordiis Romana Sedes specialius Oc-

264 PARS PRIMA.

cidenti præfuit, loquamur, ex usque modò deductis ratio fluit, quòd nullam noverint antiqui Pontifices, præter Romanam, primam Sedem à Petro, Pauloque fundatam in ea Imperii Romani parte, quæ Gentiles tantum Incolas habuit, quia nullibi, si Romanam excipias, Metropolitici Juris forma ex Judaico typo haberi potuit. Ob id Ecclesiæ omnes temporis progressu à Petro, & Paulo, eorumve Successoribus fundatæ, Romanam, uti Matrem agnovere, quod Innocentius primus Epist. ad Decentium Eugubinum asseruit, hæc scribens; *legant si in his Provinciis alius Apostolorum invenitur, aut legitur docuisse. Quod si non legant, quia nusquam invenitur, oportet eos hoc sequi, quod Romana Ecclesia custodit, à qua eos principium accepisse non dubium est, cum cæteris quæ sequuntur.*

XIX. Observari autem meretur quàm diversa methodo tertia illa Apostolici Ævi periodo, de qua nunc agimus, Ecclesiæ Occidentis fundatæ sint, ab ea, qua Orientis constitutæ fuerant, secunda. Etenim cum secunda, Apostoli Judæorum in primis rationem habuerint, ac ob id extrà Terram Episcopos, qui certæ Ecclesiæ præsiderent, non

PARS PRIMA. 265

non creaverint, nisi ubi Gentiles ad fidem conversi accessissent; in tertia cum nulla alia ratione Synagoga Gentibus præferri posset, quàm Romam, in qua plures Judæi vivebant præeligendo, in cæteris constituendarum Sedium nulla ratio ex Judaica forma suppetebat, cum nullum in Occidente Synedrium provinciale esset, ubi, accedentibus ex Gentilitate credentibus, primæ Tractuum Singulorum Sedes erigerentur. In Oriente proinde Judæi conversi formam constituendarum Ecclesiarum præinonstrabant, ut constituerentur Gentiles conversi efficiebant; in Occidente Romana Sede constituta, nullus Judæorum converti poterant, cum nullus esset, Gentiles verò ubicumquæ converterentur ad Romanam, in qua una Judaica forma reperiebatur, accedebant. Ideò constituendorum Episcoporum ratio unica esse poterat, quòd Gentiles converterentur, quibus conversis, unus præsideret, quem Romanus Episcopus Gentilium convertendorum causa misisset. Constat proinde in Alexandrina, Antiochena, cæterisque ubi Judæorum ratio haberi potuit, nullum, quem sciamus Episcopum constitutum, nisi postquam ex pluribus

bus ad fidem conversis Ecclesia coalvisset; at in Ecclesiis ex Gentibus tantum fundandis, Petrum, Successoresque Pontifices priores, id servasse; ut Episcopi crearentur antequam Gentiles, quibus illi præesse debebant, converterentur. Id ex veteribus, & sincerioribus Ecclesiarum monumentis liquidò constat. Missi sunt plures Episcopali caractere insigniti à Petro, & Successoribus in Italia, Hispaniarum, Britannia, Africa, Galliarum Regiones, qui Ecclesias sibi constituerent, Gentilibus ad veritatis lumen conversis. Ità in Oriente ubi Iudæi frequentes degebant; conversis ex Circumcisione, & ex Præputio dati sunt Episcopi; in Occidente, ubi Iudæi, vel rari, vel eorum nullus, Episcopi creati, qui Gentiles converterent. Ibi Ecclesiæ Episcopos receperunt, hinc Episcopi, quas regerent Ecclesias fundarunt. Ordinatos propterea primis Ecclesiæ temporibus in Occidente non modò certæ Gentis, quæ in fide erudiri deberet, sed etiam creatos non certæ Gentis, nec certæ Regionis Episcopos novimus, qui Gentibus prædicantes, ubi consisterent ibi certam sibi Sedem fundarent. Ejus rei, & post Apostolica tempora in moribus positæ, &
ab

PARS PRIMA. 267

ab Apostolis procùl dubio fluentis, certum documentum exhibet Photius in Bibliothec. Codic. 48. ubi narratur Cajus Romanæ Ecclesiæ Presbyter, Victore, & Zephirino sedentibus, Gentium Episcopus ordinatus, quem censuere χειροτονήσαι ἐν αὐτῶν ἐπίσκεπτον. Id nempe ab initio obtinuerat, ut hujusmodi Evangelii Emissarii, Orbis Gentilium ad Christum converteretur, qui Romanæ Sedis tanquàm Metropolis Colonias fundarent in Occidente, de quibus Innocentius loco laudato.

XX. Ex eo autem quòd Romani Imperii Provinciæ Religionis intuitu bifariam distinguerentur, & pars una Judæis credentibus, altera Gentilibus habitaretur ad fidem convertendis, & cùm ob eandem rationem illa plures Metropoles ab initio habuerit, hæc unam, Romanam videlicet, diversaque omninò methodo Ecclesiæ, utriusque partis sint constitutæ; inde ortam arbitror ipsa tertia Apostolici ævi periodo, celebrem illam Orientalium, & Occidentalium Ecclesiarum distinctionem, quam recentiore multò efficiant oportet, qui eandem Imperii Romani formæ acceptam referre non dubitant. Quid quid enim sit de Geographorum sen-

sensu, qui Orientem ab Occidente distin-
xerint, quidquid de designata ob Caracal-
læ, & Getæ odia, Orbis Romani divisione
Herodiano indicata; omnis Occidentis, &
Orientis, pro quæstionis argumento, acce-
ptio, duplex tantum est, Ecclesiastica vide-
licet, & Politica. Politica Imperii in Orien-
tale, & Occidentale divisio antiquissima ea
est, quæ Constantio, & Galerio Avctori-
bus, circa quarti Seculi Christiani initia fa-
cta fuit, qua de rescriptis celeberrimus Pe-
trus de Marca Concord. Sacerd. & Imper.
lib. 1. cap. 4. n. 4. Eusebius Hist. lib. 8. cap. 13.
narrata Diocletiani, & Herculi abdicatione
ait: *Vix hæc gesta fuerant, cum Imperium
Romanum totum in duas partes divisum est,
quod quidem nunquam antea factum esse me-
moratur.* Primam hanc Imperii divisionem
pluribus firmat Valesius in notis, ubi ea
Orosii affert: *Galerius, & Constantinus Au-
gusti, primi Imperium Romanum in duas par-
tes determinaverunt; & illa Porphyrii in Pa-
negyrico carmine ad Constantinum*

————— *lacerata cruentis*
Imperii pars fessa Poli, divisa gemebat
Sceptra, ac Ausonia merebat perdita iura.
& quæ paulò post ad Constantinum,

Et

PARS PRIMA. 269

*Et reparata jugans maesti divortia Mundi
Orbes jungit pares: det leges Roma volentes
Principe te in Populos.*

quæ Pagius in rem suam transtulit Dissert. Hypat. par. 2. cap. 1. Quandòquidem igitur certis argumentis constat Orientalem Ecclesiam ab Occidentali in multis diversam usquè ab Apostolorum temporibus; reliquum est, ut jura Hierarchicà præcipua minimè ab Imperii Archetypo manaverint, sed ob jam allatas causas Apostolis Auctoribus ab initio steterint. Clemens Romanus Apostolorum synchronus Epist. ad Corinth. hæc de Paulo scribebat; *Paulus propter emulationem in vincula septies conjectus, verberibus cæsus, lapidatus, patientiæ premium reportavit, & in Oriente, & Occidente Verbi preco factus, illustrem fidei suæ famam sortitus est, in justitia Mundum universum instruens, & ad Occidentis terminos veniens, & sub Imperatoribus martyrium subiens.* Orientis, & Occidentis hæc antiquissima distinctio est apud Ecclesiasticum Scriptorem, qui, & vetustatis sacro decore, & Romanæ Sedis primatu commendatur. Non potuit tamèn illam ex Romani Imperii in Orientale, & Occidentale distinctione accepisse, quæ

270 PARS PRIMA.

quæ non nisi post duo secula fieri debebat ;
 eam itaque ex Ecclesiastico, qui tunc ob-
 tinebat Typo accepisse, consequens est.
 Sed & Occidentis terminos Italiam, & Ro-
 mam in primis intellectam, quæ mediæ ferè
 Occidentalem ab Orientali Ecclesia diste-
 minant, nullus ambigo, qui videam de loco
 sermonem esse ubi Paulus *sub Imperatoribus*
martyrium subiit. Fateor rara apud trium
 priorum seculorum Scriptores Orientalis, &
 Occidentalis Ecclesiæ mentio ; at de voci-
 bus hic non est quæstio, sed de rebus, a quo-
 re ipsa, quamvis minimè nominibus distin-
 ctas Ecclesias ex Gentilibus sub Romana
 collectas, ab aliis in prima, ac secunda ferè
 Apostolici Ævi periodo, vel ex solis Judæis,
 vel ex Judæis apprimè, Gentilibus acceden-
 tibus, congregatis. Distinctionis hujusmo-
 di primum argumentum est, quòd inter Ju-
 daico-Gentiles Ecclesias ab initio plures
 aliarum veluti Matres fuerint ; cæteræ Or-
 bis illius, ubi Gentiles tantùm, unam Roma-
 nam uti Matrem agnoverint, nec nisi seriùs
 plures Metropoles habere cæperint. Sicùt
 autèm quòd plures habuerit Metropoles
 ab initio Orientalis Ecclesia ex Judaica for-
 ma fluxit, sic & alia ex eodem fonte mana-
 runt

runt, ob quæ asserta distinctio firmatur, quorum nonnulla hic adnotare operæ pretium est. Perseverasse diutiùs, quod qui ex Circuncisione convertebantur possent Moisaica etiam cæremonialia observare, dummodò ea salutis necessaria minimè crederent, vidimus suprà ex Justini Dialogo contrà Triphonem, & Origenis lib.2. contrà Celsum, quin & usque ad Augustini tempora, saltèm, obtinuisse apud Græcos, ut quod de sanguine, & suffocato in Hierosolymitana Synodo statutum fuerat observaretur, pluribus Annalium Pater ostendit, loco in superioribus laudato. Nil horum in Ecclesiis ex solis Gentilibus congregatis toleratum, vel admissum res ipsa clamat, cum ab initio ea respectivè vel permissa Judæis, vel præscripta Gentilibus, qui convertebantur, ut ostenderetur Judæorum, ubi frequentes degebant, rationem habitam, quod in Ecclesiis Occidentalibus urgere minimè poterat. Quæ de Paschate exarserunt controversiæ Victoris Romani Pontificis ævo; Orientalem in primis Ecclesiam afflixerunt, ex Judaica Quartæ decimæ Observatione pendentes, à qua Occidentalis semper abierat; & quamvis rem præ omnibus

272 PARS PRIMA.

bus turbaverint Asiæ Proconsularis, & vicinarum regionum Episcopi, Dominico tamen diei stabiliendo Alexandrina, Antiochena, Pontica, nec non Hierosolymitana, & Cæsareensis Ecclesia laboravit, quod & ibidem essent, qui quartedecimæ Pascha retinerent. Nec per tria priora secula cessasse apud Orientales de Paschate quæstiones, ostendunt, quæ in Nicæna Synodo super eam rem sunt constituta. Scio Palæstinæ Episcopos apud Eusebium Hist. lib. 5. cap. 25. in Synodica de traditione diei Paschalis, quæ jam inde ab Apostolis ad ipsos continua successione manaverat, multa disservisse, assertumque eadem die Pascha celebratum tum in Palæstina, tum Alexandriæ; at licet potuerint illi quod de Apostolica traditione scribebant, verum censere, verum tamen, fuisse id ut minimè credam efficiunt, quæ de Hierosolymitana Ecclesia dum Urbs, & Hierusalem, Episcopique ex Circumcisione steterunt, ex Eusebio ipso adnotavimus. Ipso Neroniani Imperii initio Jacobus Hierosolymorum Episcopus, cum collectis Senioribus, Paulo dicebat; *vides frater quot milia sunt in Judæis, qui crediderunt, & omnes emulatores sunt Legis.* Act. cap. 21., suadebat-

batque, ut ea ageret, ex quibus agnoscerent Paulum Legem custodire, quæ & egit. Nullus itaque credam in Palæstina ex Apostolica traditione descendisse, ut alia die Pascha celebraretur, quàm Judaica; sed nec Alexandriæ, vel Antiochiæ aliud servatum censeam, quàm quod ferebat Judæorum credentium frequentia.

XXI. Præter caeremonialia Orientali Ecclesiæ Apostolorum ævo passim servata, ac præcipuè Quartædecimæ paschalis juxtà Judæos celebrationem, ob quæ constat Orientalem ipsam ab Occidentali certis characteribus distinctam fuisse, alia sunt, quæ eidem distinctioni adstruendæ ex veterum Scriptorum monumentis suppetunt. Nec enim dubitari potest primis Ecclesiæ seculis, qui politicam Imperii divisionem præcessere, mores, ritusque, diversos admodum ab Occidentalibus, in Orientis Ecclesia viguisse, qui distinguendæ utrique inter se Ecclesiæ suffecerint. Chorepiscoporum officium, exempli causa obtinuit apud Occidentales, multò seriùs, quàm in Oriente, eosque circà annum 278. vel antè à quibusdam Provincialibus Synodis institutos censuit Morinus de Sacr. Ordin. part. 3. Exercit. 4. cap. 1.

S

num. 3.

num. 3. laudarique uti qui viderentur instituti ad formam septuaginta Discipulorum Christi à Neocæsarensi Concilio notavit Scelestratius Sac. Antioch. Conc. ad Cæn. 10. cap. 16. art. 1. Ritè celeberrimus Thomassinus Vet. & nov. Eccl. Discipl. part. 1. lib. 2. cap. 71. sacræ Psalmodiæ originem, & progressum his describit. *Cùm ergò Psalmos, & Hymnos cum Apostolis Christus decantaverit, & de spiritali Psalmorum cantu crebra sit apud Paulum mentio, & commendatio frequens: similis veri est hæc Ecclesiastica Psalmodiæ primordia fuisse primùm in Ecclesia Palæstina ex Salomonis Templo, ejusque concentibus, & tùm deindè in Orientalibus Ecclesiis universis. Id autem ex Augustini sensu Epist. 119. c. 18. dixerat, ex quo etiàm constat Ambrosium ab Orientali in suam Mediolanensem Ecclesiam transtulisse Psalmos, Hymnosque certa modulatione decantandi morem Confess. lib. 9. c. 7. Sabbati jejunium Orientales Christianos execratos esse, cùm Occidentis Romana, aliæque Ecclesiæ Sabbato jejunarent, ex antiquissimis monumentis constat, qua de re videantur quæ conguessit Baronius ad annum 57. n. 202. Ea autem in re non quæro cur Orientales Sab-*
bato

PARS PRIMA. 275

bato jejunare noluerint, idve an ex Judaicis moribus fluxerit apud Christianos ex Circuncisione, an soli Ebionæi id ipsum ex veteri Lege servaverint; quod tradere videtur Euseb. Hist. lib.3. cap.27. Observandum, tamèn reor Judæos, qui in Christum crediderant apud Judæos non credentes, Ebionæorum nomine vocitatos, eosque legalia observasse. Ità Origenes lib.2. contrà Celsum loco in superioribus indicato, nunc integre transcribendo: *considerandum*, inquit, *igitur quid dicat ad Fideles conversos ex Judaismo. At eos illectos, & deceptos valdè ridendo modo à Jesu, relictis patriis institutis, ac legibus, transfugisse in nomen aliud, rationemque vivendi longè diversam: ne hoc quidè intellecto, quòd Judæi, qui in Jesum crediderunt, non desceperunt à patriis Legibus: vivunt enim juxta eas paupertati suæ Legis cognomines; nam Ebion pauper judaica lingua vocatur, & Ebionæi dicuntur à cæteris Judæis, qui Jesum pro Christo receperunt. Quin & Petrus videtur longo tempore juxta Leges Moysi observasse ritus Judaicos. Ex quibus constare videtur Ebionæorum nomine intellectos omnes, qui ex Judæis Christiani, quos, & Paulus Epist. ad Gal. 2. τῶν πρωχῶν nomine appellat,*

lat, eosque legalia observasse, quamvis qui Ebionæi apud Christianos audiebant, ea ratione inter Hæreticos recenserentur, quod Legalium observantiam saluti necessariam putarent. Quidquid autem de ea re sit, illud puto neminem inficias iturum, hoc solum Jejunii sabbatici (quod Orientalibus execratum, Occidentalibus secus) caractere, Orientis Ecclesias ab Occidentalibus distingui potuisse. Alia ejusdem rei argumenta ex re vestiaria sacra, ex clericali tonsura, ex cœlibatu sacrorum Ordinum, & similibus peti possent, quæ omittenda mihi ad alia pergenti censui, cum usque modò allata sufficiant. Lubet tamèn pro adductorum coronide Dionysii Alexandrinæ Ecclesiæ Episcopi locum quamvis nonnihil prolixiorem afferre ex relatis apud Eusebium Hist. lib. 7. cap. 4. quod Orientales Ecclesiæ laudentur, pleræque etiam nominentur. Scribens enim Dionysius ad Stephanum Romanæ Ecclesiæ Episcopum, hæc ait; *jàm scitò Frater omnes Orientales Ecclesias, quæ antea fuerunt propter errorum perversitatem nonnulla discensione distractas ad concordiam denuò esse redactas. Et paulò infra. Demetrianum dico Antiochiæ Episcopum,*
Theo-

PARS PRIMA: 277

*Theodisium Casarea, Mazabanem Ælia;
Marinum Tyri mortuo Alexandro Episcopum,
Heliodorum Laodicea defuncto Thelemidro
Episcopum, Helenum Tarsi, & cunctas Cili-
ciæ Ecclesias, Firmilianum etiã, & totam
Cappadociam. Illustriores solùm Episcopos
nominatim perstrinxi, ne vel literæ videantur
aliquantò prolixiores, vel nominum enumeratio,
Lectori satietatem, & molestiam asserat. Sy-
ria porro universa, & Arabia, quibus vestra
doctrina, & consilio, semper magno adjumento
fuisstis, & quibus etiã modò scripsistis Episto-
las, Mesopotamia quoquè, Pontus, atque Bythi-
nia, & ne longum faciam, omnes ubiquè gaudio
exultant, & uno animorum consensu, ac frater-
na charitate Deo gloriam impertunt. Diony-
sii itaque ævo tunc videlicet cum nondum
divisum fuerat Imperium,*

& conspirabant

*—— Gemini frænis communibus Orbes,
Ecclesiæ laudatæ, cum cæteris, clausulis ge-
neralibus indicatis, Orientales dicebantur.*

XXII. Ex usquè modò deductis satis, ut pu-
to, constat de antiquissima, & nullo pacto
à civili ratione dependente distinctione
Ecclesiæ in Orientalem, & Occidentalem,
ejusque vera origine. Constat Orientales

omnes habitas Ecclesias illas Apostolorum; & proximè subsecuto ævo, quæ quodd fundatæ fuissent in locis Judaici Incolatus, plures Metropolitæ ab initio habuerunt; Occidentales autem, quæ ab una Romana tanquàm à Matre progenitæ, & ex solis Gentilibus collectæ, diversis Metropolitibus (quod in Orientalibus ex Judaica forma fluxerat) subesse nequisse. Cùm igitur ex ipsa Actuum Apostolicorum lectione habeatur Judæos, quos Paulus præ Gentilibus dilexit, quæsitque, degisse frequentes in Macedonia, in Græcia, in Achaja, conterminisque regionibus ad Illyricum usquè; conficitur Macedoniæ, Achajæ, & vicinarum Provinciarum Judaico-Gentiles Ecclesias, tunc demùm tantùm Occidentali Ecclesiæ adjunctas, cùm placuit Ecclesiasticam Hierarchiam, formæ civili recentius inductæ accommodari, cùmque Illyrico conterminæ regiones, Imperio in Orientale, & Occidentale distincto, accessere. Ea autem in re mirum doctissimos Viros de Illyrico ita agere, ac si iisdem finibus Apostolica ætate fuisset, quibus Constantini ævo, statuantque proinde ex Apostolorum disciplina fluxisse, ut Occidentali Ecclesiæ Illyricum solidum accesserit.

PARS PRIMA. 279

cesserit, cujus nomine non modò Illyricum vetus, sed & Epirum, Achajam, & Macedoniam intelligunt. Porrò quamvis probem Illyricum, quòd solos Gentiles Incolas, vel raros admodùm Judæos habuerit, à primæva Christianismi propagatione Romanam Ecclesiam uti Matrem agnovisse; pernego tamèn Illyricum Provincias illas complexum, in quibus Paulus ex Judæis passim, uti in cæteris Orientis, Ecclesias celeberrimas fundavit tùm, cùm vix Romana esse cæperat. Id ex temporum collatione constabit, si Tessalonicensis, Philippensis, & Berœensis in Macedonia, Atheniensis in Ellade, Corinthiæ in Achaja initia, cum ejusdem Pauli Romam venientis, Romanamque Ecclesiam cum Petro fundantis ætate, conferantur. Accuratè proinde scribebat Innocentius primus Epist. celeberrima, pluriesquè laudata ad Decentium Eugubinum, ubi asserens in Occidente nullum præter Petrum, ejusque Successores Ecclesias fundasse; unicam, quod ajebam, ab initio Occidentis Metropolim agnoscit. *Manifestum, asserit, in omnem Italiam, Gallias, Hispanias, Africam, atquè Siciliam, Insulasquè interiacentes, nullum instituisse Eccle-*

sias, nisi eos, quos venerabilis Apostolus Petrus, aut ejus Successores constituerint Sacerdotes. Aut legant si in iis Provinciis alius Apostolorum invenitur, aut legitur docuisse, qui si non legunt, quia nusquam inveniunt, oportet eos hoc sequi quod Ecclesia Romana custodit, à qua eos principium accepisse non dubium est. Idè autem de Illyricianis Ecclesiis silvit Pontifex, quia cum tunc Illyrici nomine, & earum Provinciarum Ecclesiæ venirent, quas Paulus in Macedonia, Græcia, Achaja fundaverat, quæque per ea tempora Occidenti accensebantur, non poterant illæ, ut cæteræ Italiæ, Galliæ, Hispaniæ, Insularumque à Petro, vel Petri Successoribus fundatæ dici, quamvis ex recentiori disciplina Romano Episcopo, Jure Patriarchico, sive Occidentis antiquissimo Metropolitico utenti, obedirent. Scitè proindè Quesnellius in Apologia pro S. Hilario Arelat. cap. 12. distinguenda esse tempora monuit expressis adeò verbis, ut hæc eadem transcribenda existimem. Et si, inquit, posterioribus Ecclesiæ temporibus, cum Ecclesiasticæ disciplinæ fundamenta posita sunt, constitutusque ordo Hierarchiæ, ad formam politię civilis ordinati sint Ecclesiastici gradus, stabilita sedium Epi.

PARS PRIMA. 281

Episcopatum dignitas, Metropolitanarum potestas erecta: tamen eandem disciplinæ formam inquirere in illo seculo quod Apostolicum proxime excepit hominis est, meo quidem iudicio, antiqua, novaque miscens. Ità ille, ac certè verissimè licet minùs coherentèr ad ea, quæ alibi cum communi Doctorum sententia antiqua, novaquè miscens, tradit, ac præcipuè Dissert. p. de Vita, & rebus Gestis Magni Leonis ad annum Christi 452. ubi de contentione orta ob Anatolii Constantinopolitani ambitum, differit.

XXIII. Verùm, ut ad Illyrici fines pro temporum diversitate admodùm varios revertar, certum est antiqua, & nova miscere, qui ad tempora Constantinum subsecuta aspicientes, eas omnes Provincias Illyrico, & Occidentali Ecclesiæ addicunt, quæ Præfecto Prætorii Illyrici subiacebantur, at (quod fanè mirum) id ipsum ab antiqua Apostolorum ætate trahere nituntur, licet certissimis documentis clarè constet Macedoniam, Epirumque, ac proinde Achajam ab Illyrico distinctas in veteri Imperii forma fuisse, nec desint ex Vopisco, Pollione, Lampridio argumenta, quibus & Dalmatia ipsa ab Illyrico diversa cognosci queat, ut adnotavit

282 PARS PRIMA.

vit Gothofredus in Indice Topographico ad Codicem Thodosianum. Quis ferat asferentes Tessalonicensem Ecclesiam Illyrici totius Metropolim ab initio fuisse, quod in Civili forina Illyrici item Metropolis Thessalonica esset, si hæc de Apostolicis temporibus dicantur? Macedonia non modò ab Illyrico distincta, sed nec certæ Metropoli deputata, quippè, uti formæ Provinciarum ferebat, in quatuor Diœceses, sive Conventus dividebatur ex Livii lib. 45. cap. 29. ubi, & eandem ab Illyrico, & Epiro, discretam sicut, & Illyricum, Epirumque inter se distinctos, videre licet. Etenim cum in Provinciæ formam redacta est, in quatuor Regiones dividi Macedoniam ex Senatus consulto placuit; quarum quarta, inquit Livius, *trans Boram Montem una parte confinis Illyrico, altera Epiro*. Indè Conventuum loca explicat. *Capita regionum ubi Concilia fierent, primæ Regionis Amphipolim, secundæ Tessalonicen, tertiæ Pellam, quartæ Pelagoniam fecit; eò concilia suæ cujusque regionis indici, pecuniam conferri, ibi Magistratus creari jussit*. Postremis hisce Livii verbis docemur, quò Conventuum loca designarentur. Gentio item Rege superato,

Illy-

PARS PRIMA. 283

Illyricum in Provinciæ formam redactum narraverat idem lib. eodem cap. 18., & cap. 26. in tres partes, sive Conventus divisum. Suetonius in Tiberio Illyrici fines in hunc modum describit; *perseverantiæ grande pretium tulit toto Illyrico, quod inter Italiam, Regnumque Noricum, & Thraciam, & Macedoniam, interque Danubium Flumen, & sinum Maris Adriatici patet, perdomito, & in dedicationem redacto.* Plinius Hist. lib. 3. cap. 21. & 22. Illyrici Conventus tres describit Scardonitanum, Salonitanum, & Naronitanum. Libro autem 4. cap. 1. Epirus describitur, sicut & cap. 10. Macedonia. Quanto itaque discrimine, & Provinciarum forma, & Illyrici limites differunt, à forma, & limitibus Illyrici, si tempora Constantino recentiora spectentur? Sex. Rufi hæc Illyrici descriptio est; *Provincias habet Illyricus septem, & decem; Noricorum duas, Pannoniarum duas, Valeriam, Saviam, Dalmatiam, Mæsiæ Daciarum duas; & Macedoniam Illyrico tribuit statim adiiciens; & in Diocesi Macedoniae sunt septem; Macedonia, Thessalia, Achaja, Epiri duæ, Prævalis, & Creta.* Scribebat Rufus, Breviariumque suum Valentiniano, qui Joviano successit, inscribere.

bebat. At Jornandes lib. 1. recentiora habet. *Illyricus*, inquit, *cuncta per partes quidem, & membra devicta ad unum tamèn Cor-
pus aptata est, quæ habet intrà se Provincias
decem, & octo. Hæ sunt Norici duæ, duæ Pan-
oniæ, duæ Valeriæ, Svevia, Dalmatia, Mœ-
sia superior, Dardania, Daciæ duæ, Macedo-
nia, Thessalia, Acbaja, Epirus, Prævalis,
Creta, simul decem, & octo.* Et has quidèm
omnes Provincias Præfecto Prætorii Illyri-
ci subiectas ex Notitia dignitatum Imperii
cognoscimus, quas omnes primùm Occi-
dentali Imperio adscriptas, indè ex parte
Orientali restitutas adedò notum est, ut quid-
quam addere sit superfluum, consulendique
sint Viri doctissimi de recentioribus hujus-
modi Illyrici vicibus agentes.

XXIV. Orientalis itaque, & Occidentalis Ec-
clesiæ fines antiquissimis Christianorum,
temporibus designavit, constituitque Con-
versorum per Apostolos diversa conditio,
quique à Circumcisione in Christum credi-
dere, servata morum suorum quantum licuit
qualitate, & jurium prærogativa, à suarum
Ecclesiarum primordiis certas Metropo-
les agnovere; qui verò ex Gentibus conver-
si sunt, Romam unam omnium suarum Ec-
cle-

PARS PRIMA. 285

clesiarum Metropolim statim ac fundatæ sunt, habuerunt. Ità, quæ postmodum in Evropa, Illyrico, & Occidenti accessere, Provinciæ, Apostolorum ævo ad Orientem spectasse, quæ in superioribus disputata sunt, suadent. Fines indè ex ea parte mutati sunt, cum placuit Ecclesiastica civilibus conformari, cumque in civili forma uni Præfecto Prætorii Illyrici, plures Provincias committi, sicuti tertio Seculo decurrente, jam cæpisse uni Illyriciano Duci, vel Curatori plurium Provinciarum Exercitus demandari ex Valeriani Augusti Epistola apud Trebellium Pollionem intelligimus, ubi de Claudio ad Ablavium, hæc habentur; *Dux factus est, & Dux totius Illyrici habet in potestatem Thracios, Mæsos, Dalmatas, Pannonios, Dacos Exercitus*. Sicuti autem mutatis Illyrici antiquis finibus in Imperii typo, factum est, ut & Ecclesiæ Orientalis, Occidentalisque fines in Evropa mutarentur, ex eò quòd placuerit civili formæ Ecclesiastica conformari; ità è converso in Africæ, & Ægypti confinio nil recentioribus mutandum fuit, quòd ad veterem Ecclesiæ formam se conformaverint Civilia, & idem Constantiniano ævo Orientis, & Occiden-

286 PARS PRIMA.

cidentis in Africa limes sit habitus, qui ab initio Ecclesiasticus fuerat. Apostolico etenim ævo, licet Pentapolitana regio, & Africa deputaretur, & Senatus Provincia esset, Ægyptus verò ad Asiam spectaret & Augusto cessisset; nihilominus ob Judæorum frequentiam in Cyrenaica degentium ab uno Alexandrino Ethnarcha pendentium, Cyrene ipsa, sive Pentapolis Alexandrino Episcopo paruit, & Orientalis est habita. Id verò ipsa Constantini, & Successorum ætate minimè mutatum est, cum in hac parte Imperii Typus veterem Ecclesiæ formam sit imitatus, & Cyrenaica, quæ Apostolorum ævo diversa ab Ægypti Provincia fuerat, recentiori inducta Imperii divisione ad integram Ægypti Diocesium accesserit, ac proinde qui voluere Ecclesiastica civilibus conformari, veteres Orientalis, & Occidentalis Ecclesiæ fines sibi servandos agnovere.

XXV. Ab Apostolica Ætate paulatim sermone dilapsi sumus ad subsequuta tempora, quibus cum Judæorum paucissimi Christo nomen darent, & ubique terrarum Christianorum plerique ex Gentibus converterentur, diversa omnino cæpit ratio ea esse, qua
Jura

PARS PRIMA. 287

Jura primarum Sedium vetera retineri, & nova institui placuit, ab ea, qua primum Apostolorum opera fundata fuerant. Hæc modò pro viribus illustranda remanent, videndumque quomodò, & quibus gradibus quod Apostoli plantaverant, paulatim excreverit, undè forma illa demùm obtinuit, qua Ecclesiastica, civili Typo in plurimis, conformari placuit. Apostoli, qui ex Judæis Judæi, quique proindè Judaica Contribulibus suis lucrands, in honore habenda à Christo edocti censuerant, Ecclesiarum jura ea forma metiri voluerant, qua Judæorum politiam imitarentur, indèque antiquissimæ Metropoliticæ origines, ut in Superioribus ostensum est. Institutas autem primas Sedes, hi qui proximè Apostolos exceperere Episcopi singulari honore profecuti sunt, non quòd ex Judaico, earundem Typus descendisset, sed quòd illas Apostoli specialius verbo, scriptoque nutritivissent, vel quòd easdem Martyrio, suisque lypsanis consecrassent, quòdve ibidem ipsi Cathedras collocaissent magno honore ad Posteriores transmittendas. Hæc Successoribus per manus tradita effecerunt, ut quæ de his omnibus, singulisve, vel de certa Episcoporum suo-

suo-

288 PARS PRIMA.

suorum successione ab Apostolis deducta, docere poterant, cæteris præferrentur Ecclesiis, & veluti harum Matres haberentur. Cùm enim Ecclesiæ illæ hujusmodi essent, quas Petrus, & Paulus cæterarum veluti Matres Scriptis, Cathedra, Martyrio decorassent, factum est, ut eadem apud Posteror magni inter cæteras fierent, non quidẽ ob omnes illas causas, ob quas ab Apostolis prælatæ fuerant, sed ob illa tantum, quæ ex Apostolica auctoritate fluebant. Plurima siquidẽ cum traditione, verboque non scripto niti oporteret, consentaneum erat, ut in dubiis, Filiæ Matres audirent, singulæque minores Ecclesiæ ab illis, quas Apostoli speciali cura foverant, credendorum rationem acciperent, & Ordinationis propagatione derivatæ, ab illis itẽm penderent. Intẽr omnes Romana Ecclesia Petri, & Pauli scriptis, prædicatione, laboribus, martyrio, & Primatus Apostolici Cathedra emicuit, cujus *potentiorẽ principalitatem*, ut cum Ireneo loquar, cæteræ semper Ecclesiæ agnoverunt. Hinc Roma apud Tertullianum de Præscript. cap. 36. laudatur. *Habes, inquit, Romam undẽ nobis quoquẽ auctoritas præstet. Statu felix Ecclesia, cui totam doctrinam*
Apo-

Apostoli cum sanguine suo profuderunt. Irenæus lib. 3. cap. 3. Maxima, & antiquissima, & omnibus cognita à gloriosissimis duobus Apostolis Petro, & Paulo fundata, & constituta Ecclesiæ, eam, quam habet ab Apostolis traditionem, & annuntiatam hominibus fidem per successiones Episcoporum pervenientem usque ad nos indicantes, &c. Sicuti autem in his tota Primatus Romani, tum pro omni, cum pro Occidentali Ecclesia, ratio consistebat; ita & primæ reliquæ Sedes ob easdem causas à suis Ecclesiis observabantur ea mensura, qua Petrus censuerat. Quare Metropoliticum ab Apostolico non discernebatur primis illis Ecclesiæ seculis, cum decus omne ex sola Apostolorum institutione manabat: & nondum Metropoliticum illud cognoscebatur, quo ad civilium rerum prototypon Ecclesiastica metiri Episcopi didicissent. Recentiora itaque spectet oportet C. V. Beveregius ad Canon. Apost. cap. 5. n. 16. ubi sentit Ecclesias plures, *etiãmsi bonorem quemdam, ut Apostolicæ, nullum tamèn in alias primatum, nisi quatenus Metropoliticæ essent Ecclesiæ, habuisse.* Hæc enim aptari nequeunt Irenæi, vel Tertulliani ævo; cum quæ eorundem loca Beveregius ipse affert,

T

uni-

290 PARS PRIMA.

unicam exhibeant præferendarum Ecclesiarum rationem, quòd ibidem sincera traditio servaretur, ubi Episcopi cognoscebantur ab Apostolica institutione cæteris prælati, & certa successione cogniti, ibique constaret Apostolos Christianæ doctrinæ semina verbo, scripto, Cathedra, laboribus sevisse; quare ad primas illas Sedes recurrendum esset, cum de dogmatibus quæstiones incidissent, undè Provincialium Synodorum origo.

XXVI. His itaque vicibus, & gradibus hierarchica Ecclesiarum res processit. Apostoli primas ibi Sedes collocaverunt, ubi illustrius, frequentiusque Judæi suis legibus vivebant; at ubi Judæorum nullus, Ecclesias ex Gentibus collectas primæ illi Sedi subiectas fore edixerunt, undè qui Gentes converterant emissi fuerant. Apostolis munere suo defunctis, quæ secuta sunt tempora, Sedes prænarrato modo ab Apostolis fundatas eo nomine cæteris prætulere, quòd apud illas, cum certa Episcoporum successione ab Apostolis derivata, vera traditio residere crederetur; cum enim dogmatum quæstiones frequentè emergent, quique Ecclesias tenuerant Episcopi vitam cum,

mor-

PARS PRIMA. 291

morte commutassent, ab Ecclesiis illis, quas Apostolicas dixere, & ordinationis beneficium, & traditionis Apostolicæ veritatem, accipi debere censuerunt. Tertio tandè inclinato æræ christianæ seculo, prima argumenta habentur, quibus credi potest, & in civili Imperii politia primas in Provinciis Civitates, ubi Præsides incolerent extitisse, & earum Urbium Episcopos ex loci dignitate, sui muneris jura in Provinciæ Episcopos augere capisse. Quiescentibus enim persecutionum turbinibus res Christiana latè patere capit, & Imperatores ipsi quamvis gentiles eo amore Christianos sunt persecuti, ut eosdem Provinciis præficerent, qua de re Eusebius Hist. lib. 8. cap. 1. ubi *singularis Imperatorum humanitas celebratur, qua nostros, inquit, benignè persecuti sunt, quibus regendas etiam Provincias committabant, omni sacrificandi metu eos liberantes, ob singularem, qua in Religionem nostram affecti sunt benevolentiam.* Et paulò post laudatis Gorgonio, & Dorotheo; similiter, ait, & *singulis Ecclesiarum Antistitibus summum bonorem, cultum, ac benevolentiam ab omnibus tam Privatis, quàm Provinciarum Rectoribus deferri vidisses, cum cæteris, quæ sequuntur.*

T 2

Ex

Ex his facile factum, ut cùm Præfecti Provinciarum, qui alicubi etiã Christiani præsidebant, Episcopos singulari amore, & honore prosequerentur, intèr cæteros Episcopi illi emerent, qui in eadem Urbe cum Præside ipso degebant. Indè Metropoles Ecclesiasticæ multiplicatæ sunt, alicubi etiam ex una ad alteram ejusdem Provinciæ Urbem translata; sed & in Occidentali Ecclesia paulatim eadem, quæ in Orientali fuerat disciplina hierarchica, oriri cæpit, licet non in omnibus illi respondens, quod ibi ab Apostolis originem suam traxisset, hinc à recentiori rerum, & temporum conditione. Ità cùm à primævo Ecclesiæ more recessum esset, dissensiones accerrimæ, jurgia, & factus secularis mala irrepisse, ex Eusebio ipso eodem loco constat, cujus hæc consideranda subijcio; *sed cùm ex nimia libertate in negligentiam, ac desidiam prolapsi essemus, cùm alter alteri invidere, atque obtrectare cæpisset, cùm intèr nos quasi bella intestina gereremus verbis tanquàm armis quibusdam, bastisque nos mutuò vulnerantes, cùm Antistites adversus Antistites, Populi in Populos collisi jurgia, ac tumultus agitarent, &c. & paulò infra; cùm Pastores nostri spreta Religionis regula, mutuis*

tuis inter se contentionibus decertarent, nihil
 aliud, quàm jurgia, minas, æmulationem, odia,
 ac mutuas inimicitias amplificare studentes,
 Principatum quasi Tyrannidem quamdam
 contentissime sibi vindicantes; tunc demùm, &c.
 quæ quidè̃m ad contentiones inter Episco-
 pos gliscentes, de honoris prærogativa, aut de
 finibus Parœciarum suarum, referenda esse,
 censuit Doctissimus Valesius in notis. Li-
 cèt autèm ob id Numinis vindictam sence-
 rint, & Diocletiani persecutione ringente,
 qui ob amplificanda Diœcesium suarum,
 pomœria cum finitimis Præsulibus certave-
 rant, in servitutem abducti, Camelorum, &
 Equorum Gregibus sint præpositi; nihilo-
 minùs pace denuò Ecclesiæ restituta quod
 semèl ex ambitu secularis fastus emerlerat
 malum, denuò exarsit. Componendis ità-
 que hujusmodi dissidiis Sancta Nicæna Sy-
 nodus operam dedit; quod ea consilii ratio-
 ne factum est, ut licèt formæ civilis recentèr
 inductæ ratio sit habita, quod volebant plu-
 res, de ea tamèn normæ loco, quantùm li-
 cuit, accepta, nil explicitè dictum sit, sed il-
 lud potiùs sit declaratum; Alexandrini, &
 Antiocheni, ac cæterorum Metropolitano-
 rum jura ea mensura consistere debere,

quam vetus consuetudo induxisset, quod Episcopi illi volebant, qui Apostolicarum Ecclesiarum privilegia ex civili politia metiri debere negabant. Nec sic tamèn partes adquievisse ex Antiochenæ Synodi Canonibus apparet; cùm enim Nicænus Canon Apostolicis Ecclesiis favere videretur, quatenus primus in qualibet Gente Episcopus haberetur, qui Apostolicam successionem, ostendere posset; explicitè tandèm patriarchici Episcoporum juris regula, civilis Imperii forma est accepta, & Canon Nicæna Synodo antiquior ità explicatus est, ut præscriberet: *Episcopos, qui sunt in unaquaque Provincia scire oportere Episcopum, qui præest Metropoli, & curam suscipere totius Provincia; ea adducta causa recenti omnino, & veteribus ignota, quòd in Metropolim undequaque concurrerent omnes, qui negotia haberent.*

XXVII. Id tamèn inductum fuisse, non quòd id moris fulciri Veterum exemplo, seù Apostolica traditione prætenderent, qui ejus Disciplinæ Avctores fuerant, vel ei mordicus adhærebant, sed quia id ex quadam rerum convenientia fieri debere videretur, ex alato Antiochenæ Synodi Canone, constat, qui

qui Metropolitam Episcopos præferendi rationem affert ex negotiorum agendorum facilitate desumptam. Cum Valens ex una, duas Cappadocias fecisset, observandum est ex Gregorii Nazianzeni Orat: 20. Antimum quidem, qui civilem divisionem sibi prodesse volebat, convenientiæ, & æquitatis argumentis jura sua qualiacumque in medium protulisse; at Basilium divisa Provincia, minimè multiplicandas esse Metropoles Ecclesiasticas, ex veterum Patrum decretis, antiquaque Ecclesiæ consuetudine ratione desumpta, defendisse; *Antimus*, inquit Gregorius, *equum esse dicebat, ut cum publicis Diocesisibus nostræ quoque simul dividerentur, ob eamque causam eas Parœcias, quæ novæ Provinciæ nupèr adjunctæ fuerant, ut jam ad se attinentes, atque Basilio abstractas vindicabat. Basilium contra veteri consuetudini, atque huic divisioni, quæ olim à Patribus facta fuerat, in hærebat.* Novitium itaque omnino tunc erat, quod formæ Civili Ecclesiasticæ Parœciæ aptari deberent, nec id intendebant Veteres, licet casu potius, quàm consilio, quas ob Apostolicam successionem in unaquaque Gente colebant Metropoles, illæ alicubi in novo Imperii laterculo, civiles essent

essent Metropoles Provinciarum. Manifestum siquidem novitatis argumentum est, quod post Nicænam Synodum demum orta sit quæstio, an mutata per Imperatoris Edictum Provinciæ, vel Diocesis forma, mutari etiam deberent Ecclesiastici Metropolitanorum fines; etenim, cum per priora tria Christianorum secula, Forma civilis immanes passa sit vices, etiam antè Diocletiani ætatem, cum, Lactantio de Moribus Persecut. referente, *ut omnia terrore complerentur, Provinciæ quoque in frustra concisæ multi Præsides, & plura officia quoque*; id ipsum exquirendi plures, & gravissimæ sæpius accidissent causæ. Nova prorsus quæstio ea fuit, de qua Antiochenus Episcopus Innocentium I. Romanum Pontificem interrogandum censuit, cuique Is Ep. 18. in hæc verba respondit; *nàm quod sciscitaris, utrùm divisio Imperiali judicio Provinciis, ut duæ Metropoles fiant, sic duo Metropolitanæ Episcopi debeant nominari; non verè visum est ad mobilitatem mundanarum necessitatum Dei Ecclesiam commutari, honoresque, aut divisiones perpeti, quas pro suis causis faciendas duxerit Imperator.* Valentis ne tempore, vel Innocentii, primùm Imperii Provinciæ in plures divisæ,

visæ, ut tunc demùm, quæ vetères non vexaverat de Ecclesiasticarum Metropolùm finibus controversia, nasceretur? Ex novo, qui in Ecclesiam irrepserat more, nova quaestio est exorta, sed & quod convenientiæ, & æquitatis prætextu probatum alicubi, & aliquandò fuerat, iniquitatis, & aliena jura invadendi ansam præbere agnitum est ab ipsis Orientalis Ecclesiæ Episcopis, quos maxime amplificandi fines, & aliorum jura violandi urebat fastus. Hinc cum in dies turbæ multiplicarentur ex regula illa semel admissa, quòd Diœceses Ecclesiasticæ, civili Imperii laterculo conformari deberent, in Chalcedonensi tandèm Conciliò clamatum est à Patribus; *contrà Regulas, pragmaticum nihil valeat. Regule Patrum teneant.* Et accedente Imperatoris consensu A. 4. statutum est in hæc verba; *Sacratissimo Orbis Domino placuit, & non juxtà sacras Literas, aut pragmaticos typos, res Sanctissimorum Episcoporum procedere, sed juxtà Regulas à Sanctis Patribus latas.* At hisce Chalcedonensis Synodi decretis, nec futuris malis prospectum est, nec restituta sunt iis, quibus ob novam inductam methodum ablata fuerant Jura, ac Constantinopolitani in pri-

298 PARS PRIMA.

primis Episcopi fastus, qui aliena invaserat Regiæ Civitatis prætextu, firmatus est. Horum autem omnium ea est conclusio; Metropolitanorum Jura ab ipsa quidem, Apostolorum institutione derivari, sed ob alias, aliasque causas pro rerum, & Ecclesiæ vario statu, diversa adhibita regula definita, quarum postrema ex civili Imperii forma deducta, nil Apostolicum habuit, quinimò ejus prætextu fursuris plurimum veteri simplicitati permixtum accessisse, in Orientali maxime Ecclesia. Quo sensu vera sunt, quæ ex Hilario Diacono in Epist. ad Ephes. cap. 4. à Nonconformistis perperam contra Episcoporum Hierarchiam afferri solent, ea videlicet; *postquam omnibus locis Ecclesiæ sunt constitutæ, & officia ordinata, aliter composita res est, quam ceperat; & statim, cepit alio ordine, & providentia gubernari Ecclesia; & infra; ideo non per omnia conveniunt scripta Apostoli ordinationi, quæ nunc in Ecclesia est.* Et ut ab Auctore Catholicis merito in viso, ad Sanctissimum Ecclesiæ Orientalis lumen Gregorium Nazianzenum, transeam; Is Oratione 28. jurgia, dissensiones, & fastum fugillat, quæ in diversa studia trahebant suorum temporum Orientis Episcopos, qui ex con-

PARS PRIMA. 299

conformatis ad civilem Typum Ecclesiasticis muneribus, honorum discrimina multiplicaverant, occasione inde sumpta à veteri Apostolorum simplicitate recedendi; hæc enim urget, & infectatur, non id, quod ab Apostolica traditione descenderat, cum ait, *utinam nulla esset opotipi a, aut loci eminentia, nec tyrannica prerogativa: ut omnes tantum ex virtute dignosceremur!* Nunc verò dextrum illud sinistrum bocce, medium istud, celsum, & inferius, præcedere, & simul ire, multas nobis ex vano intulere calamitates, multos in foveam misere, & ad hædorum partem abduxere. Quæ quidem ritè hæud intelligi possunt, nisi Constantiniani Ævi Disciplinam, ab Apostolica distinguamus.

XXVIII. Ad absolutum Rei examen juvat hic demùm Lectori erudito exhibere eorum nonnulla, in quibus Ecclesiastica Metropolitum disciplina à recentiori etiam Imperii laterculo abiit; deinde alia aliquot indicare, quæ nec ex recentiori, nec ex veteri civili politia accipi potuerunt, quòd illis antiquiora multò, istis dissimilia omninò fuerint; ex his enim constabit, quàm fallax argumenti genus sit, Metropolitanorum fines, & Jura, ex Imperii Typo metiri. Et quod ad no-

vam

vam Imperii rationem pertinet, liquet in Orientali quidē Ecclesia Metropolū disciplinā in multis, civili methodo dispositam, at in Occidentali in omnibus ferē diversam extitisse. Verissimum est, quod eximium Italiæ nostræ, & Ecclesiæ totius lunen, Eminentissimus videlicet Cardinalis Norisius asseruit in Dissert. de V. Synodo cap. 10. *Ego quidem, ait, fateor in Patriarchatu Antiocheno, & Alexandrino, & in tribus autocephalis Diœcesibus easdem, ut plurimum, fuisse Civiles, & Ecclesiasticas Metropoles, ut ubicumque Provinciæ Rector resideret, ibidē etiam Metropolitanus Episcopus haberetur; at in Patriarchatu Romano, quod ad Africam, & Italiam spectat, illam consuetudinem minimē servatam video. De Primatibus Africæ id pluribus ostendimus lib. 2. hist. Pelag. cap. 8.* Licet autē in Orientali Ecclesia Metropolitanus Episcopus, ut plurimum ibi esset, ubi Provinciæ Rector residebat; docemur nihilominus ab eximio, & eruditissimo Viro ex ordine Provinciarum civili, ordinem Metropolitanorum minimē dispositum; quare Salmasium emendat, qui primæ in quacumque Diœcesi Provinciæ Metropolitanum, cæteris ejusdem Diœcesis prælatum

PARS PRIMA. 301

tum ait, & Patriarchæ nominæ nuncupatum. Ità non modò in Africana Ecclesia, quamvis in Notitia Orientalis Imperii Byfacium Numidiæ præcederet, Numidiæ tamen Metropolitæ, Byfaceno præcessit in Synodis Carthaginienfibus annorum 418., & 419. & præcedit in literis Synodalibus Conciliorum; sed & cùm in notitia Imperii Orientalis Ponticæ Diœcesis Bithynia antè Cappadociam scribatur, nihilòminus Cæsareæ Cappadocum Episcopus autocephalus, Metropolitæ Nicomediensi præpositus fuit, ut ex plurimis, ac præcipuè ex Nicomediensis ordinatione per Helladium Cæsareensem facta probatur. At Diœcesium civilium ordo in Notitia Imperii is est, *Asia Proconsularis, Oriens, Ægyptus, Diœcesis Asia-na, Pontus, Thracia*. Diœcesium autem Ecclesiasticarum hic admodum à priori diversus; *Ægyptus videlicet, Oriens, Thracia, Ephesus, Pontus*, quibus autocephalus Cypri, & alii fortassis à Patriarcharum, & Exarcharum jure exempti adiiciantur oportet. Diœcesium civilium singulis Provinciis diversæ dignitatis Viri præponuntur, Consulares, Præsides, Correctores; Metropolitæ autem omnes æquali inter se jure fruebantur.

302 PARS PRIMA.

tur. Hinc conferenti Ecclesiastica cum Civilibus, Provinciæ passim occurrunt Præfidentiales, Correctorialibus, & Consulares Præfidentialibus prælatæ, quæ alio ordine in Ecclesiasticis recensentur. Sub Ephesino Exarcha non modò Asia Proconsularis, sed & Asiana Diœcesis, quæ in Imperii notitia diverso Magistratui parebant, Asiana videlicet Vicario, Proconsularis Proconsuli. Mutata quinto Æræ Christianæ Sæculo in multis Ecclesiarum Orientalium Hierarchia, plura à civili forma abierunt; etenim subactis per Constantinopolitanum Episcopum Asiæ Exarchis, eodem tamèn Juris, & dignitatis loco, quo antea, persistere Proconsul, Præsides, Vicarii, Correctoresque, nec ideò Orientis Comes à suo jure decessit, quòd Hierosolymorum Episcopus in Patriarcham erectus, ab Antiocheni Diœcesi avulsus esset. His adjiciendum est mira inconstantia suam remegisse Orientales Episcopos, cum enim è re erat civilem formam, tanquàm Ecclesiasticarum Parœciarum, mensuram assumebant, & rursus cum ei inhærere, ne obesset timeretur, mutatis vicibus, alter alterius, quæ reprobaverat arma, probabat, & Patres, & Ordinationum Sy-

no-

PARS PRIMA. 303

nodorumque cogendorum mores, ac in primis Nicænus Canon allegabatur, repudiatis pragmaticis, ut ajebant, Sanctionibus. Constantinopolitani Episcopi, qui cæteros omnes fastu superarunt, ex Regiæ quidẽm Urbis dignitate argumenta depromebant, quibus se Orienti præesse, & veteris Romæ honorem æquare præsumperunt; at cùm id ab Apostolica institutione trahi nequireret, & cùm veteri Ecclesiæ consuetudine, & Patrum Sanctionibus se tuerentur cæteri Præsules; ad fabulam de Byzantina Ecclesia ab Andrea Petri Germano fundata, confugerunt; agnoscebant quippè inerme, fluxumque Juris Ecclesiastici argumentum illud, quod ex politica Imperii, & Provinciarum civilium recenti dispositione desumebatur.

XXIX. Intèr ea, quæ nec recentiori, nec antiquissimæ Imperii politiæ congruunt, illud in superioribus adnotatum est, quòd Alexandrinus Episcopus intèr omnes si Romanum excipias, emineret; quamvis enim frequentia Incolarum, rerum affluentia, cæterisque hujusmodi, Alexandria secunda post Romam apud Scriptores laudetur; non idèò tamèn in civili Provinciarum typo, quæ Præfecto

fecto Viro equestri regebatur aliis prælata
 est Proconsulibus, Proprætoribusve, Patri-
 cii videlicet Ordinis Viris, demandatis; qua
 de re plura suis locis sunt dicta. An ubique
 certo loco, Urbive, primi in Provincia Epi-
 scopi decus affixum esset, & ibi in primis, ubi
 post Apostolorum tempora Sedes fundatæ
 sunt, dubitari potest. Africana Ecclesia, &
 post Constantinianam formam inductam,
 id in more habuit, ut Senior, vel Ordination-
 nis causa cæteris Antiquior, præsideret, qui
 non Metropolitæ, sed Primas dicebatur. Id
 ipsum antè Nicænam Synodum consuevisse,
 & alibi, etiam in Oriente, argumento est
 Pontica Synodus Victoris Papæ ævo cele-
 brata, de qua Eusebius Hist. lib. 5, cap. 23.
 Palma enim ideò præfuisse dicitur, quòd
ἀρχαιότερος esset. Ex eadem causa fortasse ac-
 cidit, quòd Phœdimus Amasiæ Heleno-
 ponti Episcopus Gregorium Taumatur-
 gum Neocæsareæ Polemoniæ Ponti Civi-
 tatis Episcopum ordinaverit, quòdque po-
 steà Gregorius ipse Commanæ Civitatis
 Antistitem Alexandrum cognomento Car-
 bonarium initiaverit, cùm in recentiori for-
 ma obtinuerit Cæsaream Cappadociæ to-
 tius Ponti Metropolim Ecclesiasticam esse,
 quæ

PARS PRIMA. 305

quæ usquē ab Hadriani Ævo, & fortassis antiquius, Metropoleos honore gavisa sit. Obscura sunt, quæ ad Thraciæ Diœcesim pertinent, si de temporibus, quæ Constantinum præcessere sit serino; at antiquissimam in ea Metropolim Ecclesiasticam Heracleam, quam Veteres Perinthum dixere, fuisse liquet. Byzantii primus, quem sciamus, Episcopus Sanctus Metrophanes fuit, Nicænæ Synodi tempore ferè centenarius, antè quem nullum ibidè sedisse pluribus eruditè contendit doctissimus Janninus ad diem quartam Junii. Dio apud Xiphilinum de Severo; *Urbem*, inquit, *omnemque regionem, quæ erat sub ejus potestate Perinthis concessit. Hi Byzantio usi sunt ut vico, & à nullo genere injuriæ temperaverunt; & statim; Civitati abstulit libertatem, eamque privavit suis privilegiis.* Byzantium itaque antè Severi Imperium Perinthis præstavit, nec tamèn Episcopali Sede adhuc fruebatur, licèt, omnium quæ in Thracia erant Urbs felicissima, & Imperatorum privilegiis aucta, qualisque Herodiano lib. 3. describitur. *Idem Niger, inquit, Byzantium præsidio occupavit Urbem Thraciæ maximam, felicissimamque, viribus, & opibus ea tempestate florentem;*

V

quip-

306 PARS PRIMA.

*quippe quæ in angustissimo Propontidis constituta freto, vegetalia, piscatumque à mare accipit, simul agros possidens amplissimos, uberri-
mosque, utroque veluti Elemento lucrum facit.*
Cum Severus Byzantium, Nigro devicto, occupavit, ibidem Præsidem egisse Cæcili-
um Capellam arguit Baronius ad annum 198. de quo Tertullianus ad Scapulam; *Cæ-
cilius Capella in illo exitu Byzantino, Christi-
iani gaudete, exclamavit.* Sub eodem tamèn Severo restituta privilegia Caracallæ
interventu, & Byzantium Archontibus de-
mandatum probant Nummi Græcè signa-
ti apud Vaillantium; intèr quos altèr hono-
ris gratia Archontem exhibet ipsum M.
Avrelium Antoninum. Quantum Asiati-
carum Ecclesiarum typus, ab Imperii, tùm
recentioris, tùm antiqui typo abierit, demon-
stratum est suprà non uno loco, ac etiam,
præcedenti paragrapho; quare jam dicta hîc
recoquere, minimè vacat. Syriæ etiàm anti-
quissima Ecclesiarum Antiochenæ, & Hie-
rosolymitanæ jura satis suis locis perpen-
sa sunt, & civili, tùm novæ, tùm veteri politiæ
collata. Unum adjiciendum est; Hierapolis
Comagenæ Syriæ, quam recentiores Eu-
phratensem dixere, Metropolis honore an-
gavi-

gavisa fuerit usque ad Constantinianam Orbis divisionem, incertum esse; certum autem Veteribus Samosatam id decoris in civili forma habuisse, etiam Apostolica ætate. Plinius in eam rem Eminentissimo Norisio Dissert. 2. de Epoch. Syromac. laudatur, qui lib. 5. cap. 24. *Comagenes Caput, Samosatam* dicit. Idem observat, quod cum in Philippi Augusti Nummis ex Thesavro Mavroceno Equiti Patino p. 137. exhibitis, Samosata dicatur Metropolis Comagenes, & in ejusdem Philippi Nummis Hierapolis sine Metropolis titulo legatur, *palàm fieri, diutius Samosatam jure Metropoleos potitam fuisse, antequàm illud à Christianis Imperatoribus Hierapoli tribueretur.* Sed & Trajani Decii Nummum exhibet Vaillantius inscriptum ΦΛ. CAMOCATEΩΝ ΜΗΤΡΟ. ΚΟΜ. *Flavorum Samosatensium Metropolis Comagenes.* Vel cæpit itaque Hierapolis Metropolis Ecclesiastica esse, postquàm novus Imperii Typus conditus est; vel si antiquius Metropolis Ecclesiastica fuit, nulla Samosatæ civilis Metropolis ratio habitæ est. His, quæ jam sparsim allatis in tota superiori Dissertationis parte ex plurimis, quæ suppeterent, uno veluti fasce facto, afferre

308 PARS PRIMA.

placuit, nescio, an quòd solent, reponent
 communioris sententiæ Assertores; non in
 omnibus videlicet, sed in plerisque Aposto-
 los primas Sedes fundantes, civilem Imperii
 formam secutos; etenim in plerisque, ac ferè
 in omnibus ostensum est, nullam civilis po-
 litix rationem habitam, aliudque toto cœlo
 diversum, Apostolos, & priorum temporum
 Patres spectasse.

XXX. Pro hujus partis coronide paucis indi-
 casse, quod sequiorum temporum Scriptori-
 bus, & Canonistis placuit, illud confutasse
 erit. Hi, conficito quodam Gentilium Sa-
 crorum systemate, credidere ad ejusdem,
 exemplar Petrum primas Ecclesiarum Se-
 des instituisse. Pseudo-Clementis Epistola
 Jacobo Fratri Domini falsò inscripta totius
 fabulosæ molis substructio est, qua dicitur,
 quòd *in illis Civitatibus, in quibus olim apud
 Ethnicos Primi-flamines eorum, atque primi
 Legis Doctores erant, Episcoporum Primates
 poni, vel Patriarchas, B. Petrus præcepit, qui
 reliquorum Episcoporum causas, & majora,
 quotiès necesse foret, negotia in fide agerent;
 in illis autem Civitatibus, in quibus dudum
 apud prædictos erant Archi-flamines, quos ta-
 men minores tenebant, quàm memoratos Pri-
 mates,*

PARS PRIMA. 309

mates, Archiepiscopos institui præcepit. In singulis verò Civitatibus, singulos, & non binos, aut ternos, aut plures Episcopos constitui præcepit, qui Episcoporum tantum vocabulo potirentur. Hæc porro licet in Corpus Juris Canonici irreperint, tanti non sunt, ut diutius confutari mereantur. Recentioris admodum imposturæ signum illud est, quòd nec Apostolorum ævo, nec post Constantini Ætatem distinctio illa Primi-flaminum, Archi-flaminum, & Flaminum usquàm apparet. Flamines quidem, & Flaminis, sive Flamonis dignitatem ex Lapidibus, & ex Codicis Theodosiani Legibus, extitisse constat, Gentilitatis videlicet reliquias in Imperii Romani Urbibus eò redactas, ut qui illis fruebantur, certis gauderent privilegiis, quò Plebi, Populoque statis temporibus ludos exhiberent; at nullibi apparet hos hierarchico somniato ordine distinctos, tradita forma, Numinum sacra curasse. Quod tamèn mireris editus est nuperrimè eruditi Uiri Ollandi Libellus, quo simile quidpiam putido figmento, asseritur, dùm impugnata communiori Catholicorum sententia primas Sedes institutas asserere non veretur ad exemplar Provincialium eorum

Sacerdotum, quorum crebra mentio apud Scriptores Apostolis synchronos, & proxime subsecutos; quique in Nummis etiam laudatos videre est. At nil ineptius excogitari poterat originibus Metropolitice Ecclesiarum explicandis. Provinciarum Sacerdotes hujusmodi in Asia quidem, Licia, Cilicia, Cappadocia, Syriaque eligi consuevisse novimus, at in Ægypto electos, vel Ægypti, Syriæque Sacerdotes hujusmodi cæteris Asiæ præfuisse, undè Petrus Hierarchiæ suæ exemplar nactus sit, quis doceat? Prætereà sicut Episcopi, sic illi, quos postmodum Metropolitæ, vel Patriarchas dicere, certæ Civitati dati sunt ab initio, at Archiereos Asiarchasque, Lyciarchas, Ciliciarchas, Cappadocarchas, cæterosque hujusmodi, non in certa Civitate, sed modò hic, modò alibi degisse, est compertissimum. Prætorum plurium, qui, & Asiarchæ fuerunt nummi extant; Præturæ tamèn mûnus exercebant apud Pergamēnos, apud Yræpenos, apud Cyzicēnos, apud Sardianos, apud Smirnæos, alibi que, sic & Archierei, quorum plures videre est in Indicibus à Vaillantio Operi suo adjectis de Nummis à Populis Rom. Dit. græcæ loqu. percussis.

Nec

PARS PRIMA. 311

Nec liquet an unus, pluresve Syriarchæ, Asiarchæque eodem tempore essent. Plures Asiarchas fuisse utgere videtur locus Act. cap. 19. nu. 31. *τινὲς δὲ τῶν Ἀσιάρχων ὄντες φίλοι πρέσβευτες πρὸς αὐτὸν παρακάλουν μὴ δοῦναι ἑαυτὸν εἰς τὸ Διάτρον.* Quidam autem, de Asiarchis cùm essent amici ejus, miserunt ad illum, rogantes ne se in Theatrum daret. Certæ autem Civitatis Sacerdotem nullibi novimus illustriorem Antiocheno Alytarcha, licet & Pisis in Elide ejusdem nominis, & officii Virum, qui nempè ludis Olympicis præsideret, fuisse, notaverit Gothofredus ex Arundeliano lapide ad Codic. Theodos. libro 15. leg. 2. Ludos tamen hujusmodi Antiochiæ restitutos ex Johanne Malela advertit Eminentiss. Norisius Dissert. 3. de Epoch. Syromac. anno Æræ Antiochenæ CCLX. ab Afranio primo Alytarcha. *Hoc Sacerdotium*, inquit eruditissimus Cardinalis, *anno Æræ Antiochenorum CCLX. Antonino Caracalla imperante Antiochiæ primùm institutum fuit, quamvis Malela anno memorato Commodum perperam obtrudat.* Alytarcha itaque Antiochenæ Sedis fundandæ Petro præfuisse non potuit, qui nondùm creabatur. Verùm, quis credat Petrum ex Gentili-

lium superstitione Christiani Sacerdotii typum accepisse, qui à Gentilium moribus cibisque, Judæis lucrandis, aded abhorruit, ut Paulo reprehensibilis visus sit? Pudet in nugis hujusmodi confutandis, bonas horas terere.



PARS



PARS SECUNDA

De Italicarum Metropolùm Originibus.

I. **E**X diversa ratione, quam Petrum secutum diximus in Occidentis Ecclesiis fundandis, ab ea, qua in Oriente factum fuerat, vidimus in superioribus nullas ab initio Occidentalis Orbis Ecclesias Metropolitico jure gavisas, sed omnes unum Romanum Episcopum Metropolitam agnovisse. Ità factum est, ut vicinioribus Apostolis temporibus ab una Apostolica Romana Sede sanam traditionem, si quandò id res exigebat, exquirerent Occidentis Episcopi, qui sui ordinationis initia accepta eidem referentes, propiùs Oriente, totius Ecclesiæ vertici adnectebantur. Cùm autèm latè Christianum nomen diffusum est, & in postremas, dissitasque Occidentis Regiones propagatum, res eò devenit, ut quæ maximè ab Urbe distabant, difficilli-

cillimè semper cùm opus erat, auxilium, opemque, qua indigebant, reciperent. Inde intèr circumpositas Regionis, nonnullæ antiquiùs cæteris à Romana fundatæ Ecclesiæ, Apostolicæ haberi cæperunt, eoque nomine Primatus, seu Metropolitici nonnihil obtinere; ac id procedente tempore eò magis factum est, quòd Res christiana amplificaretur, novæque Ecclesiæ ab illis, qui Romæ missi fuerant Episcopis, fundarentur; quos immediatè, & ordinationis, & dubiorum causa, traditionis tanquàm immediatos fontes aspicerent. Ad suorum temporum disciplinam Tertullianus, de Apostolicis Ecclesiis agit in libro de Præscriptionibus, triplexque earum genus, pro diversa traditionis, quam foverent mensura, agnoscit. Primum earum Ecclesiarum est, quas cùm fundassent Apostoli, easdèm singularibus, favoribus, & Privilegiis auxerant, sua videlicet Cathedra, scriptis, lyptanis; *percurre*, inquit, *Apostolicas Ecclesias, apud quas ipsæ adhuc Cathedræ Apostolorum suis locis præsentantur, apud quas ipse authenticæ literæ eorum recitantur, sonantes vocem, & representantes faciem uniuscuiusque.* Et hæ quidèm antiquissimæ, celeberrimæque primæ Sedes habitæ sunt.

PARS SECUNDA. 315

sunt. Secundi generis illas laudat, quas licet, nec Cathedra, nec scriptis, nec martyrio suo consecrassent Apostoli, fundatas tamen eorundem opera, Episcoporum successio docebat. Tertio loco illas etiam Apostolicas dicit, quæ ex Apostolicis natæ erant, vel primi, vel secundi generis. *Apostoli, ait, primò per Judæam contestata fide in Jesum Christum, & Ecclesiis institutis, dehinc in Orbem profecti, eandem doctrinam ejusdem fidei nationibus promulgaverunt, & proinde Ecclesiam apud unamquamque Civitatem condiderunt, à quibus traducem fidei, & semina doctrinæ cæteræ exinde Ecclesiæ mutuata sunt, & quotidie mutantur, ut Ecclesiæ fiant, ac per hoc, & ipsæ Apostolicæ deputantur, ut Soboles Apostolicarum Ecclesiarum.* Secundi itaque generis Ecclesiæ, licet ab Apostolis fundatæ, ab initio tamen Matres minimè fuerunt, sed tunc demùm id illis honoris, & juris accessit, cum tertiæ exortæ sunt earundem soboles, quod factum suo tempore in Occidente, Tertullianus docet. Africana ceterè Ecclesia, quamvis post Apostolorum decessum à Romana fundata sit, antiquissima videtur Occidentis, quæ Sobolem genuerit; cumque nondùm Metropolim ratio habe-

rica-

ri captum esset, à nominum fastu abhorruit; quare, & deindè, cùm aliæ varios honoris titulos adoptavere, simplicissimo primarum, Sedium, & primorum Episcoporum nominibus contenta fuit, qui ordinationis habita ratione cæteris præminerent. Cartaginien-
 sis intèr Africanos Agrippinus Episcopus emicat, qui quadraginta circitèr annis antè Cyprianum floruit, & Synodum in rebaptizandorum causa coëgit. Cùm tamèn, ut dictum est, certò constet post Apostolicam, ætatem Africanam Ecclesiam fundatam, id juris, non ab Apostolis immediatè, sed à Romana Ecclesia accepisse, consequitur; ex qua missi, qui Gentes illas ad fidem converterent, multiplicatis Ecclesiis, constituerunt quandam disciplinæ Hierarchicæ formam, quæ subsecutis Agrippino temporibus, Provinciarum recentiori distinctioni, & regimini in nonnullis congrueret, in plerisque ab ea discordaret. Accessere etiàm, quæ in superioribus deductæ sunt causæ, sed & Orientalium disciplina, & utriusque Ecclesiæ consensus, ac Synodorum cogendorum occasiones potuere Occidentalibus primas Ecclesias cognoscendi, normæ loco esse. Lugdunensis, quæ primos Episcopos Asia-
 ticos

PARS SECUNDA. 317

ticos habuit antiquissima videtur, quæ Orientalis Ecclesiæ more, plures ejusdem Episcopi Parœcias agnosceret, quòd Paschatis controversias enarrans Eusebius indicasse visus est. An tamen per ea tempora plures illæ Parœciæ, plures haberent Episcopos, dubitant Viri docti; Eusebius, quippè, qui Palestinos, Ponticum, Romanumque pluribus Episcopis præfedissee ait, Lugdunensem non plurium Episcoporum, sed *ἑνὸς ἐπισκόπου* Episcopum laudat. Quare per ea Irænei tempora non plurium Episcoporum Metropolitam Lugdunensem, sed plurium Parœciarum Episcopum fuisse probari videtur Quænellio Dissert. V. cap. 11. & sequenti.

II. At nec vacat nec ob documentorum raritatem facillè fieri potest, ut omnium in Occidente Ecclesiarum, quæ recentiori Ævo Metropolitano jure gavisæ sunt, origines investigentur; incerta enim omnia, nec nisi dubiis conjecturis, quibus facillè ducuntur, qui singularum regionum res memoriæ, Posterisque mandant, propinanda. Italiæ proinde finibus oratio circumscribenda est, cujus potissimum gratia præsens Disceptatio est instituta. Porro quamvis ex usque modo deductis manifestò agnoscatur recentius

tius omninò in Occidente Metropolitanorum jus, quo singulis Provinciis Metropolita præfedit, nec Ecclesias fundantes Apostolos ad civilem Imperii Typum potuisse Ecclesias constituere; id tamèn quàm Italiam aspiciet ejusmodi argumentis, quæ minimè in controversiam vertantur, confirmare operæ præmium est, ut eruditos alias Viros, qui vel præconceptis opinionibus, vel studio partium ducti sunt, falli, certò certius appareat. Etenim si ob id plures intrà Italiam Metropoles admittuntur, quia plures in eadem, Provinciæ essent, quod placuit nonnullis eximiis, doctissimisque Viris, inter quos eminet, qui decem Metropolitas numerat, quia decem fuere Provinciæ illæ, quibus Urbicaria Diœcesis constabat; vel ex Vicariis Præfecti Prætorio Italiæ rem diffiniendam ducunt, quatenus sicut eorum unus Romæ degens decem Provincias moderabatur; alter Mediolani residens, reliquis septem Italiæ speciali nomine nuncupatis, jus dicebat, ità duos tantùm in omni Italia latiùs sumpta Metropolitanos agnoscunt; si vè præter hos Aquilejensem, & Ravenatem Metropolis ex Provincialium civili forma metiuntur; quandòquidem Imperii Typus,

& Pro-

PARS SECUNDA. 319

& Provinciarum Italiæ Constantiniana divisio, quibus ea omnia statuminantur, recentior est, nec Apostolorum ævo ullatenus nota, unum ex duobus fateantur necesse est; vel Apostolos aliam prorsus Ecclesiarum Italicarum formam, ab ea, quam ipsi assuerunt statuisse, vel si eam, quæ quarto obtinuit seculo, ab Apostolis fluxisse contendunt, eandem nullo modo à civili forma dependisse. In eam rem juvat Italiæ civilis facta, ob quæ per priora tria æræ Christianæ secula varias toto cœlo divisiones passa est, brevi sermone complecti; indè enim constabit nullam civilis formæ rationem habuisse Petrum, & recentiora esse Metropolitanorum Italicorum Jurâ, ex eò maximè quòd civili Imperii laterculo conformata prætenduntur.

III. Notum autem est Italiæ alios à natura, alios à Romano Jure fines tributos. Fines à natura datos describunt Polybius lib. 11. Strabo lib. 5. Jus Romanum alios, atquæ alios dedit, prout major, minorvè ejusdem Italiæ pars Jure Italico est ornata, reliqua in Provinciarum numero relicta. Hi etiam fines pro sua ætate Straboni indicati, ut paulò post dicam. Regio, quæ post Constantini

320 PARS SECUNDA.

tini ætatem ex parte illa, quæ trans Padum est, adjectis Venetis, & Istria, Rhetisque, Italiæ speciale nomen obtinuit, antiquis Italia minimè vocabatur, sed & transpadana, omnis, & cispadana, uno citerioris Galliæ vocabulo appellata est, & Provinciarum jure habita usquè ad Augustum. Ea proinde Prætorè regebatur in varios Conventus distincta, ut ex Cæsaris actis apparet, qui postremò *Conventibus peractis* Ravennæ substitit, ut suprà suo loco narravimus. Indè ab Augusti ævo, Strabone teste lib. 5. *ita obtinuit, ut usquè ad Alpium radices proferretur. Occupavit etiàm Liguriam, usquè ad Varum flumen; itèm Istriam usquè ad Polam; postremò enim, cùm Romani Italos in societatem Civitatis recepissent, placuit eodem honore Gallos quoquè dignari Cisalpinos, & ità Venetos, omnibusque paritèr, Italorum, ac Romanorum nomen tribuere.* Hinc apud Tacitum Hist. lib. 2. cap. 32. Suetonius Paulinus *Italiam transpadanam* agnoscit, quæ Veteribus transpadana Gallia dicebatur. Alpium autèm, radicibus non modò Strabo, sed & Polybius Italiam omnem finit. Cluverius lib. p. cap. 2. dubitat, an id fuerit satis curatè dictum, cùm Strabo ipse Italiæ fines ad Alpium *ἀπὸ* exten-

PARS SECUNDA: 321

extendat. At omnia curatissime sunt dicta, cum enim Straboni Alpium summa juga fines Italix dicuntur, de finibus, quos natura dedit agitur; cum Alpium earundem radices, fines à jure Romano tributi intelliguntur, propagato Italix nomine, Gallixque, Cisalpinæ Jure Italico communicato. Augustus enim regnans, qui ἄρκτος Alpium, Alpinosque, & Rhetos perdomuit, Alpes ipsas non Italix adjecit, sed in Provinciæ formam redegit, quod satis docet Dio lib. 54. & Plinius, qui de Alpinis seorsim ab Italia agit lib. 3. cap. 20. Istriam etiam ab Augusto Italix adjectam tradit Strabo; *Italiam*, ait, *usque ad Polam Istrium Oppidum*, qui nunc sunt *Principes perduxere*. Plinii autem ævo, cum antea Formio Italiam finiret, Arsia demum eidem in confinio fuit; *ultra Tergeste*, inquit, *sex millia passuum Formio Annis antiquus auctæ Italix terminus*, nunc verò *Istria* & post nonnulla; *Oppida Istria Civium Romanorum Ægida, Parentium, Colonia Pola, quæ nunc Pietas Julia*; *abest à Tergeste centum millia passus*. Mox *Oppidum Nesactium*, & nunc *finis Italix fluviis Arsia*. Ex quibus Sigonius de Jure Italix lib. 3. cap. 5. *Istria in potestatem reducta tandiu cum Illyrico Provincia*

cia fuit conjuncta, dum ab Imperatore Augusto Italia est attributa. Quæ quidem his, quæ in superioribus de veteris Illyrici finibus diximus, sunt adjicienda.

- IV. Augustus Italiam universam à freto Siculo usque ad Alpium radices enarratis finibus circumscriptam in XI. Regiones distribuit. Earum unaquæque quibus limitibus contineretur Plinius accuratè explicat lib. 3. cap. 5. Prima ubi Roma, Italiæ non modò, sed & totius Romani Orbis caput, extendebatur quàm Mari infero aluvitur à Tyberi, Surrentum usque; Transpadana Regio tota, mediterranea omnium postrema inter Liguriam, quæ IX. à Varo ad Macram, Venetias, & Istriam, quæ X. & VIII. Arimino, Pado, & Apennini jugo circumscriptam, Alpiumque radicibus finiebatur. Italiæ universæ Augustus idem, cum per civilia bella Romæ diutiùs consistere nequiret, Mæcenatem præficiens, Præfecti Urbis munus restituit. Tacitus Annal. lib. 6. cap. 11. *Cilnium Mæcenatem Equestris Ordinis, cunctis apud Romam, atque Italiam præposuit. Ità & Diol. lib. 49. Reliquas res, non Romæ modò, sed per Italiam totam isto, ac diù etiam sequenti tempore, C. Mæcenas Equestris dignitatis*
Vir

PARS SECUNDA. 323

Vir administravit. Pancirolus ad Notit. Imp. Occidentalis cap. 49. adjicit, singulis etiam Regionibus Prætores præfectum, at nec ejus rei testem ullum exhibet, nec explicat cujus Ordinis Prætores hujusmodi Italici eligerentur, qui Equestri Viro toti Italiæ præposito, parerent. Illud certum est communicato integræ Italiæ, ejusque Civitatibus, Municipiis, Oppidisque jure Romano, in singulis Decuriones fuisse, quorum Collegium Senatum Romanum imitabatur; Duumviri, locò Consulium erant. Romæ item illustrium Italiæ Urbium Curatores fuisse, veteres Lapides fidem faciunt. Pancirolus loco citato ex Spartiano vidit ab Hadriano nova Magistratuum Italicorum forma inventa, Italiam quatuor Consularibus regendam commissam, ex quorum numero Antoninus cognomento Pius, deinde Imperator, fuit. Ità Marcus, datis Juridicis, Italiæ consuluit ad exemplum, quo Hadrianus Consulares Viros reddere jura præceperat. Ità Spartianus. Adjicit Pancirolus; postmodum unus totius Italiæ Corrector usque ad Constantinum fuit. At unum Correctorem Italiam gubernasse antè Constantini ætatem non evincitur ex eo quòd Tetricus factus sit ab

Avreliano totius Italiæ Corrector; videtur enim id præter ordinem, & citrà consuetudinem factum. Præterea Trebellii Pollionis locus satis vexatus est, ut quæ Tetrico subji- cerentur Provinciæ intelligatur, præter eas quæ numerantur, clausula adjecta *omnisque annonariæ Regionis*, qua de re videndi Sal- masius, & Sirmundus. At cùm de Taciti electione Vopiscus agit, videmus in Italia ciminuisse *Mediolanenses, & Aquilejenses*, quibus à Senatu de ea rescriptæ sunt Literæ, sicuti, & ad Curiam Carthaginiensem, & Trevirensē; undè apparet jam tùm in Im- perii politia Mediolanum, & Aquilejam præcipuo loco fuisse. Constantinus tandèm in quatuor Præfectos Prætorio, Romani Or- bis Magistratibus Imperii divisis, ut Zosi- mus tradit Hist. lib. 2. *eorum tertio totam Ita- liam, & Siciliam, & circumiacentes Insulas, itèmqùè Sardiniam, & Corsicam, & Afri- cam à Syrtibus Cyrenem usquè, commisit*, is- que Præfectus Prætorio Italiæ dictus est. Cùm autem per duos Præfecti hujusmodi Vicarios Italia univèrsa regeretur, & alter Romæ degens Vicarius Urbis, alter Medio- lani residens Vicarius Italiæ diceretur, ob- tinuit, ut quæ Vicario huic subjicebantur

Pro-

PARS SECUNDA. 325

Provinciæ, speciali Italiæ nomine venirent. At de variis hujus vocis acceptionibus nonnulla paulò infrà adjicienda erunt.

- V. Incredibiles itaque rerum vices, quas forma civilis regiminis Italici passa est ab Augusti ævo ad Constantini ætatem, evidentè ostendunt lubrico quàm maximè fundamento niti Scriptores illos, qui ex eo rerum Typo, qui per Italiam antiquissimæ dùm colligebantur Ecclesiæ, obtinuit, trahere nituntur, Metropolitanorum eorum Systema, qui quarto, quintove Æræ Christianæ seculo in Italia floruerunt; at rem incertissimam moliri illos, qui quòd in recentiori Laterculo plures in Diœcesi Vicarii Urbis Provincias vident, ab antiquissimis Apostolorum temporibus totidè Ecclesiasticas Metropoles fuisse asseverant. Verùm sed nec ipsa recentius inducta Provinciarum Italiæ duplici Vicario subjeotarum, forma, cognoscendæ recentiori Ecclesiasticæ disciplinæ subsidio esse potest, cùm cogantur ab ea in plerisque dissentiri, qui ob id Episcopo Mediolanensi septem Provincias subjiciunt, quòd totidè Italiæ Vicario parerent. Quot enim, quantisque in capitibus Ecclesiasticum, & civile invicèdè di-

X 3 stant,

326 PARS SECUNDA.

stant, nec comparationi locus est? Etenim illi, qui in Provinciis Urbis Vicario subditis, ex eo Metropolitae agnoscunt, quod illarum Consularibus, Correctoribus, Praesidibusve subjectarum rectarumque, & quod certa in Provinciae cujuslibet Urbe, cui uti Metropoli reliquum concreditum esset, residerent, æque ob eandem rationem, & septem Provinciarum Italiae Vicario subiectarum Metropolitanos agnoscere deberent, & ita Mediolanensem Episcopum non Metropolitanum, sed Diocesis Exarchum, quod tamen nemo dabit. Sed illud etiam difficillimè explicabitur, cur placuerit ad Vicariorum rationem Metropolitanos Italiae distinguere, id autem reliquum in Orbe minimè sit observatum: cumque tot alia civilis Typus Jurisdictionis discrimina ferret, eorum nulla habita sit ratio in Ecclesiarum Hierarchia. Ità plures Provinciae eidem Episcopo parere debuissent; contra assertam hypotheseos, qua cuique Provinciae suus Metropolita tribuitur; cum in civili Italiae Typo uni Praefecto paruisse, constet. Sic Apulia, & Calabria Correctori uni, Brutii, & Lucani alteri, Venetia, & Istria, Flaminia, & Picenum annonarium, Tu-

PARS SECUNDA. 327

Tuscia, & Umbria annonariæ, singulos Consulares agnoverunt. Earum etiã nonnullæ, modò suos, modò alterius Provinciæ Rectores habuerunt, sic Tusciæ, & Umbriæ unus Consularis, qui antea Corrector ex l. 5. Cod. Theodof. de Denunt. & edit. Rescript. At Tusciam solam Corrector unus, vel Consularis, Juliano imperante, rexit l. 6. Cod. ejusdein de Numerar. Sic & sequentium Augustorum ævo, usquè ad Valentianum secundum, Theodosiumque, post quos Tuscia denuò Umbriæ accessit. Sic & unus Consularis Æmiliam, & Flaminiam quandòquerexit, aliquandò verò duo, quod Æmiliæ, & Liguriæ evenisse docemur l. 2. Codicis laudati de extraordin. seu ordin. muneribus. Appellationum etiã causa mutatos Vicariorum fines aliundè patet; observavit enim Gothofredus ad l. 9. de Extraord. Codicis Theodof. Constantium circa annum 357. novam Italiæ regionum designationem fecisse, earum scilicet, ex quibus ad Præfectum Prætorio deinceps appellari vellet, & earum, ex quibus ad Præfectum Urbis, cum hæc tenus ex omnibus Italiæ regionibus Præfectus Urbis eas sibi vindicaret. Undè elicit ortam Urbicariarum Regionum appellationem,

quarum antiquissima ea est, quæ fit in laudata Lege data VII. Kal. Martias anni 359. uno tantum Mense antè l. i. de Calcis Coctorib. V. R., ex qua agnoscitur Urbicariarum nomine quatuor regiones intelligi, quæ sub dispositione Præfecti Urbis fuerunt. Indè itaque effectum, ut nova Italiæ divisio emergerit, quæ Jus Præfectorum Prætorio, & Urbi, appellationes spectabat, quatenus post annum prædictum 357. cæperit appellationum Jus in tota Italia, ea videlicet regione, quæ extrà centesimum ab Urbe milliarium quaquà versum extendebatur, ad Præfectum Prætorio spectare, intrà verò centesimum, ad Præfectum Urbi, undè urbicariarum regionum appellatio. Notari autem meretur antè eam legem datam, qua appellationum Jus Præfecto Urbis competens circumscribitur, ad Præfectum eundem appellatum fuisse, non modò ex Sardinia, Sicilia, Campania, Calabria, Brutiis, Piceno, sed & ex Æmilia, Venetia, & cæteris ex Regionibus videlicet ad Italiæ Vicarium spectantibus. Què itaque factum est, ut antè eam Legem appellationum Juri, quò Præfectus Urbi fruebatur, minimè conformata fuerit Romani Episcopi Jurisdictio, sed potius illi, quo præ-

PARS SECUNDA. 329

præerat certis Regionibus Vicarius Urbis? Rursus quomodo antè annum prædictum potuit Romanus Episcopus solis Urbicariis, intrà centesimum videlicet positis regionibus, præesse, si Italiæ, & Urbicariarum hujusmodi distinctio ex ea, de appellationibus, Lege, emerferit?

VI. Italiæ autem appellatio multiplex admodum est, etiam per ea tempora, quæ Nicænæ Synodo, & Constantino successere. Omnium amplissima illa fuit, qua Italia, veterum, more Provinciis opponitur, seu ad veteris moris similitudinem, à cæteris Provinciis separatur; ita in Cod. Theodos. l. 13. de accusat. l. 2. de integri restit. Eodem sensu Italia, & Alpes distinguuntur l. 1. de Defensoribus. Sic & Italiæ nomine, non modò Continens totum ab Alpibus ad Siculum fretum, sed & Siciliam ipsam intellectam, constat ex allata l. 9. de extraord. celebri apud doctos Viros in Urbicariarum, seu Suburbicariarum regionum, controversia. Eo sensu Italia nominatur, cum Italiæ Provinciæ dicuntur, vel indicantur Campania, Tusciam, Picenum, Samnium, Apulia, Calabria, Brutii, & Lucania, uti l. 7. de Indulgent. debet. sed & Urbicariæ, vel Suburbicariæ Italiæ

330 PARS SECUNDA.

liaz nomine veniunt l. supralaudata 9. de extraordin. similiter l. 3. de Accusationibus, & Inscript. Judices, qui in fine distinguuntur, videlicet Præfectus Sedis Urbanæ, & Judices suburbanarum Provinciarum, ac Præsides, Correctores, Consularesque, & Vicarii, in principio indistinctæ dicuntur Judices intra Italiam. Eodem referri debet, quod Præfectus Prætorio ex quatuor alter, Italiae diceretur, eo enim nomine pro eo quod Italiam pertinet, omnes Regiones veniunt Jurisdictioni utriusque Vicarii parentes, quod ex notitia Provinciæ Italiae agnosci potest, ubi decem, & septem dicuntur esse sub dispositione Præfecto Prætorio Italiae. Contractior ejusdem nominis significatio ea est, qua Regiones Præfecti Urbis subjectæ, intraque centesimum sitæ à reliquis distinguuntur, ut in plerisque allatis Legibus, aliisque Gothofredo numeratis in Indice Topographico, suisque aptè locis in lucubrationibus ad Cod. Theodos. Contractissima demum ea est, qua septem illæ Provinciæ Vicario Italiae subditæ, à decem reliquis Vicario Urbis adscriptis distinguuntur, cujus acceptionis exempla afferre, esset in re clarissima supervacuo labore Lectorem fatigare,

Ave-

PARS SECUNDA: 331

A veritatis linea itaque abit, qui constantè,
 & ubique Italiæ vocabulo, apud quarti,
 quintive Seculi Scriptores lecto, Provincias
 illas tantum intelligi debere contendit, quæ
 Vicario Italiæ subiciebantur, & fallax omni-
 nò Ecclesiasticorum monumentorum intel-
 lectum atsequendi regula illa est, quoties de
 Synodo Italica, de Italiæ Episcopis, vel de
 Italicis Ecclesiis, verbum incidit, strictissi-
 ma significatione ad Regiones Vicario Ita-
 liæ spectantes hæc coarctare. Noli enim nisi
 ampliori Italiæ, notione exempli causa, intel-
 ligere illa, quæ communi calculo contractis-
 sima intelliguntur, desumpta ex latina Sardi-
 censis Concilii Epistola, quæ inter Hilarii
 fragmenta legitur, ubi hæc ad Julium Ro-
 manum Pontificem scribuntur. *Tua autem
 excellens prudentia disponere debet, ut per tua
 scripta qui in Sicilia, qui in Sardinia, qui in
 Italia sunt, Fratres nostri, quæ acta sunt, & quæ
 diffinita cognoscant.* Episcoporum omnium
 ratio hic habita est, quos de diffinitis in Sy-
 nodo monitos volunt Patres, non modò in-
 trà Vicarii Italiæ fines, sed in tota Italia de-
 gentes, quam ab Insulis Sicilia, Sardiniaque
 distinguunt; aliàs cur Episcopi Campaniæ,
 puta, Valeriæ, Umbriæ, cæterique quorum
 plures

plures Synodo minimè interfuerant præteriri debuissent, nullam rationabilem causam afferat quispiam. Diversa itaque acceptio in Synodica hujusmodi Italiæ nomen accipitur, ac in ejusdem Sardicensis Concilii subscriptionibus. Illa amplior; hæc contractissima. Ineptè etiam de Italiæ Vicario subditis regionibus intelligas, quæ Constantino adscribuntur ab Eusebio, de ejus Augusti Vita lib. 3. cap. 19. quæque ad Paschatis celebrationem spectant; *idcirco id æquum, rectumque omnes judicaverunt, quod & vobis placitum esse spondi, ut scilicet quod in Urbe Roma, perque omnem Italiam, Africam Ægyptum, &c. concordi sententia observatur, id vestra quoque prudentia libentibus animis amplectatur*; qui enim Ægypti nomine, non solam Ægyptum, sed Lybiam etiam, Thebaidemque, cæterasque Præfecto Augustali subiectas Provincias, intelligimus, cur Italiæ omnis vocabulo, solas Vicario Italiæ subditas Regiones intelligamus? Frequens fateor Italiæ contractior acceptio est apud Athanasium, illique Synchronos Ecclesiasticos Scriptores; at illud ex præallatis contendo, minimè exindè effici, ut reliquo Italiæ Tractui suum nomen perierit; sicuti nec
cùm

PARS SECUNDA: 333

cùm civili Vicariorum Systemati Athanasii, aliorumve sermo conformatur, elici posse, eodem modo Ecclesiarum Hierarchiam dispositam fuisse. Contrarium huic evincitur ex eo quòd Libr. de Synod. Arimini, & Seleuciæ ad Orthodoxos, laudatur *Ariminum, quæ Urbs Italiæ*, quippè ad Picenum, annonarium spectans, cujus tamèn Episcopus Romanum Metropolitam agnovit, ut scitissimè notavit Eminentissimus Norisius Dissert. de V. Synodo cap. 10. Ità alibi Capua civili methodo Campaniæ Metropolis dicitur, cum Metropolis Ecclesiastica minimè esset; nec enim Campaniæ Episcopi alio jure fruebantur, quàm Lucani, Brutii, Siculique, quos *sinè præcepto Sedis Apostolicæ factas Ecclesias, vel Oratoria sacrare* legitimè haud potuisse indicat Gelasius Ep. 9. Ubi licèt doctissimus Vir Apostolicæ Sedis nomine Metropolitanam Ecclesiam intelligendam contendat, non diffitetur tamèn neminem præter Romanum Pontificem per ea tempora, eaque Italiæ parte, Metropolitanano jure gavissum.

VII. Verùm, ut ad Italiæ nomen, ejusdemque acceptionem regrediar, cùm ex Constantiniana Imperii divisione evenierit, ut Region-

nes

334 PARS SECUNDA.

nes Vicario alteri parentes, Italiæ speciali nomine sæpiùs significarentur, nequit fieri, ut antè divisionem, & Vicarii duplicis institutionem, Italiæ vocabulum aliud significaverit, quàm integrum illud spatium, quod à Siculo freto ad Alpium radices expanditur. Mirum proindè eximios Viros, & de Ecclesiastica re benemeritos esse, qui antè Constantini tempora id ipsum obtinuisse, contendunt, ut scilicèt cùm in Veterum monumentis, Italiæ nomen legunt, pars illa Italiæ intelligatur, quæ Romana Republica superstite, Gallia Cisalpina dicebatur, antequàm videlicèt, & hæc Italico Jure donata, Italiæ etiam nomen assumpserit. Loca certè, quæ ex profanis Scriptoribus proferuntur id solum probant, quod Galliæ hujusmodi Italico Jure communicato, nomen etiam Italiæ eidem communicatum sit. Ità universa Italia, quandoquè discreta videtur in CIs, & Transpadanam, licèt Traspadanæ solum occurrat mentio, uti apud Tacitum loco in superioribus citato, Cispadanæ nunquàm. Verumtamèn quòd transpadanæ Regionès alicubi Italia Transpadana dicantur, non efficit, ut eadem peculiari nomine, Italia sint dictæ. Fateor equidèm videri à non-

PARS SECUNDA. 335

nonnullis quarti quintique seculi Patribus, & Ecclesiasticis Scriptoribus, eo sensu præcedentium loca quædam intellecta, ut Regionibus hujusmodi Italiæ nomine, à Romana Diœcesi distinguant; at id ex suorum temporum Typo, & vigente eisdem temporibus praxi, creditum, non quòd veritati congruerit, arbitror. Res illustri exemplo est explicanda. Locus est apud Eusebium, Hist. lib. 6. cap. 41. ubi Novati causa narratur, quique plures in transversum egit, fecitque, ut Mediolanensis Episcopi jura antiquiora asserta sint, quàm re ipsa fuerint, hic describendus; *ob quam rem*, inquit Eusebius, *cùm Romæ congregata esset Synodus, in qua sexaginta quidè Episcopi, Presbyteri verò, ac Diaconi multò plures convenerunt: cùmque in Provinciis Antistites quid agendum esset seorsim consultassent, hujusmodi Decretum cunctis promulgatum, &c. & paulò infra; extant adhuc Epistola Cornelii Romanorum Episcopi ad Fabium Antiochenis Ecclesiæ Præsulem missæ, in quibus, & Romanæ Synodi gesta, & omnium per Italiam, & Africam, aliasque locorum illorum Provincias, sententiæ declarantur. Aliæ præterea latino Sermone conscriptæ extant Epistola Cypriani, & aliorum Antistitum,*

tum, qui cum ipso in Africa congregati sunt. Epistolæ autem Cornelii ad Fabium Antiochensem de Novatiani facinoribus tenore exhibito, his caput claudit; Sub finem autem Epistolæ numerum recenset Episcoporum, qui in Urbem Romam convenientes amentiam Novati condempnaverant, nomina quoque illorum, & quam quisque regebat Ecclesiam adscribens; eorum item, qui Romæ quidem minime adfuerant, superiorum tamen Episcoporum sententiam literis suis approbaverant, vocabula simul, & Civitates, undè singuli literas dederant, accuratè commemorat. Ex toto Eusebii contextu luce meridiana clariùs apparet, unam tantumodò Synodum, Romanam videlicèt, ex omni Italia collectam; vota verò singulorum Episcoporum, qui ad Synodum Romam venire nequiverant, non in Synodo à Romana diversa uno Decreto edita, sed per diversas Epistolas collata. Cornelius etenim non Synodos plures in fine Epistolæ laudavit, sed singulorum Episcoporum nomina, & Civitatem, undè literas dederant, adnotavit. His tamen non obstantibus cùm Hieronymi ævo Italiæ nomine pàssim septem Provinciæ illæ intellexerentur, quæ Vicario Italiæ subdebantur, cùm-

cùmque ob id Eusebium ea, quæ sua ætate
vigeat rerum forma, explicaret; Synodum
Italix habitam in Causa Novatiani à Ro-
mana diversam lib. de Script. Ecclesiast. in
Cornelio, vel credidit, vel credidisse visus
est, ubi hæc habet; *Cornelius scripsit Episto-
lam ad Flavianum Antiochenæ Ecclesiæ Epi-
scopum de Synodo Romana, Italica, & Afri-
cana.* Africanam sub Cypriano expressè
celebratam tradit Eusebius, Italicam à Ro-
mana diversam haud agnovit. Doctus pro-
inde Vir Pearsonius in Annalibus Cypria-
nicis ad annum Domini 251. num. 13. post-
quàm vidit Episcopos absentes per literas
seorsim missas, quid sentirent expressisse, de
Synodo ea Italica non liquere, satis ostendit;
undè, ait, *Concilium Italicum ex Hieronymo
constitutum est, an rectè dubito.*

VIII. Porro Italix contractissima illa acce-
ptio, qua Mediolanensis Ecclesiastica Me-
tropolis, & Synodus illa Italica statumina-
tur, insolens omninò per ea Concilii temp-
ora extitit. Celeberrimi Jurisconsulti, qui
pavò antè ætatem eam scripsere, nunquàm
Italix voce utuntur, nisi ea significatione,
qua integram illam Evropæ partem intelli-
gunt, quæ antiquo more à Provinciis distin-

Y

gue.

338 PARS SECUNDA.

guebatur. Ulpianus *l. omnia ff. de Officio Præfecti Urbis*, hujus Jurisdictionem extendi ait *extrà Urbem intrà Italiam* allegans Severi ad Fabium Cilonem Epistolam, ac paulò post Jurisdictionem hujusmodi intrà centesimum coarctat. Quidquid sit de repugnantia, qua hæc laborare existimantur, certum puto, Regiones intrà centesimum Italiæ nomine venire, & Ulpiano idem esse intrà centesimum, ac intrà Italiam Jus dicere. In Italia esse, & Reipublicæ causa abesse, opponuntur apud Julianum, & Africanum *l. si quis Titio & l. si quis stipulatus ff. ex quibus causis majores*. Ità Italia, & Provinciæ eodem sensu opponuntur Ulpiano *l. Heres absens ff. de Judiciis §. illud sciendum*. Papinianus ait qui Legationis causa Romam venit (ex Provinciis utque) ex qualibet causa fidejubere posse, *cùm sit in Italia contractum l. cùm furiosus ff. de Judiciis*. At longum nimis esset loca omnia afferre, ex quibus liquet Italiæ Vocabulum, quatenus Regiones Constantiniano Italiæ Vicario parentes significat, antè ejusdem Vicarii institutionem minimè obtinuisse. Illud omitti nequit, haud potuisse Cornelii Pontificis ævo Synodum Italicam à Metropolitana Me-

PARS SECUNDA. 339

Mediolanensi cogi; etenim per ea tempora, anno videlicet 251. vel, ut Baronius, alii que 252. vel 253. difficillimum est Episcopum Mediolanensem invenire, qui Metropolitani agens, Synodo hujusmodi præfedit. Nisi enim quinque priorum Mediolani Episcoporum vita plus justo producat, nequit fieri, ut priorum seculorum successio immediata absque interpontificiis diuturnioribus habeatur. Horum autem longius illud est, quod admitti debet inter Monam, quem decessisse ajunt anno 246., & Materni initia, quamvis is sub Decio sedere cepisse credatur, & usque ad Diocletiani tempora perdurasse. Episcoporum, porro Mediolanensium Catalogi varii admodum, ac inconstantes sunt, sed & eorum nonnulli Monæ Myroclæ subdunt, quem sedisse tradunt Annis XXII. Materno, quem successorem Myroclis constituunt annos Episcopatus XII. tribuunt. Doctissimus Vir Papebrochius in Tabula Chronologica Mediolanensium Episcoporum, licet Monæ Maternum successorem statuatur, admittit vacantis Sedis annos XXXVI. ab anno 246. quo Monam obiisse tradit ad annum 282. quo Maternum ordinatum exhibit,

bet, nec ipsi commodior Chronologiæ Mediolanensium Episcoporum ordinandæ via. Ipse curatissimè sanè, verissimèquè ad diem 19. Junii de Sanctis Gervasio, & Protasio agens in Comment. §.4. n.52. probans, quod in Actis S. Syri, aliàs suspectæ fidei, narratur de Ecclesiæ Mediolanensis Clero ordinato à S. Syro unico ab initio fortassis apud Insulæ Episcopo, hæc de prioribus Mediolani Episcopis habet. *Neque enim, inquit, ea Chronologia, quæ integros 153. annos partitur in tres duntaxat Episcopos Castritianum, Calimerum, & Monam sic placere potest, ut non semper verear, ne id gratis sit factum ad explendum hiatum semel iterumquè vacantis diu Sedis. Certè in præfatis qualibuscumque Actis, cum de Sanctorum captivitate, aut sepultura agitur nulla sit mentio alicujus Episcopi, qui tempore Antonini ac Veri debuisset Calimerus fuisse, ideòque inter hunc, & S. Castritianum melius dicetur vacasse ad plures annos Sedes. Calimerus Hadriano imperante sedere cepit si D. Faustini, & Jovitæ Actis fides sit adhibenda, de qua re pavlò post. In tanta autem rerum obscuritate, ac in tanta certitudine diuturniorum hiatuum in Episcoporum Mediolanensium serie, sed & in*
evi-

PARS PRIMA. 341

evidenti prostanteque Italix politicæ vario Typo, quo certò certiùs agnoscimus Vicarii Italix in septem Provincias Jus, ex quo Italix nomen contraxissimè acceptum fluxit, nonnisi post Constantini Ætatem capisse, quò fieri potuit, ut ex illius Jurisdictionis forma, antè Constantini ætatem Episcopi Mediolanensis Metropoliticum jus emerferit, & Italica Synodus à Romana diversa haberi potuerit?

IX. Qui iraque ab initio Mediolanum Italix Metropolim faciunt, Italianve angustioribus finibus contrahunt, antiqua, novaque miscere certum est; quique à D. Barnabæ prædicatione, qui Ecclesiam illam fundaverit, id juris deducunt, ajunt quidè, quod Recentiorum plurimis placet, sed sinè Veterum testimonio loquuntur, quandoquidè, nil de ea re, quæ tanto consensu Posterioribus est asserta, invenire est in Ecclesiasticis documentis, quæ usquè ad octavi Seculi tempora sunt conscripta. Celeberrimus Historiæ Ecclesiasticæ Parens, qui Hippoliti Martyris Libello de 72. Discipulis credendum censuit in notis ad Martyrologium 11. Junii, & complurium Recentiorum multitudine potiùs, quàm auctoritate

ductus, ad annum 51. scribere non dubitavit, eaq, quæ circumferuntur de prædicatione in Liguria Evangelio per Barnabam, & fundata nobilissima Mediolanense Ecclesia *fide certa, atque indubitata* constare. At norunt eruditi Hippolito adscriptum Libellum, æquæ ac Dorothei nomine inscripta, inter fabulosa, & supposititia referri debere, quæ proinde, quamvis eisdem fidem plures adhibuerint, nil efficiunt. Inter Ecclesiæ Mediolanensis monumenta Barnabam ejus Auctorem probaret Epigraphes, quam Fonti Eustorgiano adscriptam dicunt, si de ea legitimè constaret. Sed nec illud certum esset, Protasii nomen Epigraphi insertum Episcopi esse, qui decimo loco in Catalogis laudatur. Epigraphem ipsam lubet subjicere.

*Hunc Fontem tibi dedicat, atque Deo super undis
Consecrat impositam, famulus Protasius aram,
Qua Ticina Silex, & Martia Porta beate
Barnaba, te Ligures adventum nuper in oras
Audiit orantem, cætus & ritè lavantem.*

Recentiorem verò stribiliginem sonat altera Inscriptio, quam Baronius, uti ab antiquissimo Episcopo Myrocle positam exhibet, laudatque ex Manuscripto Commentario An-

PARS SECUNDA. 343

Andræ Alciati, de rebus patriis inscripto,
quæ est hujusmodi.

*D. Ananathaloni Attigo secundo Episcopo
Petri hospes, Sanctæque Anathalon Domne probate,
Atque idem Socius Barnabæ Apostolici,
Qui Mediolani Verbi Mysteria tradens
Te jubet agnatos visere Cenomanos;
Dum tua membra metu rigidis subducta Tyrannis
Brixia vicino detinet in loculo:
Hic titulum, & picto venerando pariete vultus
Myroclis reddit, præstitit alma fides
Myrocles Episcopus.*

Stylum, & corruptæ latinitatis, notas ad recentiora Secula referendas, quis non videat? Ei traditioni nullo modo profunt Acta S. Syri Ticinensis Episcopi, quæ licet circa Pauli Diaconi tempora conscripta, nil de Barnabæ in eas Liguriæ, vel Insu briæ regiones, adventu habent, sed omnia Mediolani ordinata, Clerumque dispositum dicunt S. Syri cura. Notabilia sunt, & Eruditis, olim in hanc rem perspecta summi Viri D. Ambrosii, ea quæ in concione adversus Auxentium scripta leguntur; *absit, ut tradam hereditatem Patrum, hoc est hereditatem Dionysii, qui in exilio in causa fidei defunctus est, hereditatem Eustorgii Confessoris, hereditatem Myroclis, atque retrò fidelium Episcoporum*

rum. Prodigio simile est, quod & Barnabæ hæreditatem non dixerit, quem Recentiores Ecclesiæ Fundatorem laudant, sed nec de Barnaba, tanquam Ecclesiæ, ac Metropolis Mediolanensis primo Episcopo, verbum habeat Ambrosius, qui diversis in locis eundem Barnabam laudat. At quid de ea re, ac de Mediolanensis Ecclesiæ initiis statuendum, si Actis Sanctorum Faustini, & Jovitæ fidem adhibeamus? Narratur, quod Calimeri cujusdam fidem *Beati Martyres explorantes, permissi à Custodibus petierunt à Romano Pontifice, qui eodem tempore occultus ad Catacumbas morabatur, ut Calimero Episcoporum honorem traderet, eumque ad Mediolanensem Populum, qui in Christo crediderat, confortandum dirigeret; quod & factum est.* Passi dicuntur Sancti Martyres Hadriano imperante. At de his plura videnda apud doctissimos Socios Bollandianos ad diem 9. Junii.

- X. His ita stantibus, si veritatem amamus, res cò deducitur, ut incerta omninò ea sint, quæ tanto consensu de fundata per Barnabam Mediolanensi Ecclesia, circumferuntur; & statuendum, nullo modo, quod inde eliciunt plures, ex talibus initiis Ecclesiæ ejusdem.

Me-

PARS SECUNDA. 345

Metropolitica jura deduci posse. Mihi aptius ad priorum Christianorum ingenium, concludendum videtur, primum Mediolanensem Episcopum, (sive ille Calimerus fuerit, sive Anathalon) à Romano Episcopo ordinatum, missumque. Ità ab initio nullum ibi Metropolitici Juris vestigium, sicut nec alibi per Occidentem. Paulatim licet extrà Italiæ fines tempore procedente, & Ordinationum, & Synodorum Provincialium jura agnosci cæperint, Italiam tamèn universam sentio unum Romanum Pontificem Ordinatorem, & Synodi unius Præsidem agnovisse. Circà quarti Seculi dimidium conformari cæpit Vicariorum civili politiæ Ecclesiastica Italiæ Disciplina, & quamvis apud Romanum Episcopum horum ordinandorum Jus perseveraverit, emerere tamèn Metropolitæ plures, intèr quos Vicarii Italiæ causa, qui Mediolani degebat, eminere cæpit ejus Urbis Episcopus, qui ordinandorum Italiæ contractiori acceptione sic dictæ, Episcoporum, & Synodi suæ cogendæ, jus haberet. Metropolitani autem Juris per Regionem Vicario Italiæ subditas certa inditia antè D. Ambrosii tempora, vix invenire est.

Quæ S. Maxi-
mo

mo Tavrinenſi narrantur de Dionyſio Mediolanenſi Arianorum Chirographo ſubſcribente, ac de Eusebii Vercellenſis ſtrategmate, quo Arianos eluſit, licet minimè probent, quod Rubeus in Ravennate Hiſtoria contendit, Vercellarum videlicet Epiſcopum per ea tempora Tranſpadanæ Italiæ, & Liguriæ Metropolitam fuiſſe, ſed ad ætatis prærogativam, qua Eusebius Dionyſio anteibat referenda ſint; ſufficiunt tamèn, ut agnoſcamus eorum neutrum in alterum Metropolitani jura exercuiſſe; Ariani enim Eusebio eo nomine ſubſcribere neganti, quòd Dionyſius antè ſe ſubſcripiſſet, repoſuiſſent, id ſe meritò feciſſe, quòd Dionyſius Metropoliſta Vercellenſi ſuffraganeo præferri debuit. Sola itaque Ætatis prærogativa in hiſ obſervabatur, qua ab Arianiſ neglecta, Eusebius artiſ ejus, qua Dionyſii, qui ſubſcripſerat, ſubſcriptio reſcinderetur, occaſionem arripuit. Ariani verò priorem, Dionyſium ſubſcribere non ob id curarunt, quod Metropoliſta eſſet, ſed quòd id ab eo potiùs, quàm ab Eusebio obtineri poſſe cognoverant. Auxentio Ariano Mediolanenſi Sedi incubante, latè Hæreſis virus per Italiam, Diœceſum videlicet Vicarii Italiæ, ſerpit,

PARS SECUNDA. 347

serpit, & circumpositos Episcopos à Catholica Romanaque communione avulsos, occasione data, & suos pseudoconventus celebrasse, & ab Auxentio ordinatos fuisse, verisimillimum, immò penè certum fit. Ambrosius Dei providentia ex Insubriæ, Liguriæque Præfecto, Episcopus creatus, Regionem omnem ad sanam Doctrinam reduxit, & uti Hieronymus in Chronico scripsit ad annum Gratiani XI. *post Auxentii seram mortem, Mediolani Ambrosio Episcopo constituto, omnis ad fidem rectam Italia convertitur.* De subacta Hæresi ipse in Commentariis in Lucam lib. 9. cap. 20. eo ferè anno conscriptis, his sibi gratulatur; *Dissensionum omnium procella deferbuit: cuncti secularis cupiditatis ardores, æstusque omnes, quibus Italiæ Populus per Judaicæ olim Arianae proxima sevitatis incendia coquebatur, sereno jam spiramine temperatur.* Hinc novi Episcopi per Ambrosium ordinati, quæque per Hæresim distractæ fuerant Ecclesiæ, veræ, sinceræque Fidei prædicatione, Romano Episcopo uti par est credere annuente, ab eodem Mediolanensi Episcopo sanam traditionem habire ceperunt, ac per eum, tanquàm per Metropolitam Ecclesiæ vertici rursus annecti.

Ex

Ex eisdem etiã causis potuit Aquilejensis Metropolitæ Jus cæpisse, quod tamèn obscuriùs ex eorum temporum monumentis eruitur. Certè Auxentio vivente, Valerianus Aquilejensis Episcopus Catholicam rem tuebatur, seditque cum Damafo in Romano Concilio, cujus Synodicam servavit Sozomenus lib. 6. cap. 23. Vindicatos fortassis à Valeriano ab Ariana Auxentii hæresi Venetos, Istrosque, jure credamus, undè Metropolis ejus primordia, quæ his antiquiora nemo legitimis documentis ostendet. De Ravennati Ecclesia seorsim agendum est.

XI. Ob hæc Magnorum Virorum placitis accedere nequeo, quorum ea mens est, antiquissimis quidèm temporibus unicuique, per omnem Italiam Provinciæ suam Metropolitam, suamque Synodum fuisse, ac in primis Regionum earum tractui, quæ Vicariis constitutis speciali Italiæ nomine veniebant; at Avreliano imperante, cùm antea Italiæ Episcopi seorsim convenirent, Synodum ex Romana, & Italica permixtam convenire cæpisse, Pauli Samosatani ab Ecclesiæ Domo excedere recusantis, occasione, cùm Avrelianus de ea re interpellatus præcepit,

PARS SECUNDA. 349

cepit, ut *Domus Ecclesiæ illis tribueretur, quibus Christiani Italiæ, & Urbis Romæ Episcopi per literas tribuendam præscriberent. Ex Eusebio Hist. lib. 7. cap. 24. Ità tùm id ab Avreliano imperatum occasione unius Causæ fuisset, præjudicio suo Synodum ex Romana, & Italica permixtam constituit antè Nicæni Concilii tempora*, ait insignis, magnique nominis Scriptor; cujus proindè ea mens est, ut pleniori jure Metropolitanis frueretur Mediolanensis Episcopus antè Avreliani tempora, quàm post, Synodumque Italicam à Romana diversam satis probatam arbitratur ex uno Hieronymi loco in superioribus expenso, de Synodis in Novatiani Causa Cornelii tempore habitis. Agnoscit equidèm ab ipsa nascentis Ecclesiæ origine Episcopos earum Italiæ regionum, quæ postmodùm Urbis Vicario parvire, non modò in Urbis Synodo convenisse, sed & à Romano Episcopo ordinatos; at nihilominùs, & eas Provincias, suos Metropolitanos habuisse ait, qui & ipsi id non obstante à Romano Episcopo ordinentur; etenim, inquit, *cuique Provincia suos præesse debet Metropolitanus. Rem aliàs diffiniendam censet alter insignis, & doctissimus Auctor, qui ad Epist. 16. Magni Leonis*

350 PARS SECUNDA.

nis, hæc mihi transcribenda habet; *Controvertitur*, inquit, *intèr Eruditos*, *utrùm in Regionibus Urbicariis* (omnes intelligit Romano Metropolitæ subiectas) *singula Provincia* suos haberent *Metropolitæ*, à quibus ipsæ *regerentur*, *consecrarentur Episcopi Provinciales*, *congregarentur Synodi*, & *alia Metropolitica jura implerentur*. Plurimi affirmant, negant nonnulli. *Metropolitanos quidèm si qui fuerint, titulum sinè re habuisse Leonis saltèm tempore pro certo habendum puto*, omnes enim *Metropolitice dignitatis prerogativas*, atquè *Officia ad se traxerant Romani Pontifices*, *anitentibus Augustis*, *Provincialibus Episcopis conniventibus*, qui magno honore ducebant à *primæ Sedis Episcopo*, *omniumque Episcoporum apice dignitatem sumere*, non reluctantibus etiàm *Metropolitæ*, qui à *Pontificibus Urbis Sacerdotii bonorem adepti*, ab iisdem toti *pendebant*. Hæc verò, quæque in eam rem, adjicit Magnus Vir eò tendere videntur, ut adstruant ab initio quidèm in Italia *Episcopos fuisse*, & re, & nomine *Metropolitæ*; postmodùm verò, & in primis magni *Leonis tempore*, nomine tantùm tales extitisse, cùm *Romani Pontifices ad se Metropolitanorum Officia traxissent*. Porro rem alitèr pro-

PARS SECUNDA. 351

processisse probant, quæ in superioribus deducta sunt, certumque fit, cum nulli antè Nicænam Synodum in Italia universa Metropolitanis agnoscerentur, postmodum, Pontificum beneficio, & Imperatorum etiam, favore Metropolitæ emeruisse, qui & nomine, & re eo Jure florere, uti de Mediolanensi, & Aquilejensi est dictum, & de Ravennati, cujus initis Augustorum gratia admodum favit, infra dicitur. Si proinde antè Leonis tempora in reliqua Italia, quàm suburbicariam, sive Urbicariam dicunt, Metropolitæ fuissent, incredibile est eosdem capite, ut ita dicam, minutos à Romanis Pontificibus, & jure suo privatos, cum iidem Pontifices alibi intrà ejusdem Italiæ fines, ubi antè minimè erant, novos Metropolitæ constitui concesserint. Leo ille Magnus in primis, qui Metropolitæ Occidentis, & Italiæ Jura convellere voluisse credatur, cum id in Byzantinis Episcopis perstringat? Reponi potuisset in eum, quod scripsit ipse Epist. 55. *Superbum nimis est, & immoderatum ultra fines proprios tendere, & antiquitate calcata, alienum Jus velle præripere, atque ut unius crescat dignitas, tot Metropolitanorum impugnare Primatus.* Vera igitur Doctissimi

mi

mi Tomassini sententia ea est Veter. & Nov. Eccl. Discip. par. 2. lib. 3. cap. 46. nu. 9. qua in Causa Novatiani, ne Italiae omnes Episcopi Romam confluere possent, perfectionis atrocitatem fecisse autumat; nec Avrelianum Pauli Samosatani judicium à Romana Synodo ex Urbis, Italiaeque Episcopis expectandum decernentem, *novum Jus* constituisse, *sed ex veteris Juris usu* sanxisse, quò Episcopi Italiae cum Papa ad Romana Concilia adgregarentur. Dixerat autem ex Leonis sensu fuisse tunc Romanum Pontificem unum Siciliae, Sardiniae, & ferè universae Italiae Metropolitanum; ac ità Provincias Italiae pleraeque longè strictius, quàm ceterae Romano Praesuli conglutinatas, & diutissimè propriis caruisse Metropolitanis. Tandem concludit; apparet ergò Metropoles Mediolanensem, Ravennatensem, Syracusanam, Calaritanam institutas postea (post Miltiadis videlicet tempora) fuisse. Prima videtur emerxisse interea Mediolanensis Metropolis, cujus & Metropolita confirmandi potestatem sibi Papa servavit integram. Emergit postea Metropolita Ravennas, qui Romam pergere, & ibi ordinari tenebatur, ut ex Epistolis constat Gregorii, ex quibus, & illud liquet, ceteris Italiae Pro-

vin-

vinciis nullos fuisse Metropolitanos, primumque ipsum misso Pallio ea dignitate exornasse Syracusanum in Sicilia, & Calaritanum in Sardinia Episcopum. Calaritanum, & Aquilejensem (de quo nil hic Doctissimus Vir) antiquiores Gregorio Pontifice jure sentiunt alii; Metropolitanum in Italia antè Ambrosium, nullus certis asserat documentis.

XII. Me hic munere meo perfunctum quamvis credam, qui satis de Metropolim Italicarum originibus tractaverim, vitio tamen mihi verti posse video, quòd nil hucusquè de vexatissimi sexti Nicæni Canonis sensu dixerim, cujus tamen argumentum ab hucusquè discussis vix separari queat. Age itaque & nos post tot magnorum Virorum lucubrationes, celeberrimæ quæstioni enucleandæ, aliquid pro modulo nostro adjiciamus. Illud autem in primis certò affirmare ausim, Canonis illius obscuritatem ex Interpretum sententiis magna ex parte fluxisse, & Ruffini interpretationem præ cæteris caliginem eam offudisse, quam Canon ipse minimè habuerat. At si aliàs, ut ritè Veterum scripta intelligantur necesse est ad Scriptorum tempora, opiniones, studia, moresque men-

Z

tem

tem attentè convertere, id certè fieri debet, non modò cùm ejus Canonis sensum assequi volumus, sed & cùm ejusdem Interpretes consulimus, qui diversis temporibus, & in planè variâ Ecclesiæ Disciplina, nec non oppositis, contrariisque studiis servientes, Nicænum celeberrimum Canonem explicandum, seu potiùs implicandum assumpserunt. Rem proinde adversis ominibus ornandam volunt, qui ut intelligant Românæ, & Alexandrinæ Ecclesiæ *ἁγία* quale Nicæno ævo obtinebat, Nicæno Canone utuntur, & ut ejusdem sensum percipiant, non modò Rufinum, sed & Recentiorum (nec omissis Græcis in schismatis luto hærentibus) interpretationem, ad suorum temporum, & suarum opinionum normam loquentes, adhibent. Opposito potiùs tramite pergendum est, si quidè rectè video, & Ecclesiasticæ Hierarchiæ Typus cognoscendus est, qualis Nicæni Concilii tempore fuit, ut Nicænus Canon intelligatur, quasque subindè variationes hierarchica Ecclesiæ Disciplina sit passa singulorum Interpretum ævo, ut Interpretum eorundem mentem assequamur, & dijudicemus quantùm à vero Canonis sensu aberrant, eive accedant. Plerique enim

PARS SECUNDA: 355

enim horum prò suorum temporum, vel suarum opinionum præconcepto Systemate Canonem illum explicavere, quòd & nunc fieri est compertissimum. Ne igitur peccatum idem ipse peccem, quod alios peccare, autumo, subsidio esse possunt, quæ usquè modò de Ecclesiasticarum Metropolùm originibus, ac in primis de Occidentalis Ecclesiæ ab Orientali diverso Systemate, & de Italiæ Metropolitæ nonnisi post Nicænæ Synodi tempora natis, dicta sunt. Id itaquè summatim recolendum est, ut Nicænus Canon intelligatur. Ut verò Ruffini interpretationem assequamur, qui cæteris posteriorum temporum, tenebris offundendis Canonì ipsi, Dux fuit, tempora, & Ecclesiarum politia dispici debent, quibus ille scripsit, quamque ille describendam censuit. Sicuti autèm frustra ex Nicæno Canone, disciplinam Ruffinianorum temporum cognoscere, sic è conversò incassum, quæ Nicænorum Patrum mens fuerit, à Ruffino discere, curaremus.

XIII. Quotquot de Canonis VI. Nicæni sensu scripsere si Launoyum excipias, qua multis in longè dissitas sententias abierint, in id tamen consensere, ut collata censerent prima-

rum Ecclesiarum jura, quæ certa ratione convenirent; illud in primis controversum, an id, in quo convenisse creduntur Metropolitanicum esset, an Patriarchicum. Launoyus de recta Nic. Can. VI. intelligentia, ubi ad Quæstionis nodum devenit cap. 4. sentit comparari quidè Jura Metropolitanorum, non tamèn quòd paria fuerint, vel similia, sed quòd unaquæque Ecclesia suis moribus, qui antiquo usu commendarentur, insistere deberet, qualescunque tandèm obtinuissent. Hinc ex hujusmodi Canone, nec à Catholicis, nec ab Heterodoxis exculpi possè, quod suæ causæ profit. Launoyo in plerisque lubens, volensque assentior, censeoque suos uniuscujusque mores Ecclesiæ commendari; at speciali modo Alexandrinam, & Romanam Ecclesiam eo nomine collatas quòd parili more utriusque Episcopus plurium Provinciarum curam gereret, negari nequit, nisi Canonis verbis vim inferamus. Tria autem, si quid rectè video Canone illo edicuntur. Primum Alexandrino Episcopo veteres mores asseruntur, quibus plurium Provinciarum potestatem habebat, quòd Romano Episcopo parilis mos esset. *Antiqua consuetudo servetur per Ægyptum,*
Ly-

PARS SECUNDA: 357

Lybiam, & Pentapolim, ita ut Alexandrinus Episcopus horum omnium habeat potestatem; quia & Urbis Romæ Episcopo parilis mos est. Secundò Antiocheno in primis, cæteris deindè Metropolitæ prò singulorum modo sua privilegia diversa indicantur, & confirmantur, haud tamèn cum Romanis conferuntur. Similitèr autem, & apud Antiochiam, cæterasque Provincias suis Privilegia servantur Ecclesiis. Tandèm quod omnibus Metropolitæ commune est observandum sancitur, nullum videlicèt Episcopum ordinari posse, nisi ex Metropolitanæ sententia. Illud autèm generalitèr clarum est; quòd si quis præter sententiam Metropolitanæ fuerit factus Episcopus, hunc Magna Synodus definit Episcopum esse non oportere. At nonne Antiochenus etiam Episcopus plurium Provinciarum curam gessit, omniumque eorum habuit potestatem? Planè id ex hujus Canonis sensu Innocentius primus Ep. 18. cap. 1. affirmavit. Revolventes auctoritatem Nicænæ Synodi, quæ una omnium per Orbem terrarum explicat mentem Sacerdotum de Antiochena Ecclesia....supèr Diocèsim suam, non supèr aliquam Provinciam prædictam Ecclesiam recognoscimus constitutam, cum cæteris quæ se-

358 PARS SECUNDA.

quantur. Ità & Hieronymus contrà Johannem Hierosolymitanum scripserat eodem sensu, Nicæno Canone citato, Palæstinæ Cæsaream, totius verò Orientis Antiochiam, Metropolim esse. Ut quid igitur specialis Romanæ, & Alexandrinæ Ecclesiæ comparatio instituitur, si cum illis Antiochena, etiam plurium Provinciarum curam gerebat? Ejus rei ratio aliundè quàm ab ipso Canone petenda est. Antè Nicæni Concilii ætatem cæperat (quod suprà ostensum est) in Oriente potissimum, primarum Sedium jus civili politiæ conformari, indèque emerferat, ut cujuslibet Metropolis civilis Episcopus, Primi in ea Provincia, sive Metropolitæ jura sibi vindicaret, & eodem prætextu ab ejus Episcopi jurisdictione divelli curaret, quem Ordinationis, & Synodorum ratione à nascentis Ecclesiæ temporibus primum agnoverat. Indè dissidiorum, & Litium ingens messis, quibus sedandis Synodus Nicæna insudavit. Hujusmodi tamèn Metropolitum civilium Episcoporum conatibus, minimè ubiquè successus responderant, nec omnes æquè votorum suorum, compotes facti fuerant, novique Provinciarum Metropolitæ ab antiquissimis Diœcesen

PARS SECUNDA. 359

seu, quibus paruerant impari potestate adepta, diversa mensura sejungebatur. Nonnullis, quibus plurium annorum præscriptione, jus tandè aliquod quæsitum videbatur, ità priori suo Metropolitæ parebant, ut in plurimis minimè eum audirent; alii è contrà licèt, ob Metropolis civilis ubi degebant prærogativam, non nihil suprà Comprovinciales Episcopos eminerent, nil tamèn absquè Metropolitæ Diocesani sententia agebant, & nil ferè præter honorem quendam loci assecuti fuerant. Indè impari potestate Patriarchæ, & Exarchæ, cæterique Orientalis Ecclesiæ Autocephali emergere; cùm enim impossibile esset novorum Metropolitanorum Jus recèns inductum absquè turbis tollere, & aliundè vetera primarum Sedium Jura servari deberent, res à Nicæna Synodo ità est composita, ut quo loco tunc erant Metropolitæ, sive veteres, sive recentiores, eo perseverarent, ità tamèn, ut primarum Sedium mores, & privilegia vetustate consecrata, illibata durarent.

XIV. Intèr omnes autèm Orientales, nulla feliciùs sua jura servaverat Ecclesia, & à recentiorum Metropolitanorum ausibus immunior remanserat, Alexandrina. Quam-

vis enim negari nequeat nonnihil Metropolitici ex Veterum sectione in Ægyptiaca. Diœcesi Nicænis temporibus deprehendi, clara tamèn sunt, quæ summam, plenissimam, singularemque Alexandrini Episcopi Jurisdictionem in omnes, singulasque cujuslibet Provinciæ Ecclesias adstruunt, quam nec Antiochenus, nec Orientis Exarchæ ea saltèm Ætate habuere. Singulare hujusmodi Jus satis exprimit Epiphanius Hæres. 78. cap. 1. *Hic enim, inquit, mos est Alexandrinorum Archiepiscoporum, ut per totam Ægyptum, ac Thebaidem, Mareotidem, Lybiam, Ammonitidem, ac Pentapolim, Ecclesiastica negotia administrent.* His Epiphaniï verbis illud perspicuè constat, plenum hujusmodi Jus Ecclesiasticorum negotiorum per Ægyptiacæ Diœcesis Provincias, singularem Alexandrinæ Ecclesiæ morem fuisse, cæterisque Orientis primis Sedibus minimè communem, eoque Alexandrinum non Episcoporum modò ordinationes, sed & quælibet alia Ecclesiastica negotia curasse; quare, & inferiorum Clericorum causas, absquè Metropolitanorum medio cognoscere potuisse, aliaque hujusmodi agere, quæ aliàs Metropolitanï Juris sunt,

PARS SECUNDA. 361

sunt, quare in universam Diœcesim Metro-
politano jurè utebatur. Morinus lib. 1. Exer-
citat 25. in fine, ex pluribus Synesii Episto-
lis evincit Episcopum eundem Cyrenes,
Pentapoleos, & totius Cyrenaicæ, *ex specia-
li Alexandrini Metropolitæ designatione, &
commendatione* curam gessisse. Ex Epipha-
nio etiã advertit id in primis à Petro Ale-
xandrino pro Thebaide non modò, sed &
pro tota Diœcesi Meletio commissum, qui
proindè intèr omnes Ægypti Episcopos
facile primas obtineret; *videbatur autem, in-
quit Epiphanius, Meletius præminere intèr
Episcopos Ægypti, ut qui secundum locum ha-
bebat post Petrum in Archiepiscopatu, velut
adivandi ejus gratia sub ipso existens, & sub ip-
so Ecclesiastica curans.* Pendebat igitur ex
Alexandrini Episcopi arbitrio omnis Juris-
dictio eorum, qui ob ejus designationem
Primi, sive Metropolitæ in singulis Provin-
ciis, cæteris præminebant, & ipsius erat, Jus
hujusmodi, vel ampliùs tribuere, vel intrà
certos fines castigare. Indè autèm, & Me-
letii Schisma, & Canonis XI. occasio, quòd
ille tradita potestate abusus fuisset, quique,
& Thebaidis primus Episcopus, & in tota
Diœcesi secundum locum nactus esset ex
Ale

362 PARS SECUNDA.

Alexandrini Episcopi designatione, & sibi quos vellet ordinandi potestatem competere contendisset, & singularum Provinciarum Episcopis illis, quos Primos Petrus designaverat, eadem contrà veterem morem audendi auctor fuisset, ex eo fortassis, quòd hæc agerent in cæteris Orientalibus Ecclesiis Metropolitæ. Cæterùm, qui per hunc sextum Canonem mores, & Jura ad Episcoporum in primis ordinationes spectantes servandi edicantur, ex ipsa Epistola ejusdem Nicænæ Synodi intelligi facile potest, quam ad Alexandrinam Ecclesiam, Fratresque Ægyptum, Lybiam, & Pentapolim incolentes scriptam exhibent Theodor. lib. 1. cap. 9. & Socrates lib. 1. cap. 6. quæque sola, & Ecclesiæ Alexandrinæ Systemati, & Canoni Nicæno intelligendis sufficere potest, & proinde licet prolixior hic integra describenda est, quæ de Ordinatis à Meletio, ritèque post hæc in tota Diœcesi ordinandis agitur; hæc autem ibi præscribuntur. *Illi autem, qui à Meletio Presbyteri designati sunt, simul atque sanctiori ordinatione confirmati fuerint, hac conditione in Ecclesiæ communionem admittantur, nimirum, ut Ecclesiasticæ dignitatis, & Ministerii gradum ha-*

PARS SECUNDA. 363

babeant illi quidem, sed tamèn omnibus Præbyteris in singulis Provinciis, & Ecclesiis versantibus, qui sunt ab honoratissimo Viro, & Collega nostro Alexandro ordinati, sint omninò inferiores. Quin etiam, ut nulla illis potestas sit eos Ministros Ecclesiæ designandi, qui ipsorum probentur arbitrio, nequè nominationem penès se habeant eorum, qui sint ad Ecclesiæ munera obeunda deligendi, nequè quidquam absquè consensu Episcoporum Catholicæ, & Apostolicæ Ecclesiæ, qui sub ipso Alexandro sunt, omninò transigant. Hi autèm, qui Dei gratia, & vestris precibus adiuti ad nullum schisma deflexisse comperti sunt, sed se intrà Catholicæ, & Apostolicæ Ecclesiæ fines ab eorum labe vacuos continuerint, auctoritatè habeant, tùm Ministros ordinandi, tùm eos, qui Clero digni fuerint nominandi, tùm deniquè omnia ex lege, & Instituto Ecclesiastico, liberè exequendi. Quod si quispiam fortè eorum, qui Ecclesiæ funguntur muneribus diem suum obierit, tunc unus ex illis, qui nupèr in Ecclesiam adsciti sunt modò idoneus videatur, & Populus illum eligat, Episcopusque Alexandriae ei suffragetur, atquè ad Populi electionem confirmet, in locum succedat demortui. Horum tenore manifestò constat omnia Alexandrini Episcopi nutu peracta
in

in quibuslibet Ecclesiis, aut Provinciis. Provincie autem, & Ecclesie distinguuntur, ut indicentur alia Ecclesiastica negotia singularum Ecclesiarum fuisse, alia Provincialia, quæ proinde per eum, quem in Provincia primum Episcopum voluisset Alexandrinus, transigerentur. Cæterum Episcopos omnes à Plebe electos, ab Episcopis nominatos, ab Alexandrino autem Episcopo ordinatos, apertissime agnoscimus; Schismatis autem rationem in eo stetisse, quod, uti Sozom. lib. 1. cap. 23. perspicue tradit, Meletiani suo arbitrio ordinationem, & Ministrorum Ecclesiarum designationes independentè ab Alexandrino Metropolita fieri debere voluissent, quos proinde sanctiori ordinatione confirmatos vult S. Nicæna. Synodus Ordinatis ab Alexandrino subesse, nec quidquam posse absque horum consensu. Cum autem hæc specialiter, & seorsim soli Alexandrinæ Diocesi conscripta sint, manifestè evincitur, plenam huiusmodi, summamque Jurisdictionem singularem fuisse, nec eam cæteras Orientis Ecclesias in moribus habuisse. In Antiocheni Episcopi Diocesi certè usque ad Innocentii primi tempora id in moribus fuisse, ut plures Metropolitæ

litæ, Episcopos ordinarent *suo arbitratu*, indicat ipse idem Pontifex, qui Ep. 18. cap. 1. ubi Nicænum Canonem extendit, quæque in eam diem facta fuerant, in posterum minimè fieri debere cavet: *Itaque arbitramur Frater charissime ut sicut Metropolitanos auctoritate ordinas singulari, sic & ceteros non sine permisso, conscientiaque tua sinas Episcopos procreari; in quibus hunc modum rectè servabis, ut longè positos, literis datis ordinari censeas ab his, qui nunc eos suo tantùm ordinant arbitratu, vicinos autèm si æstimas, ad manus impositionem tuæ gratiæ statuas pervenire.*

- XV. Mos hujusmodi Alexandrinæ Ecclesiæ in Oriente ob inductas passim Metropolitanorum recentiorum novitates, nullius alterius Ecclesiæ Exemplo sustineri poterat. Antiquissimæ igitur, omniumque primæ, Romanæ videlicèt, productio systemate, legitimo jure niti Canon Nicænus edixit. Nullum ab initio in Occidente Metropolitanam fuisse, sed omnes longè, latèque fundatas Ecclesias unum Romanum agnovisse Episcopum Metropolitanam, pluribus in superioribus probatum est. Qui igitur Nicænæ Synodi ævo Metropolitanæ Occidentales erant, Romanos Pontifices auctores agnoscebant, qui

366 PARS SECUNDA.

qui quòd in diffitis Provinciis ordinare in-
 demortuorum locum Episcopos immédia-
 re minime poterant, re Christiana amplifi-
 cata, & cætera negotia Ecclesiastica curare,
 id certis Episcopis demandandum censue-
 runt, qui suo nomine illud peragerent, alia-
 que curarent. Id alicubi Missis, qui Gen-
 tes converterent commissum est, & abini-
 tio datum, ut Ecclesiarum, quas Deo con-
 gregassent Primi essent Episcopi, qui cir-
 cumpositos Romani Pontificis auctoritate
 ordinarent, dirigerentque, inter quos S. Tro-
 phimum Arelatenfibus missum laudat Zo-
 limus Ep. 8. Fiebant itaque Pontificis Ro-
 mani nutu omnia in Occidentali Ecclesia.
 Nicænæ Synodi tempore, unusque Roma-
 nus Episcopus ab Apostolorum institutio-
 ne vel per se, ut in Italia omni, vel per à se
 designatos, agebat. Juris hujusmodi exerci-
 tium post Nicænum Concilium ipsa Vica-
 riorum Romanæ Sedis institutio fuit; nec
 enim assentiri possum his, qui ita inter Me-
 tropolitas Occidentis, & Vicarios distin-
 guunt, ut illos jure usos dicant, quod ab
 Apostolis acceperant, hos autem potestate
 quam à Romanis Episcopis habuerint.
 Cum enim per Vicariorum institutionem

Me-

PARS SECUNDA. 367

Metropolitanorum jurisdictio immutata, fuerit, manifestum fit, eorundem potestatem à Romano Episcopo acceptam, quam, & prò arbitrio minuere, vel augere potuerit. Totius etiam Occidentalis Ecclesiæ Episcopos speciali quodam jure ex Romani nutu dependisse, Jus illud ostendit, quod & postmodum semper exercuit, Synodum Occidentalem cogendi, qua de re videndus Morinus Exercit. 20. ubi de Patriarchali Occidentalis Ecclesiæ Synodo. Similis itaque admodum Romani Episcopi juri, quod in Occidentales Provincias exercebat, jus Alexandrini, quo plures Ægyptiacæ Diocesis Provincias regebat, dissimilis verò cæterorum Orientalium Metropolitanorum Jurisdictioni. Ea autem in re, si quærat per Nicænum Canonem quodnam Alexandrini, & Romani Episcopi jus conferatur, an Metropolitanum, an Patriarchale; respondendum est Metropolitanum cum Metropolitanò comparari, at non Metropolitanum utcumque, sed Metropolitanum ad plures Provincias diffusum, cujus per ea tempora nullus ea plenitudine fruebatur, quæ ad Romanam accederet, in Oriente, præter Alexandrinum. Huic Antioche-

nus

nus proximè accedebat, at cùm Metropolit-
tis inferioribus adhuc recens inductum jus
ordinationum perseveraret independens,
quippe ut Innocentius loquitur Episcopos
hi *suo arbitratu* initiabant, iidem nullam
quærimoniæ causam habebant, cùm quod
prætendebatur unicuique Provinciæ suus
Metropolitanus, qui Ecclesiastica negotia
curaret, existeret. Metropoliticum itaque
Antiocheni jus extrà suam Provinciam mi-
nimè extendebatur, illudque, quo in plures
Provincias Ecclesiasticam sollicitudinem ex-
ercuit, certis limitibus sistebatur, qui nonni-
si quarto ad finem vergente seculo ablati
sunt, Patriarcharum, & Exarcharum nomi-
nibus, juribusque introductis, mutataque in
multis & conformata civili politiæ Ecclesia-
stica Disciplina. Romanorum itaque Pon-
tificum liberalitate, cùm & intrà Italiæ fines
Metropolitæ sint instituti, tributaque eis-
dem Synodorum, & Ordinationum libera
in suis Provinciis facultas, Alexandrini, &
Romani Metropolitæ comparatio cæpit
subobscurior fieri, quippè Provinciæ plures,
quæ huic subiciebantur, illæ tandem erant,
quæ Urbis Vicario parebant, avulsis à Ro-
mana Metropoli, Mediolanensi, Aquile-
jensi

jenſi, Ravennatiquæ Metropoli
 XVI. Porro nullus dubito ſimplici hocce, &
 ſi quidẽ rectẽ video, gẽnuinõ Canonis Ni-
 cœni ſenſu ad eorum temporum, quibus con-
 ditus fuit diſciplinam comparato, nulla con-
 ſecutis Ætatibus obſcuritas irrepliſſet, ni-
 ſi iis ſtudiis in poſterũ laboratum eſſet, qui-
 bus Interprẽtes illum ad ſuorum temporum
 mores trahere conati ſunt. Ruffinus om-
 nium primus peccatum huiusmodi pecca-
 vit, cùm enĩ Alexandrini Epiſcopi Jura Pa-
 triarchalia minimẽ impedirent, quĩ adhuc,
 ut Nicœnæ Synodi tempore, omnium Pro-
 vinciarum ordinationes cognoſceret; in Oc-
 cidentali autem Eccleſia, & in ipſa Italia,
 Metropolitanĩ ſuos Epiſcopos ordinarent,
 undẽ Patriarchalium jurium comparatio
 iniri nequibat; & cùm nec Metropolitanica
 conferri poſſent, quæ in Alexandrino, adhuc
 ad plurium Provinciarum Epiſcopos, qui
 ſuos Metropolitanos agnoſcebant, extende-
 bantur; in Romano autem, crederet ad ſo-
 las Vicario Urbis ſubditas Provincias exten-
 di, ipſe, qui uni ex Italicis recentioribus
 Metropolitũs, Aquilejenſi videlicet, Dia-
 conus adſcribebatur; id unum cogitavit, ut
 Italiam contraſtiori acceptione nuncupa-

A a

tam

tam à Metropoli Romana separaret. Rem igitur implicito admodum dicendi genere (ob quod millenis injuriarum plaustris apud Catholicos quammaximè Auctores vapulavit) Ægyptum, cujus nomine, & Provinciam, & Diocesim intelligas, ac suburbicarias Ecclesias comparavit, quæ an intrà centesimum, an intrà Vicarii Urbis Jurisdictionem clauderentur, an longiùs per totum Occidentem essent, diù acerrimis disputationibus quæsitum est. *Et ut apud Alexandriam, & in Urbe Roma vetusta consuetudo servetur, ut vel ille Ægypti, vel hic suburbicarum Ecclesiarum sollicitudinem gerat.* At quo bono tanta animorum contentione, quid Ruffinus suburbicarum nomine intellexerit, quæsitum? Planè id non Nicæni Canonis, sed Ruffini sensum investigare est. Mutata autem Ecclesiastica politia, nec ipse Ruffinus intelligi potest, nisi studiis partium depositis, aliunde, quæ tunc Ecclesiarum Hierarchia, quibusque ipse Ruffinus studiis duceretur, præcognoscatur. Id autem cum præcognoscere neglexerint doctissimi Viri tùm Catholicæ communionis, tùm Heterodoxarum partium, voluerintque ex Ruffino, non modò ejus temporis disci-

pli-

PARS SECUNDA. 371

plinam, sed & Nicæni Canonis sensum intelligere, incassum, frustra que laboraverunt. Spectata itaque Ruffinianorum temporum Ecclesiæ Romanæ Hierarchica per Occidentem disciplina, Ruffinus minimè potuit Patriarchalia Jura comparare, quandoquidem aliundè indubitatis eorum temporum monumentis constat, institutis Apostolicæ Sedis Vicariis, exortis intrà Italiæ fines Metropolitibus, concessaque ex Romanorum Pontificum liberalitate Occidentalibus Metropolitibus ampliori facultate, ac demùm ad Orientalium exemplar pluribus ad civilem politiam conformatis, in multis Patriarchatum Occidentalem, ab Alexandrino, qui adhuc per totam Diocesim Metropolitanorum jure utebatur, abiisse. At potuit ne Ruffinus idem (quæ priori opposita sententia) suburbicariarum Ecclesiarum nomine, Ecclesias regionum earum intelligere, quæ Urbicariæ frequentius in Theodosiano potissimum Codice dicuntur, & ab annonariis distinctæ, intrà centesimum ab Urbe milliarium Urbis Præfecto subiciebantur? Nullo modo. Etenim quî ignoraverit ille quod nos non latet, Romano scilicet Metropolitæ per ea tempora Provincias omnes subje-

ctas fuisse, quæ Urbis Vicario parebant, concessis Italicis Metropolitibus, reliquis, quas Italiæ Vicarius regebat? Reliquum itaque est, ut ambigua illa suburbicariarum Ecclesiarum voce, plurium Provinciarum Ecclesias illas intellexerit, quæ alicubi, sive intrâ, vel extrâ centesimum, sive in Italia, sive aliibi sitæ Romano Pontifici tanquàm Metropolitæ obediēbant, sicuti Ægyptiæ Provinciæ, vel Diœcesis (si tales erant alicubi extrâ illius specialem Provinciam) Ecclesiæ, Alexandrinum Episcopum uti Metropolitam agnoscebant.

XVII. Eo autem sensu Ruffinum arbitror suburbicarias Ecclesias nominasse, quo Græci Canonum Collectores easdem *ὑπὸ τῶν Ρωμίων* vocant. Frustrâ enim Vir aliàs Doctissimus contendit, id eo sensu scriptum, quo Basilicarum Interpretes, Præfecti Urbis Jurisdictionem centenario ab Urbe milliario diffinientes, dixerunt eundem *ὡς πὶ πόλει, ἢ τοῖς ὑπὸ τῶν πόλεως* potestatem habuisse. Etenim Collectorum Græcorum plures eo tempore scripserunt, cùm Romani Episcopi notissima erat jurisdictio, obscura verò Præfecti Urbis, & suburbicariarum Regionum notitia. At illud idem Scriptor fatetur *πὶ ὑπὸ πό-*
λεως,

λω, καὶ ὑπὸ πόλει apud Græcos Canonum Interpretes, non modò quæ Urbi adiacent, sed & quæ Urbis dominationi subduntur, significare. Non erat itaque cur in suam sententiam urgeret hujusmodi loca, ut suburbicarias Ruffini Ecclesias strictissimo sensu intelligeret, & ad significandas, quæ intrà centesimum sitæ erant, coarctaret. Porro nec Antiocheni Concilii Can. 9. quem allegat, jubens, Episcopos providentiam habere, *πάσης τῆς χώρας τῆς ὑπὸ τῷ αὐτῷ πόλει*, significat Regionem Urbi adiacentem, sed eam universam indicat, quæ Urbi ipsi subditur. Eodem itaque sensu Ruffinus suburbicarum nomine eas intellexit, quæ Urbis Metropoli subiciebantur, Ecclesias; & fortasse verbo tenens secutus est Canonisejusdem Græcum quempiam Interpretem, qui Aristini præverit Synopsi, quiquè Ecclesias ὑπὸ Παύλῳ illas dixerit, quas Ruffinus latinè vertendas censuit, suburbicarias. Nec felicioribus avibus Arabico Canonisejusdem Interprete, utitur laudatus Auctor, quòd ferat *Episcopum Urbis Romæ, id est Successorem Petri Apostoli potestatem habere omnium Civitatum, & locorum, quæ circà eam sunt*. Cùm idem de Alexandrino Episcopo ferat con-

374 PARS SECUNDA.

stitutum esse, ut videlicet, *Episcopus Aegypti, idest Patriarcha Alexandrinus praesideat, & habeat potestatem totius Aegypti, & omnium Castellorum, & Civitatum, quae sunt circum eam.* Sic enim non consequitur, haud Alexandrino Episcopo subjectas fuisse Civitatum, & Castellorum Ecclesias in Diocesi, quae Aegypti Provinciae non adiacebant, subjiciebantur enim longissime distantes omnes, Libyae, Thebaidisque, & ceterae; ita cum de Romani Episcopi Jure agit, non Urbicarias modò, sive intra Centesimum sitas Ecclesias, sed quaslibet longius etiam distantes intelligere tam certum est, quam quod certissimum. Potuere sanè, & Rufinus, & Graeci hujusmodi Interpretes clarioribus verbis animi sensa explicare; at ambiguis vocibus illos uti voluisse autumo, quòd cum ageretur de singularum Ecclesiarum Juribus, & periculo plena res esset, ostenso legitimo Canonis Nicæni intellectu, exhibere, quantum Orientales, suaeque fortassis cujusque Interpretis Ecclesiae, ex alienis Juribus usurpassent, maluerunt eo scribendi stylo interpretes agere, quem singuli de re suarum interpretari possent. Longum autem hic esset, & ab ea, qua decet moderatio-

ne

PARS SECUNDA. 375


ne alienum, plura adjicere, quibus facile probari posset, omnium temporum fuisse Nicænum Canonem violare, eidemque sensus à verò diversos assuere, quibus Canon ipse usurpati Juris Patronus effici queat. Id probè, me tacente, videat eruditus, sincerusque Lector, qui vetera non modò, sed recentia Ecclesiarum dissidia in causa esse cognoscet, cur plures partium studiis distracti videntes non videant, quæque Dei Optimi Maximi Providentia post tot Clades, & secula, servata sunt, Veterum monumenta legentes, non intelligant. Mihi hæc indicasse sufficiat.





PARS TERTIA

*De Ravennatis Ecclesiæ Metropolitano Jure,
ejusque initiis.*

- I.  Aucistertia hæc Dissertationis Pars absolvenda remanet; quid enim de Metropolitani Ravennæ Juris initiis dicendum sit, ex allatis constat. Seriùs videlicet ea constituenda esse, quàm crediderint non modò Ecclesiæ ejusdem Historici, inter quos primas tenet Hieronymus Rubeus, sed & alii majorum gentium Scriptores, Salmasius, Marca, alii-que. Eminentissimus Norisius suo more, doctissimè videlicet, argumentum ornavit Dissert. de V. Synodo cap. 10. ubi ex D. Petri Chrisologi Sermone 175. habito in Marcellini Vicohabentini Episcopi ordinatione, ostendere intendit, tunc primùm, Ravennatem Ecclesiam Metropolitano Jure ornatam, nec diffitetur id Principum Ravennæ degen-

degentium favore obtentum, licet cum Baronio Diplomatis Valentiniانو adscripti à Rubeo, & ab Ughello relati, discriptique, falsitatem agnoscat. Mihi aliquid argumento eidem addendi onus incumbit, cum Dissertationis hujus scribendæ Agnellus Ravennas, Seculi noni scriptor ineditus, occasionem effecerit, ubi de Metropolitano Jure Ravennatis Ecclesiæ tributo scribit ea, quæ Rubeo (quod ipse fatetur) perspecta, mirum est Scriptorem aliàs optimum, laudatissimumque, à præconcepta opinione non liberasse, qua Metropolitanum Ravennæ decus usque à D. Apollinaris ævo, trahere non dubitavit.

II. Agnellus ipse proinde hac in re audiri debet. Is ubi vitam Johannis cognomento Angeloptis, qui immediate Petrum Chryso-
logum præcessit, pluribus narrat, hæc inter cætera habet. *Valentinianus Serenissimus, ex Patre Constantio Gallæ Placidie filius, ad Sanctum Pontificem properavit Johannem, & excusso diademate capitis, vocum metu, & reverentia salutavit, atque ab eo benedictione percepta, billari vultu recessit. Non post multos dies idem Augustus sub consecratione B. Antistitis Johannis XIV. Civitates, cum suis Ecclesiis*

sis largitus archieratica potestate, & usque in presentem diem XIV. Civitates cum Episcopis sub Ravennæ Ecclesia redactæ sunt; una vero Episcopalis Cathedra Civitate destructa, deest, cujus vocabulum Brinium dicitur, non longè à Bononiensi Urbe. Ipse primus ab Augusto Pallium ex candida lana accepit, ut mos est Romanorum Pontifici super duplo idem induere, quo usus est ipse, & Successores sui usque in presentem diem. Hæc Agnellus. Plura discutienda hic essent de Johannis hujus inter Ravennates Episcopos celeberrimi ætate; at ea cum longius à præsentem argumento distent, diffusiori calamo tractata in Dissertationibus Agnelliano Operi adjectis, quæ prælo dudum parata, quandoque publici Juris fient. Nunc monere sufficiat, mihi, qui multiplices difficultates, quibus Ecclesiæ Ravennatis Chronologia abundat seriò perpenderim, probabilius videri Johannem hunc anno 432. sedere cæpisse, transiisse autem ad Superos anno 439. cui immediatè successerit Petrus cognomento Chrisologus.

III. Rubeus Hist. Ravennatis lib. 2. pag. 97. ex Tabulario Ursianæ Ecclesiæ, & ex autographo vetustate aliquot in locis corrupto,
Impe-

Imperatoris Valentiniani Privilegiū transcripsit, ac ex eo Ughellus de Episcopis Ravennatibus agens, licet hic cum Baronio Documentum inter supposititia referat. Integrum cum ipse habeam ex eodem Codice Eltensis Bibliothecæ, in quo Agnelli Pontificale continetur, gratum fore Lectoribus credo, si mercem hujusmodi, lacunis in minimè mancā, & alicubi ab editis syntaxi diversam, rursus exhibeam. En illam. *In nomine Dei Salvatoris Nostri Jesu Christi. Flavius Valentinianus fidelis in Jesu Christo Major, Imperator Augustus Johanni Viro Sanctissimo Archiepiscopo Ravennæ Civitatis. Si Redemptoris nostri plenâ pietate, Clementia dignos suæ Majestatis honorificat Sacerdotes, & charismatum dono clarificat, quantum magis nos, qui ab ejus pietate regalia sceptrâ gubernanda suscepimus, cultum Religionis, & reverentiæ honorificentiam debemus impendere, eis maximè, qui virtutum experimento Deo cognoscimus propinquantes, unde illis etiâ crescat augmentum, unde eos probabiliter Dei clementiam pro nostrâ salute impetrare confidimus? At proinde Imperiali auctoritate SANCTIMUS Sanctitatem tuam, & Sanctam tuam Ravennatem Ecclesiam, atque universos post*
eam

eam Deo amabiles Præsules, Archieratic a dignitate erectam, Metropolitæ decore sublimandam, seu Archiepiscopali fastigio terribiliter præponendam. Constituentes sub sacrosanctæ ejus Ecclesiæ ditione ordinationem totius Æmiliæ Provinciæ nostræ, omnium Deo amabilium Episcoporum creationes, idèst Sassen. Cæsen. Forum populi, Forolivi, Faventiæ, Forumcorneli, Bononiæ, Mutinæ, Regii, Parmæ, Placentiæ, Brixilli, Vicobabentiæ, Adriensis, omniumque Monasteriorum sub ejus dispositione rejaquentium, & in eis Servientium Monachorum. Conferentes ob decorem Apostolicæ dignitatis, honorem Palei, & omnis Pontificalis decoris usque, sicut etiã sub nostra Christianissima Republica fruuntur Metropolitæ. Condecet enim nos honorem Sacerdotii efficaciter procurare, & maxime ubi serenitatis nostræ præsentia fulget, quatenus securitate suffulta Sanctitas tua, sanctaque tua in perpetuum Ecclesia, cum meritis virtutum bonoribus, etiã nostræ Serenitatis dono, & in posterum fulgeat.
FIAT. Literæ Imperatoris. Datum VII. Idus Januarii.

IV. Baronius Privilegium hocce meritò, uti supposititium, fideique indignum pluribus explodit ad annum 432. & censet schismatis rem-

PARS TERTIA. 381

tempore, quo diù Ravennas Ecclesia laboravit, confictum fuisse. Et sanè optima id crisi Eruditissimi Viri argumenta evincunt perita ex insolenti inscriptione, qua Valentinianus, ut ajunt, Constantii Filius, & Placidia, se absquè Imperii Consorte, Augustum nominat, Majoremque dicit, quod quid sibi velit ignoratur. Itèm ex nonnullis in documento recensitis Ecclesiis Leonis I. Papæ ævo ad Mediolanensem Metropolim spectantibus. In editione Romana, (obiter dictum) sphalma Tipographi notandum, quo pro Mariniano Gregorio Magno synchrono, perperàm Maximianus laudatur, ubi doctissimus Scriptor de Pallii usu differit. Baronii argumentis alia addi posse videntur, ut putà, Archiepiscopi titulum Valentiniani laudati ævo rarò usurpatum, & seriùs multò eo usos Ravennates Metropolitans probari, ex iisdem, Conciliorum Actibus se subscribentibus, ac ex veteribus eorundem monumentis Agnello frequentèr exhibitis. Quod pertinet ad Majoris titulum, quo se Valentinianus hic supposititius vocat, ex eo mihi videor intelligere, Impostorem intendisse non tertio, sed primo ejus nominis Augusto spurium.

Do

Documentum supponere, ad captandam vetustioris antiquitatis laudem, eundem enim Majorem dixit Paulus Diaconus lib. 12. aliique. Recentiorrem ideò quàm Baronius credit, Privilegii hujus Auctorem existimo: quique ex laudato Paulo Majoris titulum Valentiniano affigendi exemplum nancisci potuerit. Præterea certiora hujus rei argumenta Agnellus ipse suggerit, etenim manifestò apparet ea, quæ de Valentiniani asserto Privilegio tradit Is, non congruere cum allato Ursianæ Ecclesiæ documento Agnello proindè incognito. In hoc etenim nulla de Civitate illa Brinto non longè à Bononiensi Urbe sita, mentio habetur, quam antè sua tempora Agnellus ipse defecisse narrat, & Ravennati etiam Anonymo illi Geographo, quem publici Juris fecit noster doctus Placidus Porcheronius, prætermissa cùm sit, & hic seculo septimo scripserit, efficitur diversa admodum, & tempore, & rebus contentis, fuisse hæc Privilegia. Cæterum Brintanam Urbem Ferrarius in Lexico censet fuisse in Monte apud Idissim Fluvium, Bononia duodecim milliaribus in meridiem distantem, nullum tamèn ejus rei testem allegat. Privilegium itaque descri-

PARS TERTIA. 383

descriptum supposititium est, & relato ab Agnello admodum recentius, quadòquidè nec ipsi Agnello cognitum, ideòque & post Agnelli ejusdem ætatem confictum. Quidni post tempora Georgii Archiepiscopi, tum, cum autographa antiqua, quibus cogitabat *se ex potestate Romani Pontificis subtrahere, in luto projecta sunt, & ab hastis, lanceisque comminuta*, ut narrat Agnellus ipse in Georgii Vita? Aderat fortassis in Archivio Ravennati Apographum Privilegii Mavro in Schismate à Constantino Imperatore concessum, cujus proposita forma, supposititium Valentiniani confictum est. At Mavri prædicti schismaticorum teterimi tempore, decem Ecclesiarum Ravennati Metropolitæ subditarum nomina novimus ex Concilio Romano sub Martino in Causa Monothelitarum, cui interfuere, Mavrus Cæsennas, vicè Mavri Archiepiscopi, Boëtus Corneliensis, Bonus Ficoclenfis, Donatus Sassinensis, Leontius Faventinus, Johannes Vicohabentinus, Gallionitus Adriensis, Stephanus Populienfis, Crescentius Livienfis, Luminosus Bononienfis. In Romana Synodo sub Agathone præter alatos, recensetur, Placentius Placentinus, Ma-

Mavritius Regiensis, Petrus Mutinensis, Gratiolus Parmensis. Compleverunt numerum XIV. Ecclesiarum, quas Ravennati Metropolitæ subditas Agnellus asserit: at nec inter illas Brintana illa Civitas, nec Valentiniani ejus nominis postremi tempore Placentina, & Parmensis, sed nec fortasse Regiensis, Ravennæ adhuc subjiciebantur. Mutinensis Simplicii Papæ ævo inter Ravennatis Metropolis suffraganeas Ecclesias extitisse, constat ex ejus Pontificis Epistola ad Johannem, ob Gregorium invitum Mutinensis Ecclesiæ Episcopum ordinatum.

V. Hæc omnia conficiunt, quod licet Privilegium Agnello indicatum aliud sit à descripto in Historia Ravennati, supràque relato, confictum tamen, & illud, ac spurium asserere debeamus. Multa sunt in Agnelliano Opere, quæ Auctorem schismatis pice satis inquinatum ostendunt; præterea ea ætate scribebat, cum falsa Schismaticorum Episcoporum tempore nata, mixtaque veris, in hominum opinione obtinuerant. Rem igitur pro sua, & suorum præconceptra sententia veram quidem, sed fabulis Schismaticorum offuscatam narravit, & Documento credidit schismatis occasione conficto. Ea in re

vera

vera à falsis secernendo, dubitari non posse arbitror Valentiniani Junioris, & Gallæ Placidie piissimæ Augustæ opera, Episcopum, Ravennatem Metropolitæ honore auctum, idque postremis Johannis Angeloptis Episcopi diebus factum, qui proinde nullum ex subditis Episcopis ordinaverit, sed Petrus Chrisologus prælaudati immediatus Successor, omnium primus Metropolitæ munus exercuerit. Vicohabentinum Episcopum, ordinando, quod ille allegoricè explicans, primum Ravennatis Ecclesiæ partum fuisse ait, quo Ravennas Ecclesia Mater, novum Episcopum per dolores exclusit. XIV. Ecclesias ab initio Ravennati subjectas non credo ob allata argumenta. De Pallio Imperatoris Privilegio collato, non est ut recedam à Baronii sensu, licet noverim, quid in hujusmodi re scripserint doctissimi Viri, quæ mei argumenti haud est recoquere. Illud tamen observari debere cenfeo, ex attentâ lectione Epistolarum Magni Gregorii 5. lib. 7. 54. lib. 2. 11. 15. 50. lib. 4. 33. lib. 5. 78. lib. 7. & 15. lib. 12. in primis autem 54. lib. 2. qua Baronius pro sua sententia uritur, apparere, Episcopos Ravennates Pallio ubique antè Gregorii ætatem usos absque Apostolica

Itolicæ Sedis speciali Privilegio ; hoc enim minimè repertum in ejusdem Sanctæ Sedis scrinio, *licet subtilitèr requisitum* testatur Gregorius ipse, qui demùm nullo alio ex capite Pallii usum Ravennati concedi debere ait, quàm ob generale Privilegium Metropolitanorum, ejus in plenitudinis potestatis signum, deferendi. Utebantur itaque multò antè Gregorii Magni ætatem Pallio, & utebantur ubiquè Ravennates Episcopi nec usus hujusmodi singularis, Privilegium ullum extabat in scriniis S. Sedis. Idne absquè rationabili ullo Juris argumento, quò se tuerentur Metropolitæ illi? Obstat ne factum id credamus eorum, qui Episcopum illum, cui Gregorius Magnus scribebat præcesserant, satis in multis perspecta pietas, & animi moderatio.

VI. Cæterùm cùm Johannes Chrisologi Prædecessor diem obiit, Ravennatem Ecclesiam Metropolitanico jure gavisam, & novi Metropolitæ ordinationem ad Romanum Pontificem spectasse, ostendunt, quæ prolixo sermone Agnellus ipse (ex quo alii Historiam describere) de Chrisologi ad Episcopatum divina, mirabilique vocatione, narrat. Cùm enim Plebs, & Clerus ex Ravenna:

vennatis Ecclesiæ gremio Johannis Successorem elegissent, Romam ad Sixtum ejus nominis tertium ivere, ut ille juxta electionis Decretum Electum consecraret. Pontifex verò Petri Apostolorum Principis, & D. Apollinaris visione monitus, cum Petrum Episcopi Forocorneliensis, qui aderat, Diaconum, Plebi, Cleroque Ravennatem Episcopum ordinandum renuntiasset, turbæ, & jurgia exorta sunt. Negabant id fieri posse Ravennates, non modò quia Petrus Clero Ravennati adscriptus minimè fuerat, sed etià, quòd Forocorneliensis Ecclesia Ravennati subijciebatur. Agnellus rem narraturus his exorditur. *Igitur Carissimi illud, quod residuum est de Chrisologo Vita in medium proferamus, & inquiremus quomodo, aut qualiter in tali orthodoxa Sede non ex propriis Oribus, sed ex subjecta Corneliense Ecclesia, Ravennates Cives, Pontificem ordinauerunt.* Ubi verò Sixtus narratur agnito inter plures Chrisologo, quem Petrus Apostolus, & Apollinaris præmonstraverant, de ejusdem ordinatione à Numine imperata Clerum, Populumque Ravennatem monuisse, fertur hosce indignatione actos restitisse, & clamasse; *tollite, tollite eum de medio*

non recipimus, quia de subiecta Ecclesia non licet in maiorem transferre. Itaque si Agnello fides (quæ cur in his adhibenda non sit minimè video) Ravennas Ecclesia ex veteri, & primæva origine Romano Pontifici immediatè parebat, ad quem de more Clerus proindè, Populusque venerunt; ut Joannis Successor electus consecraretur, & Petrus cognomento Chirilologus primus non fuit, qui Metropolitico honore fulgeret, cum Forocorneliensis Episcopus Ravennati antea subderetur, & Petrus ipse Cle-
ro Ecclesiæ, Ravennati subiectæ adscriptus
esset. Primus itaque Ravennas Metropolita fuit Johannes Angeloptes, primus, qui uti Metropolita Episcopos ordinaverit, Petrus Chirilologus, à quo initiatos scimus Marcellinum Vicohabentinum, & Projectum Corneliensem Episcopos.

VII. Nec de Suffraganeorum ordinationibus à Ravennatibus Metropolitis peractis dubitare potest, nisi qui in re perspectissima, volens, consultòque cespitet. Quare mirari satis nequeo eruditissimum veteris, novæque Ecclesiasticæ Disciplinæ Enarratorem, laudatissimi ejus Operis par. 2. lib. 2. cap. 18. nu. 10. sentire, Episcopum Romanum

num, Episcoporum Ravennati Metropolitæ subjectorum ordinationes sibi reservasse, ex eo quòd Gregorius Magnus cum Ariminensis Episcopus ob capitis infirmitatem, Episcopatum in suas manus resignasset, Metropolitæ Ravennati scripto præcepisset, ut electionem novi Præfulis examinaret, & si quidè Is eo munere dignus inveniretur, ad se cum Decreti pagina, & ejusdem Metropolitæ Ravennatis Epistola, mitteretur consecrandus Romæ. Ex quibus hæc elicit Virexinius. *Ubi perspicis alibi electum, alibi à Metropolitano suo confirmatum Episcopum, Romæ ordinari à Papa, seu Patriarcha debuisse, quòd ex Canone Nicæno ea esset Patriarcharum prærogativa, ea Romani Præfulis, ut in suburbicariis Regionibus, singulos etiàm Episcopos, & aliis obnoxios Metropolitans ordinaret.* Verùm nullo modò hæc consequuntur. Ariminum nunquàm Metropolitæ Ravennati paruit. Specialis ea Romani Pontificis delegatio est, qua in Episcopi Ecclesiæ Ariminensis, sibi ut Metropolitæ subditæ electionem, Metropolitæ Ravennati inquiri debere præcipit, qui referat, Electumque Romæ ordinandum ad se mittat. Gregorius ipse lib.6.Ep.39. Ma-

riniano eidem Ravennati, cui delegaverat Ariminensis electionem, de Corneliensi Episcopo in Lapsi locum sufficiendo, & ordinando, hæc habet; *Fraternitatis vestre Epistola nuntiante comperimus Corneliensis Ecclesie filios assidua supplicatione in loco lapsi quondam Episcopi sui consecrandum sibi à vobis poscere Sacerdotem.* Præterea nec Ravenna, nec Ravennati Ecclesie subiectæ Ecclesie suburbicariis Regionibus adscribi possunt. Ravenna etenim, quæ antè Arcadii, & Honorii ætatem Piceni Annonarii Caput habebatur, circà annum 399. Æmilie, & Italiæ strictius vocatæ conjuncta fuerat ex Cronii veteri Inscriptione apud Gruterum pag. 399. Eminentissimo Norisio relata Dissert. de V. Synodo cap. 10. Ad Italiam itaque Ravenna, cum suis Ecclesiis, non ad Suburbicarias, ad regiones videlicet Vicario Urbis parentes, spectavit, cum in Metropolim erecta fuit; Ariminum verò ad Picenum Annonarium, licet & Annonarium Picenum ab aliis Provinciis in civili forma discerneretur, quæ per ea tempora Metropolis Romanæ Provinciam efficiebant. Jus autem illud quod ex nicæno Canone fluxisse prætenditur, quo Patriarcha Metropolitanorum sus-
fraga-

fraganeos Episcopos ordinasse dicitur, nunquam in Italia obtinuit, Ravennas enim, Mediolanensis, & Aquilejensis Metropolitæ suos sibi subditos Episcopos consecraverunt. Ex quo confirmatur collatum, non Patriarchale, sed Metropolitanum Jus in sexto Nicæno Canone, ex Ruffini mente, uti in superioribus dicebamus.

VIII. Ravennatis igitur Ecclesiæ in Metropolim erectio recentior multò est, quam crediderit Rubeus, cæterique, qui Rubeum, exscripsere. Quæ ab eo allegantur, ut probet ab Apostolorum usque ætate Ravennam Metropolim Ecclesiasticam extitisse, concidunt ex usque modò discussis, quæque his defunt legenda prostant apud Eminentissimum Norisium laudata Dissert. de V. Synodo, citato capite. Unum est, quod primo intuitu rem pro Ravennate antiquiori Metropolitico jure pugnare videtur, meque cum aliquandò penè in transversum ageret, fecit ut rem attentius pensitarem, licet à nullo, quòd sciam Ravennatis vetustissimi Metropolitici juris Propugnatore, observatum sciam. Gelasius Magni Nominis Pontifex Romanus, qui quinquaginta fere annis post Petri Chrisologi ætatem sedit Epist. 13. quæ

ad Episcopos Dardaniæ inscribitur, irridens Acacii Constantinopolitani Episcopi prædefuncti audaciam, & Græcorum præfractam frontem, qui quam ille Sedis Constantinopolitanæ supra cæteras eminentiam prætendebat, ex eo defendi contendebant, quòd ille ejus Civitatis Episcopus fuisset, quæ Augusti Throno decorabatur, hæc ait; *risimus, quòd prærogativam volunt Acacio comparari, quia Episcopus fuerit Regiæ Civitatis. Nunquid apud Ravennam apud Mediolanum, apud Sirmium, apud Treviros, multis temporibus non constitit Imperator? Nunquid harum Urbium Sacerdotes ultra mensuram sibi met antiquitus deputatam quidpiam suis dignitatibus usurparunt? Porro cum indubium revocari minimè possit, quòd Gelasio summo Pontifice Romæ sedente, Præsul Ravennas Metropolita fuerit, reliquum esse videtur, ut ex Gelasii ejusdem testimonio, non tunc cæperit Metropolitanum Jus in Ravennate Ecclesia, cum Urbs illa Regia Augustorum Sedes evasit, sed eodem loco steterit, quòd antea fuerat, nec ultra mensuram sibi antiquitus deputatam quidpiam suis dignitatibus usurpaverit. Certè Gelasii testimonium omni exceptione majus est, cum*

tùm quòd floruerit pavlò post ea tempora, quibus Ecclesiæ Ravennati Metropolitani- cum Jus collatum fuisse diximus, tùm quòd præsumi debeat, rem hujusmodi doctissimo Romano Pontifici, Jurium Ecclesiastico- rum scientissimo, benè perspectam.

IX. Tanta nihilòminus sunt, adeoque clara, quæ probant seriùs, quàm in cætero Occi- denti, in Italia Jus Metropolitanum inve- ctum, tanta, ex quibus evidentèr liquet, de hujusmodi jure recentius Ravennati Eccle- siæ collato, constetque Ecclesias nonnullas, ut Forocorneliensis, Ambrosio vivente Me- diolanensi Episcopo paruisse, & Petri Chri- sologi, imò ejus electionis tempore, intèr Ra- vennæ subditas numeratas, ut obvio eo sen- su, quem præferunt Gelasii verba, eadem in- telligi minimè posse, certum sit. Re itaque seriò perpenſa, Gelasium id solùm intendis- se reor, quod argumentum ferebat, videli- cèt nil accedere Juris, quo in alios dominan- tur, Episcopis quibuslibet, ex eo quòd quan- dòque Augusti apud eorum Civitatem rese- derint, sed Jura Ecclesiastica ab Ecclesiæ au- ctoritate pendere. Negat propterea quid- quam Ecclesiastici Juris accessisse Episco- pis Ravennæ, Mediolani, Sirmii, Treviro-

rum, ex eo præcisè, quòd apud illas Urbes multo tempore degerint Imperatores, atque ob eam Imperatorum moram earundem Urbium Præsules, *ultrà mensuram sibi antiquitùs deputatam nil suis dignitatibus usurpasse*; minimè verò negat aliundè, ex legitima scilicèt Ecclesiæ potestate, potuisse Jus augeri earundem Ecclesiarum, eo etiam intuitu, quòd Imperatorum ibi Sedes extasset. Gelasii itàque verba ferunt quod Patrum, & Synodorum sanior, & communior sensus tulit, Ecclesiastica videlicèt Jura nullo modo à seculari potestate pendere, vel primarum Ecclesiarum decus, primarum Civitatum decori acceptum referri debere, sed id totum à Canonum præscripto, & à supremo Petri arbitrio effici, ac disponi, prout rerum, temporumque circumstantiis congruere dignoscitur. Quare consequitur Ravennæ, Mediolani, Sirmii, Trevirorum, Episcopos, & cæteros quoslibet, dignitatum suarum antiquitùs deputatæ mensuræ si quid additum est, non illud usurpasse, quòd ibi Imperatores, quandòque degerint, sed legitimè ex Petri auctoritate, salvo Canonum præscripto, habuisse. Et ità quidè Gelasii Verba intelligenda arbitror, quæ proin-

proindè efficiunt minùs curatè, nec præcedentibus cohærens à summo Viro de Metropolitani Ravennatis Juris initiis scriptum; illud videlicèt aquisitum *ea prorsùs ratione, qua Sedes Constantinopolitana ob Imperiale Thronum Patriarchalia Fura usurpavit, ac tandèm pacificè tenuit.* Oppositum enim ait Pontifex, & testatur ob Imperatoris Thronum, nil suprà veterem dignitatis suæ mensuram, Ravennates Præsules usurpasse.

- X. Et hæc quidèm in proposito argumento scribenda habui: cætera enlm, quæ ad Ravennatem Ecclesiam pertinent à clarissimorum Virorum lucubrationibus petenda sunt, & si quid novi hic deest, suo aptè loco ad Agnelli Pontificale observatum est. Mihi nunc in Metropolitani ejus Ecclesiæ Juris originem inquirere, tantùm mens fuit. Id me in ingens sanè pelagus traxit, coëgitque Quæstionem implicatissimam pertractare. An quid boni ex hocce minuto, levidensique opere elici possit, ingenuorum, eorumque, qui veritatem sectantur, esto judicium. Illud me, & ad scribendum movit, & scribenti mihi solatio fuit, quòd sanctissimorum Ecclesiæ temporum monumenta intimiùs

inspici nequeant, quin animus, mensque tota summo gaudio, ingentique voluptate afficiatur; dum Scribentis ea est felicitas, ut sibi longissimè posito videatur veteris Ecclesiæ faciem pulcherrimam conspicerere, fruique veteris Disciplinæ simplicitate. Id unum itaque cum intenderim, genio videlicet, mihi que vacare, nec gloriæ, commodisque captandis scripserim, studiave quævis sectatus sim, cum etiam minimè ausus fuerim aliena carpere, me in rerum difficilimarum Magistrum erigere, qui benè noverim, quam sit mihi curta supellex; bonam spem foveo futurum fore, ut res benè vertat, licet non omnia mihi probata, omnibus probentur, nec aliorum dissensum, fini, quem mihi scribens præscripsi obfuturum. Interim quod alter minùs fortasse ex animi sensu scripsit (Cassaub. Epist. 113.) ipse verissimè, sanctissimeque testor, ajoque:

NOS II SUMUS, QUI NOSTRA REFELLI
A' DOCTIS, ET MODESTIS VIRIS
ÆQUISSIMO ANIMO FERAMUS.

F I N I S.

IN-



INDEX MATERIARUM

A

- A** *Citā S. Syri baudi juuunt Mesitolanensem eractridem de S. Barnaba Ecclesiam illam fundante pag. 343. Nec Acta S. S. Faustini, & Jovite.* 344.
- Adrianus V. Hadrianus.*
- Æchmalot archa, suæ Peioræ, Cupitvitatis.* 175.
- Ægyptus Africa perperam ascribitur.* 149.
- Ægypti Ecclesiasticæ fines iudem antiqui & Constantiniani.* 186.
- Ægyptiis Jus Buleutarum à Severo datum.* 75.
- Ægyptiis Jus euidende Monetæ, quando datum?* 79.
- Ægypti ingressus Patritius interdictus. Item Equitibus Illustribus.* 64.
- Ægypti Magistratus Indigenarum nulli ante Severum? quousque duraverint?* 76. 64.
- Ægypti veteres Nomi.* 68.
- Ægypti nullus præter Alexandrinum Episcopus per plures annos.* 250.
- Ægypti Præfecturæ fines.* 64.
- Ægypti Præfectus Proprætoribus, & Proconsulibus inferior.* 63.
- Ægypti Provinciæ recentiores.* 68.
- Ægyptiacarum Provinciarum Metropolitæ tales, nomine tenus.* 260.
- Ægyptiæ Provinciæ, vetus speciale regimen.* 70.
- Africana Ecclesia Occidentalium antiquissima, quæ sobolelem*

<i>lem genuerit.</i>	315.
<i>Africana Ecclesie Hierarchy.</i>	316.
<i>Agabi Prophetia, quo anno fuerit?</i>	203.
<i>Agnelli de Ravennatis Metropolis initium verba.</i>	327.
<i>Alabarcha Aegypti. 67. An idem cum Etnarcha Judaeorum?</i>	170.
<i>Altiarcha Antiochenus quandò nam fieri cepit?</i>	311.
<i>Alexandriae celebritas unde?</i>	81.
<i>Alexandriae Iudei frequentissimi.</i>	87.
<i>Alexandrina Ecclesia prae ceteris judaizavit.</i>	246.
<i>Alexandrina Ecclesia cur Antiochena illustrior?</i>	226.
<i>Alexandrinae, & Romanae Ecclesiae comparatio ex sexto Nicæno Canone.</i>	365.
<i>Antiochia an Praetoris Sedes?</i>	51.
<i>Antiochia Metropolis.</i>	42.
<i>Antiochia celebritas unde?</i>	83.
<i>Antiochia Iudei frequentes.</i>	91.
<i>Antiochena Ecclesia cur ante Alexandrinam fundata?</i>	226.
<i>Antiochena Ecclesia circumpositarum prima ex Judaica disciplina.</i>	242.
<i>Antiochena Ecclesia duodecimo ab Ascensione anno fundata.</i>	197.
<i>Antiochene Diocesis plures Metropolitae ordinabant suo arbitratu.</i>	364.
<i>Antoninus Pius an in Aegyptum jerit?</i>	78.
<i>Apollo Christianus judaizans.</i>	246.
<i>Apollonii traditio defensa.</i>	195.
<i>Apostolicarum Ecclesiarum triplex genus.</i>	315.
<i>Apostolica prima periodo nulla Gentilium habita est ratio.</i>	217.
<i>Apostolicorum temporum tres Periodi.</i>	189.
<i>Apostoli post Hierosolymitanam Synodum Judaica observarunt.</i>	251.
<i>Aquilejensis Metropolis initia indicata.</i>	348.
<i>Aretas Damascanorum Rex.</i>	37.
<i>Asiae proconsularis Civitates inter se collatae.</i>	33.

Asiae

<i>Asie proconsularis per Conventus descriptio.</i>	32.
<i>Asie Conventus cum Ecclesiis Apocalypseos collati.</i>	257.
<i>Asie proconsularis Diœceses Plinio numeratæ.</i>	257.
<i>Asiarchæ an plures?</i>	311.
<i>Asiarchæ, Syriarchæ, &c. quid?</i>	310. <i>Anteorum exemplo</i>
<i>Metropolitanos constituerint Apostoli?</i>	310.
<i>Assumendi iure Gentilibus restitute.</i>	132.

B

<i>Babylon Regionis non Urbis nomen.</i>	180.
<i>Babylone quo loco essent Judæorum res Apostolorum.</i>	89.
<i>S. Barnabas an Mediolanensem Ecclesiam fundaverit?</i>	341.
<i>Byzantii Archontes.</i>	308.
<i>Byzantium Perinto illustrior Urbs antè Severum.</i>	305.

C

<i>Cæcilius Capella Byzantii Præses.</i>	306.
<i>Ceremonialia, & judicialia Legis veteris comparata.</i>	216.
<i>Ceremonialia Apostolis observata.</i>	223.
<i>Cæsarea Palestine quandònam Metropolis?</i>	146.
<i>Cæsar Gentilium Episcopus.</i>	267.
<i>Canonum Collectores quid significant per Ecclesias in iis?</i>	372.
<i>Cathedra Moysis quid?</i>	113.
<i>Cborepiscopi ab Orientali in Occidentalem Ecclesiam derivati.</i>	273.
<i>Christiani ex Circumcisione Ebionæi dicti apud Judæos.</i>	275.
<i>Christianum nomen exortum cum Antiocbena Ecclesia est fundata.</i>	206.
<i>Chronicon Paschale interpolatum.</i>	209.
<i>Claudii Edictum, pro Judæis originem primarum Ecclesiarum indicat.</i>	228.
<i>Claudii Edictum pro Judæis Ægyptiis in primis.</i>	179.
<i>Coëranus primus Ægyptius Senator, & Consul.</i>	80.
<i>Comagenes Syriæ facta.</i>	36.

Constanti.

Constantinopolitani Episcopi ex traditione Ecclesiastica	
ambitioni praesidia quaerunt.	303.
Conventus Cybiriticus sive Laodiceae	20.
Conventuum Provincialium distributio.	20.
Conventus Provinciales à Praeside peracti.	21.
Conventibus peragendis viae stratae.	21.
Conventuum prerogativa quomodo evanuerit?	26.
Conventuum Urbis, Metropoles dictae.	60.
Corinthi Synedrium Achajae.	254.
Cyprus Senatus Provincia. 435. independens à Praetorio	
et Antiochiae.	234.
Cypri, Pissidiae, Licaoniae Ecclesiae, Antiochenam primam	
agnovere.	247.
Cyrene Africae pari.	69.

D

Dalmatia, an ad Illyricum spectaverit?	281.
Dalmatia quomodo à Regno differat?	107.
Dioceses, & Provinciae quid in veteri quid in recentiori Im-	
perit forma?	17.
Disciplinae Hierarchicae progressus post Apostolorum eta-	
tem.	285.

E

Ecclesia in Actuum Apostolicorum libro quid?	300.
Ecclesiae plurae intra terram Hierosolymitanam subje-	
ctae.	210.
Emisa Syria an Metropolis?	35.
Epbesus prima Metropolis.	35.
Epbesi Synedrium Provinciale.	256.
Epbesi quae frequentia d'gerent Iudaei?	94.
Episcoporum ordinatio tribus Episcopis peracta ex Synago-	
gae disciplina.	221.
Episcoporum, Praebiterorum, Diaconorum nomina promif-	
que usurpata.	260.
Ethnarcha Alexandrini.	169.

F

- Fames ab Agabo prædicta ad quem Claudii annum spectet?* 203.
Flamines, Archiflamine, Primiflamine an extiterint? 308.

G

- Gallia Cisalpina ante Constantinum, Italia stricta acceptione minime vocata.* 334.
Gelasii Papæ Epist. 13. explicatus locus. 390.
Gregorii Nazianzeni Votum explicatum. 299.

H

- Hadrianus Phœniciam à Syria Antiochena separat.* 33.
Herodiadum Regnum. 36.
Hierapolis recentior Ecclesiastica Metropolis. 307.
Hierusalem Judæorum Metropolis. 136.
Hierusalem perunia undique à Judæis dispersis collata. 136.
Hierosolymis an traditio de Paschate Dominico Die celebrando manare potuerit? 272.
Hierosolymitana Ecclesia prima omnium Metropolitana. 219.
Hierosolymitana Ecclesia ex solis Judæis credentibus. 219.
Hierosolymitana Ecclesia ex solis Judæis usque ad postremum Urbis excidium. 233.

I

- Illyrici Conventus tres.* 282. *Ejusdem finis antiqui.* 284.
Illyrici recentioris descriptio. 284.
Innocentii I. Locus de conventu Antiochæno explicatus. 207.
Jobannis Angeloptis Ravennatis Episcopi ætas. 378.
Jobannes Angeloptes primus Ravennæ Metropolitæ; Petrus Cbrifologus primus Episcopus ordinat. 388.
Italiæ multiplex acceptio. 319. 329.
Italiæ nomine, an semper intellectæ Regiones Vicario Italiæ. 319.

lie subiectæ?	330.
Italie Provincie, an singule Metropolitam habuerint?	318.
Italie ahi à natura, alii à Jure Romano fines.	319.
Italie, quæ veteribus Gallia Cisalpina, Conventus.	320.
Italia Transpadana.	320.
Italia in XI. Regiones ab <u>Augusto</u> divisæ.	322.
Italie Mæcenæ Præfectus.	322.
Italia ab Hadriano quatuor Consularibus commissa.	323.
Italie an Corrector unus?	323.
Italie Metropolitæ potestas non adempta, sed avêta à Romanis Pontificibus.	351.
Italie Vicarii duo.	324.
Judei per Orbem dispersi.	86. 93.
Judei an in Hispania fuerint Paulo prædicante?	97.
Judeorum Respublica in quibus vices passa sit?	104.
Judaicæ Reipublicæ forma, an duraverit in Captivitatibus?	127.
Judeorum Jus an Principibus Ethnicis acceptum referri debuerit?	128.
Judeorum Jus an exfœderata disciplina fluxerit?	128.
Judei quid Principibus Ethnicis acceptum referro debuerint?	128.
Judeorum in Captivitate jura.	133.
Judei Credentes quousquæ Legalia obscuraverint?	223.
Judei Credentes extra Terram cur Electi advenæ dispersionis dicantur?	253.
Judei primum, inde Gentilibus Evangelium annuntiatum.	235.
Judeorum Senatus Alexandrie.	173.
Judeis Jus Civitatis Alexandrie datum.	173.
Judeorum Senatum Alexandrinum, ipsum <u>Synedrion</u> Provinciale,	173.
Judeorum res prostratæ Babylone.	90.
Judeorum Ethnarca an Antiochie?	182.
Judei Antiochie illustres.	183.
Judei Asiatici unde venerint?	185.
Judei Galilei secta.	130.

Jus Regis quodnam?

L

- Laodicea, & Colossæ collatæ.* 238.
Laodicea ad Mare an Metropolis? 55. ex conjectura Con-
 ventus. 61.
Launoy Sententia de Sexti Canonis Nicæni sensu. 359.
Legatus Proprætor, cum Procuratoribus collatus. 46.
Lucilius Capito Asiæ Procurator punitus. 45.
Lugdunensis Ecclesia. 316.
Libya Mareotis Africæ pars. 69.

M

- Macedoniæ quatuor Conventus.* 282.
*Macedonia, Achaja, Ellas, minime Illyricum compone-
 bant.* 282.
Majestatis Jus in Petro, & Apostolis. 214.
*S. Marcus quandam Evangelium conscripserit, & Ale-
 xandrinam Ecclesiam fundaverit?* 243.
Mediolani, & Aquilejæ Curia. 324.
*Mediolanensium Episcoporum series, & Chronologia incer-
 ta.* 339.
*Mediolanensis Synodus an potuerit cogi Cornelio Romano
 Pontifice sedente?* 339.
Meletii Schisma Alexandrini Episcopi Jus lædens. 361.
Metrophane primus Byzantii Episcopus. 305.
Metropolis Provinciarum unde cæperint? 28.
Metropolis, honoris, non Jurisdictionis nomen. 29.
Moyse an Rex; an Sacerdos? 101.

N

- Nicænæ Synodi sextus Canon explicatus.* 333.
*Nicæna Synodus nil de conformanda Ecclesiæ disciplina
 civili politicæ.* 293.

O

- Occidentalis, & Orientalis Ecclesiæ disciplina diversa.* 276.
Occident.

<i>Occidentalis ab Orientali Ecclesia dissimilis.</i>	270.
<i>Occidentis Ecclesie unam Romanam Metropolim agnovere.</i>	262.
<i>Occidentis Ecclesie diversa methodo ab Orientalibus fundata.</i>	264.
<i>Occidentis Episcopi ordinati non certæ Gentis.</i>	266.
<i>Occidentis Metropoles undè cæperint.</i>	213.
<i>Orientis, & Occidentis Ecclesiastica distinctio undè?</i>	267.
<i>Orientis, & Occidentis politica distinctio antiquissima, quæ?</i>	268.
<i>Orientis Præfectus Prætorio.</i>	36.

P

<i>Paphum Plinius primo loco inter Cypri Urbes recenset.</i>	236.
<i>Paschatis controversie Asiaticarum Ecclesiarum Ludaimi indicium.</i>	259.
<i>S. Paulus, & Barnabas missi ad Antiochenam Ecclesiam.</i>	234.
<i>Ecclesias fundant.</i>	239.
<i>Paulus evangelizans Judæum segerit.</i>	240.
<i>Paulus Ecclesias in Asia, Evropaque fundat ubi Judæi frequentes.</i>	252.
<i>Perinthus, sive Heraclea Thracie Metropolis.</i>	305.
<i>S. Petri <u>Chrisologi</u> ætas.</i>	388.
<i>S. Petri iter Romam.</i>	194.
<i>S. Petri Epistola in Babylone Parthica scribi non potuit.</i>	182.
<i>Politie Imperii, quando cæperit Ecclesiastica conformari?</i>	291.
<i>Politia Ecclesiastica à civili dissimilis.</i>	299.
<i>Pontificis Hebreorum Vicarius.</i>	211.
<i>Præfectus Augustalis, ejusque dignitas.</i>	62.
<i>an Proprætoribus, & Proconsulibus preferendus.</i>	63.
<i>Primates Synedriorum.</i>	165.
<i>Idem, ac Didascali.</i>	167.
<i>Primæ titulus Civitatis quibusdam tributus, an Ludæorum Primatum significaverit?</i>	30.
<i>Primæ Ecclesie ubi Gentiles Judæis accessere ex Judæorum Disciplina singulis in tractibus constitutæ.</i>	233.
<i>Princeps</i>	

- Princeps Synedrî Magnicum Pontifice collatus.* 165.
Procuratorum Cæsaris potestas. 45. *Privilegia.* 46.
Provinciarum ratio ab Augusto immutata. 22. *Aliæ Augusti, aliæ Senatus ibid.*
Psalmodiæ Origo ex Hierosolimitana Ecclesia judaizante. 174.

R

- Ravennæ Metropolitæ suos Suffraganos ordinavit.* 390.
Ravennatis Metropolis Initia. 385.
Reges Judæorum ex Gentium exemplo. 110.
Reges Syriæ, quando Proprætori adjungi tenebantur? 43.
Reges Syriæ qua jurisdictione pollerent? 40.
Reges Judæorum post Aristobulum an à Synedrîo penderent, & à Pontifice? 119.
Regnum Sacerdotale Judæorum quid? 102. ad Ecclesiam translatum. 212.
Regnum Christi non esse de hoc Mundo, quomodo intelligi debeat? 217.
Republica Judæorum à Gentilium Rebus publicis secernenda. 102.
Roma Unitatis Ecclesiasticæ aptissima Sedes. 262.
Romæ Primatus ex Judaica convenientia. 262.
Romæ cur Petrus potius, quàm alibi Sedem fundaverit? 191. 262.
Romæ Judæi frequentes. 96.
Romæ Ecclesiæ Primatus. 288.
Ruffini in Canone Nicæno explicando obscuritas unde? 369.

S

- Sabbati Jejunium Orientalibus exequatum.* 274.
Salaminæ Judæi frequentes. 236.
Samosata Comagenæ Metropolis. 56.
Sceptrum, & Dux in Republica Hebræorum. 115.
Senior, in Provincia Metropolitæ in Africana Ecclesia & in Pontica Diœcesi. 304.
Sergius Paulus Cypri Proconsul. 235.
Sidon an Metropolis? 56.

Simon

<i>Simon Galileus Sectarius inter Judeos.</i>	131.
<i>Simoni Machabæo que potestas tradita?</i>	121.
<i>Smyrne Encomium ex Aristide.</i>	35.
<i>Synedrium Magnum omnis Judaicæ potestatis Apex.</i>	154.
<i>Synedrii XXIII. potestas.</i>	153.
<i>Synedrii III. potestas.</i>	153.
<i>Synedria intra Terram in qualibet Urbe constituta.</i>	153.
<i>Synedria extra Terram in singulis Tractibus.</i>	156.
<i>Synedrium Magnum Judææ, tanquàm speciali Provinciæ præerat.</i>	156.
<i>Synedrium de quibus criminibus cognoscebat Apostolica Ætate?</i>	144.
<i>Synedrio an Jus Vitæ, necisque fuerit Christo moriente.</i>	144.
<i>Synedria Provincialia Paulo indicata.</i>	254.
<i>Synodus Antiochena ex quadam convenientia Ecclesiasticam politiam civili conformandam edicit.</i>	294.
<i>Synodi Antiochenæ Canon IX. explicatus.</i>	373.
<i>Synodus Chalcedonenfis quid circa conformationem Metropolitani civilis politie statuerit?</i>	297.
<i>Synodus Italica in Causa Novatiani an diversæ à Romana?</i>	337.
<i>Synodus Italica, & Romana an unumferi cæperint Aureliano imperante?</i>	348.
<i>Synodi Nicænæ sextus Canon explicatus.</i>	352.
<i>Syriæ divisio in quatuor partes.</i>	56.
<i>Syriæ Proprætor.</i>	36.
<i>Syriæ vices.</i>	36.
<i>Syriæ Proprætoris Jurisdicctio.</i>	57.
<i>Syria an aliquando in Conventus distincta?</i>	59.
<i>Synagogæ Judæorum Ecclesiarum fundandarum normæ loco minimè esse potuerunt.</i>	260.
<i>Synagogæ à Synedriis distinctæ.</i>	166.

T

<i>Thessalonica Apostolorum temporibus baud Illyrici Metropolis.</i>	282.
<i>Tributum Cæsari solvendum, & cur?</i>	129.
<i>Tripolis.</i>	

T ripo-

Tripolis Phœniæ Conventus.

Tyris Metropolis. 51. an prima ex Nummo Mediceo? ibid.

V

Valentiniani III. spurium Privilegium ab Agnelliano dis-
versum, sed & hoc fictitium. 383.

Vicarii Apostolici, res Pontificis nomine gerebant. 366.

Vicarii Italie Jurisdictioni, incongruè Mediolanensi Epi-
scopi Jus comparatum. 325.

Unitas Ecclesiæ totius Christi Domini Votum. 261.

Unitas Ecclesiæ ex Judæis & ex Gentilibus congregatæ 261.

Unitatis Judaicæ, Hierusalem centrum; inepta priori

Unitati Christi intentæ. 261. Roma una eidem apta. 261.

Urbicarie Regionis, quando primum nuncupatæ? 328.



Sphalmata graviora *Corrige.*

Pag. 134. lin. 25. existimavit — existimavit quisque

Pag. 171. lin. 20. qui vel — vel in.

lin. 23. vel Josephum — vel in Josephum

Pag. 241. lin. 6. disceserant — disceserat

Pag. 265. lin. 16. poterant — poterat

Pag. 301. lin. 3. Orientalis — Occidentalis

*Reliqua æquus Lector facile agnoscat,
& emendabit.*



5.2.68.

5.265



